


電子版



史部



翰林記

迪志文化出版有限公司 出版
迪志文化出版有限公司爲宜高科技集團成員

《文淵閣四庫全書電子書：翰林記》

出版：迪志文化出版有限公司
地址：香港中環皇后大道中99號中環中心29樓
電話：(+852) 2735 1263
傳真：(+852) 2730 8686
網址：<http://www.dheritage.com>
電郵：dvm.customer@dvm.com.hk
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽迪志電子書坊。

網址：<http://www.digiebooks.com>

欽定四庫全書

史部十二

翰林記

職官類一官制之屬

提要

臣等謹案翰林記二十卷原本不著撰人名氏專載有明一代翰林掌故始自洪武迄於正德嘉靖間每事各有標目凡二百二十六條本末賅具首尾貫穿叙次頗為詳悉如所紀殿閣卿寺轉銜與明會典諸書互有同異

欽定四庫全書

翰林記

又會議繕寫諸條制度甚詳均足以備考核其七十八兩卷具列館閣題名尤足以見一代人材升降之概案明史藝文志載黃佐有翰林記二十卷而廖道南殿閣詞林記序有與秦泉黃佐纂翰林雜記之語則是書為出佐手無疑蓋道南與佐同年進士又同在詞垣故九卷以後多採佐書以足成之而以此本互相檢核則其文不盡相合蓋道南又

有所照竄惟此為佐原本較為完贍以繼李肇程俱陳騭王士點諸人所作而唐宋以來詞林故事乃畧備矣佐字才伯香山人正德辛巳進士改庶吉士授編修歷官詹事府少詹事謚文裕事蹟具明史文苑傳所著有樂典諸書俱別著錄云乾隆四十三年九月恭校上

欽定四庫全書

翰林記

總纂官臣紀昀臣陸錫熊臣孫士毅

總校官臣陸費墀

欽定四庫全書

翰林記卷一

明 黃佐 撰

官制因革

聖祖高皇帝定天下之初首闡人文建翰林院吳元年五月己亥設本院學士正三品侍講學士正四品直學士正五品修撰典簿正七品編修正八品洪武二年正月戊申定本院學士承旨正三品學士從三品侍講學士正四品侍讀學士從四品

欽定四庫全書

翰林記

直學士正五品典簿正七品屬官待制從五品修撰正六品應奉正七品編修正八品典籍從八品九年閏九月癸巳詔定百官品級承旨與六部尚書俱正三品學士從三品侍講學士從四品十三年八月己卯增設檢閱從九品十四年五月癸未改正五品衙門設學士一人侍講學士二人侍讀學士二人孔目一人屬官侍講二人侍讀二人五經博士五人典籍二人侍書二人侍詔六人史官修撰三人編

修四人檢討四人革承旨直學士待制應奉檢閱典簿十八年三月丁丑命吏部定正官學士一人正五品侍讀學士侍講學士各二人從五品首領官孔目一人未入流屬官侍讀侍講各二人正六品五經博士五人正八品典籍二人從八品侍書二人正九品侍詔六人從九品史官修撰三人從六品編修四人正七品檢討四人從七品又定華蓋殿武英殿文華殿文淵閣東閣設大學士各一人俱正五品班在本院學士上其後簡用取自上裁官無定員而侍讀先侍講則始於此革除年間更易官制仍設正官學士承旨一員在學士之上改侍讀學士侍講學士俱為文學博士設文翰文史二館文翰館以居侍讀侍講侍書五經博士典籍侍詔其侍書陞正七品文史館以居修撰編修檢討孔目為典簿創置典簿廳而革中書舍人改為侍書以隸翰林又增設文淵閣侍詔及拾遺補闕等官永樂初皆復舊制即洪武十八年所定者也尋命編修等官於文淵閣參

欽定四庫全書

翰林記

預機務謂之內閣漸陞至學士及詹事府諸職洪熙元年以輔導任重加陞至師保及尚書侍郎卿使仍兼學士大學士自後因之或止以侍讀等官入預閣事其入閣者雖登穹秩朝旨公移止稱翰林院焉永樂七年以順天府為北京本院官扈從者稱行在翰林院後定北京為京師遂革行在之稱既建今衙門遂以舊署之在留都者為南京翰林院其南京翰林院止設學士一員掌之遇有員缺從內閣推舉其後侍講以上官皆得往掌院事

欽定四庫全書

翰林記

三

列銜

凡列銜學士正五品初授奉議大夫陞授奉政大夫勲曰修正庶尹侍讀學士侍講學士從五品初授奉訓大夫陞授奉直大夫勲曰協正庶尹侍讀侍講正六品初授承直郎陞授承德郎修撰從六品初授承務郎陞授儒林郎編修正七品初授承事郎陞授文林郎檢討從七品初授從仕郎陞授徵仕郎五經博士正八品初授

迪功郎陞授修職郎典籍從八品初授迪功佐郎陞授修職佐郎侍書正九品初授將仕郎陞授登仕郎待詔從九品初授將仕佐郎陞授登仕佐郎凡給授之時本院行吏部該司開報奏聞每僉押卷啓止書職名以品級為次序惟纂修及進呈書籍試錄等始書散官勲階凡書必繫於職名之下者以所職乃宸翰國史示有尊也若以他職兼本院官則否

職掌

欽定四庫全書

翰林記

四

學士之職凡贊翊皇猷敷教人文論思獻納修纂制誥書翰等事無所不掌侍讀學士之職凡遇上習讀經史則侍左右以脩顧問帥其屬以從侍講學士之職凡遇上講究經史亦如之侍讀侍講視侍讀學士侍講學士凡入侍其職亦如之五經博士之職掌易者一人掌書者一人掌詩者一人掌春秋者一人掌禮記者一人人各專門明經同異得失究其指歸以脩講讀典籍之職掌四庫書籍守局鑰以伺上命侍書之職明習六書之

法凡遇上習書則侍左右以備考訂點畫音聲待詔之職凡遇上宣問文義以備呼召編摩謄寫等事亦如之史官之職修撰掌撰述編修掌纂輯檢討掌檢閱凡史事俾專掌焉孔目以首領為職掌言語趨走會計簿書之事竊惟國家置本院以來官不必備以待儒學之臣必如所謂明仁義禮樂通古今治亂文章議論可以決疑定策論道經邦者始可以處之故洪武永樂宣德間雖待詔孔目不輕授人凡居是職者咸知自重若遽謂官欽定四庫全書翰林記卷一五



官之意正與成周姬隆非徒遠過唐宋而已

詹事府

洪武初建大本堂延名儒以教皇太子親王此東宮輔導之始也後乃設東宮官屬有同知詹事院事副詹事左右詹事詹事丞左右率府使副使同知左右率府事諭德贊善文學中舍正字侍正洗馬庶子等官皆以勳舊大臣兼之不別設府僚入改贊善為贊善大夫設贊讀洪武三年十二月禮部尚書陶凱請選人專任東宮官屬罷兼領者庶於輔導有所責成上諭以父子一體君臣一心之意遂止十年置通事司令司丞十四年三月丁未設左右司直郎十五年設左右二春坊又設司經局二十二年置詹事院以統屬之二十四年七月丁未改院為府定設詹事一人正三品少詹事二人正四品丞二人正六品首領官主簿一人從七品錄事二人正九品二十九年十一月壬戌增設屬官通事舍人二人從九品其堂上官與本院官互兼職事而凡講讀纂



修考試等事皆與本院同坊局雖各有印然事則詹事府統之南京詹事府今不設官止設主簿一員蓋詹之為義省也給也謂省給太子之家也詹事之職於內外衆務無所不掌少詹事則貳之丞則掌文書以贊之通事舍人掌通謁賓贊禁令之事主簿掌勾稽錄事掌傳遞云

左右春坊

洪武初置春坊以為東宮輔道侍從之臣官無定員十五年四月丙申更定春坊為左右春坊置左春坊大學士一人正五品左庶子一人正五品左諭德一人從五品左中允二人正六品左贊善二人左司直郎二人俱從六品右春坊同二十九年十一月壬戌增設左春坊左清紀郎一人從八品左司諫二人從九品右春坊同亦與本院互兼職事蓋二坊之設猶館閣也大學士綜勸學輔德文翰記注之事庶子掌官中并諸王之適子及支庶版籍行則負璽護駕拜則左右扶掖之諭德掌

欽定四庫全書

翰林記

七

侍從贊諭中允掌侍從禮儀駁正啓奏并監藥理刑贊善掌侍從翊養司直掌彈劾繩糾皆漢唐以來舊制清紀掌伺察司諫掌諫諍過失其設也則自本朝始

司經局

洪武十五年四月丙申置司經局設洗馬二人校書二人正字二人二十三年六月命定司經局隸禮部考唐制言太子司經局洗馬從五品校書正九品正字從九品其餘職官祿各有差本朝祿增多於唐宜從裁減詔自洗馬而下官秩依唐制其俸祿則從本朝二十四年七月丁未定司經局官品秩俱仍其舊按典經局始置自南梁其後隨改司經局唐為桂坊洗馬洗之言先也太子出則前驅導威儀也掌圖籍經史之事校書掌讐校經籍正字掌刊正文字與本院互兼職事正字或中書科兼之

欽定四庫全書

翰林記

八

御製誥詞

國初百官除授各有誥勅循宋制也吳元年授翰林侍



講學士朱升制有曰備顧問於內廷叅密命於翰苑又曰議禮作樂郊廟所資脩已及人國家所尚擢登玉署侍講形闡鳳池兼掌於絲綸麟史仍叅於筆削地天交泰有資翊贊之功雲漢昭回共致文明之治洪武元年正月庚子授翰林學士陶安誥有曰國家之立必有一心之臣尊戴匡輔用能張其紀綱植其表儀正其名位善其辭命基圖以大國家以安又曰開翰苑以崇文治立學士以冠儒英重道尊賢莫先於爾是用擢居宥密欽定四庫全書翰林記卷一 九

位華蓋殿大學士楊士奇等進陞少保本院以士奇等所授誥進呈上取筆親增二語曰勿謂崇高而難入勿以有所從違而或怠顧士奇等曰此實朕心卿其勉之士奇對曰聖德能容臣等敢不勉昔富弼有言願不以同異為喜怒不以喜怒為用舍成湯改過不吝所以為聖人願陛下常以古人為法於戲觀於此則上下之交真若元首股肱相頤而成一體者又聖子神孫萬世之所當鑑也

欽定四庫全書

翰林記

十

御製箴

宣宗章皇帝宣德七年六月賜御制翰林院箴其文曰廷有司言自周則然後世襲用愈密而重策命所出講學所資機務之嚴于度于咨代有賢哲博聞明識克勵翼之用光厥職咨爾儒臣朝夕左右必端乃志必慎乃守啓沃之言惟義與仁堯舜之道邵孟以陳詞尚典實浮薄是戒謀議所屬出於外心存大公罔役于私昔人四禁汝惟勵之獻納論思以匡以益以匹前休欽哉



無數於戲聖言嘉彰萬世守官者之所敬遵也今揭於院之後堂朱髹榜字用金塗之

公署

公署蓋為聽事而設國朝建官以本院為近侍衙門故公署雖在外而僚屬相聚恒在館閣洪武初建翰林院於皇城內學士而下晚朝即宿其中扁之曰詞林其後兼考唐宋制度詔改建於皇城東南宗人府之後詹事府居其次洪武二十六年十月興工至二十七年十月

欽定四庫全書

翰林記
卷一

十二

辛巳告成詔皆賜宴落之今為南京翰林院永樂中行在本院官仍在禁內供奉不別立公署正統七年八月有詔復建於京師長安左門外玉河西岸鑾駕庫之右而東岸則為詹事府馬命中官陳姓者督工踰年落成正堂三間中設大學士侍讀學士侍講學士公座左為史官堂右為講讀堂首領官房在儀門之外之右學士楊濟輩為詩紀其事然同僚相與每常朝畢本院官立東閣前俟大學士至入閣中講讀史官皆序立圍揖而

退五經博士而下揖於閣外出復序立於史館前亦圍揖揖畢各書公會乃入館修書史待宣召日昃而出公署惟履任齋宿始一至若掌印官查公移收放俸糧則蒞院視事按唐制翰林院在銀臺之北後復建東翰林院於金鑾殿之西因曰鑾坡蓋隨乘輿所在而遷取其便耳正廳曰玉堂中設視草臺每草制則具衣冠據臺而坐後以車駕經幸不復如此但存空臺而已玉堂云者出於道家之說李肇翰林志言居翰苑者皆謂凌玉清遡紫霄豈止於登瀛洲哉亦曰登玉堂焉然未有榜至宋太宗乃以紅羅飛白玉堂之署四字賜之今則雖不盡符然私記往往猶曰玉堂視草用故事也

欽定四庫全書

翰林記
卷一

十三

朝房

本院朝房在午門外右第六區每候朝則殿閣大學士本院學士講讀官吏官皆在焉詹事府朝房在午門外右第十八區每候朝則詹事少詹事府丞左右春坊官司經局官皆在焉鼓初嚴各詣左掖棕蓬下序坐俟鼓

終嚴而入其後本院學士候朝亦在詹事府朝房蓋以儕輩相與之慣故也又有外朝房在長安右門外以待漏云

史館

聖祖初建吳國重史事設起居注甲辰年十月以宋濂為之日侍左右紀言動繼濂者王禕樂韶鳳即大位後吳琳魏觀劉李道由明經任郭傳由翰林應奉任范常由直學士任蔣學閻鈍蔣子杰由舉人任熊昂由考功

欽定四庫全書

翰林記
卷一

十三

博士任陳敬由編修任未幾革之洪武十四年九月己丑詔復置起居注秩從七品以儒士單仲祐任焉二十四年詹同猶為起居注其後竟廢令本院史官專之每朝則立班紀事入館則載筆以從書動以為日歷書言以為寶訓永樂中王直在翰林猶從事於記注宣德後寢以廢矣今史館凡十所在東閣之右中藏列聖實錄古今書史每被命修書則本院官日聚集焉常時公會後恒局鑰之無復載筆於其間者成化弘治中臣僚累

建言欲復起居注之舊或欲即命史官記時政於其中如宋朝政房之制皆未舉行夫世之門生故吏於其所尊事者猶編有語錄談記而矧聖明盛德大業煥耀如日星而可以無述乎在洪武時日歷寶訓常勤刪述其舊跡猶有可尋者於戲聖祖之制所當復也

印信

本院印信係銅鑄方二寸四分厚四分五釐九疊篆文其在南京者則加南京二字詹事府亦銅印方二寸七分厚六分左右泰坊司經局銅印制度俱與本院同文淵閣別有印其印銀鑄方一寸七分厚六分其文玉箸篆文也各衙門印皆用於行移中獨內閣印惟機密文宗鈐封進呈御前開拆始用之近世訛傳此印為司禮監所奪甚或形諸章奏歸咎三楊蓋不考之過一至於此

文移

本院公文凡行六部用呈三品衙門用平關應有行移

欽定四庫全書

翰林記
卷一

十四

俱由該部轉行其呈關俱有定式見大明會典其他常務則用手本如官吏職役銓注給授散官勲階則行吏部俸糧則行戶部領朝參牙牌則行禮部關皂隸柴薪則行兵部之類俱用本院印若左右二春坊司經局每事惟呈行詹事府然後轉行云

序秩

本院官與詹事府坊局官多互兼職事以品秩尊卑為序若非兼職而同品秩者先書本院官然後及詹事府坊局官如學士則序於春坊大學士及庶子之上侍讀學士侍講學士則序於諭德之上侍讀侍講則序於府丞中允之上修撰則序於贊善司直之上典籍先清紀待詔先司諫錄事通事舍人蓋亦然也此為脩書考試等事書職名而言若平居相與則惟序齒

公私聚會序坐

公朝侍坐公議序坐本院官及詹事府坊局官皆以品級論若候朝入館閣則學士自為一類講讀官自為一

類史官自為一類皆尚齒東宮官僚亦以其類相參尚齒亦如之見於彭時所記蓋天順以前為然其後座主門生私會皆相賓主李東陽嘗曰今之諸曹百執事各有長屬以法相視事有稟白不可則唯唯而退以事當出立受約束於庭已輒俛首去不敢漫及他語其勢分懸絕固然莫怪也惟館閣以道德文字為事雖師保者宿位尊而望重亦與後進之士相賓主下上論議閭閻侃侃各中其度情交而義達喜有慶行有餞周旋乎禮樂而發越乎文章倡和聯屬疊疊而不厭所以汲引成就之意甚厚此詞林之盛事也嗟乎勢位重則道誼輕而獻諛干進之人至矣然則為後進者盍亦自重乎哉

欽定四庫全書

翰林記

十六

翰林記卷一

欽定四庫全書

翰林記卷二

明 黃佐 撰

殿閣大學士

洪武十五年十二月戊午倣宋制置殿閣學士以禮部尚書邵質為華蓋殿大學士翰林院學士宋訥為文淵閣大學士檢討吳伯宗為武英殿大學士典籍吳沈為東閣大學士文華殿亦設大學士是月辛酉以命耆儒鮑恂余詮張長年皆辭不拜遂以全思誠為之永樂二十二年九月丁酉仁宗昭皇帝增設謹身殿大學士命太子少傅楊榮兼之其序次華蓋殿謹身殿文華殿武英殿文淵閣東閣凡六大學士至今因之而文華殿則不常設

內閣親擢

洪武之末翰林不及十數人壬午六月太宗即位首詔吏部及本院舉文學行誼才識之士授職始聞待詔解縉名稍親近之召對喜其豪傑敢言益見信用七月侍

欽定四庫全書

翰林記
卷二

書黃淮改中書舍人入見上與語大奇之凡侍朝特命與縉立於御榻之左以備顧問上以萬幾叢脞日御奉天門左室每夕召語至夜分上或就寢賜坐榻前論議幾密同列不得與聞是時吳府審理副楊士奇在翰林充修史官亦有譽望親擢為編修已而改給事中金幼孜桐城縣知縣胡儼為檢討尋陞縉為侍讀修撰胡靖為侍講編修楊子榮為修撰而改子榮名榮繼又陞淮為編修九月遂開內閣於東角門內召七人者諭以委任腹心之意俾入處其中專典密務雖學士王景輩不得與焉明日賜織金羅衣各一襲時幾務孔殷每旦奏事退內閣之臣造庖前進呈文字商幾務承顧問率漏下十數刻始退十一月陞縉為侍讀學士靖淮儼皆侍讀榮士奇幼孜皆侍講尋復改靖名廣永樂元年九月上御右順門召縉等諭之曰朕即位以來爾七人者朝夕相與共事鮮離左右朕嘉爾等恭慎不懈皆賜五品公服二年正月七人皆賜二品織金衣且勞之曰天下

欽定四庫全書

翰林記
卷二

事咸朕與若等同計非若六卿之分理也三月冊立皇太子進縉為學士兼左春坊大學士奉議大夫准為左春坊左庶子廣為右春坊右庶子皆奉議大夫仍兼侍讀儼為左春坊左諭德仍兼侍讀榮為右春坊右諭德仍兼侍講士奇以本官兼左春坊左中允幼孜以本官兼右春坊右中允各賜袍笏九月儼出為國子祭酒四年縉坐事去廣遂進學士兼左春坊大學士奉政大夫五年二月淮進右春坊大學士仍兼侍讀尋進學士仍兼右春坊大學士士奇進左春坊左諭德幼孜進右春坊右諭德俱奉訓大夫仍兼侍講十二年淮坐事去十四年四月廣進文淵閣大學士榮幼孜進學士三人仍兼春坊原職十五年二月士奇進學士仍兼春坊原職十六年五月廣卒十八年閏正月命榮幼孜並為文淵閣大學士兼學士十九年正月改士奇為左春坊大學士終永樂之世內閣之臣不過五品而華蓋等殿大學士亦不復設蓋雖不崇以穹秩然皆出於親擢寄以天

欽定四庫全書

翰林記

三

下大政而且諫行言聽得以奏其啓沃之功此所以為儒者之至榮也英宗復辟思復永樂之舊時脩撰岳正每開口論大事以世務自許上廉知其名吏部尚書王翱亦薦之天順元年六月召見文華殿上遙見遽曰好既陞陞登殿連曰好好問年若干對曰四十上曰正好問何處人對曰泃縣上曰又是此北方人問治何經曰尚書上曰是書經尤善問何科進士對曰正統十三年上益喜曰又是我所取者乃顧謂曰今用汝內閣叅預機務凡事為朕主張許彬老矣不足恃也正頓首辭至再乃出赴閣九月上御文華殿召太常少卿兼侍讀彭時入見令近榻前問曰汝是正統十三年狀元耶對曰不才誤蒙聖恩拔擢至今感戴不忘因叩頭三又曰第二名是陳鑑第三名岳正時對曰是又問今年幾何對曰臣犬馬之齒四十二上笑曰正好用出外吃酒飯去時叩頭而已命下着文淵閣辦事蓋前此未嘗無親擢者而其事弗傳觀此則列聖禮重儒臣之意赫赫猶目

欽定四庫全書

翰林記

四



前也咨詢必及其年者豈不以老成謀國必有壯猷新進少年或至敗事與用人慎始如此真可為後世之法

內閣視事坐次

殿閣大學士雖設自洪武中然同在內閣視事則自永樂初年始其坐次不敢正席者以車駕所嘗臨故也天順中大學士李賢疑與外衙門同將欲正席而坐同列彭時不可乃止時嘗記其事曰文淵閣在午門之外迤

東文華殿南面碑城凡十間皆覆以黃瓦西五間中揭

欽定四庫全書

翰林記
卷二

五

文淵閣三大字牌扁牌下置紅櫃藏三朝實錄副本儘前楹設凳東西坐餘四間皆後列書櫃隔前楹為退休所李公自吏部進以傍坐不安令人移紅櫃壁後欲設公座予曰不可聞宣德初年聖駕至此故不設公座李曰事久矣今設何妨予曰此內府也亦不宜南面正坐李曰東邊食處與各房却正坐如何予曰此有牌扁故為正彼皆無扁故也李曰東閣有扁亦正坐何必拘此予曰東閣西面非正南也李詞氣稍不平曰烏有居是

官而不正其位乎予曰正位在外諸衙門則可在內決不可如欲正位則華蓋謹身武英文華諸殿大學士將如何耶蓋殿閣皆至尊所御原設官之意止可侍坐以備顧問決無正坐理李語塞然意猶未已踰數日上遣太監傅恭送範銅飾金孔子并四配像一龕來敬置於中間又數日遣太監裴富送聖賢畫像一副來懸於龕後壁上乃罷不設焉

叅預幾務

欽定四庫全書

翰林記
卷二

六

內閣叅預幾務雖肇自文皇踐阼之初然職惟大學士暨學士而已永樂二十二年八月仁宗繼統以文淵閣大學士楊榮等輔導東宮積有年勞於是陞榮為太常寺卿金幼孜為戶部右侍郎俱兼前職楊士奇為禮部左侍郎兼華蓋殿大學士起前左春坊大學士黃淮為通政司通政使兼武英殿大學士四人俱掌內制不預所陞職務內閣帶三品官銜始此上每退朝還宮遇有幾務須計議者必親御翰墨書榮等姓名識以御寶或



用御押封出使之規畫榮等條對用文淵閣印封入人不得聞九月加士奇少保仍兼前職榮太子少傅兼謹身殿大學士幼孜太子少保兼武英殿大學士內閣位至三孤始此尊師重傅之禮至是極矣十一月士奇復進少傅兼職如故洪熙元年正月淮進少保戶部尚書士奇進兵部尚書幼孜進禮部尚書俱兼大學士如故內閣帶尚書官銜亦始此是年閏七月宣宗即位罷弘文閣命太常寺卿兼學士楊溥與士奇等同視事宣德元年三月陞行在禮部右侍郎張瑄為左侍郎兼華蓋殿大學士九月淮致仕二年二月陞行在戶部左侍郎陳山為本部尚書兼謹身殿大學士瑄亦進本部尚書兼職如故二人者東宮舊僚也自是每新朝必晉陟侍從謂之從龍恩云然山與瑄皆不厭人望山直內閣無何被疎斥即致仕去久之瑄亦改南京禮部尚書六年十二月幼孜卒九年八月溥進禮部尚書兼職如故九月瑄起復入見上老之留為尚書兼大學士仍前銜幾

務不復得與聞英宗之嗣位也在東宮未及出閣講學故無推恩者正統元年七月瑄卒三年四月士奇暨榮俱進少師兼職如故溥進少保兼武英殿大學士內閣以實錄成進官始此五年七月榮卒九年三月士奇卒十一年二月溥卒於是老成盡矣是時侍講學士陳循進戶部左侍郎兼學士入閣叅預幾務侍讀苗衷侍講學士高穀馬愉侍講曹鼐以經筵日講官命與循同視事未幾鼐進學士又進吏部左侍郎兼學士衷進兵部左侍郎兼侍讀學士愉進禮部右侍郎穀進工部右侍郎俱兼侍講學士愉尋卒十四年八月鼐扈從北征沒於土木之難景帝以郕王監國擢修撰商輅彭時入閣辦事及即位藩府舊僚推恩官止侍郎不得廁內閣而循穀各進本部尚書兼學士時皆進侍讀時以憂去又擢戶部右侍郎江淵兼學士入閣叅預幾務尋又以命禮部左侍郎俞綱在內閣三月改南京禮部去蓋朝廷欲脩文皇故事故擢用諸人然進退亦頗輕矣景泰



元年二月裴進本部尚書兼學士尋致仕九月輅進學士十一月以禮部左侍郎王一寧國子監祭酒蕭鑑各兼學士俱入閣叅預幾務尋加循少保兼文淵閣大學士穀少保兼東閣大學士仍兼尚書如故四月命循穀俱兼太子太傅陞淵一寧鑑俱太子少師輅兵部左侍郎學士兼左春坊大學士一寧尋卒十月命太子太保兼都察院左都御史王文入閣辦事外官不由翰林得叅預幾務者始此初文與中官王誠結為兄弟謀入閣欽定四庫全書

嘗私以語高穀會中旨增內閣員陳循蕭維禎穀遂舉文奏上果用文人皆駭愕四年二月命文為太子太保吏部尚書兼學士尋加少保兼東閣大學士尚書如故七年五月改循兼華蓋殿大學士穀文俱兼謹身殿大學士鑑進本部尚書兼職如故英宗復辟天順元年正月命都察院左副都御史徐有貞兼學士入閣叅預幾務有貞始名理由侍講陞任以迎復功故有是命是日陞太常寺卿許彬為禮部左侍郎兼學士與有貞同

視事明日陞有貞為兵部尚書兼職如故詔罪謀立襄藩者王文伏法陳循江淵謫戍蕭鑑商輅發為民蓋事闕社稷有所不得已故也又明日陞大理寺卿薛瑄為禮部右侍郎兼學士入閣叅預幾務又數日穀致仕去三月命吏部右侍郎李賢兼學士入閣叅預機務有貞為奉天翊運推誠宣力守正文臣特進光祿大夫封武功伯兼東閣大學士尋改兼華蓋殿大學士掌文淵閣事曰掌文淵閣事有貞所自署也閣在御府大內非人臣所可掌識者譏之矧非軍功而冒封爵固占知其不終矣尋進賢為本部尚書兼官如故五月彬瑄轉左侍郎仍兼職六月命通政司左叅議兼侍講呂原繼命修撰岳正俱入閣叅預機務有貞賢坐事左遷賢為吏部左侍郎瑄遂致仕去瑄制行純慈遂於理學其去也蓋見幾而作云七月有貞革爵遠竄彬坐黜復賢官視事如故永樂中胡儼自內閣出不復再入再入自賢始也正尋坐事去九月命太常寺少卿兼侍讀彭時復入閣



叅預機務十二月時進兼學士改原為侍讀學士二年五月原進學士六年七月加賢太子太保八月原以憂去十一月卒七年二月陞詹事府詹事陳文為禮部右侍郎兼學士入閣叅預機務十一月召正還八年正月憲宗嗣位三月復正原職不預機務加賢少保兼華蓋殿大學士尚書如故文吏部左侍郎時吏部右侍郎仍兼原職十月時進兵部尚書成化元年三月文進禮部尚書二年十二月命太常寺少卿兼侍讀學士劉定之欽定四庫全書

翰林記
卷二
十一

入閣叅預機務是年賢以憂去奪情起視事尋卒三年三月復商輅原職視事如故八月文時俱加太子少保仍前尚書兼文淵閣大學士定之進工部左侍郎兼學士四年四月文卒十月輅進本部尚書定之轉禮部左侍郎俱兼職如故七年六月定之卒十一年正月時進少保三月卒四月輅進文淵閣大學士十二年六月加太子少保改吏部十三年二月進兼謹身殿大學士十四年輅致仕去加少保終成化之世又有劉珏萬安劉

吉尹直彭華弘治中則徐溥丘濬劉健李東陽謝遷正德中則焦芳劉宇曹元王鏊劉忠楊廷和梁儲費宏靳貴楊一清蔣冕毛紀若芳與宇元由逆瑾進者也其末也惟廷和惟儲惟冕惟紀得奉遺詔翊新政焉以近事尚在人耳目不復悉記夫內閣密勿之地寄以幾務即鄒孟氏之所謂親臣也始雖以待儒彥而其後則元老鉅寮為天下具瞻者乃得與焉非惟親臣亦重臣也百餘年來政治之樞要實在於此國朝不設丞相而世以宰相稱之過矣嗟乎用非其人固足以覆餗然或不見親且信焉雖有真儒安所宣其效哉

傳旨條旨

唐宋以來傳旨屬之執政故有所謂三旨宰相者若臣寮奏章凡有所批荅皆臣下代言中書省及集賢院翰林院學士專之國朝始猶設中書省丞相政事由之以出納其後革去分任五軍九卿衙門中外奏章皆上徹睿覽每斷大事決大疑臣下惟面奏取旨有所可否則

欽定四庫全書

翰林記
卷二
十三



命翰林儒臣折衷今古而後行之故洪武中批荅與御前傳旨為一事當筆者所書即天語也永樂洪熙二朝每召內閣造膝密議人不得與聞雖倚毗之意甚專然批荅出自御筆未嘗委之他人也宣廟時始令內閣楊士奇輩及尚書兼詹事蹇義夏原吉於凡中外章奏許用小票墨書貼各䟽面以進謂之條旨中易紅書批出上或親書或否及過大事大疑猶命大臣面議議既定即傳旨處分不待批荅當時公移每書曰某學士某傳欽定四庫全書

翰林記
卷二
十三

於某殿某門欽奉聖旨即孝宗謂大學士劉健曰先生輩亦傳得旨是也自正統後始專命內閣條旨然中每依違或徑由中出是時上方幼冲委政宦官王振一至於此上下蒙蔽乃及土木之難英宗復辟每事與內閣面議然後批行弘治末上攬乾綱內閣條旨多出御筆事涉重大至厘宣問幾復祖宗之舊正德時批荅大率與正統相類今之建議者徒知批荅當依內閣所條而不知有面議傳旨故事或誤以條為調和之義也審爾則

是漫無可否以聽上裁惟恐見忤矣豈所望於以道事君者哉苟利社稷死生以之可也

密䟽言事

內閣密務有難颺言敷奏者太宗許密封進呈謂之密䟽永樂十七年十二月乙丑學士楊榮密䟽進言十事皆斥五府六部三法司積弊太宗覽而嘉之密諭榮曰汝言實切時病但汝為腹心之臣若遽進此言恐羣臣益相猜疑不若使慎密御史言之於是得監察御史鄧真畧入奏衆皆股栗免冠請罪詔諸司即日悔改怙終者不赦蓋榮所為奏留中真則受其意者也仁宗初即位兵部尚書李慶言於上曰民間馬畜蕃甚已散之軍伍尚餘數千請令朝覲官領之少蘇民力大學士楊士奇獨密奏謂朝廷求賢任官今乃使養馬而課責與民同非貴賢賤畜之意明日面請內批罷其事不報明日又入對請罷上曰吾偶忘之當即批出不爽也午刻上御思善門召諭曰批豈真忘之念卿孤立為衆所傷不

欽定四庫全書

翰林記
卷二
十四



欲因卿言而罷耳今有名矣出示一章乃陝西按察使陳智所言者命士奇據此草勅止之已領者准洪武中官員乘例不責生息虧損不責償未給者止勿給復謂曰繼今令有不便惟密與朕言李慶輩不識大體不足語也二十二年十一月學士楊溥密疏言事上嘉納御札獎諭之曰覽卿所奏為國家之計誠合朕心但望卿始終如一知無不言相朕致治以承天休感卿忠懷特用酬報今賜卿綵幣一雙鈔一千貫卿其領之夫機事不密則害成上所以委曲為之處者如此而又寵以旌賞真可謂一德一心矣其後內閣言事循此例類用題奏揭帖不宣聞於外云天順癸未空中有聲大學士李賢密奏曰傳言無形有聲謂之鼓妖上不恤民則有此異因條不便於民者十事上皆從之即詔天下賢又請罷江南所造緞疋磁器清錦衣衛囚止各邊守臣進貢下番所遣使臣停中外買辦采辦上不從賢執之數次止取前十條行之左右見賢力爭皆寒心同列亦為賢

欽定四庫全書

附錄
卷二

十五

懼賢曰古之大臣知無不言今雖不能盡然至於利害繫國家安危者豈可默然以苟祿位然上聖明亦不以為忤也蓋嘗論之嘉謀嘉猷入告于內與颺言敷奏者不同必利害繫國家安危而後言之又與爭一事之得失陳一時之利害者不同內閣事功稱三楊一李然其所遭際可考也夫惟聲色不動而誠意潛孚閱歷既多而識見素定乃可以當此然亦難矣岳正在內閣嘗密言吉祥石亨罪惡二人譖之被黜有士人告之曰先生犯孔子戒矣問之云何則曰未信而諫是也正曰初上用我左右責任教誡甚至敢不盡心若子以諫官處我則恐未然夫正之言誠是也沃心之論造膝之謀初不事於表暴而天下自陰受其賜此內閣之所以異於諫官也若先朝之委任楊李真可以為萬世之法

會議

欽定四庫全書

附錄
卷二

十六

會議遂為例徐有貞曰景泰四年十月上以河決沙灣久弗克治集左右丞弼暨百執事之官於文淵閣議舉可以治水者僉以有貞應詔即其事也葉盛曰凡中外陳奏皆禮部於內府會議禮部侍郎宣言其要諸部院正官面決可否自正官外更無出一言者天順中罷之近例凡朝廷有大事當會議者該部奏請如合會儒臣則本院詹事府左右春坊司經局及國子監皆預

繕寫疏章

欽定四庫全書

翰林記
卷二

十七

太宗時內閣進學者二十八人皆面稽而身教之王英王直德罷才學尤為儕輩所推首擢為脩撰以皆慎密可任並入秘閣書進呈機密奏疏永樂末累擢至講讀學士蓋嘗試以為大用之地云宣宗時復增左春坊大學士曾榮俾入直未幾榮卒二王亦出理部事繕寫章疏之任遂廢

書辦

大明會典云凡內閣所掌制勅詔旨誥命冊表寶文玉

牒講章碑額及題奏揭帖等項一應機密文書及王府勅符底簿皆制勅房書辦文官誥勅及番譯勅書并四裔來文揭帖兵部紀工勘合底簿等項皆誥勅房書辦各用中書舍人等官於本院或各該衙門帶俸遇有陞遷仍舊供職其有堪別用者亦從吏部推舉

內閣嚴禁

祖宗規制嚴內閣之禁凡一應官員閒雜人等不許擅入違者治罪今內閣門額懸掛聖旨葉盛云文淵閣有密之地外臣非公事不能至遷陞機宜無敢泄者楊文貞文定文敏三先生典型尚存文貞間遇知已或問近日外間有何事或某事便否亦甚鮮也後來者則有稍稍傳聞於人甚而方面官見辭後必造謁或舉子入考文字又甚而造膝之言代言之筆不待莫出禁門而已徧告多人矣此蓋指景泰中之用事者故云然

欽定四庫全書

翰林記
卷二

十八

官員入見

凡本院官入見內閣必先使孔目通姓名而後見初授

官謝恩後入見例留飯可齋雜記云予官脩撰謝恩後偕同年陳緝熙岳季方詣閣下見曹陳苗高四先生遂留早食酒飯隨光祿寺所供不增設諸先生笑曰此是本院故事儒官清淡只如此蓋以寮友待之也其後內閣官尊或有座主門生之分遂令六品以下揖於階下五品及詹事府官送迎如寮友禮若朝見及冬至正旦行禮後不暇易服往見焉非公事不復至或議朝政質問可否使孔目請入乃入外官入見亦以公事會典所載凡各衙門領勅官員俱赴內閣會有勅書方赴鴻臚寺報名辭朝領勅其他則國子監官送書課提督四夷館送番譯文字之類具有定規云

弘文館閣

洪武三年四月庚辰置弘文館設學士一員及校書郎等官九年閏九月定官制遂罷之居是職者劉基詹同羅復仁胡鉉也仁宗在東宮潛心問學及即位建弘文館於思善門外蓋法聖祖遺意永樂二十二年八月命

欽定四庫全書

藝文四

十九

本院學士楊溥掌之與侍講王進時承顧問討論經籍又擢編修楊敬給事中何澄俾預焉又起用檢討陳繼凡在閣者五人上嘗臨幸講論經史不倦洪熙元年閏七月溥等奏納弘文閣印各還原任宣宗可之仍命溥與楊士奇等同治內閣事正德初建議者謂宜倣弘文閣故事命侍從文學之臣更番入直或召天下之文學而恬退者一二人如起用陳繼之例聽政之暇游息之間特至閣中畧去威嚴從容訪問或講經書或論古今

欽定四庫全書

藝文四

二十

成敗有暇則至不必拘其時有疑則問不必嚴其禮如是則聖學緝熙義理純熟凡百玩好自不暇及而所召必皆一時之聞人則亦可以收拾天下之遺才矣此亦復祖宗君臣同遊之漸也惜論建未及上徒付之空言而已

東閣儲用

正統丁卯詔選本院官之有譽望者入東閣讀中秘書修撰劉儼商輅編修陳文呂原等凡十人且命之侍經

筵日在內府進學不倦蓋儲之以待大用也其後多入內閣為名臣者然非職掌之舊殆與庶吉士同矣

欽定四庫全書

翰林記
卷二

三

翰林記卷二

欽定四庫全書

翰林記卷三

明 黃佐 撰

薦舉

聖祖之靖元亂也干戈未定即大召四方名儒隨所在館穀之使各以其所知薦戊戌十二月辟儒士范祖幹葉儀命為諮議己亥正月克發州分置中書省召儒士許元胡翰十餘人皆會食省中日令二人進講經史數陳治道及克處州又有薦青

欽定四庫全書

翰林記
卷三

田劉基龍泉章溢麗水葉琛金華宋濂者即遣使以書幣徵之庚子三月至建康入見甚喜賜坐從容與論經史及咨以時事深見尊寵既而命有司即所居之西創禮賢館以處之始置儒學校理以官儒臣時朱文忠守金華復薦王禕王天錫至皆用之尋建尚賓館以待薦舉至者丙午年置博士廳設博士一人典籤十餘人以備顧問博士則許瑗許存仁典籤則劉秩鮑穎吳毅劉辰黃哲徐穎之屬侍從文



學職寔權輿於此及置翰林院則擢諸儒之最博文行者任焉洪武六年復大徵天下儒士浙江叅政徐本肯以桂彥良薦待詔闕下奏對稱旨擢太子正字未幾浙江布政使安然等以懷遠縣教諭王景等薦既至命日直翰林隨班見賜燕西序七年學士宋濂侍上登武樓賜坐問及宿學之士濂以會稽郭傳對上索其文覽之稱善即日召見謹身殿稱旨擢應奉翰林文字十年上聞金華儒士吳沉名侍臣復薦之十月召見稱旨以為欽定四庫全書翰林記卷三

待制十三年五月典籍戴安薦儒士楊良卿王成季劉仲海鄒魯狂編修吳沉薦儒士吳慎明教授童冀典籍吳伯宗薦儒士宋李子皆降勅召之十五年復徵耆儒隱逸侍臣張寧以宛平儒士董倫薦召至以為太子贊善大夫賜冠帶是年置諫院官十月以耆儒劉靖為諫院左司諫兼左春坊左庶子闕賢為右司諫兼右春坊右庶子趙肅為諫院左正言兼左春坊左諭德何顯周為右正言兼右春坊右諭德十七年七月下詔徵賢耆

儒汪仲魯至自婺源司禮司引見上舉西伯戲黎篇命之講釋稱旨授左春坊左司直郎又數日劉三吾至自茶陵入見上喜其莊重宏博甚禮重之即拜左春坊左贊善未幾擢本院學士十八年三月開進士科始定進士入翰林之制自此薦舉者乃不輕授云永樂初本院員少上命侍臣更薦引之於是首薦擢審理副楊士奇為編修繼擢儒士曾日章為侍讀助教鄒緝為侍讀改給事中金幼孜王洪桐城縣知縣胡儼為檢討應天訓導王汝玉蕪湖訓導張伯穎為五經博士皆異數也自後惟於進士及庶吉士內擢用宣德七年大學士楊士奇薦交趾南靈州知州黎恬文學操行可任近侍遂拜右春坊右諭德恬既至不副輿論江西人在翰林者或咻之乃求歸其鄉自是薦舉進者益罕矣天順二年忠國公石亨大學士李賢交薦撫州處士吳與弼召以為左春坊左諭德固辭不拜成化十八年廣東布政使彭韶巡撫兩廣都御史朱英交薦新會舉人陳獻章既至



吏部欲試之以疾辭自陳患病乞歸侍養詔授檢討待親終病愈仍來供職獻章即與弼門人也後累被薦皆被詔不行二人者皆以理學鳴於時隱居求志天下高之竊謂科目未足以盡天下之賢才矧巖居川觀抱道不售與就試有司而屢黜者豈無其人乎薦舉之典誠不可廢也

進士銓注

洪武初年本院官皆由薦舉進四年辛亥雖設進士科
欽定四庫全書

翰林記
卷三

四

未有入翰林者十八年三月丙子以第一甲賜進士及第丁顯練安黃子澄為脩撰第二甲賜進士出身馬京齊麟等為編修吳文等為檢討皆出簡用不由選法命下吏部惟銓注而已後遂為例二十一年策進士以第一人任亨泰為脩撰第二人唐震第三人盧原質為編修著為令至今因之二十四年則許觀張顯宗吳言信二十七年則張信景清戴德彛三十年則陳邨尹昌隆劉諤是年六月覆試則韓克忠王恕焦勝革除庚辰科

遵洪武乙丑之例第一甲胡廣王良李貫皆修撰第二甲吳溥楊子榮楊溥劉現皆編修永樂二年進士第一人曾榮擢修撰第二人周述第三人周孟簡仍皆編修則復遵戊辰之令也四年林環陳全劉素九年蕭時中苗衷黃暘十年馬鐸林誌王鈺十三年陳循李貞陳景著十六年李騏劉江鄧珍十九年曾鶴齡劉矩裴綸二十二年邢寬梁禔孫曰恭宣德二年馬愉杜寧謝璉五年林震龔錡林文八年曹鼐趙恢鍾復正統元年周旋

欽定四庫全書

翰林記
卷三

五

陳文劉定之四年施槃楊鶴倪謙七年劉儼呂原黃諫十年商輅周洪謨劉俊十三年彭時陳鑑岳正景泰二年柯潛劉昇王俱五年孫賢徐溥徐轄天順元年黎淳徐瓊陳秉中四年王一夔李永通鄭環八年彭教吳鈺羅璟成化二年羅倫程敏政陸簡五年張昇丁溥董越八年吳寬劉震李仁傑十一年謝遷劉戡王鏊十四年曾彥楊守陟曾追十七年王華黃珣張天瑞二十年李旻白鈺王敕二十三年費宏劉春涂瑞弘治三年錢福



劉存業靳貴六年毛澄徐穆羅欽順九年朱希周王瓚陳澗十二年倫文叙豐熙劉龍十五年康海孫清李廷相十八年顧鼎臣董玘謝丕正德三年呂柟景暘戴大賓時大學士焦芳用事第二甲第一人焦黃中芳子也有中旨以黃中及第三甲胡纘宗俱為檢討及黃中之敗也纘宗亦坐貶六年楊慎余本鄒守益九年唐臯黃初蔡昂十二年舒芬倫以訓崔桐十六年楊惟聰陸鈺費懋中蓋自永樂以來進士得銓注者惟第一甲而二

欽定四庫全書

翰林記

六

甲三甲必改庶吉士乃得銓注云

庶吉士銓法

庶吉士之選始自洪武十八年乙丑上以諸進士未更事欲優待之俾觀政於諸司俟諳練然後任之其在本院承敕監等近侍衙門者采書經庶常吉士之義俱改稱為庶吉士其在六部及諸司者則仍稱進士云是科本院庶吉士則陳洪等吏科則楊靖等戶科則郭資等禮科則徐旭等然其詳則不可考矣二十一年可考者

惟解縉黃金華為中書吉士永樂二年因之本院庶吉士取數十人擇二十五人暨首甲三人俾進學內閣周忱自陳願與其列遂增忱二十九人命學士解縉領其事上親教之五年丁亥首擢王英王直為編修十年壬辰又擢羅汝敬余鼎彭汝器為編修余學夔為檢討楊相劉欽章敬陳敬宗沈升李時勉段民倪維啓吾紳楊勉等俱刑部主事蓋上意欲作養積久因其成材次第擢用然急於進者或缺望焉故相等皆除刑部四年丙

欽定四庫全書

翰林記

七

戊庶吉士陳孟潔曾春齡輩卒於京師或以教習已近十年為言上怒於是張叔穎等皆除府通判九年辛卯二甲庶吉士錢習禮陳璠黃壽生陳用劉永清等教習未久皆擢檢討十年壬辰庶吉士方復等擢除莫考十三年乙未庶吉士王翔擢大理寺左寺正宋琰鄭雍言高穀張益俱中書舍人黃仲芳等授知縣惟曹義授編修許彬劉麟應連智授檢討十六年戊戌庶吉士周叙董璘習嘉言楊珙戶鳳岐陳詢俱授編修餘皆授諸司



官有差十九年辛丑二十二年甲辰不可考宣德中合三科進士選入翰林為庶吉士者二十八人蕭鑑薩琦賴世隆吳節江淵徐珪林補授編修王玉王振姜洪李紹何瑄授檢討董鏞等授知縣是年猶有選入六科近侍諸衙門者正統元年丙辰庶吉士王鑑等十四人除擢莫考自是以後始定庶吉士止入翰林然四年七年十年進士皆不選至十三年戊辰始純選北方及蜀產者二甲萬安劉吉劉翔李泰授編修三甲邢讓李本授

欽定四庫全書

翰林記
卷三

檢討尹昉等授給事中監察御史王恕授大理寺評事景泰二年二甲吳滙周興戚瀾劉宣楊守陳王獻童緣授編修三甲張業江朝宗授檢討劉清等授給事中五年二甲丘濬彭華牛綸危直授編修耿裕等授給事中三甲陳政等授御史天順四年二甲張元禎汪諧劉健倪岳焦芳陳音謝鐸授編修三甲傅瀚張泰吳希賢授檢討成化二年三甲林瀚章懋李傑黃仲昭宋應奎商

良臣授編修三甲莊景授檢討四年二甲費閏戶龍喬維翰王臣授編修十四年二甲梁儲張潔楊傑教山劉中于材徐鵬鄧焮江瀾馬廷用授編修三甲劉機張茂楊廷和楊時暢武衛授檢討庶吉士之留官在翰林者至是盛矣二十三年二甲程楷蔣冕黃穆傅珪華懋吳儼羅玘蘇葵授編修三甲李遜學石珪毛紀授檢討弘治六年二甲顧清沈燾吳一鵬汪俊周玉黃瀾授編修三甲薛格授檢討九年二甲濮韶陳霽葉德賈詠授編修三甲汪偉王九思劉瑞授檢討十五年二甲魯鐸溫仁和李時騰霄畢濟川何瑋授編修三甲周禎盛端明授檢討十八年二甲崔銑嚴嵩湛若水陸深翟鑾徐縉授編修三甲段昇穆孔暉孫紹先易舒誥張邦奇授檢討正德三年二甲第四人劉仁宇之子也逆瑾傳中旨併其上二名邵銳黃芳及三甲李志學韓守愚凡五人為庶吉士數月即拜銳芳仁為編修瑾敗仁黜銳芳皆坐累左遷云六年二甲許成名劉棟張璧應良戶襄

欽定四庫全書

翰林記
卷三



劉朴費案張潮王思孫承恩劉泉林文俊孫紹祖授編修三甲金臯吳惠郭維藩王元正陳震張行慶邊憲授檢討十二年二甲汪佃余承勛黃易江暉劉世盛葉桂章葉式馬汝驥王三錫陳沂鄭灝授編修三甲張星蕭與成林時李方湯惟學授檢討二科庶吉士留用之前此所未有也十六年二甲廖道南江汝璧童承叙黃佐王相王同祖王用賓授編修蓋自宣德以前兼授部屬中書等官正統間始有授科道者成化後不授中書

欽定四庫全書
翰林記
卷三
十一

正德辛未丁丑止授科道而無部屬辛巳乃復兼授焉祖宗時最重是選雖二甲第一人及禮部第一人或選而不預或預而不留其嚴如此丘濬嘗謂每科不必多選所選不過二十人每選不必多留所留不過三五輩其言誠是也然必有通融之術而後可以免遺材之嘆文皇帝之久於教習也蓋欲盡使之積學以待問蓄德以充位而後已未嘗遽出之前輩謂翰林官惟首甲即除授選為庶吉士者遠則八九年近則四五年而後除

授有不堪者乃改授他職世以職清務閒稱翰林為玉堂仙好事者因稱一甲三人為天上生仙餘為半路脩行亦切喻也觀此可見今公署教習不過三年即評品而去留之使有晚成者出乎其間曷由進哉竊謂當體文皇帝之意該授科道部屬等官有志進學者許自陳願就近侍他職如高穀輩授中書舍人之例穀後以學行獨優陞司直即遂入翰林為侍講宜著為令庶使華國之儒不至有遺而祖宗之制因可復也

欽定四庫全書
翰林記
卷三
十二

纂脩擢用

洪武六年十二月以儒士朱右趙壇朱濂孫作為編修以纂日歷故也作辭不拜明年五月日歷始成云纂修擢用蓋自此始洪武末年充修史官者有教諭等官王景高讓具勤趙友士端孝思張秉彛唐畊葉惠仲胡仲昭等景即拜侍讀餘各除主事及王府官永樂初修高廟實錄成以太常寺博士錢仲益知縣楊觀梁潛王褒為修撰國子助教王達給事中朱紘為編修行人蔣驥



為檢討國子博士金玉鉉為五經博士晉府伴讀蘇伯厚為侍書教諭解榮劉宗平為待詔謄錄生員金寔為典籍亦有京職擢為外任及止改本職者皆上所裁故也迨重脩高廟實錄及脩四書五經性理大全永樂大典等書成主事李時勉陳敬宗等擢侍講等官有差其後纂修擢用者主事劉球陳叔剛改侍講御史邵宏譽改編修然或不擢入翰林者亦多自是纂修專用本院官此例遂廢

欽定四庫全書

翰林記
卷三

擢用孝德

洪武二十六年八月上聞浦江鄭氏累世同居家範惟篤倫理里人王氏效之思選用之以風勵天下乃徵二家子弟年三十以上者詣闕既至令自推舉乃以鄭濟為左春坊左庶子王懃為右春坊右庶子徐州民權謹十歲喪父哀毀幾絕洪武中以薦知樂安縣進光祿寺署丞迎母就養母疾籲天求以身代母年九十卒負土成墳廬墓三年哭泣不輟事聞召拜文華殿大學士洪

熙元年三月也謹固辭不稱朝廷不允欲以風勵天下之為人子者尋改通政司右叅議致仕仍旌其門曰孝行云詩有之曰有馮有翼有孝有德以引以翼祖宗之用賢蓋本乎此後之官近侍者動以文墨自矜炫或罔脩於家庭獨何心哉

擢用直諫

洪武十五年二月以福建儒士沈士榮為待詔士榮抗疏言天下事謂當修德省刑且請給筆札條列事宜或入侍左右劇論庶事上以其鯁直賜手詔褒諭之故有是命十六年十月秀才周煥奎高孟文入見召對時事剴切上大嘉皆擢為檢討二十六年十一月天下學職入覲者咸命侍朝或試文辭詢問經史及民間政事得失在列者多應對不稱旨獨秦州訓導門克新敷奏亮直擢左贊善紹興府學教授王俊華以善文辭擢右贊善召二人謂之曰吾所以左克新而右俊華者重直言故也皆悚然悅服他日侍臣李思迪馬懿顧問默默則

欽定四庫全書

翰林記
卷三

黜之嗟乎聖祖之詒謀遠矣

擢用耆俊

太祖嘗曰古之老者雖不任以政至於詢咨謀謨則老者閱歷多而聞見廣達於人情有可資者故洪武中多擢老成之士官以本院及為東駕輔導時耆儒劉靖關賢為庶子趙肅何顯為諭德世擬諸四皓學士劉三吾文淵閣大學士朱善左司直郎汪仲魯皆年踰六十時承顧問翊贊東宮趨朝則同班賜坐則聯席衣冠儼雅

欽定四庫全書

翰林記
卷三

十四

修潔人望而敬之時稱翰林三老洪武十九年七月詔舉經明行脩練達時務之士年七十以下者郡縣禮送京師上曰比來有司不體朕意士有耆年便置不問豈知老成古人所重文王用呂尚而興穆公不聽蹇叔而敗伏生雖老猶足傳經豈可槩以耄而棄之也若年六十以上七十以下者當置翰林以備顧問太祖之詒燕如此故百餘年來任用老成臻於至治有非前代可及者

徵聘隱逸

處士吳與弼之見薦也天順元年十月上遣行人曹隆賁詔起之勅有曰渴望來儀以資啓沃二年五月壬寅至京師上詔大學士李賢問曰與弼授以諭德何如對曰可然諭德有左右上曰與之左遂授左春坊左諭德與弼上疏固辭上召入文華殿從容顧問尋遣使賜紗羅羊酒柴米有旨朝廷久聞高誼特用徵聘今惠然遠來朕甚嘉悅然幣以將誠官以命德禮非過也不允所辭或勸就職與弼曰淺陋之學衰病之軀豈堪任使敢竊祿哉再疏辭有旨固知本心不干祿仕亦不煩以冗務特處以官僚之職不必再辭戊申大學士李賢請旨召入內閣講中庸已酉二疏辭且請閤中秘書有旨固辭雖得難進之義揆之中道無乃過乎欲觀秘書可勉就職丙辰令其子璲赴吏部告疾七月庚寅四疏終辭奉旨既年老有病不能供職准辭丙申進封事十策一曰崇聖志二曰廣聖學三曰隆聖德四曰子庶民五曰

欽定四庫全書

翰林記
卷三

十五



謹教令六曰敦教化七曰清百僚八曰齊庶政九曰廣言路十曰君相一德同心已未召入文華殿上眷注無已丁寧纂修書籍賚以銀幣給以月廩復遣行人王惟善送歸仍賜詔褒嘉示以拳拳至意與弼既辭上令中官傳旨勅惟善曰天氣近寒吳與弼年老一路好生看顧莫教他費力聖主褒賢之盛節大臣推賢之盛舉於是乎至矣

錄用聖賢後裔

欽定四庫全書

翰林記
卷三

十六

洪武六年四月孔子五十五世孫孔克表以學行舉入見上與語經史皆稱旨拜修撰兼國史編修官永樂以後累舉象賢世祿之典顏子孟子周子程子朱子後裔擇宗子以聞皆授世襲五經博士惟居鄉給俸以奉祭祀而已景泰時誠意伯劉基後裔亦援此例得世襲五經博士弘治中孔子嫡派在浙江衢州者有司以宗子孔彥繩奏聞詔授世襲五經博士尋改劉基之後為指揮於是崇道酬勲之意始昭然矣

任子

洪武九年六月上謂學士承旨宋濂曰朕以布衣為天子卿亦起草萊列侍從為開國文臣之首俾世世與國同休戚不亦美乎趣令取子孫官之屢辭謝不敢有詔不允遂徵冢子璿之子慎為殿廷儀禮司序班未幾復召仲子璿除中書舍人上時政暇輒命題試璿與慎而成勅之上笑與濂曰朕為卿教子孫濂或奏事久稱倦上命璿慎共扶下殿父子祖孫三世皆官內庭當世以為異事後復錄濂之孫懌為本院侍書云永樂中學士胡廣卒詔以其子種為檢討累選至修撰洪熙時尚書兼詹事金忠之子達擢檢討以乏文學賜歸依親讀書正統末改給事中尚書王直之子積亦蔭檢討大學士楊士奇楊榮則皆蔭尚寶丞及中書舍人自是遂為定制無任翰林者孝宗眷注大學士丘濬輩官其後多至三四人皆出聖意然或有援以陳乞者矣獨宣德中大學士金幼孜疾革士奇榮問之惟言受國家恩重上無

欽定四庫全書

翰林記
卷三

十七



益朝廷下無益生民復何言傍或啓之請身後之澤者則正色曰為子弟求祿君子所恥此其最可稱者也

改擢

本院官祖宗時不輕改擢學士官雖五品序秩於尚書之上洪武三年七月丙申以太常寺卿魏觀為侍讀學士六年四月丙辰以兵部尚書樂韶鳳為侍講學士吏部尚書詹同為學士承旨仍兼吏部尚書八年三月以廣西按察司僉事答祿與權為修撰十三年五月癸丑

欽定四庫全書

翰林記
卷三

十九

以山西右布政趙新為修撰十五年十一月戊午以禮部尚書邵質為華蓋殿大學士十六年十月以僉都御史茹大素為檢討瓊州府知府趙瑁為諭德三十四年九月以左僉都御史凌漢為左贊善蓋本院自革承旨之後為五品衙門在外庶寮以學行著聞而起擢者品秩大都由尊改卑蓋崇儒右文之體當如是也永樂初進太祖實錄列纂修官職名猶先學士王景而後及禮部尚書李至剛其尊重可知曾榮以狀元及第事太宗

將二十年始得侍講學士上顧左右謂曰曾榮與學士矣意猶謂其得之早也然則庶寮之改擢詎可輕哉是時燕邸左長史金忠不得厠名翰林惟拜工部右侍郎宣宗雖擢陳山張瑄入翰林以嘗為詹事府舊寮之故也未久即斥去景帝興自邸邸其左長史儀銘亦官止禮部左侍郎未有遽擢為學士者其後一日拜六學士時人以為名器之濫兵部尚書陳汝言謂人曰昔十八學士登瀛州今六學士同登何謂多邪此景帝之治所以不終也竊謂慎重名器當自本院始葉盛所著水東日記蓋備紀之

欽定四庫全書

翰林記
卷三

十九

兼職

本院官始惟與詹事府左右春坊司經局互兼職事洪武中未設編修時多以修撰兼國史編修官其後以修撰任亨泰為詹事府少詹事兼修撰則東宮官兼本院官之始也文華殿大學士全思誠兼左春坊左中允則學士兼官寮之始也凡官寮必俟儲位既正而後設然



必互兼無有專任者仁宗御東駕始以尚書蹇義金忠
兼詹事府詹事尚書李至剛兼左春坊大學士學士解
縉兼右春坊大學士以至侍讀楊士奇等兼中允皆本
太祖設官之意也洪熙以後始有三孤及太子三師三
少六部尚書侍郎通政司太常寺卿少卿尚寶司卿兼
本院官者正統以後始有都御史大理寺卿通政司叅
議兼本院與殿閣官者若詹事府詹事或不設而以尚
書兼學士掌之左右諭德及司經洗馬或兼講讀或兼
修撰編修或兼校書等官惟上所命而已成化以後內
閣止用吏戶禮三部兼職若左諭德則兼侍讀右諭德
則兼侍講之類一定而不易則自弘治時始正德中詹
事府左右春坊司經局等官通無一員百餘年來所未
有也坊局諸印皆寄之本院本院學士又缺有一人帶
管二印者蓋逆瑾與奸芳主之大學士李東陽嘗曰旁
觀坐視不能救正咎有所歸正指此也然則東駕官寮
固不可缺然必用本院官兼之而後不失祖宗之制

欽定四庫全書

翰林記
卷三

三

欽定四庫全書

翰林記
卷三

三

翰林記卷三

欽定四庫全書

翰林記卷四

明 黃佐 撰

文華堂肄業

洪武六年開文華堂禁中以為儲材蓄德之所鄉貢舉人至京師詔免會試擇年少俊異者俾肄業其中正月甲寅有司以河南第一人張唯等名上召見便殿親命題俾賦詩詩成稱旨唯及王輝李端張紳皆擢編修蕭韶為秘書監直長賜帶冠衣服又明日以山東第三人王璉等見召試如之璉

欽定四庫全書

翰林記

卷四

及張鳳任敬馬亮陳敏皆擢編修賜予之受命入堂讀書詔詞林名臣分教之太子贊善大夫宋濂太子正字桂彥良等與馬上謂曰昔許魯齋諸生多為宰輔卿其勉之于是聽政之暇輒幸堂中取其文親評優劣命光祿寺日給酒饌每食皇太子親王迭為之主唯等侍食左右冬夏賜衣時賜白金弓矢鞍馬寵錫甚厚濂輩雖司啟迪顧諸生皆上所親教不

敢以師道自居一日侍燕間詢及肄業孰進益濂對曰無如張唯者因備述其雋才請錄為弟子員上笑而許之蓋同時進者凡十有七人又選成均之秀入武英堂俾練習政事方徵彭通宋善王惟吉等皆拜給事中禮遇雖不及唯等然侍從車駕應制備顧問未始異也其後多至執政有聲光云

文淵閣進學

永樂三年正月壬子先是太宗命學士兼右春坊大學士解縉等新進士中選材質美敏者俾就文淵閣進學

欽定四庫全書

翰林記

卷四

至是縉等選修撰曾榮編修周述周孟簡庶吉士楊相王訓王直吾紳彭汝器劉子欽余學夔童朴盧翰熊直王道羅汝敬沈升柴廣敬王英全鼎楊流洪順段民楊勉章敬李時勉倪維哲陳敬宗袁添祿二十八人入見上諭勉之曰人須立志志立則功就天下古今之人未有無志而能建功成事者汝等簡拔於千百人中為進士又簡拔於進士中至此固皆今之英俊然當立志遠



大不可安於小成為學必造道德之微必具體用之全為文必並驅班馬韓歐之間如此立心日進不已未有不成者古之文學之士豈皆天成亦積功所至也汝等勉之朕不任爾以事文淵閣古今載籍所萃爾各食祿日就閣中恣爾玩賞務實得於已庶國家將來皆得爾用不可自怠以孤朕期待之意時庶吉士周忱自陳年少願進學上喜曰有志之士也命增忱為二十九人遂命司禮監月給筆墨紙光祿寺給朝暮膳禮部月給膏燭鈔人三錠工部擇近第宅居之且命縉領其事數召至便殿問以經史諸子故實或至抵暮方退五日一休沐使內臣道之校尉備騶從人莫不歆其榮艷上時搜奇書僻事以驗所學榮等多對誦如流上甚喜之多所獎賚恒顧羣臣曰秀才輩性子直可親近縉嘗以鍾山蟠龍詩試諸人甚稱彭汝器所作一日上問捕蛇者說汝器即朗誦於前上奇其才王訓以大江遠金陵賦進上最稱之且程試課業大嚴賞罰之典而王英王直尤

欽定四庫全書

翰林記
卷四

三

為儕輩所推讓云蓋是時庶吉士隸本院者尚多如孫子良洽順李昌祺蕭省身江鍊張宗璉田忠等無慮數十人皆不得與其與者皆被選者也後上嘗親征廵狩雖有庶吉士之選詔如甲申例車駕不及親莅焉宣廟末年銳志儲材合臨御以來三科進士數百人拔其尤者凡二十八人以應二十八宿時癸丑丙辰諸進士發各衙門觀政或既奉使出外矣詔追還選之皆入文淵閣進學其優禮給賜一循永樂甲申之制仍賜御製詩以示勸勵

欽定四庫全書

翰林記
卷四

四

東閣進學

景帝興自藩邸議者謂與太宗同故在御恒思復太宗之舊景泰二年詔選庶吉士并首甲柯潛等二十八人命進學於東閣賜居第給大官酒饌及膏燭紙費命內閣大臣典領之蓋不別立師不出就外公署一如永樂初科故事然車駕未嘗親莅教也五年亦選庶吉士暨首甲孫賢等十八人遂遵正統時例矣



公署教習

庶吉士在外公署教習始自正統初年大明會典云凡庶吉士內閣奏請學士等官二員教習本院仍行戶部給燈油錢兵部撥皂隸刑部給紙劄工部撥房屋順天府給筆墨光祿寺給酒飯內閣按月考試俟有成效送吏部銓注本院并除各衙門職事竊謂庶吉士教習寔與文華堂文淵閣時舊規不同其所撥給第虛應故事耳本院不以上請朝廷易由知之自今宜依祖宗時入

欽定四庫全書

翰林記
卷四

五

禁中侍燕屢承顧問上以儲才蓄德而為教則下亦必涵養進脩而自勗不惟人才造就而君德贊輔有攸賴焉若不得已就外教習領其事者宜奏請專使校讐中秘書日令有所撰述以為九重之獻暇則演習經筵講章日久與之討論古今商確經史同異得失且究竟名理歸諸身心以行誼相砥勵務得真儒以為國家之用若其學業高下宜默識之其或求見邀名則斥而退之勿收匪人以招物議則非惟育材有成效抑亦奉祖宗

之遺訓也苟舍大綱而先末藝以詩文記誦為學而道德政學則忽棄焉授受之際既近於學究而乃設會簿稽勤惰惟嚴聲厲色以督責之亦淺乎哉其待士矣正統以來在公署讀書者大都從事詞章內閣所謂按月考試則詩文各一篇第其高下俱揭帖開列名氏發本院立案以為去留之地致使卑陋者多至奔競有志者甚或謝病而去不能去者多稱病不往將近三年則紛然計議邀求解館最可笑也弘治癸丑學士李東陽程

欽定四庫全書

翰林記
卷四

六

敏政教庶吉士至院閱會簿悉注病假而去乃賦一絕云回廊寂寂鎖齋居白日都消病歷餘竊食大官無寸補綠陰庭上看醫書其流弊一至於此又聞之前輩云天順甲申庶吉士次年相率入內閣求解館大學士李賢謂曰賢輩教養未久奈何遽欲入仕計禮抗聲對曰今日比永樂時何等教養且老先生從何處教養來賢稍責之即曰吾輩教習雖例該三年已燒却一年矣謂癸未春闈災故也賢怒甚明日請旨各授職罰禮觀政刑

部又數月拜南京刑部主事禮之言雖近不恭然不可謂無稽者觀此則教法不復祖宗之舊其能服英俊之心乎作人秉鈞者宜加之意

庶寮召試

聖祖時南昌縣學訓導朱善以學行聞本府以名上於朝陞教授洪武八年起取天下教職曾被薦擢者赴京師上廷試之擢善第一除修撰十六年十月東昌府學教授馮獻考最召試稱旨除左贊善二十年十一月戊

欽定四庫全書

翰林記
卷四

七

子以河南府學訓導葛鈞為侍講學士鈞學行著聞上召試之果不謬故有是命三十年六月召試行人司副陳性善行人陳成稱旨皆擢檢討他如傅藻袁渙雖稼唐肅等擢應奉孫蕢等擢典籍皆起自州縣庶寮召試云壬午太祖聞桐城知縣胡儼有文學召試之稱旨改除檢討仁宣以後無聞焉惟正統四年進士錢溥由楷書得為檢討自云召試非其實也

文華殿考藝

永樂中召試庶吉士文藝多在文華殿宣德八年冬宣宗御文華殿召諸庶吉士詣文淵閣試以諸葛孔明可與興禮樂論親第其高下取十三人翰林以徐理為首賜寶鏹百錠餘有差蓋因永樂之舊也已而別選尹昌等六人蕭鑑等二人及齋宮所選者八人以足二十八人之數時多需次於家及在諸司觀政俱得召試云正統元年詔以前二十八人分等第官中外復宣德故事於新科進士百人中選十四人補其處而考藝則大臣司之自是遂為例

欽定四庫全書

翰林記
卷四

八

齋宮考藝

宣德五年三月詔取庶吉士三十人分隸近侍諸衙門如洪武乙丑之制次日引入齋宮御試與進士九十七人命題出取士何以得真材論止選八人入翰林薩琦為首次第皆上親裁在前列者賜白金五兩紵幣五十緡餘有差其隸六科為庶吉士者有廖莊之屬楊寧等令歸鄉讀書至八年復合前後科進士二十八人入翰



林馬正統後庶吉士止隸翰林然考藝出於當宁者自是罕矣

幼童教習

會典云凡各處舉到幼童奉旨送本院讀書習字者月給米食內閣稽考課業俟有成效奏請擢用其願科舉出身者聽按奇童被薦入翰林讀中秘書者始自英宗朝兵部尚書程信之子敏政後以本院秀才中順天府鄉試第二名成化丙戌進士及第第二人繼而雲南奇童楊一清亦以薦為本院秀才中成化辛卯順天府鄉試高等明年登進士第成化末崇仁洪鍾七歲善書有司以奇童薦憲宗召見嘉嘆命入翰林充秀才讀中秘書弘治己酉中順天府鄉試第六明年舉進士授中書舍人時年十八云

欽定四庫全書

翰林記
卷四

九

選充秀才

秀才之選始自太祖時然未始隸翰林也英宗時始選奇童及善書者充本院秀才天順時有姜立剛之屬

俸糧

凡本院官吏及帶俸官俸糧舊於禮部帶支後奏准本院自行收支學士正五品月支米十六石歲該一百九十二石侍讀學士侍講學士從五品月支米十四石歲該一百六十八石侍讀侍講正六品月支米十石歲該一百二十石修撰從六品月支米八石歲該九十六石編修正七品月支米七石五斗歲該九十石檢討從七品月支米七石歲該八十四石五經博士正八品月支米六石五斗歲該七十八石典籍從八品月支米六石歲該七十二石侍書正九品月支米五石五斗歲該六十六石待詔從九品月支米五石歲該六十石其內閣大臣隨所帶職銜支俸不在此例洪武中俱給全俸其後始有折色永樂十九年以行在衙門裁革令隨從在京官員一品至五品三分米七分鈔六品至九品四分米六分鈔而本院官有被特恩全支本色者二十年始定每司給米一石於折鈔內扣除餘以椒米折鈔若南

欽定四庫全書

翰林記
卷四

十



京翰林院官吏俸糧與本院同宣德六年始有折絹之令七年始有贓罰庫物件折俸之令正統七年始定仍給本色之令天順元年始定照舊於南京本色之令七年始定折絹為四月五月之數成化四年令折色俸錢鈔兼支三分鈔四分錢錢二文准鈔一貫十六年折俸錢折支三梭布每一疋折米二十石弘治十年始定三分四分本色俸自後每石折銀七錢而凡在任患病三月者住俸公差無家小者明白開報回日補支詹事府

欽定四庫全書
翰林記
卷四
十一

春坊司經局官吏俸糧景泰三年始令於本衙門收放詳見會典

供需

會典云凡內閣官光祿寺日逐給料物撥厨役製造酒飯司禮監撥匠作裝製書籍紙劄工部輪撥班匠供役本院官酒飯俱於光祿寺支給宣德以前講讀史官歲撥班匠一名其後寢凡內閣合用筆墨及雌黃硃墨俱於司禮監關給紙劄本監及刑部關給木炭惜薪司及

工部關給南京翰林院合用匠役於南京工部撥給詹事府合用紙劄每月於刑部關給筆墨印色順天府買辦送用若食鹽每日例支一觔乃祖設各衙門以來常例本院該吏於各官處先各領銀三錢送戶部折鈔謂之扛擡費

兼職支俸

國朝設官有兼職者如本院學士承旨兼吏部尚書之類其俸皆二職兼支洪熙初元楊士奇黃淮楊榮金幼孜皆以三孤或太子三少兼尚書及大學士三俸例皆兼支始士奇固辭尚書不拜上厲色曰黃淮楊榮金幼孜皆三職卿獨二職人將謂何卿勿辭因請辭俸上曰卿於朕勞勤二十年故賜以此祿何用辭士奇曰尚書月俸六十石可養壯士六十人臣受二俸已過分安敢復加時尚書蹇義在側言宜聽士奇辭學士俸士奇言辭祿當辭厚何用取虛名上曰朕成卿志及聽辭顧義謂曰廉貪之風士奇有焉於是黃淮亦辭戶部尚書俸

欽定四庫全書
翰林記
卷四
十二



其後內閣大學士帶銜三孤仍兼太子三師與尚書凡四俸兼支或止支二俸用士奇故事也其本院官與詹事府坊局互兼職者支俸或兼或否悉取自上裁

分俸養親

洪武四年詔許中外官員有父母者分俸於原籍供奉養仁宗即位詔復因之遂為令時大學士黃淮父性進封少保奏請分俸於鄉如例上從之宣德初侍講學士王英奏乞分俸養母於家上亦從之自是多所祈允不

欽定四庫全書

翰林記
卷四

十三

能悉記

辦事帶俸

本院辦事帶俸官以書辦為職起自內閣三楊用事時於制詔制勅二房聽用多由秀才儒士譯字生舉仕始授鴻臚寺序班稍遷至中書舍人陞授大理寺卿正寺副評事尚寶司卿少卿司丞太常寺卿少卿寺丞各部左右侍郎郎中員外主事等職至三品而止獨華亭沈度善書馳聲永樂時自典籍累遷學士景泰中中書舍

人趙昂陞編修進通政司叅議為特異其後亦有由官生及舉人進士入者弘治中林章官至三品遇恩加勲階至榮祿大夫前此未有也

吏役

本院司吏一名由在外州與縣司撥詹事府令史二名由在外府司吏撥左右春坊司吏各一名經局司吏一名其由撥俱與本院同辦事舊制以三年為限後遞減至二年若急辦撥與本院及詹事府坊局各官者不限在外府州縣司典或多至五六人以一年為限有互相借用者其在內閣則又益多矣庶吉士及本院辦事帶俸官每員止撥一名

皂隸

皂隸之役出自兵部撥送宣德間令隨從皂隸係不願應當者每名月辦柴薪銀一兩說者謂出於大學士楊士奇所建議正統間定五品六品四名七品至九品二名內本院編修檢討中書舍人係近侍官各加一名本

欽定四庫全書

翰林記
卷四

十四

院譯字官一名其後奏准庶吉士欽與一名本院直堂十五名詹事府左春坊直堂各八名右春坊直堂五名司經局直堂六名詹事府主簿廳直廳一名制勅房看朝房皂隸四名若內閣大臣則隨所帶銜撥與非復本院例也成化初修撰羅倫獨不受皂隸柴薪銀嘗論咎楊東里之失或謂出自君命受之無害於義然或有署印互爭直堂至成隙者有之其視倫賢不肖抑又遠矣

輿馬

欽定四庫全書

翰林記
卷四

十五

本院官皆乘馬遷至三品例乘肩輿獨掌署南京院印者與三品同蓋舊規也前輩質朴庶吉士多步行或有乘驢者若途次相遇洪武中學士遇公侯引馬却避四品引馬側立三品分道而行永樂以後本院雖六品以下官惟前輩在內閣官尊者引馬側立餘舉手而已成化中有史官遇尚書為所呵內閣聞而使人讓之謝過乃已蓋本院職雖卑而倚任則重故與公卿抗禮而不避自太宗時始也雖然行脩名彰足為輿衛誰敢侮之

若過自貶損怯媚權勢則不可爾

欽定四庫全書

翰林記
卷四

十六

翰林記卷四

欽定四庫全書

翰林記卷五

明 黃佐 撰

到任燕會

本院官銓注後吏部題本以到任管事請有旨俞允具公服謝恩擇日詣外公署與同寮相見謂之到任本院自內閣學士至孔目皆出燕錢置盛筵於後堂用樂學士列坐於上新任者坐於前之左講讀坐於前之右餘皆旁坐公燕之盛蓋諸衙門所無又數日

欽定四庫全書

翰林記
卷五

新任者回席比前務加盛若甲首則狀元出燕錢倍第二第三人其後併在一日同寮先設小席以待新任者序賓主東西列坐飲數行即徹去就新任者之席勸酬大率成禮而已然五品以上博士以下不預唯講讀史官在焉非舊典也聚金之燕或久乃舉行云庶吉士入館則內閣學士而下皆送至外公署備燕席待之諸士亦回席然不謂之到任者以非職官故也

考滿

本院官凡歷俸連閏計三年例給由考滿六年九年皆然先具脚色事蹟及過名有無呈掌印官以憑考覈乃往吏部相見六品以下循廊至堂上送迎待以殊禮五品以上冢宰迎至後堂賓主坐談送出移咨都察院掌院官皆迎至後堂坐談送出不計以崇卑云洪武十四年十月士申定考覈之法翰林院等衙門為近侍不係常選官員任滿黜陟取自上裁蓋未嘗往吏部也十六

欽定四庫全書

翰林記
卷五

年六月己卯吏部奏定考覈之制在京翰林院等衙門屬官俱從正官考覈各以功過稱職與否開具送部覈考從之永樂元年吏部奏准本院五品以下堂上官照例不考五年奏准詹事府六品以上官亦不考俟九年奏請黜陟而凡左右春坊司經局中書舍人俱不咨都察院惟吏部考覈而本院官猶咨都察院劄付河南道覆考稍與洪武時異矣近凡考滿皆吏部引奏復職六年亦然九年則考功司例差官送題作文不知起自何



時大率皆非祖宗禮待文學侍從之舊也九年考滿該陞品級具奏取自上裁尚循舊典焉若考察之法或間一舉行成化四年令翰林院屬官并帶俸官譯字等官本院學士會同內閣考察弘治元年令翰林院官亦從吏部考察十年令兩京官照例考察惟翰林學士不在五品之例百餘年來儒臣未嘗玷清議自考察之典行修撰錢福編修孫清蓋由茲退者夫惟祖宗之世日勤晉接照臨雖遠不遺而何邇臣之能掩然既著為令甲

欽定四庫全書

翰林記
卷五

三

耳目有攸寄矣嗟乎慎名檢者盍自勵哉

遷轉

聖祖定本院官為近侍清貴之職凡遷轉皆出自上裁未嘗付諸銓衡百餘年來遵之不易然洪武中自本院官遷轉者多大拜二年十月以應泰睢稼為中書省叅政十九年二月以待詔朱善為文淵閣大學士三月以檢討茹太素為戶部尚書二十七年九月以少詹事任亨泰為禮部尚書二十八年四月以編修齊麟為禮部

右侍郎盧原質為太常寺少卿六月命編修馬京署通政使司事已而拜禮部左侍郎二十九年正月以詹事府丞杜澤為吏部尚書左贊善門克新為禮部尚書又有依資格者三年十二月以待讀學士魏觀為國子祭酒太史令劉基為弘文館學士十二年十一月以修撰近原霖為通政司右叅議十五年四月以正字魏德壽為春坊司直郎八月祭酒吳顥有罪以文淵閣大學士宋訥代之二十九年二月以修撰黃觀為尚寶司卿編

欽定四庫全書

翰林記
卷五

四

修張顯宗為太常寺丞凡此皆出自親擢故也又有止在本院者如侍讀學士朱升為學士之類永樂遷轉亦止在本院獨元年十一月為異典時舉人王偁以薦為檢討既命下上問左右曰檢討之下何官曰博士典籍侍書待詔問已除人否復以已除對上歎曰古所謂用人如積薪此類是也國家用人以賢以勞偁之賢既未可知勞亦未有而令賢有勞者居其下何以服士心遂命吏部凡翰林自博士以下皆陞職與偁同遂陞博士



張伯穎王汝玉典籍沈度潘畿侍書蘇伯厚待詔王延齡劉宗平解榮皆檢討其後內閣陞擢漸至三孤仁宣二朝任益隆矣事見前卷自是本院遷轉非九年考滿則纂修書籍名雖親擢實則循資格也惟正統末侍講楊鼎徐瑄擢副都御史檢討王詢擢大理寺丞各巡撫河南山東貴州等處地方成化初修撰張頤擢僉都御史巡撫特殊餘惟始遷詹事府左右春坊司經局轉則吏部尚書侍郎以至內閣不及他途云天順二年學士欽定四庫全書翰林記卷五

李紹陞禮部右侍郎實出上命及履任公卿往賀吏部尚書王翱舉酒酌曰天選侍郎也前此倖進者多旨授故云然已而權幸不平伺間譖紹奏事多南音上曰大臣以德選何以聲音為會祭酒缺吏部請以紹兼領之上謂王翱曰吏部不可無此人其別選代之翱退語同列曰我不知李侍郎見重於上如此孝宗登極推恩官寮擢少詹事兼侍講學士楊守陳為吏部右侍郎初當筆者猶擬南京上覽疏以筆塗去南京二字列聖禮重

儒臣若此者尚多姑記其畧

貽恩封贈

凡貽恩受封贈三年考滿及特恩始有之本院正官頒給誥命取自上裁吏部奏聞其手本開寫合授散官并年籍脚色送中書舍人候書寫完備吏部仍具手本於御前用寶訖具奏御前頒給講讀以下官亦如之第用同寮勘給送吏部驗封司為不同耳其最異者洪武九年十一月學士承旨宋濂致仕詔贈其父原贈禮部侍郎文招為嘉議大夫禮部尚書母宜人陳氏為淑人祖德政贈亞中大夫太常寺少卿祖妣金氏贈淑人妻賈氏封亦如之誥辭皆上所親製稱濂有曰德量之弘如千頃陂澄之不清撓之不濁天下榮之成化十五年少詹事兼學士王獻滿三載乞恩移封父母許之時制凡朝臣五品已封者即四品不封獻父已贈諭德於是加贈少詹事皆兼兩銜妣亦由宜人加恭人人罕與為姪時又工部右侍郎兼學士劉定之太常寺卿兼侍讀劉

欽定四庫全書翰林記卷五

珣以親老陳情未經一考乞貶恩給封誥詔從之弘治中禮部右侍郎謝鐸考績奏言祖母趙氏以節死請輟所得封誥移為旌典詔特表為貞節之門仍予誥命皆出異數也

改調外擢

吳二年修撰朱夢炎轉山西行省員外郎此改調外擢之始也洪武三年學士陶安出為江西行省叅政八年編修朱右以稽古不能詳上譴之出為晉府長史九年

欽定四庫全書

翰林記
卷五

七

編修張鳳擢廣西行省叅政十六年八月以侍講學士李紳為浙江右布政使左春坊正字魏德壽為江西右布政使二十五年八月左春坊大學士董倫坐東宮事出為河南左叅議自是近侍文學之臣或遂以為例而或有出自上怒者永樂初淇國公丘福以儲位未建請立漢王高煦上詔學士解縉定議立仁宗然秘未發明年立皇太子又明年福等所議泄於外高煦言於上曰藩府之舊泄者其惟縉乎遂出縉為廣西右叅議又有

出自薦舉者正統元年正月大學士楊士奇舉侍講劉永清材堪繁劇出為廣東右布政使十三年十月侍講陳文亦以大學士高穀薦出為雲南右布政使成化二十三年司經局洗馬羅璟服闋至京師為鄉人所陰中調南京禮部員外郎弘治十一年庶子王世以事出為廣西左叅政若太祖時起居注王禕出為南康府同知特賜金帶寵勞之後復召自漳州判為待制特歷試以難劇且出於寵勞非左遷也正德時學士張芮或咎其無文名逆瑾用事遂出為鎮江府同知修撰何瑋以抗直不跪逆瑾出為開州同知大率本院官外擢皆升高位無有對品調者若王禕則出自聖祖親擢事體不同不宜援以為例也

降謫

洪武中本院官降職為屬官或國子及風憲等職元年十月以直學士詹同侍讀學士秦裕伯為待制此降職之始也三年十一月學士宋濂待制王禕坐失朝降為

欽定四庫全書

翰林記
卷五

八



編修八年七月降編修荅祿與權為典籍九年十月降
編修朱孟辨為中書舍人十二年十二月降待制吳沉
為編修十三年六月復官尋降典籍拜東閣大學士十
六年八月降東閣大學士吳沉為侍書以進講後期考
功監劾之故也尋改為國子博士十五年華蓋殿大學
士邵質降監察御史二十二年十二月降學士劉三吾
為國子博士侍講學士葛鈞為助教三吾等受命授晉
王世子經吏部侍郎侯庸劾奏三吾等在職怠惰而黜
欽定四庫全書 翰林記 卷五 九
降別用上曰儒者不任劇事俱令教國子未幾俱復職
二十四年鈞以稽古不稱旨仍降助教三十年編修景
清改御史其後侍講戴德彛編修戶昌隆亦然洪熙初
侍講李時勉以言事降交趾道御史修撰羅汝敬亦以
言事降河南道御史此皆內任者洪武四年八月侍讀
學士魏觀坐考禮不以時謫龍南知縣編修宋濂坐祭
孔子遲慢謫安遠知縣五年二月召致仕學士詹同等
至京師賜宴奉天門復同官觀與濂皆禮部主事十二

月擢觀國子祭酒濂太子贊善大夫此外謫復任之始
也九年六月修撰朱善以家屬不完謫教遼東未至賜
還鄉十五年三月謫編修吳沉為臨洮府渭原縣學教
諭未行復以為典籍十六年典籍吳伯宗降太常寺丞
不拜又除國子司業又辭忤旨貶金縣知縣正統中編
修賴世隆坐事降浙江台州府經歷後召還已卒天順
中修撰岳正謫廣東欽州同知未行復令編成曹石謫
之故也學士李賢亦外謫復留成化元年學士黃諫坐
罪降廣州府通判二年侍讀學士錢溥坐罪降順德知
縣三年修撰羅倫以言大學士李賢奪情起復事忤旨
降福建泉州市舶司副提舉五年編修章懋黃仲昭檢
討莊景同疏諫上元燈火不宜令詞臣應制賦詩上怒
杖之調懋及仲昭為知縣景為判官未行用給事中毛
弘言改懋及仲昭南京大理寺評事景南京行人司副
未幾倫亦召還時人謂之翰林四諫十二年學士江朝
宗坐事降廣州市舶司提舉正德初修孝宗實錄擠黜



大半修會典者亦退降其陞職於是侍讀徐穆等調南京員外郎亦有降知縣者皆以擴充政務為名事出逆瑾非上意也尋皆召復後編修王思直諫謫廣東三河驛丞上南巡修撰舒芬等以諫亦謫副提舉等官觀諸聖祖時降謫雖或不免而其牽復眷顧之恩與各衙門自不同矣優待儒臣賈出前代蓋未嘗有一斥不復者此所以為文明之世也

起用

欽定四庫全書

翰林記
卷五

十二

洪武元年起故元學士承旨危素學士張以寧王時等至京師以素及時為侍講學士以寧為侍讀學士又起前起居注王禕為待制兼國史院編修官十六年驛召金縣知縣吳伯宗除檢討尋拜武英殿大學士以薦舉失人出知三河縣復召還為檢討十七年上思用老成驛召前修撰朱善於家至則授待詔尋拜文淵閣大學士三十一年起前河南左叅議董倫至自雲南拜禮部左侍郎兼學士前山西右叅政王景亦謫雲南召以為

侍讀又起漢中府學教授方孝孺為侍講前御史解縉為侍詔永樂二十二年八月仁宗起左春坊大學士兼侍讀學士黃淮於獄命為通政使兼武英殿大學士又起前司經局洗馬兼編修楊溥復其官尋陞學士正統四年查本院剝員檢討李紹等放歸田里期年驛召復任天順八年前修撰岳正自戍所召還未及用而上晏駕憲宗即位有詔仍原職吏部言當調南京有旨其勿調命充經筵官成化二年閏三月復順德知縣錢溥為

欽定四庫全書

翰林記
卷五

十三

侍讀學士致仕尋起為南京禮部侍郎三年三月起用前學士商輅於內閣五年七月起前學士倪謙復職尋進禮部右侍郎六年復市舶提舉羅倫為修撰弘治初侍講謝鐸編修張元禎起於謝病編修王勅起自外謫為四川提學僉事南京禮部員外郎羅璟起為福建提學副使十年五月侍讀學士致仕程敏政前左庶子張昇皆復官正德五年逆瑾誅起南京兵部員外郎徐穆等為侍讀等官處州府同知張芮亦起為南京尚寶司



卿尋擢南京太常寺卿檢討劉瑞起自外謫為浙江提學副使十六年前修撰何瑋亦起自外謫為副使提學山西云

起復

國初隆重儒臣惟以孝德故學士宋濂待制王禕皆當丁憂未嘗奪情起復其起復者扣算年月以為差益以詔臣子之移孝為忠也惟永樂中始有制中起復之事六年夏學士楊榮居父喪給傳歸既葬遂命起復是年

欽定四庫全書

翰林記
卷五

十三

冬復居母喪奏歸守制時已下詔巡北京不許九年春奉命始奔喪遣中使護送榮還時洗馬楊溥侍春宮丁父憂詔奪情起復侍讀二十二年大學士黃淮丁母憂乞守制不許特命乘傳奔喪起復內閣視事洪熙元年大學士金幼孜亦丁母憂宣宗召修兩朝實錄起為總裁官正統十四年八月修撰彭時居母憂忽校尉至門宣喚入朝傳郕王令旨著時與商輅同陳循等辦事時具啓辭不允令奪情辦事內官促送入內閣乃去景泰

七年少詹事劉鉉養母死朝廷欲奪情力求終制從之成化初大學士李賢遭喪去官詔留之臺諫不敢論說修撰羅倫詣其私第告以不可賢始以其言為然既數日倫上疏陳古今起復之非是且曰如其不然必準富弼故事終喪劉珙故事事卒不允七年四月有詔起復學士柯潛為祭酒具疏懇乞終制許之時內閣大學士劉吉懼艱起復待講陳音勸使終制且與之書言當身綱常以先百僚吉終身銜之嗚呼昔嘗讀宋人起復陳升之為宰相之制也未嘗不掩卷而三嘆息焉其言曰閔子經而服政先賢稱得事君之宜晉侯墨而即戎前志謂達變化之用嗚呼升之果如何人哉自羅倫之疏播傳於世此風稍革然正德中尚有起復大學士楊廷和之命不果行云

恩澤奏改

會典云凡父兄伯叔任堂上官其弟男子姪有任科道者對品改調然未始改入翰林也天順元年右都御史

欽定四庫全書

翰林記
卷五

十四

耿九疇子裕方為給事中建言父子同在要地非宜遂改裕為檢討恩澤奏改始此九疇尋坐事裕亦出為泗州判官正德中吏部尚書許進援九疇例奏改其子戶科給事中誥為檢討監察御史讚為編修後進為逆瑾所擠於是調誥全州判官讚臨江知縣

添設

洪武十六年十月增本院尚書博士二人秩從八品以儒士饒仲恭張庸為之令仲恭於潭王府說書庸於魯王府說書添設始此成化中改修撰羅倫為南京翰林院修撰倫養病而去二十三年修撰曾彥編修楊守卬同以秩滿有疾之者俱陞南京侍讀食從五品俸弘治改元召還本院皆添設也然非初制矣

乞外

洪武六年編修孫作辭不拜乃乞外得太平府學教授七年編修張紳入對乞外命為南陽府學教授永樂中編修李貞為高州府學教授陳景著為福州府學教授

欽定四庫全書

翰林記
卷五

十五

貞以痼疾景著以養母俱乞外而景著得任原籍云原聖祖所以處之於風化之職者蓋優之也其後作復起為司業紳復起為御史貞暨景著未久卒於任焉又其後檢討潘畿黃約仲欲致仕不可皆告除本縣教授以去英宗時始擇文學之臣出任憲司總學政正統元年修撰王鈺自致仕起用辭疾乞外任詔擢江西僉事提督學校未幾編修彭珣出為廣東提學僉事檢討陳璣出為廣西提學僉事康政亦出為四川提學僉事自是本院官乞外者後以為例成化中侍講焦芳編修教山弘治中編修蘇葵檢討李遜學劉瑞正德中編修余本檢討盛端明張邦奇皆然歷俸稍深則擢副使若葵則以事忤權貴而去若學士王鏊贈之詩有曰嚴生久厭承明直楊億俄成乞外書蓋有所為而發

給假

在京官凡省親展墓歸娶及送子還鄉改葬先墓具有定制獨本院儒臣多出特恩宋濂事太祖壬寅年八月

欽定四庫全書

翰林記
卷五

十六



告歸省親有白金文綺之賜洪武初編修張藻仲歸娶
詔給驛舟并賜寶鈔七年十月皇太子臨大本堂召東
宮贊讀及諸王府侍讀凡二十五人立庭下諭之曰爾
等離父母去墳墓者三年矣今冬氣向深草木搖落寧
不惻然動懷土之情乎吾已為爾請於上宜各旋歸歸
即過至母久淹為也因出內府錢分賜以為道塗費永
樂元年七月侍講楊榮請告歸省詔馳驛往還十月榮
以妻喪復詔乘傳歸葬仁宗即位詔百官有親違離三
欽定四庫全書
翰林記
卷五
十七
年以上者聽給告歸省於是大學士金幼孜首奏歸省
其母左春坊大學士王英亦乞歸省皆俾馳驛往還賜
資甚厚宣宗初特詔翰林諸詞臣還鄉焚黃宣德元年
三月學士楊溥得告歸省其母於時不得見者十有八
年矣十月大學士張瑛給假省父侍讀曾鶴齡告歸省
亦俞允宣德六年二月編修謝璉初考得貤封二親遂
給假歸省正統初大學士楊士奇還鄉展墓甫數旬而
還詔勞賚之於是侍讀林環侍講邢寬編修陳全江淵

龔錡皆得請二年十二月右諭德黎恬在任甫五年謁
告歸展先墓賜道里費給驛舟修撰連景賢展墓亦如
之三年六月學士李時勉以歷三年賜展墓五年二月
少師楊士奇奉勅展墓寵錫便蕃前此未有也是年庶
吉士雷復等亦歸省予告十二年四月學士馬愉以父
病乞歸省詔許之賜以驛騎并藥餌費實異數云天順
初洗馬兼修撰柯潛拜尚寶少卿兼職如故即告歸省
得允修撰黃獻入仕僅五年亦得賜歸省皆給驛往還
欽定四庫全書
翰林記
卷五
十八
成化元年南京禮部尚書倪謙致仕而南其子編修岳
予告省親及謙疾再乞歸省因得終制二年大學士彭
時乞歸省詔馳驛往還太監許安致道里費長隨張敬
護送抵家未踰月手勅促還朝明年二月至上慰勞之
弘治中侍讀學士傅瀚在官二十四年矣上疏歸省許
之學士張芮右諭德蔣冕乞歸省母上皆許給傳焉編
修謝丕授官踰年給假省親亦從其請正德中編修孫
紹祖修撰唐臯乞歸改葬先墓詔允之檢討張星給假



送母南還亦從其請大率近侍衙門多沾恩賜而本院尤渥故予告之典亦多曠見者姑識所聞如此

侍親

皇朝以孝治天下侍養之典著在令甲其在近臣予告尤多洪武中太子贊善大夫和希文言於東朝曰小臣有母春秋之高八十有四矣無他兄弟以為養臣行年亦且六十雖有子僅四歲耳烏烏私情其能已乎言訖潸然出涕東朝以其言聞於聖祖詔許歸養焉此後侍

欽定四庫全書

翰林記
卷五

十九

親者多見俞允不能悉記正統中則有檢討何瑄之屬皆終養起用弘治四年南京侍講學士張元禎以母老再謝病歸越五年召修會典遷學士充日講官兼侍東宮講讀數月以母憂去六年編修劉存業乞歸侍養以五年為期從之後存業起復先母而卒論者俱有遺憾

迎養

國初嘗令在京官員有親在者許迎養永樂中修撰羅汝敬之父以明就養京師朝上於奉天門見皇太子於

文華殿特加問勞命大官賜膳人皆榮之黃淮之父性累封至右春坊大學士仁宗監國屢問安否嘗賜瓊玉膏一器天順中李賢之父昇封少保吏部尚書兼大學士以貤恩詣闕謝就養者數月及昇陞辭上特賜寶鏤三千貫因顧謂賢曰先生已盡天倫之樂乎賢頓首曰臣父子所以有今日者皆陛下之賜也迎養父母者尚多有之而其特蒙優賜惟三數公為然

養疾

欽定四庫全書

翰林記
卷五

三

國初乙巳年春三月起居注宋濂卧病京師之官舍不入侍者六日上顧問近臣曰老宋起居何久不見耶因言其致疾之時上憂形於色曰宋起居純飭之士不參以分毫人偽侍十五年猶一日也不知何以有斯疾乎越一日又問病勢稍損否對曰如初越二日又問復對如初上惻然曰爾往傳命俾歸養金華山中父子祖孫驩然同聚疾必易愈愈且速造朝國家文翰庶有賴哉及宣上旨濂力疾起拜命越翼日陞辭上勅黃門內使



出大府金籍以束帛賜之自後候問之使相屬於道時方嚴肩輿之禁雖相國亦不之許特命造安車給健卒十六人以載此尤異數也又數日皇太子以舊學故復遣內臣存問賚以繒幣白金之屬又二日上道夏四月十七日始抵金華故居十八日具謝表一通進上并致書太子上謂太子曰此書汝當日誦一過復親御翰墨賜書褒答其文則上所自製字乃侍臣代書其外封九字內年月六字及花押封上之親筆也復出官局文綺白欽定四庫全書

翰林記
卷五

三

之數月乃還又明年英宗即位准入朝進香亦留月餘乃辭歸去正統元年編修楊珙養疾詔許之天順末禮部侍郎兼學士李紹為修實錄副總裁書垂成沾微疾即上章求解任累不獲俞允成化二年八月上察其誠許暫歸候疾愈復來七年用洪武初起致仕尚書劉崧署司業例起為祭酒降勅召之未及門而紹卒矣三年編修張元禎謝病得允家居者二十年孝宗即位乃起為左贊善二十三年太子少保禮部尚書兼學士彭華始得風疾上命醫往視遣中官賜羊酒蔬米越三月辭祿不許又三月詔令官賜麒麟服再辭辭益懇乃得俞旨俾歸就醫藥疾已即來瀕行又賜金綺襲衣與疾出都城過關門匍匐稽顙因泣下沾臆而去弘治四年少詹事兼侍讀學士汪諧疾作在告三月上疏請停俸給不許每時節珍味即賜於家憲廟實錄成以副總裁陞禮部右侍郎明年復懇辭乃許之仍詔疾愈當復用十六年禮部右侍郎掌國子監事謝鐸以疾在告累疏乃

欽定四庫全書

翰林記
卷五

三



許歸就醫命給驛以行令有司俟疾愈奏聞蓋養疾得給驛者惟本院遂為制焉

移疾

在內臣工或以事移疾者祖宗以來未嘗沮蓋順人情以為治也惟成化初編修陸簡之叔刑部主事愷卒於京邸簡移疾乞恩護其喪歸墓上特許之詞林皆高其誼

辭職不拜

欽定四庫全書

翰林記
卷五

二十三

洪武初故元溫州路教授江寧陳遇隱居於寧以謀臣秦從龍薦召見上與語大悅即拜學士固辭不受命上不之強也其後徵聘之士膺館職不拜者多從其請國子學士蘇伯權擢國史編修官以贖辭歸已而學士承旨宋濂致仕將還上命舉可自代者即以伯權應詔既至復固辭上憫其誠賜文綺賞之俾老焉天順中吳與弼辭左諭德語在薦舉類皆高尚不事者也

優老

吳元年十一月詔以侍講學士朱升年老特免朝謁洪武二年以危素為侍講學士尋兼弘文館學士賜小車免朝謁七年五月命學士承旨兼吏部尚書詹同致仕六月復召以為學士承旨罷所兼職務以優之又以學士宋濂老而艱於行步特詔皇太子選良馬以賜上親作馬歌令羣臣賡和示寵澤焉水樂中學士曾榮年踰六十老疾一日侍朝遄引退上見之輒免當日朝宣德中上念先朝老臣尚書兼詹事寮義大學士楊榮等四人皆春秋高並賜勅褒諭命輟職務朝夕左右侍論議賜玉帶及御製詩畫以見優寵正統時學士王直累遷至尚書年近八十以上特詔免朝謁學士王英亦累遷至禮部侍郎上章乞休者屢次十三年八月上特陞英為南京禮部尚書謝恩之日內傳旨曰以卿久仕先朝多効勤勞進秩南京俾得安逸弘治十年少傅兼太子太傅吏部尚書謹身殿大學士徐溥年七十以疾在告疏上辭不許命醫診視遣中使賜羊酒楮幣仍令風雨

欽定四庫全書

翰林記
卷五

二十四

及大寒暑免朝蓋成周尊禮黃耆俾膳飲從於遊不啻如此

致仕優禮

洪武七年學士承旨詹同既復任欲以年請老不敢言上知之八月甲辰詔致仕官其一子魯召同入賜坐從容慰勞之夜漏下十刻始勅內官扶掖而出乙巳親製文一篇以賜九年十二月學士承旨宋濂致仕將行上曰卿去何時復來見朕乎幸相待數日姑徐徐行由是

欽定四庫全書

翰林記
卷五

三十五

留者數月十年二月遂辭歸瀕行賜鈔幣文綺及御製文集皇太子贈以衣三襲上諭曰朕最慎於賞予嘉卿忠誠可貫金石故以是賜卿今年幾何矣曰六十有八上曰藏此綺三十二年後作百歲衣也濂叩首謝上復曰大江漲不可舟宜循內河達家庶幾無虞仍俾其孫中書舍人慎護行濂至家即拜表遣慎詣闕稱謝復上箋皇太子申明正心治國之要上賜詔褒答謂忠良之臣勲榮既著文章必傳功成身退惟卿得全耳濂辭時

請歲一來朝是年九月朔遂入朝越十有四日見上於端門上佇想已久廷問屢矣及見大喜加勞再三皇太子諸王皆驩動顏色翌日上降勅特遣儀習奉醪膳諸物抵寓館以賜自是日侍上遊歷觀闕盤旋禁籞咨詢備至便殿侍食日晏始退恩禮之優羣臣莫敢望上嘗喟然歎曰純臣哉爾濂純臣哉爾濂方今四方皆知卿名卿其自愛濂避謝不敢當凡所諫論皆古之格言朝廷百官惟恐濂不見留寺人衛卒見濂亦皆以手加額

欽定四庫全書

翰林記
卷五

三十五

推排迎拜留凡七旬餘以歲暮力辭還復選中貴人賜上尊至於道所經行皆上為之指畫既行數日上問其子遂曰爾父道中無恙否遂以安對未幾復謂遂曰朕疇昔之夜夢見爾父笑談如曩時爾父雖去其容儀儼然在朕目中也遂叩首謝曰非陛下垂念臣父之至何以形諸夢寐於是中書舍人史靖可太子正字桂彥良皆為詩歌以紀之八年正月修撰李叔兒以年老乞致仕從之七月待制王僎致仕賜以綺帛給舟車還鄉十



年八月賜應奉陳傳還鄉御製詩文賜之十一年四月賜編修張美和致仕製文賜之有曰千載一遇古人之通言然全於始終者罕矣今卿善始善終不亦美乎八年七月賜待制王傑致仕十四年九月賜修撰趙楫致仕十五年十二月賜文華殿大學士兼左中允全思誠致仕並加優禮皆年老之致也十八年九月文淵閣大學士朱善邁危疾上命醫治月餘增劇遣其子逢掖詣闕上訴得告歸十九年二月左司直郎汪仲魯請老上

欽定四庫全書

翰林記
卷五

二十七

胡儼以疾辭加授太子賓客致仕賜璽書褒美復其子孫詔給舟車賜楮幣為道里費未幾侍講余鼎修撰桂宗儒以疾陳乞致仕許之英宗復辟大學士高穀懇乞骸骨上憫其老特允所請賜白金楮幣織金襲衣給驛舟送歸其鄉賜勅褒之學士薛瑄入閣數月見將臣石亨等竊美威福歎曰君子見幾而作豈俟終日乎遂引疾乞致仕去成化十三年太子少保吏部尚書兼謹身殿大學士商輅以疾致仕詔陞少保兼職如故賜璽書

欽定四庫全書

翰林記
卷五

二十八

金幣襲衣珪鏤給驛以歸孝宗即位少師兼大學士萬安等老當致仕上風之使退安居位自若勅遣中官解其牙牌乃去弘治十年少師兼大學士徐溥以目眚致仕上加優渥焉正德初逆瑾用事少師兼大學士劉健少保兼大學士謝遷皆致仕而少傅兼大學士李東陽獨留其和遷登舟見寄詩有曰天外冥鴻君得志池邊蹲鳳我何人蓋自傷也東陽於是調和其間瑾誅後累加至少師食正一品俸致仕歲時賜鮮及頒上尊珍饌



與任事時同郊祀慶成光祿猶致宴皆先是所未有者
宥過

本院刑名屬刑部山西清吏司及大理寺左寺糾覈過
名則屬河南道御史然祖宗時禮待儒紳多見宥免洪
武初有御史言學士陶安隱微之事者上曰朕素知安
安豈有此且爾何由知之對曰聞之道路上曰御史但
聽道路之言以毀譽人以此為盡職乎不聽已而本院
官以失儀見呵太子正字桂彥良奏言當取其長而畧

欽定四庫全書

翰林記
卷五

三十九

其短上曰不然吾因其長而後責其短以造其金耳九
年十月壬午上御午門樓學士承旨宋濂編修傅藻等
奏事由左門入監察御史吉昌等劾之詔皆宥之他日
濂又以事情見責上製其誥詞有曰使爾檢閱則有餘
用之施行則甚有不足蓋惜之也二十二年八月監察
御史秦新奏劾諸司案牘稽遲者請速問之詔貸其罪
以移文責報惟翰林院勿問二十五年閏十二月學士
劉三吾自陳子婿戶部尚書趙勉夫婦坐賊皆緣失教

自當引退以勵廉恥遂免其官明年九月復職永樂中
侍講曾榮起復扈從同邑有坐奸黨事連榮者人以為
危太宗特原之曰朕惜爾才也所居西長安門外家人
不戒火延及禁門止亦以榮故不問編修楊敬便道過
家有司奏其冒支廩給擅使驛遞人夫上怒曰敬奉朕
命奈何辱之詔不問水東日記云凡大班奏事有常規
亦多所司預進事目惟正統戊辰狀元彭時謝恩以夜
坐久誤入朝被劾上赦之國家之禮重儒臣如此

欽定四庫全書

翰林記
卷五

三十九

曲宥私親

永樂六年上北巡皇太子監國留左諭德兼侍講楊士
奇輔導明年其同母弟羅京以事當徙北京為民士奇
顧其子尚幼而母墓無守之者乃以情白仁宗乞留京
不徙且言京兄弟二人兄從戍遠方京復當徙困苦流
離有足矜者辭意甚懇切監國憫之遂以京給士奇并
開羅氏軍籍學士楊溥江陵產也國初江陵人有南徵
之戍什伍連屬楊氏亦隸籍焉其地在瘴鄉往戍者多

不得生還追逮無虛歲溥母甚厭苦之溥乘間以聞上
優詔復其家

卹典

成憲凡學士大學士以一品兼者及贈一品者其歿也
賜祭四壇若父母妻則一壇以侍郎兼學士贈尚書者
賜祭二壇他官四品以下無有卹典惟本院最為崇異
洪武二十四年十月編修唐震卒於四川命禮部遣官
往祭之仍命還其喪於京師二十三年十月編修廬原
欽定四庫全書
翰林記
卷五
三十一
質奔父喪詔賜驛舟楮幣還歸辛巳年九月修撰王良
卒遣禮部左侍郎黃觀諭祭宣德七年少詹事兼侍讀
學士王英丁母憂上命禮部賜祭工部造墳遣中官阮
童護之奔喪尋奪哀還朝成化四年學士柯潛丁父憂
有司請賜祭有旨并與葬六年正月復丁母憂朝廷聞
知遣官諭祭五品父母有卹典自潛始也七年左庶子
兼侍講徐溥丁父憂特遣官賜祭十三年溥以少詹事
兼侍講學士丁母憂賜白金楮幣及葬祭二十年侍講

學士李東陽丁父憂賜祭一壇正德初學士張芮以宮
恩加從四品俸丁母憂特賜葬祭



欽定四庫全書

翰林記
卷五

三十一

翰林記卷五



欽定四庫全書

史部
翰林記卷六至十二

詳校官太常寺少卿臣陳桂林
編修臣程嘉謨覆勘

總校官原任中允臣王燕緒
校對官編修臣王嘉曾
膳錄監生臣湯安泰
膳錄監生臣許蔭培

欽定四庫全書

翰林記卷六

明 黃佐 撰

朝參

凡朝參洪武中常朝御謹身華蓋奉天三殿命本院官序立居文武第一班之後稍近上便於觀聽不許撓越每過上御奉天門則立御榻之左皆常服朝朔望上御奉天殿具公服隨班行禮畢詣文華殿朝東宮云永樂初令內閣儒臣侍朝立金臺

欽定四庫全書

翰林記卷六

東御三殿皆陞殿賜燕宅憂則御西角門如常朝奉天門之制正統初內閣官始移下貼御道東序立本院官則序立丹墀之東第一班後御西角門亦如之若午朝晚朝之儀洪武時無可考者永樂中午朝御左順門既陞御座內官設案內閣及本院侍班官俱于案西序立晚朝或御右順門儀節亦如之宣德以後止御早朝退御便殿景泰中復御午朝而晚朝遂廢大學士王鏊論視朝曰在易泰之象曰上



下交而其志同否之象曰上下不交而天下無邦下之情達於上上之情達於下所以為泰不然雖有國若無國矣故曰無邦也交則泰不交則否自古皆然而不交之弊未有如近世之甚者也君臣相見不過視朝數刻遙相唯諾君或不識其臣臣或不交一言於君上下從事不過章疏批答相關接刑名法度相把持而已非獨沿襲故常亦其地使然何也本朝視朝於奉天門未嘗一日廢可謂勤矣然堂陛懸絕威嚴赫奕將軍持鈇御史糾儀鴻臚舉不如法通政司奏上特是之命所司知之而已謝恩見辭惴惴而退上何嘗問一事下何嘗進一言哉此無他地勢懸絕雖欲言無由言也愚以為欲上下之交莫若復古內朝之法蓋周之時有三朝庫門之外曰外朝詢大事在焉路門之外為治朝日視朝在焉路門之內曰內朝亦曰燕朝玉藻云君日出而視朝退適路寢聽政說者以為視朝而視羣臣所以通上下之情聽政而適路寢所以決可否之計漢制大司馬左右前

欽定四庫全書

翰林記
卷六

二

後將軍侍中散騎諸吏為中朝丞相以下至六百石為外朝蓋外朝為尊中朝為親也唐皇城之南一門曰承天正旦冬至受萬國之朝貢則御焉蓋古之外朝也其北曰太極門其內曰太極殿朔望視朝在焉蓋古之中朝也又北曰兩儀門其內曰兩儀殿常日聽朝而視事蓋古之內朝也宋時常朝則文德殿五日起居則垂拱殿正旦冬至聖節稱賀則大慶殿賜宴則紫宸殿或集武英殿試進士則崇政殿侍從以下五日一員上殿謂之輪對則必及時政利害內殿引見亦或賜坐或免穿執蓋亦三朝之遺意焉夫天有三垣天子象之中朝象太微也外朝象天市也內朝象紫微也國朝朔望正旦冬至大朝會則奉天殿即古之正朝也常朝則奉天門即古之治朝也而內朝獨缺然非缺也太祖太宗時華蓋謹身武英等殿筵宴奏事則內朝也而今久不御三殿深嚴人臣鮮或窺焉故上下之交絕而不通天下之弊由是而積臣愚欲於常朝之外於便殿之側倣古

欽定四庫全書

翰林記
卷六

三



內朝之法或三日或五日一御焉外朝或可間歇而內朝必以時舉六部諸司以次奏事上隨意決之難決者或從容問之大臣五日一次起居侍從臺諫五日一員上殿輪對或不時召見凡謝恩朝見之類皆得上殿咫尺相對畧去威嚴上不難於問下不難於對人才之賢否政事之得失風俗之美惡間閭之疾苦古今之治亂皆得畢陳於前如此則上下之情可通內外之壅蔽可決天下之事將無不可為者

欽定四庫全書

翰林記
卷六

侍坐

洪武三年七月禮部尚書崔亮奏准凡大朝會賜宴文官三品以上武官四品以上上殿者賜坐墩其退朝燕間行幸之處勛舊之臣文學之官賜坐者仍加絨罽繡褥九年定學士承旨於六部尚書之上學士在光祿卿之上侍講學士在侍郎之上時正官列卿先侍郎故也其後學士雖五品猶先尚書焉十六年十一月甲寅詔定朝叅官員坐次凡奉天門賜坐六部侍郎應天府尹

國子監祭酒翰林院官諫官僉都御史坐於西角門東向若華蓋殿坐於鹿頂外東西向永樂以後御三殿或便殿行幸無不賜坐者惟仁宣二朝始以尚書侍郎兼學士官於是學士非兼三品以上職者乃坐其下英廟以來接見儒臣之日少故侍坐之儀遂廢若大祀天地次日慶成大宴羣臣學士陞殿侍坐在文職四品之上本院及詹事府坊局經筵官在六科都給事中之上中左門序坐修撰等官在六科給事中之上本院帶俸官在太常寺博士之上詹事府主簿通事舍人在鴻臚寺署丞之上丹墀中序坐正統二年特命侍講一人升殿列學士之下成化四年令修撰等官凡近侍風憲者另別於丹陛下之東西稍北而庶吉士與焉

欽定四庫全書

翰林記
卷六

殿上侍班

常朝御謹身華蓋奉天三殿百官行叩頭禮畢本院官用學士侍讀學士侍講學士侍讀侍講修撰編修陞殿侍班洪武二十四年三月辛未詔文武官除分詣文華

殿啓事外凡遇陞殿合用履鞋照依品級侍班有違越失儀者從監察御史儀禮司糾劾東班則六部等掌印官本院官及春坊學士尚寶司西班牙則五府等武官及給事中中書舍人正統以後惟萬壽聖節冬至正旦大朝賀及頒詔進實錄冊立冊封始御奉天殿其侍班惟用修撰編修檢討等官四員是日早具朝服履鞋偕禮部鴻臚寺及導駕給事中糾儀御史等官最先入循殿旁至華蓋殿前候上出鴻臚寺官奏執事官行禮禮甫畢即趨出復從殿旁趨出奉天殿內北向立候雙炬自中前導則駕至矣及上陞寶座導駕官分東西立定趨至寶座之東西向與中書舍人對立候行禮畢自殿門以次趨出若東宮千秋節及冬至正旦朝賀亦用修撰等官二員與春坊司經局官對立侍班於文華殿行禮云

奏事

洪武三年七月己亥禮部尚書崔亮奏凡諸儒官於御

欽定四庫全書

翰林記
卷六

六

前奏事或進呈文字恐有口氣體氣須退立二三步毋輒近御案凡立必於東西隅不得直前制曰可永樂四年令六部及近侍官有事當商畧者皆於晚朝陳奏景泰二年令午朝翰林院先奏事學士周叙嘗言於景帝曰臣自永樂以來職叨班行伏見太宗仁宗宣宗臨御之時大班既退即於門上說事各衙門官輪流向前君臣相與商確政務罄盡所言人懷畏憚而事幾不泄成密勿廟堂之美自正統以來王振擅權獨立在旁於是輔弼大臣及近侍官員不得召對或有召對亦不敢詳盡以致釀成今日之禍宜令羣臣依舊制輪流向前說事上止與對者相知他人皆不得預聞庶得吐露肝膽而不宣泄於外然竟莫能行今按三朝聖諭錄所載曰翰林諸臣奏事右順門又曰上御西角門翰林諸臣奏事退如此之類不一而足當時君臣相與益可見也

便殿入奏

國初信用儒臣謁見無時每出御奉天門諸司有奏事

欽定四庫全書

翰林記
卷六

七



常規退御便殿有特以事入奏者許徑入洪武二十九年五月戊寅初命詹事府翰林院尚寶司中書舍人六科給事中儀禮司於午門內出入者各給牌為驗已而罷之使近侍官得日至便殿奏事永樂二十二年八月楊士奇新改革蓋殿大學士謝恩畢聞惜薪司奏准循歲例賦北京山東棗八十萬觔供宮中香炭之用士奇入將奏之時蹇義夏原吉奏事未退上望見士奇笑謂蹇夏曰新華蓋學士來奏事必有理試共聽之士奇言欽定四庫全書 翰林記 卷六 八

詔下裁兩日今聞惜薪司傳旨賦棗八十萬觔得無過多是雖歲例然詔書所減除者皆歲例上喜曰吾固知學士言有理吾數日來宮中事叢脞此是急遽中答之不暇致審即命減除四十萬觔即其事也至正統時遂廢景泰中侍講劉定之抗疏言凡政事有早朝未及決者宜日御便殿使近臣侍於側大臣奏於前言官察其邪而加糾彈史官書其言動以示懲勸君臣之間詢謀疇咨互相可否以求至當此前代故事祖宗成法也遵而

行之則剖決萬幾日益以熟審察百官日益以明聖政益新天命益隆矣若乃仍如前日無事但以奏本進入旨意批出臣恐偏聽生奸獨任成亂治化無由底於雍熙也疏上不省今按聖祖時出入禁籞以至臨朝侍臣無不從者有所擬議欲修播告則翰林院官承旨草制中書舍人當御膳駕謂之副墨尚寶官用寶即時發行若有儉邪在側或事當叅駁則六科給事中十三道御史抗聲於御前執奏謂之對仗彈劾定之所云與王鏊論視朝互相發然猶未詳及於此採而行之以復成憲是在今日

入直

洪武永樂洪熙宣德四朝近侍官輪班入直若本院官則日在館閣吳沉劉三吾胡廣楊士奇胡儼王英王直輩嘗有內直倡和詩偶記曾榮東華門內新館初成入直有作云東華樓觀鬱嵒高閣新成抗碧霄祕府圖書金作匱御溝流水玉為橋草分翠色承殷輅鳥弄歌

欽定四庫全書 翰林記 卷六 九



聲和舜韶倬直幾回清坐久隔簾時有御香飄蓋當時車駕嘗臨幸館閣故也不獨宣召燕對與供奉文字而已

留宿

洪武三年將剖符封功臣下學士宋濂議五等封爵召宿大本堂討論達旦永樂中內閣七人者常召至燕寢論事或命假寐至達旦乃出及太宗上賓仁宗命尚書蹇義夏原吉學士楊榮楊士奇侍讀王直侍講王英同欽定四庫全書
卷六 翰林記 十
定大喪禮議國政宿內閣者凡七日正統中三殿新成學士楊溥受命草詔夜直東閣作詩紀其事有奎宿光臨東閣遂觚稜影接北辰高之句云

侍遊禁苑

聖祖製大誥首以君臣同遊為言故當時儒臣每得侍上遊觀禁苑而亭臺樓閣靡不登眺相與笑談一如家人父子凡以通上下之情而成天地之交也學士宋濂嘗侍上後苑觀穫上曰農事成矣對曰國以民為本民

以食為天陛下知稼穡之艱難而念生民之良苦實盛德也洪武六年正月丙午上御武樓之便閣召御史中丞陳寧太子贊善大夫宋濂賜坐左右上談嘉祥之應勅中貴人取所儲膏露於宮中俄盛以翠甕跪進玉潔珠圓世所未覩也已而詔畀饗器至用金杓煉水二升火既勻水勢成濤上起自龍帳中親啓罌以投須臾融化與水為一上取杓傾瀉二內侍舉幕承之查滓已淨重漉以絳紗囊上飲一爵而分賜寧與濂焉且曰此天地至和所凝也卿等服之去沉痾而享遐齡寧等飲畢奠爵於几頓首而退賦甘露漿詩以侈其榮濂在上前所陳說不為隱蔽雖家事苟有問亦一一道之嘗曰君猶父也天也其可欺邪一日上問曰卿昨飲酒座客為誰饌為何物濂悉以其實對上笑曰卿飲時朕令人視之果如卿言卿信不欺我久益厚之每燕見必命茶賜坐每旦令侍膳詢訪舊章講求治道或至夜分乃退永樂中學士解縉胡廣等七人從上幸北京每令節燕聞

欽定四庫全書

卷六 翰林記

十一



扈駕登萬歲山侍宴廣寒殿泛太液池以為常廣等多為歌詩以紀之宣宗時宸遊尤多宣德三年三月庚辰上命尚書蹇義內閣學士楊士奇楊榮等十有八人同遊萬歲山許乘馬及將從者二人既入東上北門乘馬及乾寧門下馬步出度橋中官導引登山周覽復賜登御舟泛太液池賜茶及素羞十餘品而凡蕩漿持楫者皆中使倡和合律既而抵新建圓殿地勢奇勝金碧照耀恍若身在蓬萊宮闕有間上乘馬至慰勞甚周皆叩首稱萬歲上大喜徘徊久之特召士奇榮諭以天下無事不可流於安逸而政務之暇命卿等至此以開豁心目庶幾古人遊豫之樂不在拘檢也士奇榮叩首稱謝而退傳諭羣臣方憑檻觀中官挈舟網魚復有旨人賜御釀玉醅一甌飲既復命乘馬遊小山行一里許上乘馬繼至羣臣匆促將下馬迎特旨勿下諭中官人賜鈔三十貫從者人三錠且令中官陪至小山飲饌盡醉而歸駕遂回未半里遇池中水鳥羣飛上親發一矢中一

欽定四庫全書

翰林記
卷六

十一

鳥墜馬前諸臣方入小山門遙見中官持鳥至傳命賜義等炙食之羣臣望闕叩首謝遂徧遊小山觀二獅子滾毬并金龍噴水水簾及曲水流觴之處皆雕琢奇異布置神巧莫不讚歎良久乃退坐松栢間享酒饌皆珍奇之品中官相與勸酬甚歡酒未闌人賜鸚鵡杯將徹復賜從者酒食皆醉飽而歸及出西安門天已暝抵家則漏初下矣朔旦義等方相率詣御前稱謝而中官傳旨免謝云士奇與榮皆為詩以紀之七月十有一日召尚書蹇義夏原吉楊士奇楊榮同遊東苑夾路皆嘉植前至一殿棟宇宏壯金碧焜耀其後瑤臺玉砌奇石森聳環植花卉香豔穠郁引泉為方池上玉龍高盈丈噴激下注入於石渠直透殿內兩旁石溝之首圓轉各有二竅並列其一水貫其中委曲縈迴復流至第二竅乃入於池直通殿外石池之中奇石屹立不假雕琢宛若升龍之狀上四竅以通泉脈而常閉之啓其竅則水皆湧出直上盈丈與殿後石龍吐水相應池南又有臺高數

欽定四庫全書

翰林記
卷六

十三



尺森列異石植以花卉紛披掩映殿陛前有二石左如龍翔右如鳳舞天然奇巧宛若生成初上御殿中召義等語政務良久乃曰此旁復有草舍一區乃朕致齋之所非敢比古人茅茨不翦之意然庶幾不忘乎儉矣卿等可徧觀於是中官引至一小殿梁棟椽桷皆以山木為之而覆之以草四面闌楯亦然不加斲削少西有路迂迴入荆扉則有河石梵之河南有小橋覆以草亭左右復有草亭亦東西相望宛若台星枕橋而渡其下皆水游魚初躍可觀中為小殿有東西齋有軒以為彈琴讀書之所悉以草覆之四圍編竹籬籬下皆蔬茹匏瓜之類觀畢上臨河命舉網得魚數尾命中官具酒饌賜魚羹既而召至前賜以金帛絛環玉鈎等物遂賜宴於東廡珍羞異味不可勝紀復被旨令各盡醉而歸則暝矣士奇賦四言詩九章曰齋官曰圓亭曰方沼曰翠渠曰黛峰曰靈泉曰御苑曰嘉魚曰瑞匏榮亦賦長歌次早進謝焉七年七月上登萬歲山坐廣寒殿召翰林儒

欽定四庫全書

翰林記
卷六

十四

臣侍命周覽都畿山川形勢既畢上諭以元興替之故曰茲山茲宇順帝所日宴遊者也豈不可感侍臣叩首曰紂之跡周之監也上曰然正統景泰中蓋鮮聞矣英宗復辟始與諸大臣同遊天順四年四月十六辰刻上御南薰殿召尚書王翱李賢馬昂學士彭時呂原五人入侍命內侍三人鼓琴上曰琴音和平足以養性曩在南宮自撫一二曲今不暇矣所傳曲調得於太監李永昌永昌經事先帝最精於琴是三人者皆不及也賢等對曰由此不輟亦可精矣因皆叩首曰願皇上歌南風之詞以解民愠幸甚上起人賜鑲鶴頂博帶一條皆親舉授五人者皆叩首而出嘗觀君臣之際上貴致其禮下貴盡其誠若私昵嫖褻流連光景殆非聖祖所謂同遊之初意也已

欽定四庫全書

翰林記
卷六

十五

燕飲廢和

洪武二年十一月二十有二日上御外朝召學士宋濂侍講學士危素侍讀學士詹同直學士陳樞待制王禕

起居注魏觀吳琳列坐左右既而命本官進饌賜封酒飲之上屢盡觴中官承旨宣勸甚力瀟數以弗勝柝杓固辭上曰卿但飲無傷也酒終上親御翰墨賦冬日詩一章復繫小序于首命各以詩進瀟最先禕次之觀琳徑同又次之素最後詩以民瘼為言上曰素終老成其有軫憂蒼生之意乎於是各沾醉而退六年開局禁中修大明日歷十一月十五日前御史中丞誠意伯劉基偕學士宋濂詹同侍上燕乾清宮之便閣同被酒而還

欽定四庫全書
翰林記
卷六
十六

時繕書監生黃景在館同愛其有俊才賦詩贈之字大如竿少選奉御傳宣召瀟等赴右順門會上適乘步輦而至同餘醒猶未解上謂之曰卿醉猶未醒耶同對曰臣雖醉猶能賦詩贈黃秀才謂昶也上曰詩何在同對曰在史館中上顧瀟亟取之既上奏上笑謂瀟曰朕即和同詩卿當為朕書之瀟於是受命書焉同詩不過稱昶才美而御製之詩則并及君臣燕飲之故瀟歸與昶言之以為詞壇盛事八年八月甲午上觀於水西尹程

秋水賦言不契道乃更為之賦成召學士宋濂等觀之且令各撰賦以進瀟率同列撰成詣東閣次第投獻上皆親覽焉復寘品評於其間已而賜坐勅大官進天厨奇珍內臣行觴觴已上顧瀟曰卿何不盡飲瀟出跪奏曰臣荷陛下聖慈賜以醇酎敢不如詔第臣年衰邁恐不勝杯酌志不攝氣或愆於禮度無以上承寵光爾上曰卿姑試之瀟即席而飲將徹上復顧曰卿宜更釀一觴瀟再起固辭上曰一觴豈解醉人乎卒飲之瀟舉觴至口端又復瑟縮者三上嘆曰男子何不慷慨為對曰天威咫尺間不敢重有所瀆勉強一吸至盡上大悅瀟顏面變頰頓覺精神遐漂若行浮雲中上復嘆曰卿宜自述一詩朕亦為卿賦醉歌二奉御捧黃綾案進上揮翰如飛須臾成楚辭一章瀟既醉下筆傾欹字不成行列甫綴五韻上遽召至前命編修朱右重書以遺瀟遂諭曰卿歲之以示子孫非惟見朕寵愛卿亦可見一時君臣道合安樂太平之盛也瀟行五拜禮叩首以謝上

欽定四庫全書
翰林記
卷六
十七



更勅給事中宋善等賦醉學士歌云宣宗尤喜為詩初即位起學士李時勉而任用之一日幸文淵閣賜諸學士飲呼時勉謂曰卿非朕安得飲此酒時勉頓首謝他日侍遊東苑上賜時勉酒酌以上所御金甌時勉頓首辭曰臣可與陛下同飲不敢與陛下同器上悅命易以銀爵既醉上出御製詩俾賡之宣德六年萬壽聖節上御製詩一章賜尚書胡濙蹇義大學士楊士奇楊榮且曰朕茂膺天命惟爾四人贊翼之功賜宴盡歡而罷明欽定四庫全書

翰林記
卷六

十八

日士奇榮各奉和睿制以獻又嘗與大學士黃淮燕飲於萬歲山淮獻詩他日陛辭復燕飲於大液池御製長歌以贈焉語在第五卷嗟乎虞廷喜起泰阿遊歌其響不聞久矣至我朝而續夫燕所以示慈惠也詩所以道性情也燕飲賡和之際而至情藹然迥出千古祖宗盛時上下之交有如是哉

召對

祖宗以來於凡燕閒之際執政大臣左右近侍時常皆

得接見自英宗以幼冲嗣位此禮遂廢惟有大事則傳奉召之問對一二語遽出因襲以為故事景帝時壅蔽尤甚及英宗復辟始知其由乃親決章奏日與大學士李賢議之賢據便殿入奏舊規每朝退獨留不待呼召徑詣上燕閒入見以承顧問然同列彭時呂原恒不得與焉上嘗謂景泰全然不理政務或用人陞官明日謝恩不知所以文武大臣未嘗接言上下之情如何得通賢曰自古明君未嘗不與大臣相接商確治天下之道

翰林記
卷六

十九

所謂接賢士大夫之時多親宦官官妾之時少也上曰如此天下豈不治安觀英宗聖志蓋勵精求治而賢不能同人致交有功為可憾耳李東陽曰東陽自乙卯承乏內閣時孝宗皇帝臨朝淵默自朝參復命經筵日講之外罕接天顏凡有擬奏陳說答問之類每用本票揭帖大則具題本雖日積月累往往不能盡弘治十年三月二十二日朝食前忽遣司禮監太監韋泰馳至閣亟呼曰宣四先生叩其故曰不知臣溥臣健臣東陽臣遷



亟具衣冠至文華殿叩頭畢上曰近前於是直叩御榻
司禮監諸太監皆環跪於案側上曰看文書諸太監取
本付臣溥臣健又分置硃硯硃筆授片紙數幅於臣東
陽臣遷每一本上曰與先生輩計較臣溥等看畢相與
議定批辭以次陳奏得允乃錄於紙上以進上覽畢親
批本面或更定二三字或刪去一二句皆應手疾書宸
翰清逸畧無凝滯有山西巡撫官本上顧曰此欲提問
一副總兵該提否臣溥等對曰此事輕副總兵恐不必
欽定四庫全書
翰林記
卷六
千
提止提都指揮以下三人可也上曰然邊情事重小官
亦不可不提耳又禮部本擬一是字上曰天下事亦還
看本內事情若止批一是字恐有遺失因取本閱之則
曰是只須一是字足矣又一本臣健奏曰此本事多臣
等將下細看擬奏上曰文書尚多都要一看下去也是
聞就此商量豈不好皆應曰諾上指餘本謂左右曰此
皆常行事不過該衙門知道耳乃皆叩頭退上復謂左
右曰喫茶出文華門尚膳監官捧茶以俟章太監喜曰

茶已具矣蓋時出急召未有宿辦也自天順至今四十
年先帝及今上之初間嘗召內閣不過一二語是日經
筵罷有此召因得以窺天質之明睿廟算之周詳聖心
之仁厚有不可測量者如此自是平臺煖閣稍稍召對
并及部院大臣詢其政務若欲復祖宗之舊者及孝肅
太皇太后之喪議禮考文久或移晷多或連月藹然家
人父子之情顧上既明習國事天語嚴密議論層出或
累數十句臣下雖承造膝欲盡一二語至無間可入或
不竟其辭而退退而尋繹所受亦不能悉記也議者以
為孝宗若久於天位非惟奏事之制可復而隆平之治
且成矣

召慰

編修楊士奇始入內閣每數對望見天威猶有懼色太
宗召而慰之曰朕知爾文學親擢於此爾但盡心勿
自疑畏英廟既復位退御文華殿召大學士高穀學士
商輅謂曰朕在南京知爾二人無偏向心如今正要用



爾好用心辦事成化四年彗見言官劾內閣大臣商輅等遂求退奉旨朕用卿不疑何恤人言至詰責言者曰唐太宗用王魏朕用商輅有何不可欲加譴調輅奏言臣嘗勸陛下優容言官已荷嘉納如修撰羅倫輩復請召用今因論臣而又責之如公論何上以為然乃釋言官不問而召輅至御榻前慰勉再三祖宗之禮貌儒臣往往如此

召示文翰

欽定四庫全書

翰林記
卷六

三十三

太祖皇帝嘗出御製詩文以示詞臣太子正字桂彥良即於上前大聲誦之琅然左右驚愕學士承旨詹同私戒之上知之謂曰儒者事君正當誠意毋事矯揉也又嘗出御製勅使彥良指摘彥良受命盡言稱上意焉洪武二十年二月甲辰御註尚書洪範成先是命儒臣書洪範揭於御座之右朝夕觀覽乃自為註至是成召贊善劉三吾曰朕觀洪範一篇帝王為治之要道也所以叙彞倫立皇極保萬民叙四時成百穀本於天道而驗

於人事箕子為武王陳之武王猶自謙曰五帝之道我未能焉朕每為惕然遂疏其指為註朝夕省覽三吾對曰陛下留心是書上明聖道下福生民為萬世開太平者也宣德七年七月宣宗燕閒閱內庫書畫得元趙孟頫所繪豳風圖因賦長詩一章召翰林詞臣示之曰豳詩周公陳后稷公劉致王業之由與民事早晚之宜以告成王使知稼穡艱難萬世人君皆當鑒此朕愛斯圖為賦詩欲揭於便殿之壁朝夕在目有所激勵爾書於圖之後九年十二月宣宗退朝御文華殿召少傅楊士奇等出御書洪範篇及御製序文示之且諭之曰所論或未當卿等當直言勿隱士奇等對曰聖論皆當直得古人精蘊上曰朕在宮中雖寒暑不廢書冊士奇等對曰帝王勤學問則宗社生民有賴矣惟願陛下始終此心上笑曰卿等亦常須直言朕不為忤

翰林記卷六

欽定四庫全書

翰林記
卷六

三十三



欽定四庫全書

翰林記卷七

明 黃佐 撰

議禮上

祖宗時凡國家禮樂制度皆命本院儒臣議而行之咸取自上裁洪武元年二月壬寅朔中書省臣及學士陶安等進郊社宗廟議曰圜丘曰方丘曰宗廟曰社稷各具沿革安等奏天子大社必受風雨霜露以達天地之氣若亡國之社則屋之不受

欽定四庫全書

翰林記
卷七

天陽也今於壇創屋非宜若祭而遇風雨則于齋宮望祭上是之又定宗廟時享之禮安與侍講學士朱升待制詹同等奏漢以下廟皆同堂異室四時皆合祭今四廟特享宜倣之上命春特祭餘三時合祭如古制二年三月戊戌朱升等奏勅撰齋戒文大祀四日戒三日齋凡七日中祀三日戒二日齋凡五日上命凡祭天地社稷宗廟山川等神是為生靈祈福下令百官一體齋戒若自有所禱不關於民者

不下令八月定大祀受誓戒九月乙巳詔以司中司命司民司祿及壽星五神為中祀命翰林院撰文七年六月乙卯上以大祀終獻畢方行分獻於禮未當用宋濂詹同議以上行初獻禮奠玉帛將畢分獻官行初獻禮亞獻中獻皆如之八月辛酉監察御史谷祿與權請行禘祭事下禮部太常寺翰林院議以為虞夏商周四代世系明白其始所從出可得而推故禘禮可行自漢唐以來世系無考莫能明其始祖所自出當時所謂禘祭不過合已祧之主序昭穆而祭之乃古之大祫非禘也宋神宗嘗曰禘祖之所自出是則莫知祖之所自出禘禮不可行也今國家既追尊四廟而始祖之所自出者未有所考則於禘祭之禮似難遽行上是其議八年十一月乙丑詔翰林院考定大祀登壇脫舄之禮學士樂韶鳳奏祭日大駕臨壇入幕次脫舄升壇執事等官皆脫舄於外以次升壇供事協律郎樂舞生依前跣職就位祭畢降壇納舄從之十二年正月乙卯合祀天地於南

欽定四庫全書

翰林記
卷七



郊詔翰林儒臣紀其事九年五月乙丑將有事於方丘適有晉王妃之喪上命宋濂考古制以聞對曰郊社之禮國之大事聖人所重雖有三年之喪亦不敢廢示有尊也二十五年六月戊辰以皇太子喪時享在邇命翰林院禮部議之學士劉三吾等奏王制三年不祭惟天地社稷不敢以卑廢尊宋真宗居喪易月服除之明年遂享太廟祀天地服袞冕車輅儀物音樂緣神事者不廢其鹵簿鼓吹諸樂皆備而不作定議天地社稷先師欽定四庫全書翰林記卷七三

歷代帝王等神宜如宋制惟太廟先祖神靈所在國既有喪而時享用樂恐神不樂所宜亦備而不作從之已而上自以已意定郊廟禮樂庶吉士解縉嘗上疏言六經殘缺莫甚於禮樂宜正禮經及訪求審樂之儒作樂書又言祀天宜復埽地之規尊祖宜備七廟之制太常非可以肆俗樂上嘉其議先是洪武二年八月詔天下郡邑舉素志高潔博通今古練達時宜之士年四十以上者禮送至京纂修禮書二十年十月諭禮部集諸儒

臣察尊卑禮儀舊制重加刪訂凡二十六條行之改元之初即定釋奠先師仲春仲秋二上丁日降香遣官祭於國學又詔定親征遣將諸軍禮及官民喪服之制又定太歲風雲雷雨岳鎮山川城隍諸神祭禮其冠禮皇太子冠翰林院撰祝文祝辭因定天子冠禮尋定皇太子親王及士庶婚禮俱本院偕中書省臣議上其王國禮樂及合祀山川之儀則本院禮部與王府官議上遂命燕齊祭東海齊魯祭東鎮秦蜀祭西海晉祭北海欽定四庫全書翰林記卷七四

若晉王妃謝氏喪秦愍王喪懿文皇太子喪孝慈皇后喪則專詔本院定議以聞成穆貴妃薨詔本院稽古典定喪服之制令父母俱斬衰三年子為庶母服暮年書成頒行曰孝慈錄又考議陵寢朔望節序之祭及祭前代忠臣用便服行禮等節目亦皆本院所定今見於諸儒所纂大明集禮洪武禮制等書雖損益古今之宜然多出自聖意眾莫敢違也雖敢言如解縉明指其非古然上亦未嘗以其異已而罪之也夫以異已者為罪



則必以迎合者為功則是禮樂自臣下出也於戲聖祖之慮之遠如此

議禮下

開國之初命儒臣議定郊祀等大禮承平後雖時有所損益不過喪葬祔祔名號宴賀儀文度數之屬永樂十一年十二月鴻臚寺奏習正旦賀儀上召禮部及本院官問曰正旦日食百官賀禮可行乎尚書呂震對曰日食與朝賀之時先後不相妨侍郎儀智曰既然同日免

欽定四庫全書

翰林記
卷七

五

賀為當上顧問翰林諸臣古有日食行賀禮否楊士奇對曰日食天變之大者前代元正日食多不受朝宋仁宗時元正日食富弼請罷宴徹樂宰相呂夷簡不從弼曰萬一契丹行之為中國羞後有自契丹回者言遼是日罷宴仁宗深悔今免賀誠當上遂免賀及宴仍賜百官節鈔十四年十一月周王橐楚王楨相繼來朝例次日謁孝陵周王先至適遇節上命東宮皇太孫及小皇孫陪謁已出東華門上遽召楊榮金幼孜楊士奇問謁

陵展敬之位如何士奇對曰周楚二王屬尊當列稍前兩傍東宮殿下列稍後居中皇太孫殿下亦居中列於東宮之後諸皇孫與皇太孫同班而分列兩傍上曰爾所言有據乎對曰宋儒朱熹家禮大約如此上曰吾未嘗熟家禮但據已見書其位次遂出宸翰所書正與所言合然下有六字未書授筆命足之遂遣鴻臚丞周昇馳賫赴陵俾率行之二十二年九月禮部尚書呂震言於仁宗曰今喪服已踰二十七日請如太祖做漢制釋

欽定四庫全書

翰林記
卷七

六

線易吉服奏已士奇謂震曰今喪服未可比此例蓋洪武有遺詔且仁孝皇后崩太宗皇帝在上線服後仍服數月白衣冠經帶今上於皇考乃遽即吉乎時黃淮議同士奇然不敢明言忤震震出忿言尚書蹇義從旁解之曰渠言當理國家事公豈應偏執已見請兼取二說明旦皆素衣冠黑角帶遂偕六部都察院具奏報可明旦上素冠麻衣經帶視朝文臣惟學士武臣惟英國公如上所服餘皆從義等所定朝退上召蹇義夏原吉及



士奇等論曰呂震昨奏易服云皆與汝等議定然後奏時吾已疑其非但聽臣下易之梓宮在殯吾豈忍易後聞士奇有言始知震妄士奇所執是因嘆曰張輔知禮六卿乃有不及又顧義曰汝所折衷亦未當然不必再以語人羣臣聽其便十二月庚午百官習新正儀於海印寺用樂明日士奇等進言近禮部與臣等已議定新正朝儀不用樂昨日習儀所仍用樂不改今四方朝覲官皆集於此觀禮乞勅禮部設樂不作不報蓋入呂震欽定四庫全書

翰林記
卷七
七

之言也楊榮金幼孜皆欲已榮即趨出士奇與淮不可三人遂復進言夜漏下十刻未得旨不肯退遂有旨命禮部設樂不作正月二日特召士奇等四人至奉天門諭之曰呂震每事悞朕卿等所執停樂最是夫為君以受直言為美不受直言則過益深焉為臣以能直言為賢不能直言則忠不盡如昨日朝會若從震言今悔何及自今遇朕行有未審但盡意言之毋以不從為慮各賜鈔千緡文幣一表裏天順中聖烈慈壽皇太后崩上

見學士李賢所服斬衰與眾異取視之乃知賢服制合古即以為法命宮中悉易之孟冬享太廟適大喪禮未終上以問賢賢言且俟釋服後庶人情事理兩安上從之癸未春上以足疾不視朝召賢曰大禮將至而疾未愈欲遣官代行可乎賢曰亦須至壇所雖不能行禮人心亦安上至齋宮復召賢曰朕惟俯伏難興欲令一人扶之何如賢曰陛下能力疾行禮尤見敬天之誠遂成事而還上以母后胡氏因疾請尊號靜慈仙師非令典欽定四庫全書

翰林記
卷七
八

欲上皇后尊謚而左右以為不便召問賢賢曰陛下此一念天地鬼神實臨之然臣之愚必須陵寢享殿神主皆如奉先殿之式庶幾稱陛下之明孝不然為虛文上即命舉行尊恭讓章皇后乃英廟嫡母也憲宗即位內臣夏時昌言錢后久病欲專致隆於上生母賢與彭時援遺詔執不可夏入傳仁壽宮旨曰子為皇帝母當為太后豈有無子稱太后者耶時曰今日與宣德末年事不同胡后曾上表讓位退居別宮故正統初不加尊號



今日名分故在豈得不尊夏謂宜照例寫讓表賢與時
曰臣子誰敢擅寫天子新即位四海顒望凡事宜遵遺
詔庶幾順天理服人心夏作色以為偏向時拱手向天
曰祖宗神靈在上錢后已無後何所利而為之所以爭
者為全皇上聖德故也若推大孝之心則兩宮同尊為
宜賢等皆曰然夏乃再入請命曰適皇上再三勸諭已
俞允矣時等遂執筆書尊皇后為慈懿皇太后母妃為
皇太后夏以為疑時曰加二字好稱呼耳非有尊卑於
欽定四庫全書
翰林記
卷七
九
其間也於是尊號之詔遂下後數日太監覃包至內閣
言曰並尊二母本出上意但屈於生母有難言者而不
知禮之人且欲逢迎其間非二先生力爭幾誤大事矣
時同寮有未發言者有慙色蓋此詔之行賢與時之力也
及議山陵賢等具疏請建玄宮為三穴夏復執不從成
化四年六月慈懿皇太后崩傳旨議山陵時等曰梓宮
當合葬裕陵神主當祔廟此一定禮無可議者禮部尚
書姚夔贊之曰此正禮也夏獨曰不可慈懿無子且有

疾豈可入山陵只可比胡后例葬西山耳已而上御文
華殿召內閣三人及諸內臣入面議時等曰當依正禮
上曰朕豈不知正禮是好但於周娘娘有碍故令爾等
議務要處得合宜商輅曰外議洶洶若不祔葬則人心
不服且於聖德有損劉定之曰孝子從義不從令雖聖
母有言亦不可從也上默然良久曰合葬固是孝若因
此失了娘娘心亦不可謂孝時曰皇上大孝當以先帝
之心為心先帝待慈懿始終如一今若安厝於左廬其
右以待後來則兩全其美庶不失先帝之意夏曰比先
閣下議作三位已不允時曰彼時慮有今日故預為此
議今須依前處置乃宜耳上雖未允而玉色未和時因
曰臣等言未當欲具本言之乞皇上再三申勸聖母以
終大事上曰可進來看當晚時等具本進奉有旨令百
官會議明日禮部集文武大臣議皆云時等言是內批
未允欲別擇地於是伏闕哭諫乃行焉語在伏闕弘治
初元詔議憲宗升祔及孝穆皇太后祔享之禮議者言



人人殊禮部左侍郎倪岳言德祖以上無可復推則德祖視周后稷太祖太宗視周文武百世不祧懿祖而下以次迭遷今憲考升祔則懿祖神主當祧宜於太廟寢殿之後畧倣夾室之制別建一殿九室以藏祧主每歲暮時享則奉祧主仍居舊位以應古祫祭之制又周禮春官大司樂歌中呂舞大濩以享先妣謂姜嫄也帝嚳之妃后稷之母故特立廟以祀而宋元德懿德二太后俱有別廟章獻章懿俱建奉慈殿孝穆神主宜於奉先殿旁別為一廟歲時祭享悉如奉先殿之儀從之於是遂建祧廟及奉慈殿時惟學士楊守陳獨以德祖比宋禧祖百世不遷為非禮抗言禮天子七廟祖有功宗有德乃孔子之言故凡號太祖者即始祖必事之以配天若商周之契稷皆以功而非論其本統也宋之禧祖及我德祖可比商祖乙周亞圉非契稷比議者徒謂大儒嘗有取於王安石之說而不從孔子遂使七廟有始祖又有太祖太祖既以配天而不正南面之位名與實乖

欽定四庫全書

廟林記
卷七

十一

豈先王之禮哉若以降而合食為非禮則王者既立始祖之廟又推始祖所自出之帝而配之固無嫌也憲宗升祔請并祧德懿熙三祖自仁祖以下為七廟異時祧盡則以太祖擬契稷而祧主藏於後寢祫禮行於前廟時享則尊太祖祫祭則尊德祖各不失尊庶無悖禮議者不從以太廟之制已有九廟又難於并祧故也十七年三月聖慈仁壽太皇太后崩上御西角門朝退召學士劉健李東陽謝遷至門內扉遂闔上御煖閣素幄起立牀前顧謂曰先生輩上來健等皆至幄內上曰為陵廟事與先生輩商量健等仰奏曰昨蒙遣太監扶安諭示孝莊睿皇后葬不合禮欲為釐正此盛德事臣等仰見皇上聖孝高出前古不勝忻慕上袖出裕陵圖一紙指示陵門內有二隧道其一西行北轉而至者為英宗皇堂虛其右壙而中有道可通往來其一東行北轉而至者為孝莊玄堂相去可數丈中隔不通因曰此大非禮東陽對以初不知此上因言出自內官所為又曰內

欽定四庫全書

廟林記
卷七

十二



官有幾個識道理的昨見成化年彭時姚夔輩奏章先朝大臣都忠厚為國如此健與遷對曰英宗有遺命錢后與我合葬大學士李賢記在閣下上曰既有遺命當時奈何違之東陽對曰臣等聞當時尚有別議故委曲至此非先帝意也上曰先帝亦甚不得已耳健等奏曰誠如聖諭但今日斷自聖衷勿憚改作則天下臣民無不痛快垂之史冊萬世有光矣上曰欽天監言恐動風水朕不以為然遷曰陰陽拘忌之說不足信上曰朕已欽定四庫全書
翰林記 卷七
折之矣今日開壙合葬不為動風水乎皇堂不通則天地否塞因以指畫紙曰若如此通則風氣流行惡得言動推一點誠心為之料亦無害東陽贊曰皇上一念孝誠可以格天吉無不利健等皆力贊曰皇上所見高出尋常萬萬願勿復疑上曰此事不難若祔廟之禮尤所當講健等奏曰先年奏議已定慈懿太后居左今大行太皇太后居右令祔裕陵配享英廟且引唐宋故事為証臣等如此不敢輕議其實漢以前惟一帝一后唐始

有二后宋亦有三后並祔者上曰二后已非若三后尤為非禮遷對曰彼三后一乃繼立一則所生母也上曰事非師古末世鄙褻之事不足學東陽對曰皇上當以堯舜為法上曰然宗廟事關係綱常極重豈可有毫髮僭差太皇太后鞠育朕躬恩德深厚朕何敢忘但一人之私情耳錢太后乃皇祖母立正后我朝祖宗以來惟一帝一后今若並祔乃從朕壞起恐後來雜亂無紀極耳且奉先之祭先生輩尚不知英宗皇帝止設一座每祭飯一分匙一張而已健等倉卒不解上意但應曰唯唯退思之蓋孝莊尚未配食也上曰孝穆太后朕生身母止尊稱為皇太后別祀於奉慈殿今仁壽宮前殿儘寬意欲奉太皇太后於此他日奉孝穆太后於後殿歲時祭享如太廟不敢少缺健等皆未敢應聖意蓋謂今皇太后千秋萬歲後也東陽曰皇上言及孝穆太后尤見大公至正之心可以服天下矣上曰此事却難處行之則理有未安不行則違先帝之意又違羣臣會議會



議猶可奈先帝何朕嘗思之夜不能寐先帝固重而祖宗之制為尤重耳東陽曰願聖見主張得定臣等無不奉行上曰朕亦難於降旨先生輩是朕腹心大臣好為處置健等曰須下禮部令多官議之上曰雖多官亦不敢主張仍須先生輩為之耳健等曰容臣等計議上聞上曰先生輩辛苦且回去辦事是日上稱心腹者三呼先生者以十數健等感激稱謝皆叩頭起上前下板階顧內官啓扉立送而出時尊謚議已進奉旨撰冊未上

欽定四庫全書
翰林記
卷七
十五

几筵健等乃具題本言當時先帝遇天下難處之事羣臣為委曲將順之詞或者不能無疑乞勅禮部會集多官再加詳議次日朝退上起立呼內閣健等至煖閣幄前立問曰先生輩昨日所進令多官會議是幾個衙門健等對曰即前日進謚議者東陽歷對曰五府六部都察院通政司大理寺及詹事府翰林院言未畢上遽曰有翰林院最好考據古今大典禮須用翰林院又曰有科道乎皆對曰有上又曰好少頃曰別無說話回去辦

事蓋是日專為翰林問也自是每召必於朝退立呼內閣未嘗呼名二十一日復召上袖出會議本問曰此事如何健等對曰議得是東陽奏曰未知聖意如何上曰先生輩如何說健等對曰正是古禮上曰仍稱太皇太后可否皆對曰既是別廟須如此尊稱為當上曰如何批答遷對曰須說得委曲東陽曰要見重事上曰然宗廟事重要見今後世子孫崇奉不缺之意此本隨文書下來健等曰臣等領去上即以本授健復目送而出二

欽定四庫全書
翰林記
卷七
十六

十二日復召上袖出奉先殿圖指示曰此與太廟寢規制一般常時祭薦皆在此又指其廊間有門通西一區曰此奉慈殿也舊為神庫今廊廡及井俱未動又指其東一區別為門面南五間東西廊各五間此神廚也欲如此建廟可乎健等皆對曰此地最便東陽曰但未知寬窄如何上曰寬窄有數因指其傍小字曰東西幾丈南北二十丈後有牆牆之後有米倉蓋較之奉慈殿區深不及八尺皆請曰牆可展否上曰須展之其西偏有井

亭亦須去之耳又曰欲遷孝穆太后併祭於此如何健等皆對曰甚當再問再對上曰位序如何健等對曰太皇太后中一室孝穆太后或左或右一室上曰須在左後來有如此者却居右東陽曰太皇太后居中乃可遷奏曰會議本未知今日可出否東陽曰外廷瞻仰此本已數日上曰正為廟地未定今既定即出矣皆拜出如前會禮部尚書吳寬亦言周祭姜嫄於別廟詩謂之閼宮魯桓公之母仲子不得祔廟春秋書考仲子之宮至欽定四庫全書

翰林記
卷七
十七

宋始有兩后並祔之說然豈後世所宜法哉與上意合二十五日御批云祀享重事禮當詳慎卿等稽考古典及祖宗廟制既已明白都准議特建廟奉享仍稱太皇太后以伸朕尊親之意後世子孫遵守崇奉永為定制於是中外翕然稱為得禮惟陵事竟不行蓋因欽天監奏歲殺在北方之說而聖意終不釋然乃於陵殿神座移英廟居中孝莊居左孝肅居其右云

審樂

吳元年七月乙亥先是命選道童俊秀者充樂舞生至是始集上御戟門召學士朱升領之入見設雜樂閱試之上親擊石磬命升辨識五音升以宮音為徵音上曰何乃以宮作徵邪起居注熊鼎對曰八音之中石最難和故書曰於予擊石拊石百獸率舞上曰石聲固難和然樂以人聲為主人聲和則八音和矣因命樂生登歌一曲上復嘆曰古者作樂以和民聲格神人而與天地同其和近世儒者鮮知音律之學欲樂和顧不難耶升等對曰樂音不在外求實在人君一心和則天地之氣亦和天地之氣和則樂亦無不和矣上深然之其後命升等撰圓丘方丘樂章而朝享太廟諸樂章則詔翰林諸儒臣梁寅等分為之永樂元年九月詔侍臣曰皇考功德隆盛祖宗樂章未有稱述爾等其議為之於是學士王景等擬述以聞然竟未施行蓋缺典也凡舞用畫千郊壇武舞服左袖上書除暴安民四字亦出聖祖所定久廢弘治中用儒臣建議復之惟中和韶樂司於教

欽定四庫全書

翰林記
卷七
十八



坊誠有如解縉所論者審音以憲古改紀以召和豈有待於今日耶

定制度

聖祖有天下之初凡有制度命翰林儒臣稽考古今隆殺之宜以聞令中書省具奏上為裁定於是左丞相宣國公李善長本院學士陶安集諸儒論建以適殿中自朝廷以達邦國上下品次第明其等威洪武元年二月安等奏定天子冕服之制上曰五冕禮太繁今祭天地

欽定四庫全書

翰林記

十九

宗廟則服衮冕社稷等祀則服通天冠絳紗袍餘不用十一月甲子禮部翰林等官議定乘輿以下冠服之制三年六月中書省臣與翰林院定文武官朝服之制四年正月戊子禮部太常司翰林院議奏上親祀圜丘方丘宗廟及朝日夕月服衮冕祭星辰社稷太歲風雲雷雨岳鎮海瀆山川先農皆用皮弁服羣臣陪祭各服本品梁冠祭服五年五月癸卯親王儀仗車輅成亦禮官諸儒所定也八月乙亥禮部及翰林院議省牲宜用常

服十六年七月戊午詔更定冕服之制先是禮部言虞周以來冕服制度不一國初所製雖參酌古制然尚未備宜加考定於是翰林諸臣議上從之二十年冬十月召六部都察院通政司左右春坊大理寺及本院官著禮儀定式明日禮部以合行事宜凡一十四款上進詔頒行之二十四年六月己未詔六部都察院同翰林儒臣參考歷代禮制更定冠服居室制度於是羣臣集國初以來禮制斟酌損益以聞二十九年十一月詔翰林

欽定四庫全書

翰林記

二十

定律令

吳元年十月詔修律令命學士陶安為議律官十二月甲辰律令成命刊布中外洪武元年正月大明令刊成



條分吏戶禮兵刑工大明律亦如之儒臣奉二書以進上曰律令者治天下之法也今以教之於先律以齊之於後今所定律令芟繁就簡使之歸一直言其事庶幾人人易知而難犯八月己卯上念律令尚有輕重失宜有乖中典命儒臣四人同刑部官講唐律日寫二十條取進止擇其可者從之其或輕重失宜則親加損益務求至當六年十月命刑部與翰林院審定大明律七年二月律成學士宋濂撰表以進二十二年八月更定大明律初命翰林院同刑部官將比年律條參考折衷以類編附曰名例律附于斷獄下至是特載諸篇首頒行之

議封爵誥勅

洪武三年十一月丙申大封功臣其五等封爵皆學士宋濂所定始制五等公曰國侯伯曰郡子男曰縣至是罷子男不封惟繫公於國各賜之鐵券云二十三年九月乙未加封中山王徐達岐陽王李文忠三代皆王爵先是命翰林院議侍講學士葛鈞等奏王三代惟本朝

欽定四庫全書

翰林記
卷七

三

開平王常遇春出自特恩上謂二王皆元勲宜如開平王例自今開國功臣死後俱追封三代其爵子孫非建立奇功者生死止依本爵其券文誥命皆詞臣撰進其稱號曰奉天翊運推誠宣力守正武臣者開國元勲也永樂時曰奉天靖難後止曰奉天翊衛其下文多同亦有損益取自上裁者文武官誥命之制洪武五年三月定學士宋濂偕禮部議奏參考唐宋誥命皆由三省官列銜書名復用吏部告身等印章本朝誥勅既用御寶則省臣不敢署見勅花樣籤軸制度俱有等第不須改作又宋紹興間工部言官誥院所用綾紙易以偽冒乞下文思院別織一體花樣專充官誥今議於誥尾添織某字號以為關防及取工部神帛勅誥局已造完誥命書寫用寶頒於文武官從之九年四月癸卯命中書省兵部定給武官誥勅之制大都督府咨於中書省送兵部覆奏貼黃考監參考同奏附籍部擬散官移文翰林院撰文付司文監校勘奏付中書舍人書寫署名用印

欽定四庫全書

翰林記
卷七

三



十六年三月中書省與翰林院定嫡妾封贈例詔頒示中外復議文官贈叙之例十一蔭叙之例五二十四年五月辛卯詔定文武官封贈舊制一品封贈三代二品三品封贈二代四品至七品封贈一代兵部試尚書茹瑺奏請上命翰林院考古制學士劉三吾奏宋制與今例同詔從宋制又奏庶子襲父職例止封贈嫡母復命禮部翰林院同考古制三吾奏宋制母以子貴庶母亦依所生子之秩封贈詔從宋制六月丙寅命禮部翰林院議軍官姪男替襲伯叔職事及弟襲兄職養子女婿承襲養父妻父封贈禮制八月己巳瑺又奏言武臣封贈父母妻姓名有以嫡母生母同請有以正妻次妻並書者乃命翰林院稽考古制學士劉三吾言宋制嫡母繼母亡許封贈所生母正妻次妻並封古無此制今議正妻有子無子皆得封贈如正妻無子次妻有子俱從來未有定論上命只封嫡母正妻所生母則從宋制永樂元年十一月乙亥廣平侯袁容嫡母孫生母劉俱亡

欽定四庫全書

翰林記

卷七

獨繼嫡母羅氏在而封贈事例不同上命禮部與翰林院議侍讀學士解縉等議上若所生母與繼母俱在禮難並封今繼母在當封所生母并嫡母俱亡亦可一體追封從之仍命後不為例

考訂聲音文字

聖祖嘗召侍講學士樂韶鳳宋濂待制王僊修撰李叔允編修朱右趙壘朱濂典簿瞿莊鄒孟達典籍孫賁答祿與權諭之曰韻學起於江左殊失正音有獨用當併為通用者如東冬清青之屬亦有一韻當析為二韻者如虞模麻遮之屬若斯之類不可枚舉卿等當廣詢通音韻者重刊定之韶鳳等奉詔撰成七十六韻共十六卷書奏賜名曰洪武正韻濂序之畧曰古者之音唯取諧協故無不通江左制韻之初但知從有四聲而不知衡有七音故經緯不交而失立韻之原七音者牙舌唇齒喉及舌齒各半是也分其清濁定為角徵宮商羽以至於半商半徵而天下之音在是矣然則音者其韻書

欽定四庫全書

翰林記

卷七



之權輿乎旋宮以七音為均均言韻也有能推十二律以合八十四調旋轉相交而大樂之和亦在是矣自後秦啓進呈文字點畫音韻並從是書違者有罰洪武二年四月命翰林院定官民書札儀式禁革民間名字有犯先聖先賢大國君臣并漢晉唐宋等字者中書省臣具奏行之若正統十年進士登科錄凡天字皆作莧云出內閣意景泰中幸太學表內閣自為之中有管窺霄蟲測海句蓋亦避天字也與宋宣和時禁君天等八字同識

欽定四庫全書

翰林記
卷七

三十五

者驚異殆非洪武舊制矣

議祀典

聖祖之正祀典也首詔岳瀆城隍等神皆削去後世所加封號止從實稱之惟孔子則仍其舊蓋崇儒重道雖出宸衷亦有取乎侍臣之所論建洪武元年遣官釋奠於先師孔子定以二丁降香遣官祭於國子監每歲二丁傳制遣官致祭孔子若登極皆遣官祭告闕里二十四年十月乙丑南豐縣典史馮堅言九事內一事歷代

忠臣烈士有功德於民者宜勅有司訪其事蹟俾禮部翰林院考究明白量加封謚上喜而寵擢之然終以往古名臣非異代之君所宜褒贈卒亦仍其舊焉二十六年頒大成樂於天下府學令州縣如式製造以祀孔子二十八年用儒臣言黜莽大夫揚雄進董仲舒從祀孔子正統二十年從本院議進胡安國蔡沈真德秀從祀八年追封元吳澄為臨川郡公從祀時建言者謂當祀劉因及本朝學士薛瑄內閣劉定之駁二人皆無著述

欽定四庫全書

翰林記
卷七

三十六

遂沮然澄實宋進士仕元失節且封郡公爵亞程朱識者非之時學士丘濬嘗著論許衡無益於名教則澄又可知也成化三年用大學士商輅議封仲舒為廣川伯安國為建寧伯沈為崇安伯德秀為浦城伯從之輅又請加孔子以道配天地之號事寢不行弘治九年追封宋楊時為將樂伯從祀言者因謂羅從愿李侗亦當從祀禮部侍郎傅瀚言二子著述視尹惇游酢謝良佐未知所先後二子從祀則三人似不可遺道學所在其可



輕乎乃止先是元年八月侍讀學士程敏政建議欲將馬融劉向賈逵王弼何休戴聖王肅杜預褫爵罷祀鄭衆盧植鄭玄服虔范甯五人各祀於其鄉而增后蒼若荀況言性惡宜依揚雄例黜之而祀王通七十弟子中申枏申黨疑誤當為一人宜存枏去黨公伯寮秦冉顏何蘧瑗林放五人既不載於家語亦宜罷去顏子曾子子思配享於殿而父在兩廡非所以明人倫宜於各處廟學如鄉賢祠之制別立一祠中祀啓聖王以祀國公欽定四庫全書 翰林記 卷七 二十七

顏無繇萊蕪侯曾點泗水侯孔鯉并邦國公孟孫氏配享永平伯程珌獻靖公朱松量加封爵祀焉祭酒謝鐸建議則謂吳澄出處不正當黜其祀俱詔廷議之學士吳寬言從祀亦觀其有益經傳否耳苟有益於經傳則揚雄馬融昔皆不廢今何獨廢澄也禮部尚書倪岳亦言馬融王弼之徒其立身不無可貶然秦漢以來六經出於煨燼賴諸子抱遺經專門講授經以復存自唐之註疏多祖其言今之經傳引用尚多其說則何可盡廢

七十子名字自馬遷以來相沿已久今生千百年後何可臆定於是咸仍其舊云夫孔子之道彞倫而已矣如以經傳著述為道學則顏冉著述安在哉况表章六經始自漢武馬融輩不過剽竊記誦安得專其功較定功德斥去陋儒以正昭代崇道之典斯固輔道侍從者之責也

制名號

聖祖有天下之初即追尊四代考妣為帝后其廟號尊欽定四庫全書 翰林記 卷七 二十八

謚皆學士朱升等所定凡皇子命名受封及公主封號功臣爵名皆學士宋濂等擬奏取自上裁尋又命正天下各神祇名號洪武九年四月詔天下駢傳之名多因俚俗所稱兵部具數次聞命翰林院考古正之凡二百三十二自後凡建置郡縣命名皆以屬焉繼世之時上慈闈尊號上先帝陵號之類必以命內閣會典云凡皇子名及各王府奏請子名親王公主及郡王郡主縣主郡君縣君鄉君封號俱內閣擬奏請旨點用禮部抄出

施行

改元

國初改元洪武出自聖祖睿裁繼世之後始命翰林儒臣擬奏擇而用之太宗即位始擬用永清後乃用永樂自是每朝紀年不復再改蓋聖祖始謀之善實前代所未有也英廟復辟召內閣高穀商輅至文華殿問曰今年號宜改否穀對曰周雖舊邦其命維新宜改新元年輅曰年號多與前代同者臣等具數年號請上自擇上

欽定四庫全書

翰林記
卷七

三

稱善已而用徐有貞等言用天順改元或請去景泰故號仍紀正統上不從而不知天順亦前代號也嘗搜歷代帝王以及僭偽每取一字聯之如宋初年號譜之例且為詩以櫟括曰建元承大寶太上始真王武定開乾統文明應國光弘仁洪至治崇德本淳陽天地初熙泰神人正普康晏安同慶久延壽保隆長寧靖成更化中和啓順章清平河漢景孝義雀龍祥嘉會興貞永豐登廣顯昌鳳麟重赤白玉露紹青黃通道咸宣意端居拱

聖皇其譜頗多不錄然元順帝之子昭宗主沙漠傳二世其年號無從考邊徼盜賊多有建美號者不獨僭偽而已改元之際不可以不詳慎此宋祖所以有須用讀書人之嘆也

擬謚

國初追尊四代考妣為帝后尊謚皆儒臣擬奏請旨孝慈皇后懿文皇太子亦然洪武二十五年詔凡親王及功臣賜謚令禮部行本院擬奏請旨弘治十五年奏准

欽定四庫全書

翰林記
卷七

三

文武大臣有請謚者本部照例上請得旨行吏兵二部備查實跡禮部定為上中下三等開送本院擬奏請旨本部抄出施行親王例用一字郡王二字其文武大臣亦用二字若官品未高而侍從有勞或以死勤事特恩賜謚者不拘常例本院官有謚始自洪武末待制王禕賜謚文節自是曾入翰林者俱用文為謚如胡廣謚文穆之類亦有以名避者惟大學士陳文謚莊靖翰林之外得謚為文者魏驥文靖吳訥文恪姚夔文敏葉盛文



莊何喬新文肅皆異數也

欽定四庫全書

翰林記
卷七

三十一

翰林記卷七



欽定四庫全書

翰林記卷八

明 黃佐 撰

備顧問

侍從文學之臣朝夕論思日月獻納自漢已然至唐始設翰林以言語文字備顧問因有天子私人與內相之目而待制次對有非他職所望者宋元因之至我朝眷注尤隆重國初儒臣雖布衣皆得備顧問蓋明目達聰稽古右文治體當如是也及置本院凡上御奉天華蓋謹身文華武英諸殿文淵閣東閣東西黃閣文樓武樓奉天左順右順中左中右思善等門并出入禁籞無有不從者又定為入直奏事之制入直即唐之待制也奏事即唐之次對也觀諸太祖太宗仁宗宣宗實錄所載可見矣所謂顧問大率諮詢理道商榷政務評騭經史而使之援據古今以對宣宗嘗謂侍臣曰君臣一體猶元首之有股肱故於儒臣每燕見必從容咨訪使盡其

欽定四庫全書

翰林記
卷八

一

欽定四庫全書

翰林記
卷八

二

意此所以上下文而德業成也正統以後入直奏事之制既廢凡有宣召得承顧問咸歆豔以為榮云嘗觀祖宗時本院官得備顧問者不可悉記惟洪武中太祖嘗祀方丘患心不寧以問學士宋濂對曰孟軻有言養心莫善於寡欲審能行之心清而身泰矣上深然之夫以逆耳之言發格心之學濂真以道事君者也然濂每有所陳對絕不以語入署溫樹二字於居室之壁有問及內事者指以示之視身之慎幾事之密若濂者誠可為備顧問之法永樂時內閣七人惟楊榮金幼孜黃淮楊士奇當顧問時從容詳慎不激不隨亦濂之亞也

責盡言

聖祖立國不設諫官使人人皆得以盡言而尤責備於近侍洪武二十九年十一月以修撰張信為侍讀編修戴德彛為侍講諭之曰官翰林者雖以論思為職然既列近侍旦夕在朕左右凡國家政治得失生民利病當知無不言昔唐陸贄崔羣李絳之徒在翰林皆能正言

謹論補益當時顯聞後世爾等當以古人自期毋負朕擢用之意永樂三年四月太宗御奉天門視朝罷召六科給事中諭曰朕日臨百官可否庶務或有失中者爾等宜直言無隱又顧翰林學士解縉等曰敢為之臣易求敢言之臣難得敢為者強於已敢言者強於君所以王魏之風世不多見若使進言者無所畏聽言者無所忤天下何患不治朕與爾等皆勉之又嘗謂諸近臣曰早來在官中偶忘一事問左右皆不能記憶蓋沉思久而後得之朕以一人之智處萬機之繁豈能一一記憶不忘一一處置不誤拾遺補過近侍之職自今事之叢脞者爾等但悉記之以備顧問所行有未合理亦當直諫朕自起兵以來未嘗違忤直諫爾等慎勿有所顧避由此言之近侍得備顧問者何可不盡言也

將順

洪武中太祖欲省刑思所以優禮臣工學士詹同承顧問頓首賀曰陛下之言及此天下之慶也因言古者刑

欽定四庫全書

翰林記

三

不上大夫上深然之又嘗當春月欲行刑以為疑問於左司直郎汪仲魯仲魯頓首涕泣曰此天地之仁也請即免行刑上允所奏景帝之葬也左右請以汪妃殉上不忍以問大學士徐有貞李賢賢言景泰初汪后即不得志况二女皆幼可憫臣愚以為宜厚遇之上憮然以為是上思建庶人幽大內六十年欲赦之左右多以為不可召問賢曰陛下此一念太祖在天之靈實臨之堯舜存心不過如此上意遂決遣中官衛送居之鳳陽所出入自便上厭左右招權納賄與賢言之賢謂人君之權不可下移惟自攬取則彼之勢自消上曰然無此相碍何事不順吾五更三點起拜祖宗畢即出視朝循此舊規不敢有誤退朝至文華或有政事訪問大臣商確復省決章奏左右乃曰此等章奏何必一一親覽亦不可送與閣下看奸邪不忠如此賢曰自古賢君脩德勤政莫不皆然願陛下持此不衰堅如金石可以為堯舜之君矣上一日又曰內官蔣冕雖嘗効勞其實讒亂小

欽定四庫全書

翰林記

四



人朕初復位即於太后前言曰皇后無子當換朕即斥之及立東宮日復曰其母如何朕曰當為皇貴妃乃止以此遠絕之賢曰讒說殄行自古帝王所深惡者絕之最是賢之善於將順此類也故當時奏對無不當上心者成化十一年十一月詔復邸戾王位號初下羣臣議又遣太監懷恩等至內閣問大學士商輅萬安等輅力陳所以當復之故言甚剴切左右皆泣輅亦泣上聞為之感動疏入即允其請輅舉手加額曰皇上此舉堯舜之盛德也遂上景皇帝尊謚云

欽定四庫全書

翰林記

五

調護

太宗時巡狩日多漢庶人高煦窺伺儲貳上不能無疑永樂九年三月翰林諸臣奏事右順門退特召楊士奇還上問曰汝輔監國久東宮所行果如何對曰孝敬上曰試言其事對曰於事宗廟甚虔凡籩豆之類皆親閱視一日當時享偶頭風作醫言當汗殿下曰汗即不敢蒞祭左右有言可遣人代者殿下曰上以命我我又遣

人乎及期遂親蒞祭祭畢還未至宮遍體汗不藥而愈每尚膳進御用物詣行在皆一一閱過然後緘識遣行不輒信任下人自車駕北征恒切懷憂不遑寧居日中良始食及勅使至始釋然寬慰上曰聞輔臣中獨爾能持直道不見忤否對曰臣性戇殿下恒見容納殿下天資甚高非眾人所能及或有過未嘗不知知之未嘗不悔而速改且殿下最用心處在以愛人為本將來宗廟社稷之寄允不負陛下付託上甚喜命尚膳賜酒饌十四年上在北京聞高煦有異及還以問士奇曰汝與蹇

欽定四庫全書

翰林記

六

義在此漢府事皆當悉知昨問義不肯言汝盍言之如朕未知汝輩慮有離間之罪朕既知矣汝何慮對曰漢王始受冊封國雲南不肯行政青州又堅不行今朝廷將徙都惟欲留守南京天下皆疑其心惟陛下善處之乃詔削其兩護衛處之樂安州曰此去北京甚邇即其作禍可朝發而夕擒也宣德元年高煦果反車駕親征罪人既得師還六部遣尚書陳山迎駕山見上言宜乘

勝移師向彰德襲執趙王則朝廷永安矣上召楊榮蹇義夏原吉楊士奇謀之有以為言者上令士奇草勅士奇執不從遂還京一日問士奇曰言者論趙王日益多奈何士奇請遣駙馬廣平侯袁容賚璽書往開諭之上從其請王喜即獻護衛且上奏表謝而言者頓息自是上待趙王日益親厚而薄陳山踰數月召士奇至南宮齋諭之曰吾待趙叔不失親親之禮爾有力焉自今毋以見忤為嫌遂賜白金寶楮文綺若士奇者可謂善調欽定四庫全書

翰林記
卷八

七

護朝廷骨肉之間者矣惟景泰中易儲一事當國者有覲顏焉而大學士陳循輩猶自以為功何也

論薦

洪武中學士宋濂侍聖祖嘗問及廷臣臧否濂惟舉薦名士稱其善者不置問否者為誰對曰善者與臣為友故知之否者縱有臣不知也自是每用人多命本院官舉而用之宣德三年六月朝退命光祿賜近臣食畢召楊榮楊士奇謂曰祖宗時朝臣無貪者年來貪濁之風

滿朝因問其甚者榮以都御史劉觀對士奇曰風憲所以警肅百寮憲長如此則不肖御史皆效之不肖御史差出四方則不肖有司皆效之上撫掌歎曰除惡務本又問廷臣中今誰可使掌憲二人久未對上曰未必都無一人士奇對曰通政使顧佐廉公有威曾任御史及按察司皆有風采榮曰佐亦嘗為京兆尹能防禁下吏政清弊革上喜曰顧佐乃能如此命賜茶而退數日擢佐右都御史而治觀罪及士奇寢疾英宗遣內侍詢人欽定四庫全書

翰林記
卷八

八

才舉檢討李紹等五人以對皆至大用天順中李賢在內閣獎進廉介之士首舉耿九疇為都御史軒輊為刑部尚書年富為戶部尚書九疇為權臣所排輒不得志去賢屢言於上還之禮部缺侍郎有求近習薦陞者上問賢賢曰不知其人臣所知者學士李紹可任此因言士風不振多夤緣求進如用紹請於黼座召吏部面命之庶幾士類知警上從之命下之日傾朝懼然初石亨以文臣總軍務於邊使武臣不得逞因請罷之居無何



邊徼騷然上悟其非命賢舉可任巡撫者賢以都御史李秉鈞釗白圭王宇陳翌薦一時號得人後松潘寇發薦都督許貴果往平靖之成化中編修陳音抗疏言言路日塞異端日熾宜召還致仕吏部尚書李秉修撰羅倫編修張元禎評事章懋給事中王徽新會舉人陳獻章置之臺諫革去法王佛子真人位號禁止創建寺觀則正人用言路開妖妄息矣不報景泰末學士商輅薦司直郎林聰先任刑科給事中學優識長操持端潔存心公正遇事敢言見今吏科都給事中久病不出宜以聰兼之俸祿無增品秩仍舊事體無損而政務有益詔復前職後聰忤宰執欲加重辟輅力辨之乃得降京職歷憲宗朝聰遂大拜南京禮部右侍郎姚夔考滿至京輅又特本薦留後夔洊歷禮吏二部尚書亦輅汲引之故也大臣固當以人事君而能不自以為功乃見其功苟以此攬權賈利獨何心哉

申揀

欽定四庫全書

翰林記

九

洪武初朝臣有上疏萬餘言者太祖厭其迂衍欲罪之有阿意者指疏曰此不敬此詆謗罪當誅上怒未解學士宋濂對曰彼應詔上疏其心為朝廷耳烏可深罪乎上乃覽疏中有足采者召阿意者罵曰吾怒時若等不能諫乃激吾誅之何異以膏沃火向非濂之言幾不誤罪言者耶洪熙初大理少卿弋謙數言事有言其賣直沽名者大學士楊士奇對曰主聖則臣直惟陛下容之不然進言者將懼矣仁廟雖不罪謙然免其朝參令專坐司視事自是一月餘言事者少仁宗諭士奇曰自弋謙免朝言者不至豈果無事可言遂令士奇就榻前書勅引過命謙如舊朝參令百官言事毋以謙為戒景泰五年十月給事中有忤執政者執政欲害之乃諷御史劾其私而羅織其罪大學士高穀請從輕典卒得左遷七年順天府鄉試太常卿兼侍讀劉儼為考官時大學士陳循之子英王文之子倫入試不中二人交章奏儼去取不公欲寘於法乞詔翰林六科十三道覆考穀時

欽定四庫全書

翰林記

十

以病不出聞之即強起預考畢入言曰大臣子與寒士並進已不可況又不安於命欲殺考官可乎由是儼得釋而詔以英倫為特賜舉人穀由此與二人者不合屢求退天順中彭時在內閣上方倚任李賢日與賢面議賢退乃諮商於時有不可者時每執不肯初或相忤久之乃相協後錦衣衛指揮使門達用事忌賢陰中傷之上怒曰賢且得罪行當專用彭時中貴以語時時懼然曰李公何遽至此因為力辨其誣語聞得釋一日欽天監湯序言變異由奸臣未盡之故上以問修撰岳正正曰奸臣未有聞於朝著若若求之人人自危耳序術疏淺不足信事遂寢弘治中武岡知州劉遜為岷府所奏訴被逮至京師科道奏乞寬貸上怒俱下之詔獄大學士劉健等言遜誠情輕譴重言官為國盡忠而繫以為罪後有大利害大闕失誰肯言者上乃釋之正德二年尚寶卿崔璿御史姚祥張或主事張偉給事中安奎各因事被繫時劉瑾用事欲俱令枷號大學士李東陽等

欽定四庫全書

御批

十一

諍得失

欽定四庫全書

御批

十二

奏各官所坐有本法枷號重典不宜濫施俱得寬釋三年六月二十六日早朝有文書一卷投於御路錄瑾過惡上命瑾等詰問無肯承者遂執朝官三百六十餘人送詔獄東陽暨王鏊奏此事必一人陰謀所為同朝諸臣倉卒拜起豈能知之一人之外蓋皆無罪之人也乃盡得釋其後瑾益免橫羅織之使出動輒籍沒朝臣家產駢首死於獄間因東陽言或釋一二焉



士馬糧餉為艱有以建文間江西聚民兵與餽運夫十餘萬可徵用為言上以其奏示學士楊榮榮對曰此兵夫昔有詔令復業今復徵之是失信也上曰卿言是也遂寢其奏洪熙元年四月有旨故東宮官鄒濟徐善述王汝玉皆贈官賜謚令官建祠於墓四時賜祭士奇進曰禮貴得中朝廷惟宗廟以四時享雖社稷孔子亦止皆春秋二祀濟等雖有勞祀之乃與宗廟等可乎上曰吾過矣遽召禮部改春秋祭其他審法正度議禮考文士奇多據理爭之皆此類也景泰元年八月太上皇帝車駕自北狩還方議奉迎禮衆涉疑未定千戶龔遂榮寓書於大學士高穀言奉迎當從厚穀即袖其書以進且曰武夫尚如此況儒臣乎已而朝廷以遂榮非分下錦衣獄會車駕至百官郊迎穀復上章以伸前議聞者竊之而遂榮亦釋後太上居南宮指揮廬忠妄言南內事景帝欲窮治之學士商輅請止罪忠一人以全大體上從之天順初錦衣衛官校邏得一僧自言當大貴

欽定四庫全書

翰林記

十三

欽定四庫全書

翰林記

十四

衆惑之至妻以女以覲非分獄具當坐反及太監牛玉援近例請官邏者內閣修撰岳正言事縱得實不過合妖言律治其從十數人邏者准應捕律而已時忠國公石亨與太監曹吉祥怙寵擅權有投匿名書指斥朝政者獨不及亨緝捕甚急舉朝惶駭亨勸上出榜募能捕告者賞以三品職上令內閣撰榜格岳正與呂原見上曰為政自有體式盜賊責兵部奸宄責法司豈有天子自出榜購募之理且堯建進善之旌舜立誹謗之木秦始皇護短杜諫乃下誹謗妖言之令由此過失不聞卒至國亡陛下新復寶祚正當以堯舜為法以秦為戒縱欲窮治其事緩則人情怠忽事自覺露急則人情危懼愈求韜晦不如勿究吉祥從旁請究甚力上徐謂曰正言是也成化初太監劉永成死言其有軍功宜追封為伯大學士彭時力爭之或曰自古有封侯王者時曰此盛世事耶祖宗成憲具在誰敢違之事遂寢十二年七月上建玉皇閣於宮北別創禮儀樂章將有事焉學士

商輅論毀之十三年四月太監汪直創西廠立威擬至尊內外官卧不帖席輅與同寅疏其擅自抄沒三品以上京官擒械邊將換易近侍等十罪以聞上即命革罷而輅亦致仕去

斥奸佞

永樂中上與學士解縉論羣臣御筆書塞義等十人名命各疏於下十人皆上所信任亦多與縉善而具以實對於義曰其資厚重而中無定見於夏原吉曰有德有量不遠小人於劉儁曰雖有才幹不知顧義於鄭賜曰可為君子頗短於才於李至剛曰誕而附勢雖才不端於

欽定四庫全書

翰林記

十五

黃福曰秉心易直確有執守於陳瑛曰刻於用法好惡頗端於宋禮曰顛直而苛人怨不恤於陳洽曰疏通警敏亦不失正於方賓曰簿書之才阻儉之心既奏上以授仁宗曰李至剛朕洞燭之矣餘徐驗之間尹昌隆王汝玉對曰昌隆君子而量不弘汝玉文翰不易得所惜者有市心耳後十餘年仁宗出其所奏示楊士奇曰人率

謂縉狂士縉非狂士向所論皆定見也宣宗為皇太孫時官寮左庶子陳山邪佞得寵同列戴綸林長懋以直諫為山所讒害上即位始知之宣德四年十月一日朝罷楊士奇侍上於左順門遙望見山上曰汝試言山為人對曰君父有問不敢不盡誠以對山雖侍從陛下久然其人寡學多欲而昧於大體非君子也上曰然趙王事幾為所誤朕以此甚薄之近聞渠於諸司日有干求不厭當不令溷內閣也蓋上初臨御以山及張瑛東宮舊臣俱陞內閣視事二人行相類至是浸聞於上數日

欽定四庫全書

翰林記

十六

後有旨調瑛南京禮部山專教內豎俱罷內閣之任朝士皆頌上明決山自此不復得近宸前矣天順初內閣修撰岳正間為上極言曹石勢太盛慮有變宜早為節制上曰汝可以朕意告之正徑造亨諷令稍自斂戢二人怨之正遂被斥竄及二人誅上召李賢謂曰向者岳正固言之他日又思正曰岳正倒好只是大膽因召還焉武宗時逆瑾用事兇賊張甚大學士劉健等率諸大



臣伏上前請誅之內有陰為瑾地者事遂沮而健與遷輩皆引去於此見君子勝小人之難也當其事者必先事豫而後可雖然天實為之將奈何哉

計事

永樂初太宗一日晚出右順門召內閣諸臣獨楊榮一人在出江西三司奏章示之言吉安鄉民之嘯聚者已悉復業朝廷初有聞即遣行人許子謨齎勅撫諭子謨行將一月又遣都督韓觀率兵繼之如撫諭不下即加

欽定四庫全書

翰林記

卷八

兵及是奏至上曰非觀至不下宜降勅褒觀榮讀訖奏曰計發奏之日觀尚在中道未足褒也從之後詢之果然榮自是益見重邊人阿魯台既納款欲收女直吐蕃諸部聽其約束請朝廷刻制詞於金定集諸部長磨酒飲之以盟上以問翰林諸臣黃淮對曰邊人心地質實使各自為心則力易制若併為一則力大難制矣此舉實其秘奸謀也上顧左右曰黃淮如立高岡無遠不見爾等如立平地所見惟目前耳天順初石亨從子彪鎮大

同遣使獻捷內閣詢其狀其人盛陳戰伐且稱斬首無算皆集於林木不能悉致岳正取地圖指示曰某地至某地四面皆沙漠梟於何所其人驚伏成化四年平涼土人穆蘇反官軍連失利遣都御史項忠往撫捕之大學士彭時商輅料其必成功而朝議洵欲再遣將出師時等執不可或以危言動之時等不為動未幾獻俘至上喜甚各賜俘奴一人

籌邊

欽定四庫全書

翰林記

卷八

洪武十七年侍講李昫論武事重在任將上曰任將固重必任之專信之篤而後成功齊用穰苴魏用樂羊可謂專且篤矣故皆有功若唐用魚朝恩吐突承璀為監軍使將掣肘故敗事也永樂以來邊事長勞廟算經略永樂五年諭德楊榮奉命往甘肅同總兵議邊務察視守備還奏稱旨七年春榮扈從北京甘肅總兵何福奏托克托布哈等率部來歸命榮往同福處置還奏上悅遂奉命持節往額齊諾之地封福為寧遠侯十年冬甘肅



守帥西寧侯宋琥奏叛寇婁達衮逃居齊勤蒙古衛將為邊患時豐城侯李彬鎮陝西遂勅彬率師剿之且命榮往與彬計度十二月還奏餉道險阻今馭寒人疲馬瘠不可行且小醜不足以煩王師遂勅彬旋師無幾叛者復歸二十一年秋榮復扈從西征駐萬全一切軍務悉付榮掌之寧陽侯陳懋奏番主額森圖噶來歸命榮往議定降歸奏稱吉二十二年復從北征中道軍餉不繼上聞之命榮與金幼孜總計其數遂如所言遣使諭欽定四庫全書

翰林記
卷八
十九

之釋其不臣之罪下令班師宣德二年十月交趾黎利遣人進前安南陳王三世嫡孫高表乞立為陳氏後其辭懇惻上密以示英國公張輔輔請發兵討之輔退乃召尚書蹇義夏原吉謂曰何以處之二人對曰舉以與之無名徒示弱耳二人退召楊榮楊士奇出表示之且諭以三人所對曰今日與爾兩人決之榮曰永樂中費數萬人命得此至今勞者未息困者未甦發兵之說必不可從不若因其請而與之可旋禍為福上顧問士奇

云何對曰榮言當從求立陳氏後者太宗皇帝之初心求之不得乃郡縣其地十數年來兵民困於交趾之役極矣此皆祖宗之赤子行祖宗之初心以保祖宗之赤子此正陛下之盛德何謂無名且漢弃珠厓前史為榮何謂示弱臣侍仁宗皇帝久聖心數追憾此事臣願陛下今日明決上曰汝兩人言正合吾意皇考言吾亦聞之屢矣今吾三人可謂同心同德遂令尚膳賜酒饌明日罷朝出高表示文武羣臣皆曰從之便遂赦交趾命羣臣舉奉使者僉舉安眾上聞已定明日蹇義欲易以伏伯安莫敢異之士奇私謂夏原吉曰此無藉小人用之必辱朝廷公當榻前力主張蓋時上多主夏言已而有旨召眾皆入蹇義遂奏用伏上顧問夏夏對曰不可用蹇曰伏善言語非眾所及士奇曰伏有穢行而無學識遣之必辱國遂不用英宗北狩郕王即大位有倡議南遷者中外洶洶大學士陳循高穀侍講商輅等上言聖駕一移大勢去矣乃出榜曉諭人心稍安無何寇大舉進迫

欽定四庫全書

翰林記
卷八
二十



京城衆論戰守不一循等皆言兵敗之餘只宜固守且彼乘勝遠來勢必難久宜伏兵歸路擊之時京師戒嚴內閣諸臣運謀設策迄昏乃出至忘寢食外諭諸將獎其忠義之心日令操練軍馬整飭器械以備戰守遣官分投安輯畿內降人以防不虞嚴督邊關固守要害然敵攻益急總兵官石亨折弓矢厲聲曰宰臣不出計策我莫能支矣循與輅乃上疏發勅宣府遼東令總兵官楊洪曹義各選勁騎刻期以進與京軍夾擊又為張榜欽定四庫全書

翰林記
卷八

十一

貢既而不來或報寇有異謀內閣具揭帖乞會同司禮監及兵部尚書照成化年例於左順門詳審上朝退召劉健李東陽至煖閣上曰各邊關糧草須與劉大夏說用心整理大夏者兵部尚書也健奏曰京營官軍亦須整點聽征上曰然東陽曰令總兵官管事固可領兵則未知如何健曰須用曾經戰陣者上曰未必要用經戰陣但要有謀略耳東陽對曰聖諭甚當有謀略與經戰陣者須兼用乃可耳但京軍有名無實初設團營時有十二萬今消耗過半前年選聽征一萬便不能及數矣古人云足食足兵今食不足兵不足臣等每思及此寢食不安上曰軍士須管軍官撫卹不可剝削東陽對曰誠如聖諭但近年官軍做工太多既累身力又陪錢使用外衛輪班皆過期不至正為此耳上曰宣德以前軍士皆不做工內官監自有匠人云云此句聽不能悉東陽叩頭對曰皇上明見朝廷養軍本以拱衛京畿不為工役今後工程望乞減省不令軍士受累養其銳氣庶

翰林記
卷八

十二



緩急有濟上曰然又曰京營軍士都著劉大夏用心整理先生輩亦傳得旨可以朕意語之健等對曰諾上又曰先生輩是腹心大臣有事須說如昨日所進揭帖不說時朕不得知東陽曰臣等有所聞見固不敢不盡心陳說惟望皇上斷而行之耳上又曰然遂叩頭出於左順門會審走回男子一人云在敵中聞有議者欲搶黃裡黃裡謂京城也又三人云諾延衛頭目額爾奇木領三百人往北敵通和小王子與一小女寄養似有引誘

欽定四庫全書

翰林記
卷八
于

入寇之跡各具揭帖以聞二十四日健與東陽廷議進禦敵事宜又計處差官整理邊關糧草缺乏七月初四日復召至煖閣上袖出大同鎮巡官奏言北敵勢重近又掘墩殺軍上曰邊軍皆我赤子被彼殺者苦何可言朕當與作主京軍已選聽征二萬須再選一萬整理齊備定委領軍名目即日啟行健等對曰皇上重念赤子一言誠宗社之福京軍亦須整點但未宜輕動遷曰邊事固急京師尤重居重馭輕亦須內顧家當上猶未釋

東陽曰近日北敵與諾延交通潮河川甚為可慮健因備言大同險遠本鎮尚可支持潮河川去京師不過一日最為切近誠宜先慮上曰今亦未便出軍但須預備停當待報乃行免致臨期失措皆對曰聖慮甚當退擬通選京軍三萬令兵部推委領軍官臨期酌量地方事勢具奏定奪不可輕出大意與內閣同師乃不出已而沿邊將帥殺獲次第捷報而敵謀亦沮嘗觀守成之世武事大率不振而國勢亦隨以弱其故何也委大柄於私門以官軍為私役雖欲張皇其將能乎誦聖祖之彞訓體孝皇之遠憂籌邊者不可不早為之所也

欽定四庫全書

翰林記
卷八
于

建言

自本院儒臣既遠黼座所謂近侍之職一切玩愒從事於是朝廷以傳旨為顧問而疏奏以批答為都俞雖或因事建言少輸忠蓋特取罪爾攷之永樂二十年三殿灾金幼孜楊榮等陳便宜十數事皆見施行而他官建言如蕭儀輩多獲罪死侍讀李時勉自刑曹入院即慨



然疏論天下事被繫兩歲不死洪熙初復抗言極諫被廷撲不死改交趾道御史又三上章下詔獄不死蓋未始有申掾之者修撰羅汝敬亦言時政十五事降雲南道御史蕭時中言致災八事侍講謝璉上治安十五事皆不見用正統八年四月雷震奉天殿鴟吻詔求直言時宦官王振專恣侍講劉球上疏謂權不可下移振怒欲嫁禍無由適修撰董璘自求為太常卿下錦衣衛獄而球所言有謂太常卿必得儒者衛使馬順迎合振意

欽定四庫全書

翰林記

卷八

南京翰林院缺官視事乃命叙往編修周洪謨始授官即上疏條陳十二事繼是歷官兩京以至為學士凡有所見即封章具聞前後無慮數十宣德正統以館閣之臣章奏之多未有踰之者而或訾其多言憲宗初即位編修張元楨上疏勸行三年喪又上疏言治道大本大原曰講學曰定治曰用人曰厚風化行此四者則庶政畢舉未幾與時宰議不合乞歸家居者二十餘年修撰羅倫編修章懋黃孔昭檢討莊昶相繼言事皆遠貶及復用則皆官南京慈懿皇太后之喪修撰羅璟上疏言宜合葬裕陵又與諸學士合章以請其後亦左遷南京員外郎嗟乎聖祖不設言官以廣聰明而惟以盡言責諸近侍近侍莫如翰林之見重者其意蓋可睹矣因襲之弊汲引申救罔攸賴焉則誰肯逆龍鱗以犯天禍者近世議者以翰林建言為出位然則聖祖之詒訓非耶

欽定四庫全書

翰林記

卷八

出使言事

宣宗初元大學士金幼孜奉命持節冊封安化真寧二



王妃歷河南北關東西之境所過兵民休戚既還具言於上景泰五年南京災上念祖宗陵寢所在大學士高穀往祭事竣錄被災者千餘家悉發廩賑之歸奏稱旨弘治十七年閏四月闕里因重建孔廟落成遣大學士李東陽祭告五月事竣還朝以所經過天災民瘼上奏詔查議行之

致仕言事

正統中李時勉自學士為祭酒致仕家居已巳之變手翰林記 卷八

疏選將練兵獎忠節正名分三事上之時年七十有六矣忠臣雖在畎畝其不忘君如此

庶吉士言事

洪武二十一年四月上謂庶吉士解縉曰朕今命爾義則君臣恩猶父子當知無不言縉於是上封事萬言皆人所諱者上嘉獎之景泰初西北用兵庶吉士劉清上封事多見採錄清由是知名累擢兵部侍郎成化二十三年十月庶吉士鄒智因災異上疏畧曰星變見於朝

廷蓋陽不能制陰之象也宜進君子而退小人其原當先於內閣少師萬安恃權怙寵殊無厭足少師劉吉附下罔上漫無可否太子少保尹直挾詐懷奸怙無廉恥世之所謂小人也南京兵部尚書致仕王恕素志忠直可任大事兵部尚書致仕王竑秉節剛勁可寢大奸右都御史彭韶學識純正可決大疑世之所謂君子也然君子之所以不進小人之所以不退者豈無自哉大抵宦官有以陰主之也自古君子小人進退之機未嘗不決於此曹之盛衰也願陛下凡待宦官一以太祖為法凡任內閣一以太宗為法則君子可進小人可退而天下之治成矣疏上不省權臣中傷之謫石城千戶所吏目而死

伏闕

伏闕泣諫自唐宋以來有之成化四年六月慈懿皇太后錢氏崩憲廟嫡母也詔大臣議葬所眾相視莫敢先發大學士彭時謂同朝曰梓宮當合葬裕陵主當祔廟



此一定禮無可議即與禮部尚書姚夔定議且疏引漢文帝合葬呂后宋仁宗合葬劉后故事乞念綱常之大體先帝之心必求其至當此莫大典禮萬一有違在廷百辟將有言之宗室親王將有言之天下之大萬世亦將有言之豈能保其終無據理改而從正者乎上猶重違母后之意未允時率羣臣伏文華殿以請號哭不起上聞之使中官宣諭使衆官退翰林中有呵中官使還者衆官皆曰死不敢奉詔且不得命不敢退時與學士欽定四庫全書
翰林記
卷八
二十九
商輅劉定之進曰人心如此實天理所在望朝廷俯從羣臣下情於是中官入奏上感動母后亦悟即傳旨諭羣臣曰卿等昨者會議大行慈懿皇太后合祔陵廟固朕素志但聖母疑事有相妨未即俞允朕心終不自安再三據禮所幸聖慈開諭特賜允諾卿等其如前議施行勿有所疑故諭衆聞命咸呼萬歲而退蓋此事非上曲全孝道何以至此真盛德主也正德中伏闕請誅逆瑾及跪門號泣諫止南巡皆不見聽蓋此乃先朝典故

上或未知之爾雖然上下之情相親相信如宣德以前則袞職之闕自當潛消而默補亦何至是哉

進諫旌賞

大學士楊士奇輩在仁宣二朝言聽諫行每被旌賞初永樂中御史李祥舒仲成奉勅理木植歲課之弊王汝玉預焉汝玉上監國時所愛者令旨命祥等削其名勿奏二人力言不可萬一太宗有聞得罪反重既迂意遂已犯者後皆苟免上嗣位尚書蹇義因奏仲成他事上曰是嘗為御史查得南京木植稅課乎對曰然曰李祥安在曰丁母憂去時仲成已陞湖廣憲副即命都察院捕治仲成士奇聞之進疏曰向來小人得罪者多陛下即位以來皆已宥之今又追理前事即詔書不信漢景帝為太子時召衛綰稱病不赴即位進用綰前史譴之上覽之喜即有旨罷治仲成而降勅獎諭士奇且賜米及鈔幣又面諭之曰卿盡心如此朕復何憂宣德六年七月時上好微行一夕漏下二十刻以四騎出過士奇



家時報者言范太監來士奇倉皇出迎上已入門立月中士奇俯伏悚懼言陛下奈何以宗廟社稷之身而自輕擾塵埃昏暗誰識至尊萬一或有識者變起倉卒何以備之上笑曰思見卿一言故來耳遂屏左右語竟顧謂士奇曰此居且敝當為汝葺理士奇叩頭懇辭曰陛下宮殿未建臣必不敢當且車駕今夕俯臨外間明日必有知者萬萬自此慎出事變不測當慮也駕還官明旦遣太監范弘密問士奇車駕幸臨曷不謝曰至尊夜欽定四庫全書

翰林記

卷八

明旦入謝上諭以盜謀且曰愛朕莫如汝自今如汝言不復微行他如楊漣密疏獲賞之類不可枚舉自是以來蹇諤之風漸少而言之亦未必不干怒也惟弘治五年四月大學士丘濬奏疏萬餘言大槩謂上改元之初歲在戊申與太祖洪武初元同符今天災迭見宜釐革庶政盡復太祖之舊以應天意因擬為二十二條歷指奇衰之輩上覽奏甚悅批答以為切中時弊行之自此聖心嚮用恒加賞賚然濬時年已耄矣其後上日英明頗遠近習而信聽內閣亦濬有以啓之也武宗時逆瑾柄國雖大臣言出禍從大學士劉健等極言時弊以為即位之初詔書一下天下延頸相望太平而朝令夕改訖無寧日百官庶府倣效成風非惟廢格不行抑且變易殆盡建言者以為多言幹事者以為生事累章執奏則謂之奏擾查革舊弊則謂之紛更憂在於民生國計則若罔聞知事涉於近倖貴戚則牢不可破以一二人之私恩壞百年之定制而不顧以一二人之邪說違滿朝

翰林記

卷八



之公論而不恤臣等叨居重地徒擁虛銜或旨從中出畧不預聞或有所擬議徑行改易尋又奏言政令十失言甚剴切瑾怒遂皆謝去已而宸遊欲徧海內進諫有杖死者嗚呼回視仁宣之世若越宇宙而邈不可及也旌賞直言以成至治天意其將有待於今日乎

欽定四庫全書

翰林記
卷八

三十三

翰林記卷八

欽定四庫全書

翰林記卷九

明 黃佐 撰

御前講論經文

己亥年正月聖祖克發州置中書分省召諸名儒會食省中日令二人進講經史敷陳治道此論道講學之始也即王位則設博士廳令博士許存仁等日講尚書等書及有天下令文學侍從之臣每於御前講說經史無定日亦無定所尋設華蓋文華武英等殿說書以儒士沈德輩為之其後惟本院及殿閣大學士專其事罷諸殿說書官然聖學緝熙甚力每進講必反覆討論以求義理之極致講畢必及政事以為常當是時未有經筵之名也洪武三年二月上御東閣學士宋濂待制王禕等進講大學傳之十章至有土有人濂反覆言之上曰人者國之本德厚則人懷人安則國固故人主有仁厚之德則人歸之如父母人心既歸則有土有財自然之

欽定四庫全書

翰林記
卷九

理也若德不足以懷衆雖有財亦何用哉十六年八月上御謹身殿東閣大學士吳沈等進講周書罔有立政儉人上曰有小人必敗君子故唐虞任禹稷必去四凶魯用仲尼必去正卯沈曰書云去邪勿疑所以深致其戒上曰國家不幸有小人如畜毒藥不急去之必為身患小人巧於悅上忍于賊下君若但喜其順適已意任其所為而不問辟如犬馬傷人人不怨畜犬馬者乎十八年九月御文華殿命文淵閣大學士朱善講周易至家人上曰齊家治國其理無二使一家之間長幼内外各盡其分事事循理則一家治矣一家既治達之一國以及天下舉而措之耳朕觀其要只在誠實而有威嚴誠則篤親親之恩嚴則無閨門之失善對曰誠如聖諭大學士李賢曰高廟着書議論英發駕宋儒而上之每儒臣進講必有辯說因講攻乎異端斯害也已辯曰攻是攻城之攻已止也孔子

欽定四庫全書

翰林記
卷九

三

之意蓋謂攻去異端則邪說之害止而正道可行也宋儒乃以攻為專治而欲精之為害已甚豈不謬哉如此之類所辯甚多自漢唐以來人君能事詩書如此留意者亦不多見蓋由聖資高邁所以不襲故常而發前賢之所未發也太宗仁宗宣宗皆因之不設經筵宣德四年三月上退朝御便殿與儒臣論史因問漢唐諸君在位孰久以武帝玄宗對上曰漢武末年懲過玄宗久而恣欲漢武猶為彼善於此六年三月上視朝退御便殿命翰林儒臣進講大學平天下章竟上曰治天下國家不可無財用即如生之者衆四語行之不必暴征橫斂而國用有餘矣又曰秦誓曲盡君子小人情狀人君審乎此則好惡用舍當矣蓋列聖真有得乎學問思辨而後見之躬行以施於治非惟徒事口耳而已若進講之際上無所問下無所陳徒美觀聽非所謂聖學也

欽定四庫全書

翰林記
卷九

三



御前進讀

祖宗時設官侍上讀書日在左右或使進讀必諦聽而折衷之高帝嘗御華蓋殿文淵閣大學士朱善進讀心箴畢上曰人心道心有倚伏之幾蓋仁愛之心生則恃害之心息正直之心存則邪詖之心消羞惡之心形則貪鄙之心絕忠慤之心萌則巧偽之心伏故人常持此心不為物欲所蔽則至公無私自無物我之累矣嗚呼大哉聖人之言乎帝王萬世心學之要旨不外乎此他欽定四庫全書
翰林記
卷九
如讀經及史見于四朝寶訓者俱有評薦不可悉記今進讀之制寢已渝昔矣

講章

進講以講章進呈始于太宗朝永樂二年八月學士解縉等進呈大學正心誠意講章上覽之至再諭縉等曰人君誠不可有所好樂一有好樂泥而不返則欲必勝理若心能靜虛事來則應事去如明鏡止水自然純是天理朕每退朝默坐未嘗不思管束此心為切要也楊

士奇等先於六月亦進呈文華殿大學講義上覽畢稱善因曰先儒謂堯典克明峻德一章一部大學皆具士奇對曰誠如聖諭堯舜禹湯文武數聖人凡修諸躬施於家國天下者皆大學之理上曰孟子道性善必舉堯舜爾等於講說道理處必舉前古為證庶幾明白易入又曰帝王之學貴切已實用講說之際一切浮汎無益之語勿用此則聖意因覽講章而旁及經書者也蓋留神融會必妙悟至理而後已祖宗時皆如此所謂援古為證勿用浮辭尤講章之定式其後講官將進呈講章先期送內閣看定封進遂為例然流弊多繁詞頌美漸失初意成化初洗馬楊守陳進講不為諂語一日講武成篇曰魯論稱舜無為而治周書稱武王垂拱而天下治然後世人主有深居禁中委政內侍者召閭樂之禍有高拱無為惟寵嬖艷者啟祿山之變是何也蓋舜之所以垂拱者由其列爵分土以至崇德報功無一不究其心皆嘗憂勞以有為乃始佚樂而無為也後世人主則

欽定四庫全書

翰林記
卷九

五



孟子所謂安其危利其菑樂其所以亡者耳惟陛下留意時左右聽者悚然守陳真善於啓迪者矣孝宗時嘗召大學士劉健李東陽謝遷議事因謂曰昨日令李榮來說日講時劉機講陳善開邪陳字解做陳說不是止云教陳其說乃可耳皆應曰諾李榮蓋所遣中官也健進曰昨李榮又說以善道啓沃他他字不是上微笑曰他字也不妨大抵講書須要明白透徹直言無諱道理皆是書上原有的不是纂出若不說盡也無進益且先欽定四庫全書

翰林記
卷九
六

生輩與翰林院是輔導之職皆所當言健對曰臣等若不敢言則百官無敢言者矣上曰然遷曰聖明如此講官愈好盡心東陽曰今年聖學緝熙中外臣民無不仰戴臣等敢不仰承聖意皆叩頭謝上又曰先生輩可傳與他不必顧忌昨所講似有顧忌耳又曰他字亦不妨昨因話偶及此意以為不若啓沃之更好然不必深計也皆復謝而出是日天顏和悅似以昨所傳未的恐講官因此有所觀望故特示詳悉如此蓋經筵講章自數

歲以來始去舊時諛頌之習加以規諫未嘗少忤及聞此諭益知上意所向云

講讀合用書籍

聖祖潛心道藝於凡經史百家之書無不貫通然每自博求約惟務得其要聖學益醇如也嘗令儒臣進講四書以大學為先五經以尚書為先今經筵因之諸史舊皆進講今則惟用朱子通鑑綱目若東宮則兼用文華大訓等書弘治中學士張元禎上疏勸經筵講太極圖西銘以及諸性理書東宮則用孝經小學孝宗欣然嘉納亟索太極圖以觀曰天生斯人以開朕也然今猶未果用云聖祖嘗問侍臣三代以上所讀何書宋濂對曰上古載籍未立不專讀誦而尚躬行人君兼治教之責躬行以率之天下無有不從其化者矣又問帝王之學何書最要濂請讀大學衍義上覽而悅之令左右大書揭之兩廡之壁時時睇觀之仁宗在東宮聞楊士奇言大學衍義可讀即召典籍取閱既大喜曰此為治之條

欽定四庫全書

翰林記
卷九
七



例也因命翻刻以賜諸子故今經筵以大學衍義進讀後又兼讀貞觀政要竊謂性理諸書固當進講然聖學心法不可廢也衍義政要二書固可備乙夜之觀然祖訓條章尤不可違也

開經筵

宣德末年英宗嗣位年纔九齡聖學未及緝熙大學士楊士奇等始奏請開經筵其疏畧曰去年十月內宣宗皇帝御左順門召臣士奇諭之曰明年春暖東宮出文欽定四庫全書

翰林記
卷九

八

華殿讀書凡內外侍從俱用慎擇賢良庶謹之臣臣士奇叩頭對曰此國家第一事正維其時伏望皇上留心不幸先帝上賓哀戚之中臣未敢遽言然此事至重不敢久默伏望山陵畢早開經筵以進聖學因具合行事宜曰今當豫擇講官必得問學淹貫言行端正老成重厚識達大體者數人以共其職乞豫命吏部禮部翰林院公同推舉具名陳奏取自上裁又曰天子就學其事體與皇太子親王不同乞先命禮部翰林院詳定講筵

禮儀陳奏又曰凡起居出入一應隨侍及使用之人皆宜選擇行動端莊立心行已正當者使在左右如或其人舉動輕佻言語褻慢立心行已不正者皆宜早去之若不早去隨侍既久情意相洽不覺其非言聽計從後來欲去其勢難矣此在常人尚須決擇況天子之左右伏望太皇太后陛下皇太后陛下萬萬留意詔可其請正統元年二月降勅曰朕祇奉天命嗣承祖宗大寶統御天下用主神人而即位以來勿遑夙夜永惟厥道必欽定四庫全書

翰林記
卷九

九

學乃明今以初九日御經筵命滿翰林院春坊儒臣分直侍講夫道原於天堯舜禹湯文武以隆政教而周公孔子闡明之我祖宗世所師法以安天下卿等宜一心竭誠相與討論務歸至當毋隱而弗彰毋曲而徇好庶明之於心誠之於行以興治化以福蒼生用不忝天與祖宗之命欽哉於是以太師英國公張輔知經筵事少傳兵部尚書兼華蓋殿大學士楊士奇少傳工部尚書兼謹身殿大學士楊榮禮部尚書兼學士楊溥同知經筵



事詹事府少詹事兼侍讀學士王直少詹事兼侍講學士王英侍讀學士李時勉錢習禮侍講學士陳循侍讀苗衷侍講高穀修撰馬愉曹鼎兼經筵官然講官推舉實出內閣吏禮二部承其意而已遂定為制其後各部侍郎國子祭酒出自本院者得與焉然當是時吏部郎中李茂弘已竊有君臣之情不通經筵徒為文具之數矣會典所載經筵初開儀令附於此凡經筵初開勅勳臣一人知經筵事內閣學士或知或同知經筵事六部尚書左右都御史通政司使大理寺卿及學士等官侍班翰林春坊等官及國子監祭酒二員進講翰林春坊等官二員展書給事御史各二員侍儀鴻臚寺錦衣衛堂上官各一員供事鳴贊一員贊禮序班四員舉案侯伯一人領將軍先期直殿內官於文華殿設御座及設御案殿內御座之東稍南設講案於御案之南稍東是日早司禮監官先陳所講四書經史各一冊置御案又各一冊置講案皆四書東經史西先期講官撰四書經

欽定四庫全書

翰林記

十

史講章各一篇豫置於冊內是日早上御奉天門早朝畢退御文華殿陞御座將軍侍衛如儀鴻臚寺官引知經筵及侍班講讀侍儀執事等官於丹陛上行五拜三叩頭禮畢以次上殿依品級東西序立知經筵官序於侍班官上侍儀御史給事中各二員於殿門之內分東西北向立序班二員舉御案置御座前二員舉講案置御案之南正中鴻臚寺官贊進講講官一員從東班出一員從西班出詣講案前稍南北向並立鴻臚寺官贊鞠躬拜叩頭興平身畢展書官一員從東班出進詣御案前跪展四書畢起退立於御案東稍南講官一員進至講案前立奏講某書講畢稍退展書官復詣御案前跪掩四書畢退就東班又展書官一員從西班出進詣御案前跪展經畢起退立於御案西稍南講官一員進至講案前立奏講某經或某史畢少退仍並立展書官復詣御案前跪掩書畢退就西班鴻臚寺官贊講官鞠躬拜叩頭興平身禮畢各退就東西班序班二員舉御

欽定四庫全書

翰林記

十一

案二員舉講案退置原所鴻臚寺官贊禮畢命賜宴鴻臚寺等官及講官皆跪承旨光祿寺官設宴於左順門宴畢叩頭出

經筵月講

會典載月講常儀云每月初二十二二十二日會講先期司禮監官陳設書籍御案如前儀至期候上御文華殿侍衛侍儀執事進讀賜宴禮同但各官止行叩頭禮孝宗時經筵雖隆冬盛暑不廢弘治十年四月二日當會講以饗太廟有旨改是月三日至期遇雨又改四日蓋聖學之勤不以事而廢如此

經筵日講

會典載日講常儀云凡日講止用講讀官內閣學士侍班不用侍衛侍儀執事等官侍班講讀等官入見行叩頭禮東西分立先讀四書次讀經或讀史每本讀十數遍後講官先講四書次講經或講史務在直說大義明白易曉講讀後侍書官侍上習書畢各官叩頭退每三

欽定四庫全書

翰林記

十三

日一溫講將所講書通講一遍若講官中有事故同列代講其直解則講畢補進

講官入直

洪武中令儒臣更番入直禁中每日用一員進講違誤者論罪大學士吳沈嘗坐進講遲誤被劾永樂以後不可考自設經筵後講官不復入直惟令本院及坊局官相輪侍班久之選為展書官又自展書乃得充月講官若日講則用年資深而品秩尊者正統中修撰商輅侍班上廡知其名諭學士曹鼐等曰商輅著展書宜選一人與輅為對初選王王弗稱旨選編修陳文乃俞允未逾月復諭鼐曰商輅陳文著講書蓋自後鮮出親擢云

講官題名

聖祖時凡觀書史中有句讀字義未明者必召翰林儒臣質之雖有知書內侍能文字人不得近蓋因是以延接賢士大夫不特紬繹義理而已洪武末侍講方希直有詩云風暖彤庭尚薄寒御爐香遶玉闌干黃門忽報

欽定四庫全書

翰林記

十三



文淵閣天子看書名講官即其事也太宗寶訓云上視朝之暇輒御便殿閱書史或召翰林儒臣講論則永樂以後蓋莫不然

講官陳論

祖宗時講官於講書後得言時政闕失及陳論所見洪武中大學士吳沈進講畢進去邪勿疑之說因曰小人中懷奸邪甚似忠信不可不察上曰然憲宗在東駕時學士劉瑄講周書無逸篇文王懷保惠鮮章遂及時事

欽定四庫全書

翰林記
卷九

十四

數十天顏豫悅雖不言而深有契於心未幾嗣大位即却貢獻減財賦罷諸道鎮守官皆昔所論也弘治中侍講學士李東陽大旱應詔言事摘經筵所講孟子中要論切於治道者析為數條極論其理而時政得失以類附焉上嘉納之雖非面陳然均之為啓沃之義

經筵恩賚

正統初經筵始開錫宴於禮部知經筵官賞白金八十兩寶鈔四千貫文綺四表裏同知經筵及講官賞白金

五十兩寶鈔二千貫文綺四表裏侍班官賞白金三十兩寶鈔三千貫文綺二表裏餘皆賞寶鈔有差次日具表稱謝有曰萬幾有暇恒親御於經筵多聞是求肆詳延於儒雅臣等荷絲綸之飭勵繼宴錫之駢蕃於緝熙單厥心允協周成之德念終始典于學敬陳商說之篇已而講官各賜廂玳瑁香帶大紅織金紗羅襲衣冠履皆具雖修撰與馬景泰後恩賚不可考天順八年八月憲宗御經筵講官學士柯潛等賜金三十兩寶鈔三千

欽定四庫全書

翰林記
卷九

十五

貫文綺二表裏而庶子侍講徐溥侍讀倪岳編修彭華等與焉成化四年十二月賜經筵儒臣七人襲衣冠履時柯潛已聞父喪上命即其家賜之十二年大學士商輅等題奏言太常寺卿兼侍讀劉瑄日侍經筵進講經史其勞與少詹事兼侍讀學士柯潛李泰同但翊以三品而兼翰林屬官會揖之際甚為不便宜於所兼侍讀之下加學士二字從之十四年四月十一日皇太子御左春坊進講大學首章退宴文華門十二日上御經筵



進講中庸二十章退宴左順門寵錫稠疊詞林詫以為前此所未有也孝宗時尤重經筵多有匪頒之資學士程敏政記其事云弘治元年三月初開經筵賜宴白金及寶鏐十三日早文華後殿進讀尚書孟子及午乃進講大學衍義以為常讀畢賜宴講畢賜茶上皆呼先生而不名四月二十八日以後屢賜鮮筍桃杏郁李蓮房宮上黃封或題上林苑監進乾清宮八字或題上林苑海子進乾清宮九字或題司苑局進乾清宮茶

欽定四庫全書
翰林記
卷九
十六

房上用十一字敏政等具表稱謝且紀之以詩有曰黃封盡帶乾清字朱寶平分上苑香七月二十日文華後殿講畢上顧中官賜講臣冠帶鞞袍臣敏政與賜織金雲鴈緋袍一對又金帶一及烏紗帽皂鞞面謝訖上顧謂曰先生辛苦共對曰此皆職分當為頓首而退有詩紀之云日上果恩曉殿深湛恩稠疊駕親臨對衣紅濯天機錦束帶黃分內帑金久幸清班容宦履漸慚華髮點朝簪經生職分尋常事消得君王念苦辛時上最重

儒臣學士張元禎短小每進講上特為低几就聽之正德元年開經筵賜宴及白金綵帶有差知經筵事者太師兼太子太師英國公張懋少師兼太子太師吏部尚書華蓋殿大學士劉健同知經筵事者少傅兼太子太傅戶部尚書謹身殿大學士李東陽少傅兼太子太傅禮部尚書武英殿大學士謝遷兼經筵官禮部右侍郎王華少詹事兼學士劉機江瀾楊廷和太常少卿兼侍講學士楊時暢國子監祭酒張燦學士劉忠白鉞劉春

欽定四庫全書
翰林記
卷九
十七

太常少卿兼侍讀費宏左春坊左庶子兼侍讀毛澄左春坊左諭德兼侍講毛紀傅珪右春坊右諭德兼侍講蔣冕侍讀羅玘修撰石瑄也然武宗後多事宸遊經筵罕御云

翰林記卷九



欽定四庫全書

翰林記卷十

明 黃佐 撰

大本堂授經

國初置大本堂取古今圖書充其中召四方名儒
教皇太子親王用學士宋濂待制兼編修王禕修
撰王侯耆儒陶凱輩分番夜直選才俊之士充伴
讀所授經書上親督之嘗命禕米故實韻為四言
詩以授皇太子上時時賜燕賦詩商榷古今評論
欽定四庫全書

翰林記
卷十

文字無虛日尋命勲舊之子執經入侍于是鄭國
公常茂曹國公李景隆蘄春侯康鐸等與焉洪武
元年十一月辛丑燕東宮官及儒士各賜冠服是日
上命大本堂諸儒作鍾山蟠龍賦置酒懽甚乃自作
時雪賦故有是賜其後皇太子讀書在文華殿而親
王則出就所居府十二年三月戊辰朔上御華蓋殿
皇太子侍上問比日所讀何書對曰昨看書至商周
之際上曰看書亦知古人為君之道否因諭曰君道

以事天愛民為重其本在敬身人君一言一行皆上通
於天下繫於民必敬以將之而後所行無不善蓋善天
必鑒之一言而善四海蒙福一行不謹四海罹殃言行
如此可不敬乎聖祖之始訓如此真可謂得其大本矣
諸儒授經惟奉行上意而已嚴君在上賢師友輔之睿
德之懋斯可望矣

東宮師友

太祖始令宋濂為王世子師庚子年十月奉命入內授
欽定四庫全書

翰林記
卷十

經遇綱常大義再三言之乙巳年三月濂以起居注告
病詔還家調治仍賜金帛世子致賜有加馬六月濂上
箋謝恩復奉書東宮勉以孝友恭敬謹敏讀書無怠惰
無驕縱修德進業以副天下之望上覽書喜甚召東宮
語以書意具賜書答之其略曰曩昔先生教吾子以嚴
相訓是為不佞也以聖人文法變俗言教之是為疏通
也所守者忠貞所用者節儉是為得體也昔聞古人今
則見之復以文綺侑書洪武元年設東宮師傅官令勲



臣兼之十月以耆儒梁王儀為太子賓客秦鏞盧明德張昌為太子諭德上以東宮師傅皆勲舊大臣當待以殊禮朝賀東宮難同庶僚命禮部考古定議禮部及翰林諸儒臣議令凡遇大朝賀前期設皇太子座於大堂設答拜褥位於堂中設三師賓客諭德拜位於堂前贊禮二人於三師之北內贊禮二人於堂中俱東西相向至日皇太子常服陞座三師賓客諭德常服入位北向立皇太子起立南向贊禮唱鞠躬四拜皇太子受前

欽定四庫全書

翰林記 卷十 三

二拜答後二拜禮畢而出五年太子贊善大夫宋濂輔導東宮一言一動皆以禮法諷諭使歸於道每讀書至切於政教及前代興亡必拱手揚言曰君國子民之道當如是不當如彼且推人情物理以明其義皇太子每斂容嘉納敬禮未嘗少衰言則必曰師父師父云且書舊學二字以賜二十六年七月戊申選秀才張宗濬等隨詹事府左右春坊官班分入直文華殿侍講畢近前說民間利害田里稼穡等事開陳古今孝弟忠信文學

材藝諸故事日以為常永樂二年春詔簡東宮官屬時詹事春坊司經局其長貳以廷臣兼之次簡六科中書及大學郡縣學官陞而用之於是以尚書蹇義兼詹事侍郎郭進等兼少詹事黃宗載兼府丞尚書李至剛內閣七人者皆兼春坊大學士庶子諭德等官修撰梁潛等兼贊善而國子博士徐善述助教晁鑄等陞左右司直郎有差尋又以贊善王汝玉等兼編修善述暨汝玉東宮尤見親禮嘗令善述擇選詩二十餘首分類賦比興以為法又與之書言欲作表卿可一如詩題立例具詩題與表題間日封進且問其疾勞慰備至且曰卿今年邁恐輔余為學有日似卿樸直苦口者百無一二面諛順顏者比比有之趙卿康健無憚勞勩弼余成業惟望藥石之言一日甚一日毋務犯鱗觸諱之慮其所與書必字之曰好古或曰致書贊善好古先生云其與汝玉書有曰願求致治之方又曰善政之音如至有如暗逐明之諭其望啓沃之切如此每遇節序燕勞東朝之

欽定四庫全書

翰林記 卷十 四



臣起居慰問煦濡諄切一如家人父子焉然太宗常恐東駕親近匪人每北巡必訓戒之又命學士胡廣楊士奇楊榮侍讀學士王達洗馬楊溥等廣求名儒分直講讀而典籍金寔郎中葉砥等與焉每講罷必從容以正心務德親賢去邪尚儉戒逸之言進及訪以政事必陳其切要及先後緩急之序懇切無少避忌故仁宗之為皇太子也監國視朝之暇專意文字手不釋卷被服寬博大類儒者畜經籍法書甚富云大明會典曰永樂初欽定四庫全書翰林記卷十
五
定東宮講讀儀春坊官與翰林院官日分二員講書以四書春秋通鑑大學衍義貞觀政要等書進講須要纂其事之始終直述大義輯成篇章進呈御覽畢然後赴文華殿講說三師三少及詹事府官鴻臚寺并每科給事一員侍立進講畢眾官齊出及有召問亦須前項官員一同進出如有獨退并獨員留者許給事中并鴻臚寺官并司直郎清紀郎糾劾凡講讀畢每遇五府軍政六部緊要事務及撫諭四裔恩意具大經

大法詹事府掌同春坊官將緣由於眾官未退之時一敷陳為三朝聖諭錄云永樂二年七月侍讀學士王達講乾之九四舉儲貳為說講畢東駕召楊士奇問曰於此恐無儲貳之說達不合譏否士奇對曰諸臣非正道不陳豈敢含譏此出宋儒胡瑗之說殿下曰對我言此常人得此父亦用此說乎士奇因舉程子云凡卦中六爻人人有用聖賢有聖賢用眾人有眾人用君有君用臣有臣用無所不通又舉王昭素對宋太祖之言以對殿下說又對曰今翰林春坊諸臣分撰諸經講章有上旨命內閣之臣開校未當處悉與改正然後呈御覽允當然後以講內閣解縉專閱書胡廣閱詩金幼孜閱春秋臣士奇閱易昨日進至此條上問儲貳說有據否臣士奇對以胡瑗之說上甚喜蓋講臣非有據不敢妄出意見殿下喜自是講義有疑處必召解胡等四人相與辯折暢而後已遂作數鉅冊命春坊司經局臣分錄講章以備常閱欽定四庫全書翰林記卷十
六



東宮出閣講書

凡東宮年八歲即出閣講學永樂以前東宮皆年長英宗未及出閣遂登大寶故出閣之儀至天順二年始定其講學師友惟用東宮官及本院官分班講讀內閣提督之不別選他職其講讀侍班及教書正字官從內閣具名奏請每日講書直解先送內閣看定講畢補進與經筵同列以史官修撰編修兼校書正字則以制勅房官兼之會典載初出閣儀云是日早侍衛侍儀如常儀

欽定四庫全書

翰林記

七

執事等官於文華殿行四拜禮畢鴻臚寺官請皇太子陞文華殿執事官導引至殿陞座師保等官於丹陛上行四拜禮畢各官退出內侍官導皇太子至後殿陞座以書案進每日侍班侍讀講官以次進讀叩頭而退每日講讀儀云一每日早朝退後皇太子出閣陞座內侍以書案進不用侍衛侍儀執事等官惟侍班侍讀講官入侍叩頭禮畢分班向東西立內侍展書先讀四書則東班侍讀官向前伴讀十數遍退復原班次讀經或

讀史則西班侍讀官向前伴讀亦如之務要字音正當句讀分明讀畢各官退一每日巳時侍班侍讀侍講及侍書官俟皇太子陞座畢入東西向立侍班內侍展書先讀早所讀四書則東班侍講官進講一遍退復原班次講早所讀經史則西班侍講官進講亦務要直言解說明白易曉講畢內侍收書訖侍書官向前侍習寫字務要開說筆法點畫端楷寫畢各官叩頭而退一午膳後從容遊息或習騎射一每日晚讀本日所授書各數

欽定四庫全書

翰林記

八

遍至熟而止一凡讀書三日後一溫須背誦成熟遇溫書日免授新書講讀官通講須曉大義一凡寫字春夏秋月每日寫一百字冬月每日寫五十字一凡遇朔望節假及大雨雪隆冬盛暑暫停講讀寫字今按此儀稍變永樂之舊矣成化中孝宗出閣最勤學十九年御製文華大訓成少詹事兼學士彭華進講東宮加從二品祿左中允周經亦預講是書東宮每起立拱聽內閣大臣或以為勞謂經宜跪請坐聽經不從竟得如禮蓋將



以隆君父之道也弘治中武宗在東宮學士吳寬率同僚上疏曰竊惟東宮講學自寒暑風雨朔望令節外一歲之中不過數月一日之內不過數刻况其間又多間歇人生八歲出就外傳居宿於外誠欲離近習親正人也庶民且然况有天下者乎借曰習讀於內終不若出就外傳親近儒臣講明治道所得為多也其意甚美然講讀之後敷陳時政如永樂時最為要務惜寬建明未之及耳

欽定四庫全書

翰林記
卷十

九

東宮禮儀

凡東宮禮儀官詹事府者皆宜諳練洪武中定奏事之儀具有次第獨於文華殿啟事則詹事府在先餘依奏事次第每皇太子御文華殿官員人等承旨召入者方許入凡啟事者稱臣會典載東宮朝儀云永樂二年定文武官員常朝行叩頭禮畢三師三少詹事府官左右春坊官翰林院鴻臚寺官六科給事中錦衣衛官左右序立於文華殿門之外鴻臚寺序班通事舍人引文

武百官於丹陛上丹墀內東西序立照依衙門資次啟事監察御史二員司直郎清紀郎日輪二員北向侍立糾儀啟事畢百官齊退及有召問亦須前項官員一同進出如獨進并獨員留後者許監察御史鴻臚寺官司直郎清紀郎糾眾一合啟事務在京衙門止用奏本在外衙門務要奏本一本啟本一本其詹事府主簿錄事同春坊司直郎清紀郎司諫分為六科將本內啟過事件同六科給事中逐一奏聞主簿錄事司直郎清紀郎

欽定四庫全書

翰林記
卷十

十

司諫仍於司禮監共關揭帖開寫逐日啟過本內事件畧節緣由六科給事中亦具題帖各另奏進凡遇正旦冬至節行慶賀禮并進歷進春等事詹事府例啟皇太子知必先奏聞俟得旨方具啟本進凡遇皇太子千秋節行慶賀禮奏啟本同進侍班用坊局官見第六卷正旦冬至千秋節禮部官進箋并進歷進春通事二員舉案又有監國等儀以非常典故不悉記

皇太孫輔導講讀

皇太孫輔導講讀在洪武時無可考者太宗以東宮官僚兼之永樂六年七月命內閣胡廣等輔導皇長孫賜勅曰朕為令德所成本乎天賦養正之學實弘聖功故有聰明純一之資必有詩書禮樂之教所以充其德性而廣其器識也朕嫡長孫天章曰表玉質龍姿孝友英明寬仁大度年未一紀體具志寧動必中規言必中道好道之篤夙夜孜孜日誦萬言心領要義朕嘗試之以事輒能裁決得中斯實宗廟之靈上天錫慶篤生異質欽定四庫全書

翰林記
卷十
十一

孫曰此皇祖近臣汝輩當加禮敬又謂榮等曰他日學成即汝訓迪之功也後皇太子復傳上命召吏部翰林院官令舉老成正大儒者侍皇太孫講讀明日東宮特召尚書蹇義及楊士奇問已得人否義對曰臣兩人共舉禮部侍郎儀智然衆鮮知之議尚未決東宮曰往者吾舉李鼎大誤後悔無及智甚端正但覺老矣士奇對曰智雖頗老然起家學官道理明執守正精神不衰目前廷臣中老成正大未見其比是日午朝上問東宮曰太孫處侍從講讀已得人否對曰已舉禮部侍郎儀智然議尚未決上喜曰此得人矣雖年老然識朝廷大體能直言不阿向之元正日食呂震等皆欲行賀禮惟此老與楊士奇言宜免賀朕從之智誠可用遂召禮部翰林諸臣諭曰儀智甚好朕知之矣令侍太孫講讀又令尚書蹇義選廷臣行止端慎語音明正者以充講官於是給事中林長懋張瑛陳山戴綸等得入侍皇太孫已而宣宗正儲位長懋等俱授春坊左右中允其講讀儀

欽定四庫全書

翰林記
卷十
十二

雖不可考要之當與東宮無大異也

親王出閣讀書

洪武中親王出閣命選儒士授本院博士等職事令於各王府講說永樂中妙簡宮僚以輔諸王於是以前詹事府丞周孟簡為襄王府左長史司直郎金寔為衛王府左長史俾輔導侍講讀其後親王出閣止除進士之老成有學問者除檢討及王就封即拜長史不復陞轉弘治三年進士被是選者恣出怨言吏部聞之實人情不堪之故也苟行通融之法陞轉如常格自當無不効命

欽定四庫全書

翰林記
卷十

十三

者會典云諸王讀書用內閣提督檢討等官講讀為擬定經書起止所習做學每日進看其儀天順二年定一初入書堂其日早王至右順門之北書堂面東中坐提督講讀并講讀官行四拜禮畢內官捧書展於案上就案左立講讀官進立於案右伴讀十遍叩頭退每

一日講讀清晨王至書堂講讀官行叩頭禮伴讀十遍出飯後復詣書堂伴讀者寫字畢講書直說大意畢仍

叩頭退內侍以所寫字送內閣點看

習書

習書雖六學之一藝然事屬經筵頒為帝制亦不可以為末務洪武時無可考太宗喜楷書時典籍沈度書法豐潤上深愛之每有大制作必命度謄寫累遷至學士惟食學士俸仍事書辦賜象笏鏤金刻度姓名其上以寵耀之其弟榮亦起自書辦累官侍讀自此沈字盛行於朝然上習書尚未以度字為式宣宗自冲齡習古法

欽定四庫全書

翰林記
卷十

十四

帖宸翰妙絕蓋始學趙孟頫而加以邁勁真所謂精能之至出神入化者孝宗亦愛沈度書宮中妙習焉嘗求其後官之物色得其孫世隆授之中書舍人故今朝廷制誥猶用沈體云

翰林記卷十



欽定四庫全書

翰林記卷十一

明 黃佐 撰

知制誥

翰林職代王言唐以應行文字待詔北門與中書舍人分掌制勅謂之兩制宋始有知制誥之名然後初入院者旋即得遷其任尚輕其後試博學宏辭中科者始獲任用然屬之中書國朝兩制悉歸本院非鴻儒歷顯秩者不可掌而以中書主謄寫吳元年十二月乙丑上命

欽定四庫全書

翰林記
卷十一

開讀詔赦前期翰林院官承制草詔及文武官除授合用誥命勅命皆即日撰寫故學士陶安宋濂輩繫銜皆曰知制誥于時封拜無虛日安等嘗擬撰誥命千餘首以待而猶不足乃使諸儒士在館者分局代為之其後定一考封贈之制初除授所領誥勅皆草去于是其務稍省矣永樂初內閣七人掌內外兩制嘗見楊榮金幼孜諸人自署職銜亦曰知制誥用洪武時故事也仁宗始命內閣專典內制而擇學士一人專管文官誥勅正

欽定四庫全書

翰林記
卷十一

統以後罷之文官誥勅皆屬內閣如永樂時弘治七年復設以學士年深或尚書侍郎兼者為之亦得以知制誥自署兩制遂稍分矣按宋兩制曰冊文表本青詞密詞祝文齋文詔書批荅口宣內制也曰皇后皇妃追封先代皇女皇族冊封進封文武封百官遷擢致仕加恩等誥勅外制也若國朝內制則制勅誥旨誥命冊表寶文郊祀祭文祭享太廟文皇太后授冊寶謁謝文皇后授冊寶謁誥文皇妃授冊祭文祭陵文皇太子親王等冠辭祝辭親征禡祭旗纛露布巡狩所至祭山川旗纛輟祭文走驃騎祭馬神等及五祀祭文大喪及皇妃贈謚等冊文親王妃公主郡王郡王妃世子世孫及妃鎮國等將軍喪葬祭文謚冊壙誌諭祭文及文武大臣諭祭文經筵講章碑額及題奏揭帖之屬外制則文官誥勅而已凡五府六部等衙門諸勅行事條詞奏請既得旨移文本院依奏草勅內閣即時擬撰文官誥勅之類亦然進稿畢編類勘合中書舍人領出書寫其王府謚



冊等文禮部抄出施行原稿俱繳納云

視草

凡王言例先具藁進呈謂之視草待上允而後行諸般播告兩制皆然洪武中有大政令詞臣錄聖語不敢增損故凡詔令多爾每好生等字者皆聖祖所面授也其後始令本院官為之漸至駢儷永樂二年楊士奇等進呈勅邊將藁上曰武臣邊將不諳文理只用直言俗說使之通曉庶不悞事他日編入實錄却用文六年冬巡

欽定四庫全書

翰林記
卷十一

三

狩北京詔書命士奇視草上覽之再三喜曰簡當更勿改易其擇日書之頒下又曰試與諸尚書觀之諸尚書皆稱善獨兵部劉儁私于士奇曰請以有字易自字如何士奇曰善即以告於衆衆曰義無相遠不足易且上既善之矣士奇獨以聞請易之黃淮于上前執不足易士奇曰于國家大體尚當用儁言上顧士奇曰從汝明日諭胡廣曰楊士奇能服善難得二十二年十月仁宗御西角門視朝罷時風寒顧謂翰林臣曰朕與卿等居

重城中猶覺凜凜如此守邊將士晝夜嚴警殆不可勝遂命書勅遣使以鈔幣賜緣邊將士宣德五年二月上御南齋宮召楊士奇諭曰吾欲下寬恤之令今獨與爾商之然吾未能悉知爾當効助益遂命內侍具楮筆上曰免災傷稅糧當是首事間民間虧欠畜馬驢騾所司追償甚迫民計無出亦甚艱難部官坐視而不言對曰陛下聖念及此生民之幸然所當寬恤者殆非此兩事因言百姓積年負欠薪芻及採辦買辦之物所司責償

欽定四庫全書

翰林記
卷十一

四

甚急各處官司起科不一而租額皆重蘇州尤甚細民至于逃徙部符下郡縣採辦買辦諸物一槩派徵非出產處百姓數十倍價買納年來刑獄冤濫者多工匠之弊四方遠近每戶不問凡丁悉在京多為所管之人私役南方運糧甚難而倉廩無關防姦人盜竊動輒數萬若此者請有以處之上以為然即令草勅明旦頒行遂令尚膳賜饌勅諭既下上聞衆心悅戴召士奇賜鈔三千緡文綺二端羊酒士奇叩頭受賜上笑曰薄用潤筆耳



七年二月上召士奇至文華殿諭曰憶五年二月共爾南齋官論寬恤事今兩閱歲矣民事不又有可恤者乎士奇復言戶部沮格官田減租及課程選舉等數事且曰臣一人見聞不廣願更得一人同論此事上曰若多令人知即勅諭未下事已徧播于外矣曰大臣中固有謹厚者上曰胡濙謹厚汝與之密議就錄稿進來于是退同濙議增十數事通錄明旦進呈上悅三月朔璽書遂下是時君臣同心言聽計行澤及天下如此景泰末欽定四庫全書翰林記卷十一
易儲大學士陳循等陰主其事詔既下視草實出循吏部尚書何文淵謂人曰詔語天佑下民作之君父有天下傳之子吾所為也獨石關報捷詔獎之循視草乃反加詰責其後與文淵皆被禍循就逮時或以復辟詔書問之循為一聯云多難興邦高帝脫平城而祚漢殷憂啓聖文王出羑里以開周上聞之喜遂免循死天順初承天門災上下詔責躬實修撰岳正視草歷陳弊政詞極切直天下傳之遂有飛語指為謗訕七月內批降正

為廣東欽州同知由是言之視草固非易事也

撰表箋

洪武六年九月庚戌詔禁四六文辭先是上命翰林儒臣擇唐宋名儒表箋可為法者遂以韓愈賀雨表柳宗元代柳公綽謝表進上命中書省臣錄二表頒為天下式因諭羣臣曰唐虞三代典謨訓誥之辭質實不華誠可為千萬世法漢魏之間猶為近古晉宋以降文體日衰駢儷綺靡而古法蕩然矣唐宋名儒輩出雖欲變之而卒未能盡近代詔誥章表之類仍蹈舊習朕嘗厭其瑣瑣殊異古體且使事實為浮文所蔽其自今凡誥諭臣下之辭務從簡古以革弊習爾中書省宜播告中外臣民凡表箋奏疏毋用四六對偶悉從典雅十二年六月壬申命翰林院定皇太子與諸王往復書簡之式二十九年八月上以天下諸司所進表箋務多奇巧詞體駢儷心甚厭之乃命學士劉三吾右贊善王俊華撰慶賀謝恩表箋成式頒于天下諸司令如式錄進自是詞



垣秉筆者多用散文如宋濂進大明律表是也太宗在北京有白鵲之瑞行在禮部行南京慶賀自皇太子監國以下及五府六部例各進表時楊士奇以病在告監國表命庶子贊善呈稿殿下不憚命尚書蹇義以示士奇士奇曰甚寂寞且不著題似賀白鵲白鹿皆可因命改益士奇改一聯云望金門而送喜馴彤陛以有儀後增一聯云與鳳同類躊躇于帝舜之庭如玉之輝翬翬在文王之圃義以進殿下喜曰此方是帝王家白鵲適欽定四庫全書 翰林記 卷十一 七

內使陳昂進御饌徹以賜之且有旨使免進藥食早相見也按國初陞除猶有具表陳謝之文其後惟狀元率諸進士謝恩行聖公及公侯伯襲封謝恩始用之車駕幸館閣及大學初開經筵及有非常之賜亦具謝表朝廷有大喜慶及諸祥瑞具賀表進呈寶錄及書籍等皆具進呈表例本院詞臣司之若有東宮則增一箋云會典云凡南京各衙門遇朝廷冊立大禮及上徽號等項合用慶賀表箋南京禮部行南京翰林院撰進

評駁奏啓

洪武十四年十二月丁巳命翰林院編修檢討典籍左春坊左司直郎正字贊讀考駁諸司奏啓以聞如平允則署其銜曰翰林院兼評駁諸司文章某官某列名書之永樂以後四方章疏經御覽者內有艱詞難字始令本院考究不復先期評駁

評駁進呈試錄

凡鄉試錄舊制例呈進祖宗時令翰林院儒臣評駁之後其制漸弛成化十四年天下鄉試錄多舛謬或犯國諱少詹事兼侍讀黎淳摘奏十條下禮部翰林院議治考試提調官罪且申定格例行之至今按是年山東刻文論語不曰堅乎磨而不磷不曰白乎涅而不淄最為紕繆遂逮舉人張天瑞治之以墨卷不同乃止其嚴如此

正文體

國初文體承元末之陋皆務奇博其弊遂寢叢穢聖祖

思有以變之凡擢用詞臣務令以渾厚醇正為宗洪武二年三月戊申上謂侍讀學士詹同曰古人為文章或以明道德或以通當世之務如典謨之言皆明白易直無深怪險僻之語至如諸葛孔明出師表亦何嘗雕刻為文而誠意溢出至今使人誦之自然忠義感激近世文士不究道德之本不達當世之務其辭雖艱深而意實淺近即使過于相如揚雄何裨實用自今翰林為文但取通道理明世務者毋事浮藻於戲大哉皇言乎萬

欽定四庫全書

翰林記
卷十一

九

應制詩文

本院以供奉文字為職凡被命有所述作則謂之應制然祖宗皆出于面命或相與賡和其後惟中官傳旨而已丙午年六月早上禱鍾山大雨獲應賦七言喜雨詩命待制黃哲等賡和已而諸將告捷多令翰林諸儒臣

應制賦詩上親加評品洪武元年十一月召大本堂儒士試以鍾山蟠龍賦時與文學之臣燕飲賡和語在第六卷大誥三編成命學士劉三吾為序既成上評以為無疵祖訓成學士宋濂被命序其後積誠錄成則命大學士吳沈序之太子正字桂彥良入見上命制香几贊司直郎汪仲魯被命制續薰風南來諸曲皆稱旨洪武八年五月丁丑上御端門召翰林詞臣出示巨桃半核蓋元內庫所藏物其長五寸廣四寸七分有西王母賜

欽定四庫全書

翰林記
卷十一

十

漢武桃及宣和殿十字命宋濂撰蟠桃核賦又嘗命宋濂詠鷹濂七舉足而成有自古戒禽荒之言上稱賞曰卿可謂善諫矣十年十月造觀心亭于宮城上親幸其中召濂為記十二年上製十題命典籍吳伯宗賦之援筆立就詞語峻潔上嘉其才敏賜織金錦衣嘗幸清流閣賦詩命扈從儒臣和之起居注劉季道有治世不教還縱逸功成猶遣歷問關之句上歎賞曰可謂安不忘危賜以白金文綺又起居注符子杰應命即物賦詠立



成上大悅時寵賜和章一日命羣儒造縱泰鶴文吳府
伴讀王驥操觚立就學士宋濂為之進呈上稱善及日
將南至大祀于圜丘上復命羣臣賦七言律十二韻冠
以三百言序驥與王咏先成跽讀御榻前上聽畢加獎
勵命進學士云十五年學士宋訥撰宣聖廟碑稱旨改
文淵閣大學士洪武二年二月乙亥立皇陵碑學士承
旨危素承命撰進尋以辭多潤飾乃御製一篇閱江樓
成宋濂被命撰記上亦更制一篇加評騭焉聖祖之崇
欽定四庫全書
翰林記
卷十一
十一
文如此洪武二年正月丙申朔封京師及天下城隍神
秩號有差命翰林撰文頒之其後草去學士宋訥嘗被
命撰僧道領教事者勅命千餘通其後又草去永樂八
年二月上親征北方壬戌度野狐嶺至嶺山巔召學士
胡廣等指示山川形勢與語良久奉制各于馬上賦平
邊詩楊榮有曰聖主尊居四海安恐教邊裔自相殘上
甚喜之廣等諫知彼中布尼雅實哩與其下阿魯台雙
殺東西奔遁亟召榮諭曰此中果自相殘汝前日之詩安

知不為識乎榮下馬叩首謝上喜命賜羊酒三月乙未
次清水源水皆苦鹹不可飲人馬俱渴明日營西北二
三里許忽有泉湧出清澈可愛命廣與榮往觀遣中官
以銀瓶汲取上親嘗之味甚甘美賜廣等飲訖士馬爭
趨之皆給足命曰神應泉又明日應制撰神應泉詩銘
上嘉之各賜上尊又嘗命諸文學侍從賦青海天馬歌
修撰曾棅最先成為上所褒美宣德中每遇令節令詞
臣應制賦詩是時太平無事上留意詞藝翰林儒臣嘗
被命賦京師八景詩以獻曰瓊島春雲曰太液晴波曰
西山霽雪曰玉泉垂虹曰盧溝曉月曰薊門煙樹曰金
臺夕照曰居庸疊翠英宗增其二曰南園秋風曰東郊
時雨為十景焉景泰中學士倪謙輩應制賦詩中官嘗
立俟以進成化初學士劉定之應制賦元夕詩絕句百
首頃刻而成又嘗以東風解凍春山雪霽等為題令翰
林學士等分賦之弘治初上注意講學遣太監戴義傳
示聖意命學士李東陽等各撰詩十首用寓啓沃東陽



擬十題各撰七言律詩一章曰敬天曰法祖曰勤政曰務學曰任賢曰納諫曰節用曰愛民曰恤刑曰講武上嘉納焉又嘗命內閣撰祭三清樂章大學士劉健李東陽謝遷上疏言天子祭天地以簡為賁祭不過南郊故祀五帝儒者非之況三清者道家邪妄之說不敢奉詔上遂止愚按國初勲戚大臣神道碑銘多出本院儒臣奉勅撰述其後不過私家謁請而已至于應制詩文雖內閣罕聞焉蓋故事寢廢久矣

欽定四庫全書

翰林記
卷十一

十三

搜撫故事

聖祖將正位宸極命詔起居注熊鼎採故事可備懲勸者書之新宮廟壁鼎受命具故事上之稱旨由是大見禮重太宗將製為善陰隲孝順事實二書以風厲天下乃預命翰林儒臣搜撫故事以獻仁宗在東宮一日觀漢書歎張釋之之不易得洗馬楊溥進曰釋之誠賢然非文帝之寬仁何由得行其志臣以為釋之漢一時不易得如文帝三代而下不易得也退採文帝事編為事

類以獻仁宗甚悅賜書褒美

進呈書詩文序

前輩自應奉之外以已所聞見撰述為書進呈者殆不數人洪武十五年二月前太子正字桂彥良入朝獻萬世太平治要策凡十二事上嘉納之永樂七年侍講楊士奇侍東宮皇太子喜讀易凡決疑必用著而以易斷命取朱子本義纂其要以進名曰周易直指士奇因進曰易固為卜筮而作然文王周公所繫辭凡脩齊治平之道悉具請編輯以脩覽觀遂輯成書以進仁宗覽之大喜名曰周易大義賜士奇繡衣銀帶先是徐好古作尚書直指金幼孜作春秋直指皆以進云成化末學士丘濬纂大學衍義補書成適孝宗登極表上之上覽之甚喜批答有曰卿所纂書考據精詳論述該洽有裨政治朕甚嘉之賜白金二十兩紵絲二表裏陞濬禮部尚書且命錄其副發書坊刊行至今論政務者多宗其說言足以興若濬者館閣一人而已乃若進呈歌頌詩賦

欽定四庫全書

翰林記
卷十一

十四

則多有之太祖平陳友諒待制王禕進平江西頌上覽之而喜曰吾固知浙東有二儒者卿與宋濂耳學問之博卿不如濂才思之雄濂不如卿洪武二年十月甲戌膏露降于乾清宮後苑松樹學士宋濂獻膏露頌三年四月陝西寶雞縣進瑞麥弘文館學士劉基獻瑞麥頌五月戊申祀地祇于方丘宿雨頓霽復為頌獻之四年八月平四川明昇基又獻平西頌上為文答焉五年六月旬容縣民張觀園生嘉禾雙實同蒂圓如合璧禮部尚書陶凱奉之以獻詔寘之乾清宮明日薦于太廟宋濂獻嘉禾頌二十九年天下多嘉禾之瑞學士劉三吾進嘉禾賦永樂二年八月周王㙻于鈞州獲騶虞九月丁未王獻于闕下侍讀梁潛進騶虞詩侍講楊榮進騶虞頌已而甘露屢降嘉禾呈瑞外國獻麒麟白雉元兔白鹿白象靈犀白兔之屬榮與學士胡廣等咸為詩歌以進上嘉之三年九月朔賜太祖御書嘉禾詩于諸王及近臣先是洪武二十八年九月庚戌北平永清衛之

龍門有禾異莖同穗上在潛邸遣使馳獻太祖親御宸翰賦長詩一篇以賜上念手澤之存摹勒于石裝治成軸分賜諸王及學士解縉等又適有嘉禾之瑞縉獻嘉禾頌四年二月視學太子親王從上服皮弁御宸翰賦長詩賜祭酒胡儼司業張智坐講文武三品以上及翰林儒臣皆賜坐以聽講畢賜茶明日儼等率師生上表謝賜賚有差大燕羣臣于奉天門學士胡廣進視學詩一時詞林諸儒臣咸和之八年五月己卯上北征敗布尼雅實哩于飲馬河七月壬午駕還士奇獻平邊頌及饒歌鼓吹詩十二年六月親征衛喇特敗之于薩里噶又敗之于圖刺河擒斬無算八月駕還庶子鄒緝獻永樂清邊頌十七年十一月甘露降于孝陵松柏凡四日學士王直獻瑞應甘露詩十八年正月禮部郎中周訥請封禪大臣有陰主之者於是學士胡廣獻却封禪頌上遂止宣德二年三月騶虞復見大學士楊榮獻頌上褒賞之三年九月榮扈從北征凱旋進平邊詩凡十篇各立題



命意上覽之喜屢沐白金鈔幣之賜自是每同遊匪頒榮與士奇等多以詩進遇令節被召宴遊亦多以詩謝恩自正統後此事寢不聞矣

紀時政

學士宋濂嘗輯洪武聖政記此紀時之政也自後學士解縉有大明帝紀記洪武中事大學士楊士奇有三朝聖諭錄紀永樂宣德時際遇召對諸事天順日錄則大學士李賢所著雖紀時政然旁及論建與所傳聞是時

欽定四庫全書

翰林記
卷十一

十七

又有可齋雜記專紀在己見用之事而本院故事多在焉則大學士彭時筆也零齋瑣綴為學士尹直所記近大學士李東陽著燕對錄則孝宗召見語也按宋有時政房每遇上召對即貼黃具寫付之雖勝國亦然若師其迹以憑傳信亦聖政新之一助也

禁異說

先王之制一道德以同俗其有造言非聖者必刑無赦聖祖崇重儒道以濂洛關閩為宗罔敢有悖焉者也永

樂中饒州士人朱季友獻所著書斥濂洛關閩之說上覽之怒曰此儒之賊也時禮部尚書李至剛學士解縉侍講胡廣侍讀楊士奇侍側上示以其書縉曰惑世誣民莫甚于此至剛曰不罪之無以示儆宜杖之縉曰四裔士奇曰當盡燬其所著書庶幾不悞後人廣曰聞其人年已七十燬書示儆足矣上曰謗先賢毀正道治之可拘常例邪遣行人押季友還饒州會布政及府州縣官與其鄉士人明諭其罪而笞以示罰考索其所著書焚之上復諭羣臣曰除惡不可不盡悉毀其所著書最是然成化以後學者多肆其胸臆以為自得雖館閣中亦有改易經籍以私於家者此天下所以風靡也夫

欽定四庫全書

翰林記
卷十一

十八

評論詩文

洪武中上嘗召詞臣賦詩歌以為樂且與評論詩法太子正字桂彥良每應制先衆而就嘗進曰治道具在六經典謨訓誥願留聖意詩非所急也上深然之自是思遇隆洽稱曰老桂不名永樂七年仁宗東宮贊善王汝



王每日於文華後殿道說作詩之法一日顧楊士奇曰古人主為詩者其高下優劣如何士奇對曰詩以言志明良喜起之歌南薰之詩是唐虞之君之志最為尚矣後來漢高太風歌唐太宗雪恥酬百王除兇報千古之句則所尚者霸力皆非王道漢武帝秋風辭志氣已衰如隋煬帝陳後主所為則萬世之鑑戒也殿下於明道玩經之餘欲娛意文事則兩漢詔令亦可觀非獨文詞高簡近古其間亦有可裨益治道如詩人無益之詩不足為也仁宗曰太宗高皇帝有詩集甚多何謂詩不足為士奇對曰帝王之學所重者不在詩太祖皇帝聖學之大者在尚書及諸書註作詩特其餘事可姑緩仁宗曰世之儒者亦作詩否士奇對曰儒者鮮不作詩然儒之品有高下高者道德之儒若記誦詞章前輩君子謂之俗儒為人主尤當致辨於此時仁宗監國視朝之暇專意文事因覽文章正宗一日諭士奇曰真德秀學識甚正選輯此書有益學者對曰德秀是道學之儒所以志

識端正其所著大學衍義一書大有益學者及朝廷為君不可不知為臣不可不知君臣不觀大學衍義則其為治皆苟而已仁宗即召翰林典籍取閱大喜曰此為治之條例監戒不可無因留一部朝夕自閱又取一部命翻刻以賜諸子諭士奇曰果然為臣亦所當知遂賜一部又嘗與士奇言歐陽文忠公之文雍容醇厚氣象近三代有生不同時之歎且愛其諫疏明白切直數舉以厲羣臣遂命校正重刻以傳廷臣之知文者各賜一部時不過三四人而止恒謂士奇曰為文而不本正道斯無用之文為臣而不能正言斯不忠之臣歐陽真無忝矣故館閣文字自士奇以來皆宗歐陽體也

傳問事義

祖宗時文學近侍之臣皆面相問難故聖學有所發明使中官傳問事義自正統後始有之大學士李東陽嘗曰弘治中上令中官問龍生九子憶少時于雜書中見之倉卒不能悉具又莫知所出詢之羅編修紀謹疏其



五六得於其師左參政贊者止此又詢於吏部劉員外
續以故冊來面備錄其說亦不知所從出因據以復命
蓋記問之難如此

欽定四庫全書

翰林記
卷十一

三十一

翰林記卷十一

欽定四庫全書

翰林記卷十二

明 黃佐 撰

收藏秘書

按周禮太史掌建邦之六典外史掌四方之志三皇五
帝之書漢圖籍所在有石渠石室延閣廣內藏之於外
府又有御史居殿中掌蘭臺秘書及麒麟天祥二閣藏
之於內禁後漢圖書在東觀置秘書監又有鴻都等處
唐有秘書監集賢院宋建昭文史館集賢院置大學士
欽定四庫全書
翰林記
卷十二
直學士修撰等官以掌之又有秘書省崇文館其重如
此聖祖甫定天下即遣使求遺書國初四庫之書多藏
文華堂堂在禁中抵奉天門下百武車駕嘗幸臨之洪
武三年三月庚子置秘書監秩正六品先除監丞一員
直長二員十三年七月癸巳以內府書籍已有本院典
籍掌之於是罷秘書監典籍張敏行者掌書籍中使傳
宣索書即啓鑰以上時時得燕見聖祖稽古右文其勤
如此蓋罷掌書之官併其任於翰林實自此始今內閣



史館凡御製文字宸翰列聖實錄及玉牒副本經史子集類書之屬皆在焉永樂四年四月上視朝之暇輒御便殿閱書史或召翰林儒臣講論嘗問文淵閣經史子集備否學士解縉對曰經史粗備子集尚多闕上曰士人家稍有餘貲皆欲積書況於朝廷可闕乎遂召禮部尚書鄭賜令擇通知典籍者四出購求遺書且曰書籍不可較價直惟其所欲與之庶奇書可得又顧解縉等曰置書不難須常覽閱乃有益凡人積金玉亦欲遺子孫金玉之利有限書籍之利豈有窮也十六年遣修撰陳循往南京起取本閣所貯古今一切書籍自一部至百部以上各取一部北上餘悉封識收貯蓋兩京皆有儲書也十九年四月庚子夜奉天華蓋謹身殿災火勢猛烈而奉天門東廡切近秘閣學士楊榮奮身直入麾武士三百人將御書圖籍并積歲制勅文書昇至東華門河次明日上召諭之曰昨夜火發在目前者幾人卿能收拾御書圖籍不避艱危可謂難矣因褒賞之是時

欽定四庫全書

翰林記
卷十二

三

書籍淆亂無紀典籍周翰理淆葺亂逾二載而後復舊今館閣書目蓋永樂間定也自正統以前凡官本院者每朝退即入閣中檢所未見書蓋館閣無政事以討論考校為業故得縱觀中秘而受命進學者亦與焉景泰時編修周洪謨輩尤出入自恣始為內閣所局鑰弘治五年五月大學士丘濬請訪求遺書言太祖於丙午年已求遺書既平元都得其館閣秘藏而又廣購於民間沒入于罪稽一時儲積不減前代然藏畜數多不無亂雜積歷年久不無鼠竄經該人衆不無散失今因內閣儲書有遺書目有簿皆可查考乞勅內閣量要學士并講讀以下官督同典籍撥與吏典班匠人等將書目校讐有無全欠分為經史子集四類及雜書類書二類開具奏報仍刻考校年月委官名銜識於卷末立案存照又勅兩京內外大臣會同南京禮部本院官查盤永樂中原留南京內府書籍有無全欠具數奏知於凡兩京書籍令兩京國子監謄寫各令兩監藏之以備遺失夫

欽定四庫全書

翰林記
卷十二

三



國家採輯佛道書以為藏經雕以文梓飾以文綾徧賜天下寺觀儲以髹紅函匱載以金碧輪藏況此書籍乃自帝王傳心之要道經世之大典禮樂刑政制度文為之所具焉可吝惜小費而不為經久之計哉請勅內閣將書目付禮部抄謄分送直隸十三布政司督提學校憲臣用心設法訪求抄寫送京以補所未備仍於內閣近便去處別建重樓一所專用乾石累砌如民間所謂土庫者令內閣書辦中書等官遇其閒暇抄謄累朝寶錄各一部盛以銅匱于樓之上層凡內府衙門收藏國家大事文書如玉牒之類皆附焉其制勅房一應文書如詔冊制誥勅書等項并檢行禮儀註應制詩文等項底本前朝遺文舊事等項雜錄亦各抄一部盛以鐵匱貯於樓之下層凡內府衙門所藏文書可備異日纂修一代全史之用者如永樂以前文武官貼黃之類皆附焉苟無禦災備急之具一或散失後之秉史筆者無所憑據往往求之於草澤訪之於傳聞簡牘無稽真贋莫

欽定四庫全書

翰林記
卷十二

四

辨非但大功異政不得紀載而明君良臣為人所誣捏者亦有之矣至若列聖實錄及聖祖御製等書請依洪武六年纂集日歷以為寶訓事例勒成一書頒行天下如此則祖宗之功德在萬世永傳信而無疑國家之典章垂百王遞沿襲而有本所謂金匱石室豈虛文哉奉聖旨太祖御製書籍著翰林院官打點見數收貯南京書籍查照目錄開寫缺少的去著守備同南京禮部翰林院點檢送來天下遺書禮部行移南北直隸十三布政司訪求其餘罷然是時有司不能如命遂因循至今正德中為人盜竊殘缺日甚論道講學尚何所資耶言之可為拊膺不無有望於今日也

欽定四庫全書

翰林記
卷十二

五

開局纂修事始

國初召儒臣戴筆以定有天下之制分三局以總之一曰律局以定律令凡舊官之練憲典者居焉二曰禮局以究禮儀凡宿儒之通古制者居焉三曰誥局以撰誥命凡俊材之優文辭者居焉此開局之始也汪克寬曰

洪武元年命中書省翰林太常率諸儒定擬三禮明年再命集議禮樂又明年徧徵在野道德文章之士分局相與訂正之亦正指此其後纂修國史每分為十館以均六局之多寡六局一曰吏以究人材之進退二曰戶以量地利之盈縮三曰禮以考禮儀之沿革四曰兵以載軍政之臧否五曰刑以書刑罰之詳濫六曰工以審力役之糾緩皆本六官職掌為之十館所修不能統一則摠勘如修他書則有不盡然者蓋自罷起居注之後

欽定四庫全書

翰林記
卷十二

六

本院職專文史遇有纂修旋設館席給筆札惟官長凡例是遵逐事呈稿筆削惟命其中雖有所見亦不敢盡用已意蓋官局修書從古然也

監修

洪武二年二月丙寅朔勅修元史以中書左丞相宣國公李善長為監修不預史事三十五年十一月己未重修太祖高皇帝實錄勅太子太師曹國公李景隆為監修都總裁官太子少保兼兵部尚書忠勤伯茹瑞為副

監修官永樂九年十月又重修之勅戶部尚書夏原吉太子少保姚廣孝監修未及成而廣孝死原吉獨專其事洪熙元年五月庚午朔勅修太宗皇帝實錄閏七月甲辰勅修仁宗皇帝實錄俱以太師英國公張輔少師兼吏部尚書蹇義少保兼太子少傅戶部尚書夏原吉監修自永樂以來多豫東筆與國初不同宣德十年九月庚午勅修宣宗皇帝實錄止用張輔為監修始復不預東筆矣監修英宗皇帝實錄者會昌侯孫繼宗監修

欽定四庫全書

翰林記
卷十二

七

憲宗皇帝實錄英國公張懋監修孝宗皇帝實錄者亦懋也若修他書則罕設惟永樂元年七月修永樂大典以太子少師榮國公姚廣孝禮部尚書鄭賜為監修刑部左侍郎劉季麓副之餘不可盡考

總裁

國初修元史以前起居注宋濂漳州通判王禕為總裁未幾濂進學士禕拜待制三年二月乙丑續修元史仍為總裁太祖皇帝實錄總裁者始為禮部左侍郎兼學



士董倫與侍講方希直重修李景隆與侍讀解縉再重修則文淵閣大學士兼左春坊大學士胡廣學士兼右庶子楊榮祭酒兼侍講胡儼也太宗仁宗兩朝實錄總裁為少傅兵部尚書兼華蓋殿大學士楊士奇太子少傅工部尚書兼謹身殿大學士楊榮太子少保禮部尚書兼武英殿大學士金幼孜戶部尚書兼武英殿大學士陳山禮部尚書兼華蓋殿大學士張瑛太常寺卿兼學士楊溥自是其柄始盡歸館閣矣宣宗皇帝實錄總裁為少傅工部尚書兼謹身殿大學士楊榮行在禮部尚書兼學士楊溥總裁兼纂修為少詹事兼侍讀王直少詹事兼侍講學士王英總裁兼纂修前此未有也英宗皇帝實錄總裁為少保吏部尚書兼華蓋殿大學士李賢禮部尚書兼學士陳文兵部尚書兼學士彭時副總裁為禮部右侍郎李紹太常寺少卿兼侍讀學士劉定之吳節副總裁蓋自此始紹雖為侍郎然發身則自翰林故與焉憲宗皇帝實錄總裁為少傅兼太子太師

欽定四庫全書

翰林記
卷十二

八

吏部尚書謹身殿大學士劉吉禮部尚書兼文淵閣大學士徐溥禮部右侍郎兼學士劉健副總裁為禮部尚書丘濬詹事兼侍講學士汪諧孝宗皇帝實錄總裁為少師兼太子太師吏部尚書華蓋殿大學士李東陽少傅兼太子太傅吏部尚書謹身殿大學士焦芳戶部尚書兼文淵閣大學士楊廷和副總裁為吏部左侍郎兼學士梁儲若纂修日歷惟洪武時有之總裁為學士承旨兼吏部尚書詹同侍讀學士宋濂聖祖所修諸書多不可考獨太宗時永樂大典分局皆有總裁學士解縉修撰吳溥檢討王洪禮部郎中鄒濟布衣陳濟等皆得為之無慮十餘人蓋門彙多而事實繁故也大明一統志總裁為吏部尚書兼學士李賢太常寺少卿兼學士彭時學士呂原副總裁為學士林文劉定之侍讀學士錢溥大明會典總裁為大學士李東陽焦芳楊廷和副總裁為學士梁儲若四書五經性理大全宋元資治通鑑綱目等書多不設總裁止用纂修官

欽定四庫全書

翰林記
卷十二

九



纂修

國初纂修皆用山林隱逸之士洪武日歷纂修者皆儒士職官獨員外郎吳伯宗一人戊寅年勅修太祖皇帝實錄纂修可考者為侍讀學士兼太常寺少卿高遜志太常寺少卿廖昇都察院左僉都御史程本立禮部郎中夏止善修撰李貴編修吳溥楊子榮劉觀檢討陳性善侍書劉彥銘史官高讓吳勤趙友士端孝思張秉彝唐畔畔國子博士王紹僉事胡子昭知縣葉惠仲儒士

欽定四庫全書

翰林記
卷十二

十

楊士奇等永樂初重修太祖實錄纂修為學士禮部尚書李至剛侍讀胡靖曾日章王權胡儼侍講鄒緝楊榮金幼孜楊士奇修撰李貴編修吳溥鄭好義檢討王洪博士張伯顏王汝玉典籍沈度潘畿侍詔王延齡給事中朱絃吏部郎中徐旭禮部郎中胡遠太常寺博士錢仲益國子助教王達博士金玉鉉行人蔣驥晉府伴讀蘇伯厚僉事李宜葉砥知府劉辰靖江府教授張顯楚府教授吳勤知府鄒濟知縣楊觀梁潛王褒沈瑜趙委

通唐雲教諭解榮劉宗平訓導富貴清羅師程儒士瑞禮王孟易朱逢吉莫士安凡外官生儒之預此者皆由本院官舉薦及再重修其纂修者學士兼諭德金幼孜楊士奇侍講學士曾榮侍讀兼贊善梁潛侍講王英修撰羅汝敬刑部主事李時勉陳敬宗也太宗仁宗兩朝實錄纂修官為左春坊大學士兼侍讀學士曾榮右春坊大學士兼侍講學士王英右春坊右庶子兼侍讀王直左春坊左諭德兼侍讀周述侍讀李時勉錢習禮侍

欽定四庫全書

翰林記
卷十二

十一

講余學兼陳循蘭從善蔣驥修撰苗衷曾鶴齡張洪劉永清編修周叙孫曰恭楊敬檢討周翰王雅楊翥五經博士陳繼戶部主事陳中四川道御史陳叔剛福建右參議潘文奎知縣萬節教授丘錫教諭梁夢蓋自是不復用儒士矣宣宗皇帝實錄纂修官為侍讀學士李時勉錢習禮侍講學士陳循洗馬蘭從善侍讀苗衷曾鶴齡馬愉侍講高穀胡種邢寬修撰周叙尹鳳岐孫曰恭習嘉言陳詢陳叔剛曹龜儀銘王一寧杜寧儲懋編修

楊翥董璘楊壽夫林文鍾復主事劉珵洪璵劉球與評
事張益御史邵宏譽英宗皇帝實錄纂修官為學士柯
潛萬安侍講學士李泰太常寺少卿兼侍讀孫賢劉珣
左諭德黎淳右諭德童緣劉宣侍講江朝宗楊守陳修
撰王一夔彭教編修尹直徐瓊陳東中李永通鄭環劉
健汪諧張元禎吳鈺羅璟檢討耿裕周經纂修兼校正
官為侍讀劉吉陳鑑侍講丘濬編修彭華蓋自是專用
本院及詹事府官而纂修兼校正始見於此憲宗皇帝
欽定四庫全書
實錄纂修官為太常寺少卿兼侍讀傅瀚少詹事兼侍
讀費閭左庶子兼侍讀謝遷右庶子兼侍讀陸簡侍讀
曾彥楊守陟侍講劉戡王鏊楊傑梁儲左贊善張元禎
修撰劉機武衛張芮編修劉忠鄧煥黃珣張天瑞劉春
涂瑞檢討楊時暢纂修兼校正官為南京國子監祭酒
李傑左庶子兼侍講學士李東陽左庶子兼侍讀吳寬
右庶子兼侍講董越纂修兼參對官為修撰楊廷和編
修江瀾纂修兼參對亦始見於此孝宗皇帝實錄纂修

官為侍讀毛紀傅珪朱希周侍講豐熙沈壽吳一鵬修
撰顧鼎臣編修王俊李廷相溫仁和李時膝霄何瑋董
玘檢討汪偉王九思潘辰至於修他書者不能盡記大
率成化以後纂修皆純用本院官而永樂大典四書五
經性理大全寰宇通志庶吉士亦得與焉
纂纂
洪武日歷設纂纂官以侍講學士樂韶鳳為之永樂初
重修太祖實錄纂纂兼膳寫為禮部主事陸顯瑞端孝
思始不用本院官宣德初太宗仁宗兩朝實錄因之以
禮部主事張習為纂纂宣宗實錄則又不同編修蕭鎡
賴世隆吳節徐理檢討李紹王汝玉姜洪何宣主事潘
勤正字沈寅俱為稽考參對并纂纂官英宗實錄以編
修李東陽倪岳謝鐸焦芳陳音程敏政檢討吳希賢吏
部驗封司員外郎韓定中書舍人馬麟焦瑞李溥俱為
纂纂官憲宗實錄以吏部員外郎李通中書舍人胡清
為纂纂官蓋自此專用制勅房誥勅房官云



稽考參對

稽考參對太宗仁宗兩朝實錄以修撰邢寬蔣禮胡種編修陳詢劉矩裴綸梁裡孔目沈寅為之蓋纂修之次也然寬乃永樂甲辰進士第一種次之孫曰恭又次之寬裡同為稽考參對而曰恭乃得纂修此類最多有不

可曉者宣宗實錄稽考參對與纂修并為一事英宗實錄因之止以纂修為名憲宗實錄以纂修者兼校正或兼參對孝宗實錄稽考參對者修撰呂柟編修崔銑湛

欽定四庫全書

新編記
卷十二

若水翟鑒徐紹景暘檢討段易舒誥穆孔暉張邦奇焦黃中胡纘宗也蓋至是始復專設其賞格與纂修同

謄寫

洪武中修日歷謄寫用舉人監生永樂初重修太祖實錄以纂修者兼謄寫官其謄寫用監生員儒士凡二十五人太宗仁宗兩朝實錄改謄寫為謄錄用檢討許彬連智馬信周貴等四人中書舍人蕭湘等十八人郎中員外郎主事寺副等官程雲南等九人儒士生員各

一員凡三十三人宣宗實錄有謄錄正副本官用郎中員外郎主事寺正評事侍書冠帶秀才監生生員秀才凡二十九人又有謄纂官馬修撰黃裳編修許彬周貴中允蔣禮郎中何賢夏衡寺副石慶姚本溫良英宗實錄謄錄有太僕寺卿余濂山東左參議林章禮部郎中吳謙等中書舍人凌暉等又有鴻臚主簿王佑白真序班毛顯本院譯字官胡清徐德王臣凌遠與監生生員秀才之屬共三十五人官雖不同大率皆制勅誥勅二

欽定四庫全書

新編記
卷十二

房辦事者也憲宗實錄亦如之自太常寺卿林章等以及監生許鑒等三十四人孝宗實錄謄錄者太常寺少卿沈冬魁等以及秀才張保等三十六人

收掌一應文籍

太宗仁宗兩朝實錄收掌一應文籍者為檢討胡讓典籍李錫牛麟張禮宣宗實錄則為修撰胡讓寺副陳紀中書舍人靳通英宗實錄則為光祿寺署丞冀舞鴻臚寺主簿高鑑憲宗實錄則為鴻臚寺主簿靳塘本院孔



目張翰自催纂而下若修他書多不可考姑闕之以俟
續書



欽定四庫全書

翰林記
卷十二

十六

翰林記卷十二

欽定四庫全書

史部
翰林記卷十三至十六

詳校官太常寺少卿臣陳桂森

編修臣程嘉謨覆勘

總校官原任中允臣王燕緒

校對官編修臣王嘉曾

謄錄監生臣許蔭培



欽定四庫全書

翰林記卷十三

明 黃佐 撰

修日歷寶訓

聖祖時設起居注後惟專設本院史官常諭學士詹同等曰國史貴直書是非善惡昔唐太宗觀史命直書建成之事其意欲以公天下也予平日言行可記其是非善惡汝等皆當明白直書勿為隱諱庶使後世觀之不失其實洪武六年七月壬寅學士承旨兼吏部尚書詹

欽定四庫全書

翰林記
卷十三

同等言自上起兵渡江以來征討平定之績禮樂治道之詳雖有紀載而未成書乞編日歷藏之金匱傳之後世上從其請八月甲申上御東黃閣命同與侍講學士宋濂為總裁官侍讀學士樂韶鳳為催纂官員外郎吳伯宗儒士朱右趙璵朱廉徐一夔孫作徐尊生同纂修鄉貢進士黃昶國子生陳益暘等謄寫九月四日開局於西華門內分年纂輯日輪寺人守閣大官進膳羞其事甚嚴且秘同等昧爽而入至日曛始出復會宿於詞

林虞有宣洩不敢不慎也十二月擢右璵廉為編修作為太平府教授一夔輩以病乞歸許之七年五月丙寅朔纂修大明日歷成自上起兵泗濠至即位六年癸丑冬十二月凡征伐次第禮樂沿革行政設施羣臣功過四夷朝貢之類莫不具載合一百卷同等率諸儒上進命藏之金匱其副藏於秘書監同與廉又言於上曰日歷藏之天府人欲見之有不可得臣請依唐太宗貞觀政要分類更輯聖政為書以傳天下後世從之於是分為四十類自敬天至制蠻夷釐為五卷總四萬五千五百餘言名曰皇明寶訓自是以後凡有聖政史官紀錄之隨類增入按永樂以後日歷之修遂廢學士王直在館閣私自紀述及纂修太宗實錄輯以為寶訓然列聖以來所謂實錄寶訓大都出于繼世之後旁蒐汎索蓋有不得其真者矣詹宋所言足為成憲誠使史館載筆之臣日事編纂則所謂紀言動者不至繆官而後世觀之足以傳信也

欽定四庫全書

翰林記
卷十三



修實錄

洪武三十一年九月勅修太祖高皇帝實錄不知成於何年始不可考三十五年十月己未勅景隆等重修庚申諭修實錄官曰此建文中信用方孝孺等纂述實錄任其私見以致威美弗彰爾等其以古良史自期必詳必公用光昭我皇考創業垂統武功文治之盛與乾坤相為無窮斯無忝厥職矣永樂元年六月辛酉景隆等以實錄成表上之凡一百八十三卷大行賞賚仍賜宴欽定四庫全書
翰林記
卷十三
三
奉天門命公侯伯五府六部都察院通政司大理寺國子監應天府太醫院欽天監堂上官皆預焉九年十月上以太祖實錄建文時修多失其實永樂初再修亦倉卒未脩命史臣重修勅戶部尚書夏原吉與太子少師姚廣孝監修學士胡廣楊榮等為總裁金幼孜等與纂修未幾廣孝死原吉獨專其事凡七年始成十六年五月庚戌朔原吉等以實錄進凡若干卷共二百五冊實訓凡若干卷十五冊上御奉天殿受之披閱良久嘉獎

再四曰庶幾少副朕心辛亥賜宴于禮部洪熙元年五月庚午朔勅修仁宗實錄宣德五年正月壬戌書成太宗實錄凡一百三十卷一百二十四冊實訓凡若干卷十五冊仁宗實錄凡十卷二十冊實訓凡若干卷六冊太師英國公張輔等表上之上御奉天殿受焉癸亥賜宴于中府賞賚如永樂時宣德十年九月庚午勅修宣宗皇帝實錄賜宴禮部正統三年四月己巳實錄成凡一百一十五卷一百一十六冊實訓凡十二卷十冊太師英國公張輔等具表上御奉天門慰勞再三加陞賞焉賜宴於禮部一云西苑天順八年三月勅修英宗皇帝實錄附以景泰時事成化三年八月實錄成凡若干卷三百六十冊實訓凡若干卷十二冊邸庾王附太保會昌侯孫繼宗等具表上進成化二十二年二月勅修憲宗皇帝實錄弘治四年八月實錄成凡若干卷二百九十三冊實訓凡若干卷十冊太傅兼太子太師英國公張懋等具表上進弘治十八年五月勅修孝宗皇帝



實錄正德四年五月實錄成凡一百二十四卷若干冊
寶訓凡十卷若干冊太傅兼太子太師英國公張懋等
具表上進自成化以來宴賚一如故事進實錄儀則具
載會典云按國初儒臣徐一夔曰元朝制度文為務從
簡便且聞史事尤甚疎畧不置日歷不置起居注獨中
書置時政科以一文學掾掌之以事付史館及繼世之
後則國史院據所付修實錄而已詹事楊守陳在史館
嘗言古人謂國可滅史不可滅我太祖定天下即命儒
臣撰元史太宗靖內難其後史臣不紀建文君事遂使
建文數年朝廷政事及當時忠於所事者皆湮沒不傳
及今采輯尚可補國史之缺景皇帝已復位號而英宗
實錄標目猶書邸戾王附是宜改正舊例羣臣章疏留
中者雖有可傳皆不得書乞以留中之奏悉付史館擇
而書之蓋國初修纂聖政以為日歷故言動猶詳後之
所據以為實錄者惟中外臣僚章疏與所行事例焉耳
二人所論良足箴也

欽定四庫全書

翰林記
卷十三

五

焚藁

凡進呈實錄之日其草稿內閣大臣會司禮監官於內
府燒燬李東陽曰正德四年五月二十五日在海子西
岸焚實錄稿事畢尚膳供宴是日入西苑門望南臺登
廣寒殿過芭蕉園而還是時焚稿例供宴也

修玉牒

凡玉牒每十年一次宗人府具各王府宗支開報內閣
奏請學士等官二員纂修其修合用紙割洪熙元年勅
司禮監別造本院委官一員公同附注宣德三年命本
院一員同宗人府經歷於史館內附寫其後合用紙割
弘治十年命刑部關領附注之日令吏部撥辦事吏三
名宣宗宣德五年四月重修玉牒成少傅楊士奇太子
少傅楊榮以進上覽之因言國家族屬之盛士奇等請
遠法帝堯明峻德以親九族上以為然孝宗時太常寺
少卿兼侍講學士楊時暢進玉牒按宋制於正殿登受
前此所未有也

欽定四庫全書

翰林記
卷十三

六



修書

洪武中稽古右文以開至治故纂述之事殆無虛日元年六月命禮部尚書陶凱輯自古太子諸王之嘉言善行為書既成上未慊意更令修撰王僕等刪定之二年二月書成凡一百一十餘條為二卷賜名昭鑒錄又命學士朱升等同本院儒士修女戒是年三月辛未朔書成四年七月存心錄成六年三月宋濂進辨姦錄分賜皇太子親王濂嘗被命輯自古奸宄之迹為書至是進欽定四庫全書

翰林記
卷十三

七

應可為鑒戒者為書名曰存心錄朝夕觀覽後復命贊善劉三吾編類漢唐以來災異之應於臣下者別為一書名曰省躬錄至是成詔頒行之二十一年九月頒武士訓戒錄亦翰林儒臣所修也二十六年諸司職掌成先是命吏部同本院儒臣倣唐六典自五府六部都察院以下職務類編為書至是成刊布中外又嘗詔本院稽考漢唐宋功臣封爵食邑多寡及名號虛實等第為書名曰稽制錄至是亦頒示功臣十二月永鑑錄成頒賜諸王世臣總錄成頒示中外羣臣皆本院儒臣所修也二十七年七月寰宇通志成時上以輿地之廣不可無書以紀之乃命本院儒臣及廷臣以天下道里之數總類為書復編洪武誌書二十八年十二月成刊行之二十九年十一月頒稽古定制亦翰林儒臣所定勛舊食祿之家禁例禮節也他如皇明祖訓大誥三編大誥武臣資世通訓御製詩文御註洪範御註尚書御註道德經皆出宸衷而令本院儒臣商確之又有志戒錄忠

翰林記
卷十三

八

義錄為政要錄彰善癉惡錄武臣鑑戒醒貪簡要錄務農技藝簡要錄大率皆翰林院所修而年月莫考洪武戊寅嘗詔編輯經史百家之言為類要侍讀唐愚士等纂修未成永樂元年七月上諭侍讀學士解縉等曰朕欲悉采各書所載事物類聚之而統之以韻凡書契以來經史子集百家之書至於天文地理陰陽醫卜僧道技藝之言備輯為一書毋厭浩繁於是廣召四方儒者許侍臣各舉所知至三年正月開局纂修命太子少師欽定四庫全書翰林記卷十三九姚廣孝禮部尚書鄭賜監修刑部左侍郎劉季篪副監修賜卒以贊善梁潛代焉其總裁副總裁纂修等無慮數百人書成名曰永樂大典元年九月勅諭翰林儒臣輯自古嘉言善行有益於太子以儲君昭鑑錄為主稍充廣之名曰文華寶鑑二年四月書成上御奉天門召皇太子授焉又命解縉等編次古今后妃諸侯大夫士庶人妻之事分為三卷元年十一月進御賜名古今列女傳上親序之頒之六宮行之天下時庶吉士余鼎輩讀

書文淵閣上命編纂君臣父子諸格言各為類名曰聖學心法七年二月書成亦親序之出示學士胡廣等因命司禮監刊印又以璽書諭皇太子令學士黃淮楊士奇等採古名臣直言并奏疏彙類以便觀覽十四年十二月書成賜名歷代名臣奏議遂命刊印以賜皇太子皇太孫及大臣十六年六月乙酉詔修天下郡邑志書命學士楊榮等總之戶部尚書夏原吉提調上嘗巡北京以仁宗隨行道途所經過農家徧覽農具及其衣食且諭以農民勤苦之事曰此為帝王者不可不知也遂作務本之訓以授仁宗又為善陰隲孝順事實二書以風厲天下雖出御製而本院儒臣亦與聞焉宣德元年正月乙卯勅修歷代臣鑒外戚事鑒皆命大學士楊榮總之且諭榮以書館中編纂及繕寫官有不遵約束者悉聽稽督責罰敢有違越者具聞黜之榮處之適當人皆悅服二年九月書成頒賜在廷諸臣及戚畹入詔修五倫書正統十年三月書成景帝時勅修君鑑及寰宇

通志成英宗復辟以寰宇通志多汎濫勅本院儒臣約為一統志天順五年五月大明一統志成上親序之憲宗時肇建東宮詔修文華大訓本院官預者惟學士王獻侍講學士楊守陳侍讀倪岳等四人篇目條例多本大學衍義獨事涉中人者悉不以書守陳爭曰是何以為訓撮其賢否得失之故分註一條議者不能奪成化十八年二月文華大訓成上親授諸皇太子令官臣進讀弘治十年三月詔修大明會典大學士李東陽焦芳欽定四庫全書翰林記卷十三十一等總之其凡例本諸司職掌而旁及諸制書以官職制度為綱事物名數儀文等級為目每有事例因革損益皆詳載焉十五年十二月書成凡一百八十卷上親為序正德六年四月司禮太監張永傳奉聖旨命儒臣重加參校十二月大學士李東陽以重校大明會典表上之武宗復為序始纂修時學士王鏊欲如唐六典之本庶潤色有文簡明易見總之者不能從也一代之制雖云具備然官中所設職掌皆未詳載豈當時中人之欲

方煽與重加改正懸諸象魏以為法守在今日而已凡進書例有表上其儀見會典

修史

洪武二年二月丙寅朔詔修元史以中書左丞相宣國公李善長為監修前起居注宋濂漳州府通判王禕為總裁徵山林遺逸之士汪克寬胡翰宋禧陶凱陳基趙璘曾魯高啓趙訪張文海徐尊生黃麓傅恕王錡傳著謝徽十六人同為纂修開局于天界寺取元經世大典

欽定四庫全書翰林記卷十三十一諸書以資參考時方召諸儒考禮於是儒士徐一夔梁寅周子諒胡行簡劉宗弼董彝蔡深滕公琰時曾魯輩以元史方成共奏留之因命與諸儒同纂修九月元史成紀三十八卷志五十三卷表六卷傳六十二卷濂等表上之惟元統以後尚缺三年二月乙丑詔續修元史時儒士歐陽佑等采撫元統以後實事還朝仍命濂與待制王禕總裁儒士趙璘朱右貝瓊朱世廉王彝張孟東高遜志李懋張宣李汶張簡杜寅殷弼俞同十四人



同纂修七月丁亥朔續修元史成計五十三冊紀十志五表二列傳三十六凡前書未脩者悉補完之通二百十二卷濂等率諸儒以進詔刊行之人賜白金二十兩文綺帛各二授儒士張宣等官各有差惟趙璜朱右朱濂乞還田里從之後令解縉還家著述十年乃復來朝因命改修元史之外誤及踵成宋書刪定經禮凡例皆以留中未幾縉以太祖大喪入朝進香被謫書蓋未成也成化八年十月詔修宋元通鑑綱目十二年十一月欽定四庫全書

翰林記
卷十三

成凡若干卷大學士商輅等表上之弘治十六年三月詔修歷代通鑑纂要正德六年十月成凡若干卷大學士李東陽等表上之二書皆上親為序蓋纂修之事必集衆長而後可成正統中南京侍讀學士周叙獨受詔修宋遼金三史未及成而卒至今猶為缺典顧此非一人精力所能就雖開局可也

訂輯經傳

經書註釋言人人殊自國朝訂輯之而後五經六籍益

明於世洪武六年詔修撰孔克表御史中丞劉基秦府紀善林溫取諸經要言以恒言釋之使人易曉因手釋二章賜克表為例克表等承詔釋四書五經以上賜名羣書類要聖祖嘗覽蔡氏書傳指摘其可議者二十四年十一月禮部右侍郎張智等奉命同學士劉三吾等會議改正蔡氏書傳并定程文格式頒行天下學校其改正之說曰前元科舉尚書專以蔡傳為主考之傳內如天文一節已自差繆謂日月隨天而左旋今仰觀乾象甚為不然夫日月五星之麗天也除太陽則人目不能見其形於列宿之間其太陰與五星昭然右旋何以見之當天清氣爽之時借一宿為主使太陰居列宿之西一丈許盡一夜則太陰過而東矣蓋列宿附天舍次定而不動者太陰過東則其右旋明矣夫左旋者隨天體也右旋者非天體也又如五星右旋為順行左旋為退行其順行之日常多退行之日間有若依蔡氏之說則退行多而順行少豈理也哉皆乾象昭然有目之所

翰林記
卷十三

十四

共見蔡氏不知而妄為異說以致愚惑後世之愚儒俗士又皆誦習紙上之文莫有能仰觀天象以究其非者若不革正有誤方來今後學學尚書者天文一節當依朱氏詩傳十月之交註文為是又如洪範內惟天陰隲下民相協厥居一節蔡氏俱以天言殊不知陰隲下民乃天之事相協厥居乃人君之事天之陰隲下民者何風雨霜露均調四時五穀結實立烝民之命此天之陰隲也君之相協攸居者何數五教五典以教民以五刑欽定四庫全書

翰林記
卷十三

十五

而弼教保佑和協使強不得凌弱衆不得暴寡而各安其居也若如蔡氏之說則相協之事皆付之於天而人君但宴安自若於奉天勤民之政略不相與又豈天佑下民作之君師之意哉今後當依此說二十七年四月復詔徵儒臣考正蔡氏書傳於是太子少保唐鐸等舉致仕編修張美和國子監博士錢宰等二十七人皆宿儒也並遣行人馳傳徵之既至上語以正定書傳之意且曰爾等知天象乎皆對曰不知上曰朕每觀天象自

洪武初有黑氣凝於奎壁奎壁乃文章之府朕甚異焉今年春暮其間黑氣始消又運始興爾等宜考古正今有所述作而稱朕意於是命三吾等總其事開局翰林院至九月書成三吾等率諸儒上進賜名曰書傳會選命禮部刊行天下賜諸儒綺繒衣物等并御製詩燕享命坐殿中瀕行又賜寶鈔俾馳驛而還上又嘗謂孟子一書不可汎觀二十二年四月詔集耆儒錢宰等二十七人命劉三吾總之參訂孟子纂其要語刪去八十五條至九月書成進御命之曰孟子節文尋又命三吾訂正周禮上躬與之裁定蓋由聖心沉潛經術既久故能探賸詣極以成書永樂十二年十一月甲寅上諭學士胡廣楊榮金幼孜曰五經四書皆聖賢精義要道傳注之外諸儒議論有發明者爾等宜采附于下周程張朱諸君子性理之言如太極圖通書西銘正蒙之類皆六經羽翼然各自為書未有統會卿等宜類聚成編務極精備用垂永久命廣等三人總其事仍舉朝臣及在外教

翰林記
卷十三

十六



官有文學者同修開館東華門外命光祿寺給朝夕饌甚豐十三年九月己酉書成賜名性理大全廣等表上之上親為序冠其首詔頒于六部兩京國子監及天下學校按聖祖命劉三吾定科舉取士之制四書義主朱氏集註章句易主程氏傳朱氏本義書主蔡氏傳及古註疏後主會選詩主朱氏集傳春秋主三傳及胡氏張洽傳禮記主古傳疏廣等所定惟四書及易詩如舊書主蔡氏春秋主胡氏禮記主陳澔集說嘗求其故蓋當時編纂惟據元人四書五經性理會通稍加刪潤而成非為異也

校勘書史

洪武中本院儒臣校勘書史進御日以為常蓋聖祖好學手未嘗釋卷故也仁宗在東宮嘗命侍講楊士奇贊善陳濟校讐歐陽修文集正其誤補其闕釐為一百五十三卷命刻以傳成化中本院官受命校勘資治通鑑綱目貞觀政要二書翻刻以賜在廷大臣正德時命重

欽定四庫全書

翰林記
卷十三

十七

校大明會典語見前餘多莫攷

修書陞賞

凡書成進御例有陞賞酬勞也洪武中修元史及書傳會選陞賞見前然擢用皆儒臣之未授官者若本院官則賞而不陞蓋以文墨特其職分之常故爾永樂元年六月癸亥太祖皇帝實錄成侍讀學士解縉傳於奉天門欽奉聖旨修史官除翰林院及尚書李至剛外其餘官員監生生員人等說與吏部引選發落欽此丙寅吏部將修史郎中等官同儒士監生生員吏部引選詔以郎中等官徐旭等各陞一級儒士監生生員吏員王孟易等除授主事御史中書舍人并都事等官有官者修史得陞擢始見於此于是以吏部郎中徐旭為國子監祭酒太常寺博士錢仲益知縣楊觀梁潛王褒為修撰國子助教王達給事中朱紘為編修行人蔣驥為檢討國子博士金玉鉉為五經博士晉府侍讀蘇伯厚為侍書教諭解榮劉宗平為侍詔靖江府教授張顯為國

欽定四庫全書

翰林記
卷十三

十八

子監學正訓導富貴清羅師程為國子監學錄知府劉辰為江西右叅政禮部郎中胡遠為江西左叅議廣東僉事李宜為福建左叅議僉事葉砥改吏部考功郎中知州鄒濟改禮部儀制郎中知縣趙季通例應陞而以疾乞教職授國子博士知縣唐雲改監察御史楚府教授吳勤改開封府學教授陞騰寫官主事陸顯為禮部員外郎瑞孝思為兵部員外郎擢監生鍾子勤陳彝訓劉謙沈文為中書舍人梁逢吉葉蕃沈紹先華嵩喬岳欽定四庫全書
翰林記 卷十三 十九

衛談鄭中余從善陳俊良陳實為監察御史生員金實為翰林典籍汪琦等十人為知縣而纂脩儒士王孟易端禮朱逢吉莫士安陞授莫考以聖詔推其次第蓋授主事云十六年再重修太祖實錄成改纂修主事李時勉陳敬宗為侍講監修以下賜金帛鈔幣紗衣有差太宗仁宗兩朝實錄吏部據行在翰林院備開修史官員人等姓名具題請旨奉聖旨曾祭王英王直都陞少詹事支正四品俸仍兼原兼職事周述陞庶子支正五品俸仍

兼原兼職事李時勉錢習禮都陞侍讀學士余學夔既告老疾著冠帶回去閒住陳循蔣驥都陞侍講學士蘭從善陞洗馬仍在翰林院辦事劉永清邢寬胡種都陞侍講蔣禮陞中允仍在翰林院辦事周叙孫曰恭楊敬都陞修撰王雅等四員都陞編修陳繼陞檢討張禮陞行人署典籍事沈寅陞正字署孔目事蔣暉程南雲都陞從四品俸兼翰林院侍書夏衡宣嗣宗都陞郎中張習蘇鑑王觀陞員外洪益中陞左寺正丘宗楊玪邵暹陞右寺正蕭湘至胡宜衡陞左評士解禎期至寇原陞右評士潘文奎他老了著冠帶回去閒住陳中陞員外陳叔剛陞修撰萬節陞左寺副丘錫還做府學教授支九品俸梁萼陞府學教授鄒循為翰林待詔朱銓做翰林侍書辦事吏翁選至李用都做縣丞欽此蓋自是本院官始以纂脩陞矣然纂修與稽考叅對皆混陞又有令其閒住者實斷自宸衷故也宣宗實錄據行在禮部開報具題奉聖旨皇考實錄修完特念他每勤勞英國



公於原號加佐理二字歲加祿米百石楊士奇楊榮陞少師兼職如舊楊溥陞少保兼尚書武英殿大學士欽此隨又奉聖旨英國公張輔等四員已發落了王直王英俱陞禮部左侍郎兼職如舊不管部事李時勉錢習禮蘭從善俱陞翰林院學士苗衷陞侍讀學士曾鶴齡高穀馬愉俱陞侍讀學士周叙尹鳳岐孫曰恭習嘉言陳叔剛陳恂俱陞侍讀曹鼐儀銘王一寧杜寧諸懋陞侍講楊翥董璘楊壽夫林文鍾復張益邵宏譽俱陞修撰劉球劉鉉洪璵對品改除侍講俱陞從五品俸胡種邢寬及蕭鎡至靳通共三十三員俱照本等品級各陞俸一級內有原陞俸的還照例加俸一級陳循徐瑄王玉既丁憂且不陞秀才陳學等十八名俱授試中書舍人給半俸三年後實授辦事顏聚等十一名各照原資格除授欽此蓋監修及總裁官陞擢自此始英宗實錄成吏部據翰林院開報具題奉聖旨皇帝實錄修完念他每勤勞會昌侯孫繼宗陞太傅陳文陞太子太保兼

欽定四庫全書

翰林記

卷十三

禮部尚書彭時陞太子太保兼兵部尚書俱文淵閣大學士劉定之陞工部右侍郎兼翰林院學士不管工部事吳節陞太常寺卿兼翰林院侍讀學士柯潛萬安李泰陞詹事府少詹事孫賢劉珣陞太常寺卿仍兼舊職陳鑑劉吉陞侍讀學士丘濬陞侍講學士黎淳陞左庶子童緣劉宣陞右庶子王一夔陞左諭德江朝宗楊守陳陞洗馬彭華尹直陞侍讀彭教徐瓊陳秉中李永通陞侍講耿裕鄭環劉健汪諧吳欽羅璟陞修撰周經陞修撰張元禎既告病罷李東陽倪岳謝鐸焦芳陳音程敏政吳希賢馬麟焦瑞李溥凌暉蔚宣黃清劉詢俱陞俸一級余謙陞太常寺卿林章陞太常寺少卿吳謙陞從四品散官并俸韓定何暹葉孜陳綱王瓊陞本司郎中王佐白直陞通政司知事毛顯陞司寶署丞龔舞陞大理寺評事高鑑陞戶部照磨監生史盛等九名俱除從七品京職譯字官并生員秀才胡清等十二名俱除序班辦事吏曹昂等九名俱照原資格除授事故的罷欽

欽定四庫全書

翰林記

卷十三



此蓋是時總裁官少保吏部尚書兼華蓋殿大學士李賢副總裁官禮部右侍郎李紹纂修官侍讀學士周洪謨左春坊左庶子王儼右春坊右庶子兼侍讀徐溥侍讀李本脩撰岳正邢讓王獻騰錄官吏部員外郎凌耀宗禮部員外郎謝宇中書舍人溫良劉珙鴻臚寺司儀署丞潘致中序班梁俊周景各以事故去猶具姓名上故有此旨憲宗實錄成吏部據本院除事故不開外將見在開報具題奉勅吏部皇考實錄修完念他每

欽定四庫全書
翰林記
卷十三
三十三

勤勞監修張懋陞太師仍兼太子太師總裁劉吉陞少師華蓋殿大學士餘兼如故徐溥陞太子太傅戶部尚書兼武英殿大學士劉健陞禮部尚書兼文淵閣大學士副總裁丘濬陞太子太保仍兼禮部尚書汪諧陞禮部右侍郎兼翰林院學士如敕奉行欽此又二日奉聖旨監脩總裁張懋等俱已陞了纂修官傅瀚陞太常寺卿費閭陞詹事府詹事俱兼侍讀學士李傑已陞官了仍加俸一級李東陽董越陞太常寺少卿謝遷吳

寬陸簡少詹事俱兼侍講學士曾彥楊守陞左諭德劉戡王鏊右諭德楊傑梁儲司經局洗馬張元禎南京翰林院侍講學士劉機楊廷和江瀾俱侍讀武衛張芮劉忠鄧淑黃珣張天瑞俱侍講楊時暢劉春徐瑞俱修撰騰錄等官林章龍暹各陞俸一級馬紹榮太常寺少卿姜立綱太僕寺少卿李通王文琮俱本司郎中王佐王璉員外郎陸華主事俱工部毛顯大理寺左寺副吳榮劉榮右寺副胡清徐鶚左右評事黃燦胡清仍加俸一級李瑄光祿寺署正王臣通政司經歷靳瑭蔡振光祿寺署丞何澤朱賓楊全試中書舍人劉安劉學陳倫戶部照磨吳孜翰林院典籍以上官俱照舊辦事原加俸一級者照舊加之張翰陞侍書仍管孔目事監生九名除從七品京職辦事吏八名照舊資格除授欽此孝宗實錄成吏部查事例具題奉聖旨這修實錄官員曾修大明會典陞過的及丁憂未陞的都查職銜并脚色到館年月日期開寫明白來看欽此行准翰林院手本開

欽定四庫全書
翰林記
卷十三
三十四



坐具題節奉聖旨這纂修實錄重事你吏部便照例擬陞職等例來說欽此隨于奉天門欽奉勅吏部皇考實錄修完念他每勤勞監修張懋加賞大紅紵絲蟒龍一表裏總裁李東陽加支正一品俸焦芳加少師兼太子太師華蓋殿大學士楊廷和加陞俸二品副總裁梁儲陞本部尚書餘如舊勅奉行欽此續該本部將纂修官員等各酌量歷俸并到館淺深查照往年纂修陞職事例擬陞相應職俸通行開坐具題節奉聖旨纂修催欽定四庫全書

翰林記
卷十三
三十一

纂侍讀毛紀等十八員并收文書劉訥謐錄沈冬魁等七員俱陞一級稽考參對修撰呂柟等十二員陞俸一級喬宗及秀才張保等二十九員名細開因何入館年月日期來歷脚色務查明白來訖不致乖方丁憂起復官生劉春等二十二員名還查到館年月日期來訖欽此于是吏部復將入館來歷緣由具題有旨以營求入館貪圖陞賞又保送來歷不明責之喬宗等對品調外任有差而侍講吳一鵬等皆陞調兩京部屬時逆瑾扇

虐惡諸翰林不為禮屈焦芳劉宇輩又嗾之謂文士不習世故摘所同忌者十餘人以擴充政務為名故有此舉非武宗意也而憂居者如侍讀徐穆編修賈誼等猶不免一鵬調南京刑部員外郎穆調南京禮部員外郎詠調兵部主事董玘調刑部主事穆孔暉調南京禮部主事餘各有差及瑾誅諫官以為言乃俱復官正德五年八月也會內閣以本院及坊局多闕員乃疏其有資望者以次陞補喬宗等則本院以善楷書保留云蓋自纂修以來陞賞事例至是大紊矣復先朝之盛典將有望于今日若乃賞賚按永樂元年五月乙未上以太祖實錄將成命禮部預定賞格禮部以修元史賞例進上覽之曰此述前代興亡之跡今朕紀皇考神功聖德貽範萬世豈可比而同之爾擬議非倫矣遂親定監修官銀百兩綵幣六表裏織金紗衣一襲鞍馬一副總裁官銀八十兩綵幣五表裏織金紗衣一襲鞍馬一副纂修官各銀五十兩綵幣四表裏紗衣一襲催纂兼謄寫官銀

欽定四庫全書

翰林記
卷十三
三十二



二十兩綵幣三表裏紗衣一襲催纂官銀二十五兩綵幣二表裏紗衣一襲騰寫監生員儒士各銀十兩鈔三十錠綵幣一表裏騰寫吏各銀八兩鈔三十錠綵幣一表裏催督騰寫者鈔二十錠絹二疋辦事吏各鈔二十錠絹二疋六月辛酉景隆等八十六人如賞格受賜其後太宗仁宗兩朝以至英宗實錄成皆為例獨憲宗實錄成視前或微不同弘治四年定賜監修并總裁官銀八十兩綵段四表裏羅衣一套鞍馬一副總裁銀八十錠定四庫全書

翰林記
卷十三
二十七

兩綵段四表裏羅衣一套纂修官銀三十兩綵段四表裏羅衣一套催纂官銀二十兩綵段二表裏羅衣一套騰錄官銀十五兩綵段一表裏辦事吏典鈔二十錠絹一疋各色人匠鈔二十錠布一疋官陞擢事故去任及監生事故去者久近不一賞賚有差乃若修他書宣德以前不過白金文綺襲衣寶鈔之賜而已正統以後始有陞擢而賞賚則視實錄稍殺焉

東宮纂修

洪武十二年八月東宮文學傅藻等受皇太子命編輯春秋諸國君臣行事始終書成皇太子以聞上賜名曰春秋本末永樂中東宮命楊士奇徐善述等編纂大易等直指語見前卷其後東宮纂修蓋無聞焉

欽定四庫全書

翰林記
卷十三
二十八

翰林記卷十三



欽定四庫全書

翰林記卷十四

明 黃佐 撰

殿試讀卷執事

會典云凡殿試讀卷官內閣於大學士學士等官內具名從該部奏請至日與各衙門該讀卷官詳定試卷次日同赴文華殿內閣官將第一甲三卷以次進讀俟御筆批定出將二甲三甲姓名填寫黃榜又次日早同赴華蓋殿內閣官進至御座前以次拆卷將姓名籍貫面

欽定四庫全書

翰林記
卷十四

奏司禮監官授制勅房官填榜單開寫傳臚帖子內閣官捧榜出至奉天殿授禮部尚書制勅房官將帖子授鴻臚寺官傳臚其受卷彌封掌卷官從內閣於本院及春坊等官并制勅房官內推選與各衙門官相兼執事本院坊局始不過五人後增至七人遂為例接讀卷官國初用祭酒修撰等官正統中侍講猶預其後非執政大臣不得與而其去取之柄則在內閣殿試之明日大學士擇其中優者三卷圈點以硃明日早持詣文華殿

對上讀之御筆親標其名第又明日即傳臚矣蓋讀卷止在一日咸病其太亟不能偏觀故本院坊局之執事者始得試卷時預鑒別其高下為差等以付讀卷官內閣乃易於裁定葉盛曰景泰二年予為殿試彌封官最知讀卷事第一甲蓋閣老預屬意於受卷官已皆知之餘皆分送讀卷諸大臣且率以三分上一等次二等各置一所少頃閣老收上一等則判二甲次二等則判三甲也將午三人者持二甲卷詣文華殿進讀午後填黃榜明早榜出矣蓋辰巳二時榜中人第已定若曰須一一品量高下次第固有所不能也盛所謂預屬意云者豈有為而發歟

殿試擬撰策問

聖祖策進士多親製策問洪武四年十八年皆然其後或命本院儒臣擬撰以進取自聖裁而用之永樂初科太宗思求博聞之士命學士解縉擇天文律歷禮樂制度擬撰為題上意士子必為所窘及得曾榮卷記誦詳

欽定四庫全書

翰林記
卷十四



盡歎異以為第一人御筆批曰貫通經史識達天文有講習之學有忠愛之誠擢魁天下昭我文明尚資啓沃惟良顯哉其第二人周述第三人周孟簡亦皆批評前此所未有也聞之李賢謂縉紳劉子欽先以問目示蔡榮遂獲首而賓子欽於二甲果爾則縉紳不可以言無私矣

考會試

凡會試考試官禮部奏行內閣於大學士學士等官及詹事府各坊司經局官內具名請奏欽命其同考官於本院侍讀等官及春坊司經局官與各衙門官相兼推選收掌試卷官用制勅房官一員按國初科舉第一場問四書題一道五經義各一道第二場論一道詔誥章表內科一道第三場策一道猶循元制也洪武四年會試陝西河南山東江西湖廣廣之東西福建為行中書者十一俊髦皆集而高句麗之士與焉以禮部尚書陶凱與前侍講學士潘廷堅為主司侍讀學士詹同國子

欽定四庫全書

翰林記
卷十四

三

司業宋濂吏部員外郎原本前貢士鮑恂為同考取中式者俞友仁等一百二十人落第者惟八十人其後罷之十八年復以科舉取士始定今制以待詔朱善前典籍聶鉉為試官取中式者黃子澄等四百七十二人二十一年取施顯等九十五人二十四年取黃觀等三十二人二十七年取彭德等一百人三十年取宋琮等三十八人北士皆黜學士劉三吾為考試官竟以是獲罪上乃命本院官考擇下第北士六十一人廷試之語見欽定四庫全書

翰林記
卷十四

四

覆試類革除庚辰科禮部左侍郎兼學士董倫侍講學士兼太常少卿高遜志為考試官取吳溥等一百一十人永樂二年侍讀學士解縉侍讀黃淮為考試官取楊相等四百七十二人遵洪武乙丑例也蓋自是取士多寡臨期請自上裁云四年取朱縉等二百二十人七年取陳璉等一百人十年左諭德兼侍讀楊士奇右諭德兼侍講金幼孜為考試官取林志等一百人十三年修撰兼右贊善梁潛為考試官取洪英等三百五十人十



六年侍講曾榮為考試官取董璘等二百五十人十九年左春坊大學士楊士奇為考試官取陳中等二百人二十二年侍讀學士曾榮為考試官取葉恩等一百五十人宣德二年右春坊大學士曾榮為考試官取趙鼎等一百人自設科以來兼取南北士而南士往往數倍於北宣宗即位始詔禮部歲取百人南士什六北士什四著為令既而以百乘除又各退五為中數焉五年侍讀學士李時勉侍讀錢習禮為考試官取陳詔等二百人八年少保兼大學士致仕黃淮為考試官取劉哲等一百人正統元年少詹事兼侍讀學士王直侍講學士陳循為考試官取劉定之等一百人四年禮部左侍郎兼侍讀學士王直學士蘭從善為考試官取楊鼎等一百人七年禮部左侍郎兼侍讀學士王英侍讀學士苗衷為考試官取姚夔等一百五十人十年學士錢習禮侍講學士馬愉為考試官取商輅等一百五十人十三年工部右侍郎兼侍講學士高穀侍講杜寧為考試官

欽定四庫全書

翰林記

五

取岳正等一百五十人景泰二年戶部右侍郎兼學士江淵修撰林文為考試官取吳淮等二百人同考試官有侍講劉儼秩視修撰為高蓋儼科第後於文故也五年兵部左侍郎翰林院學士兼左春坊大學士商輅司經局洗馬兼修撰李紹為考試官取彭華等三百五十人天順元年學士薛瑄通政司右叅議兼侍講呂原為考試官取夏積等三百人四年學士呂原尚寶司少卿兼修撰柯潛為考試官取陳選等一百五十人是科會試舉子不中者奏考官校文顛倒宜正其罪上疑之召問李賢賢對曰此乃私忿考官實無此弊如臣弟讓亦不中可見其公上意方回乃命禮部會翰林院考此舉子驗其學多不能答題意且奏其狂妄遂枷於部前以示眾羣議方息七年學士陳文尚寶司少卿兼修撰柯潛為考試官場屋災詔八月補試以太常少卿兼學士彭時侍讀學士錢溥為考試官而同考試官不改命者修撰王獻也取吳錢等二百五十人成化二年太常少

欽定四庫全書

翰林記

六



卿兼侍讀學士劉定之學士萬安為考試官取章懋等三百五十人五年太常寺卿兼侍讀學士劉翊侍讀學士劉吉為考試官取費閭等二百五十人八年禮部左侍郎兼學士萬安司經局洗馬江朝宗為考試官取吳寬等二百五十人十一年少詹事兼侍講學士徐溥侍講學士丘濬為考試官取王鏊等三百人十四年禮部尚書兼學士劉吉學士彭華為考試官取梁儲等三百五十人十七年太常寺卿兼學士徐溥少詹事兼學士王獻為考試官取趙寬等三百人二十年詹事兼學士彭華左庶子劉健為考試官取儲巖等三百人時有世家子在選朱墨卷不合華黜之失志者欲甘心焉卒亦無所害二十三年守臣有言中士日衆而額如故者事下禮部集議南北仍各退二以益之太子太保兵部尚書兼學士尹直右諭德吳寬為考試官取程楷等三百五十人弘治三年禮部尚書兼文淵閣大學士徐溥少詹事兼侍講學士汪諧為考試官取錢福等三百人六

欽定四庫全書

翰林記
卷十四

七

年太常少卿兼侍講學士李東陽少詹事兼學士陸簡為考試官取汪俊等三百人九年兼侍講學士謝遷侍讀學士王鏊為考試官取陳瀾等三百人十二年太子少保禮部尚書兼文淵閣大學士李東陽掌詹事府事禮部右侍郎兼學士程敏政為考試官取倫文叙等三百人時敏政有異議同考試官給事中林廷玉發其事戶科給事中華泉劾之敏政遂得罪十五年吏部左侍郎兼學士吳寬侍讀學士劉機為考試官取魯鐸等三百人十八年掌詹事府事太常寺卿兼學士張元禎左春坊大學士兼侍讀學士楊廷和為考試官取董玘等三百人正德三年少詹事太子太傅戶部尚書武英殿大學士王鏊掌詹事府事吏部尚書兼學士梁儲為考試官取邵銳等三百五十人六年少詹事太子太傅吏部尚書武英殿大學士劉忠掌詹事府事吏部右侍郎兼學士靳貴為考試官取鄒守益等三百五十人九年少詹事太子太傅吏部尚書謹身殿大學士梁儲學

欽定四庫全書

翰林記
卷十四

八



士毛澄為考試官取霍韜等四百人十二年太子太保戶部尚書兼武英殿大學士靳貴少詹事兼學士顧清為考試官取倫以訓等三百五十人十五年禮部右侍郎兼學士石瑄侍講學士李廷相為考試官取張治等三百五十人蓋會試去取在各房同考試官而參定高下則考試官柄之歷朝應用不同與凡取士多寡皆不可不知故備記如此若同考試官正統以前猶參用外官教職景泰後始純用京職內則本院外則六科部屬

欽定四庫全書

翰林記
卷十四
九

行人司官弘治以來定本院官九人餘惟六科部屬得與共十四人正德辛未以易書詩房卷浩繁各增其一本院官十一人與六科部屬共十七人云按國朝以文取士大概以辭達為本天順間晚宋文字盛行於時如論學繩尺之類士子翕然宗之文遂一變侍講學士丘濬每考試凡怪詞險語皆痛斥之怨排不恤也及為祭酒尤諄諄為學者言之文體乃復渾厚成化乙未會試學以至乎聖人之道論舉子桑悅卷有我去而夫子來

也等句濬黜之他日會試悅策有曰腹中有長劍日日幾回磨檢討吳希賢復黜之前輩取士不苟如此

覆試

洪武三十年丁丑六月辛巳朔上御奉天殿策試下第舉人先是禮部會試者多而中式者少被黜落者咸以為言上命翰林儒臣考下第卷中擇文理優長者得六十一人至是復廷試之擇韓克忠為第一仍賜克忠等進士及第出身有差乙酉以克忠為修撰第二人王恕第三人焦勝為編修七月命太常寺丞張顯宗署國子監祭酒事因命克忠署司業事其見寵擢如此永樂二年上臨軒策士傳臚之明日進會試所選副榜士於廷親試之上御右順門命侍講學士楊士奇金幼孜諭旨令就試者從容盡所蘊毋苟且取具命光祿給食中官夕給燭遂親拔三人命進學翰林餘第為二等付吏部除學官其第一人則周翰也預修永樂大典七年除典籍云按宣德間副榜舉人得冠帶讀書太學蓋循此制

欽定四庫全書

翰林記
卷十四
十



然不可考正統後副榜始不復廷試矣楊士奇云宣德丁未以前有十五科前此南北士合試未有北士占首選者有之實自丁未始猶不數覆試之科王直云自洪武辛亥至正統丙辰為二十科則并韓克忠一榜數之也

考兩京鄉試

凡順天府應天府鄉試本府以考試官請命與會試同蓋重畿甸以為天下先也按洪武庚戌京闈主考為前御史中丞劉基侍書御史秦裕伯同考為侍讀學士詹同弘文館學士睢稼起居注樂韶鳳尚寶丞魏潛國史宋濂辛亥京闈主考則兵部尚書吳琳國子司業宋濂也永樂癸未命侍讀胡廣編修王達為應天府考試官賜宴於本府自是遂為例正統戊午侍講學士曾鶴齡主考順天府鄉試初試之夕場屋火試卷有殘缺者有司懼罪不敢以更試為言惟欲請葺場屋以終後兩試鶴齡曰必更試然後百弊滌至公著不然雖無所私亦

欽定四庫全書

翰林記
卷十四

十一

招謗朝廷何惜一日之費以成此盛舉哉有司具二說以進命下悉如鶴齡所言眾皆懼服得士亦審景泰丙子洗馬柯潛奉命主考應天府鄉試舟維淮揚有舉子鬻私者暮夜投潛潛叱之彼固以請以所賂遺置前潛怒命執付有司懲以法成化甲午左庶子黎淳主考順天府鄉試有試卷奇甚後場不類疑有弊勾稽墨卷果得謄錄生截卷狀移外簾按其事而取是卷為解首則名士馬中錫也此三事皆可為應變之法景泰庚午侍講學士劉鉉主考順天府及揭曉第一人劉宣乃盧龍軍士也同事者欲更之鉉爭曰朝廷立賢無方不可乃止時論譴鉉丙子順天府主考為右春坊大學士劉儼侍講學士呂原時少保兼大學士陳循王文用事循子瑛文子倫入試俱不中二人論奏儼原不公有旨令翰林并科道覆考瑛倫文字遂以為合格得特賜舉人儼等問罪還職禮科給事中張寧劾奏循等罪狀乞黜不報未幾英廟復辟文誅循戍鉄嶺瑛倫皆為民此科

欽定四庫全書

翰林記
卷十四

十二



試之大變也

試錄程式文字

國朝鄉試小錄會試錄進士登科錄具有成式蓋科舉自兩京外鄉試付之藩臬以為未信也會試則以名籍付禮部考試付翰林暨於親試則有殿最而無黜陟蓋以為可信矣其所刻程文自鄉試以至於殿試皆宜刻士子所作庶為傳信流弊之極至于制策亦多代筆豈所以教之忠歟按洪武甲子鄉試乙丑會試初為小錄

欽定四庫全書

翰林記
卷十四

十三

以傳然惟列董事之官試士之題及中選者之等第籍貫經籍而已其錄前後雖有序然猶未錄士子之文以為程式也次科戊辰始刻程文自是遂永為定式但此後五科其間命官列銜尚或隨時不一永樂以後其制始一定而不更易矣然永樂中各省鄉試猶有儒士主考品官同考者其序文亦不拘篇數景泰中序文禁稱公考官上用實授教官序惟前後二篇以兩京為法也然兩京序文稱臣獨與會試同云按初場例出四書義

三道正統元年會試出大學論語中庸而不及孟子十年會試出中庸大學孟子而不及論語成化元年順天府鄉試出論語二道孟子一道而不及大學中庸其後定大學中庸內量出一道論語孟子各出一道遂為例二場洪武四年以射禮論為題其後止用經書聖製書中成語三場策問前輩惟以經史疑難及國家之大者言之其後始有出於經史之外并及瑣屑隱僻若序文則弘治五年順天府鄉試猶具歲月後皆不然也葉盛

欽定四庫全書

翰林記
卷十四

十四

曰文衡之任亦難矣言語文學不足以變士習服士心亦漫浪為之耳正統己未會試王抑庵主考試第二名張穆兵馬策其原卷起語云兵所以衛民也非兵無以安夫民之生馬所以資兵也非馬無以足夫兵之用會試錄云兵以衛民非兵無以安民生馬以資兵非馬無以足兵用兩句減去八字抑庵筆也自是舉子以造語簡嚴典重為尚然抑庵又稱永樂辛丑楊文貞公會試文衡務先典實之作以洗浮腐之弊喜曾鶴齡諸作



多梓行之至今評程文者以是科為最蓋洪武永樂間程文體皆渾厚不特是科而已誠宜錄出以正文體而變士習至若登科錄永樂甲申二甲刻所對策十餘篇其後惟刻首甲三人所為者正德三年二甲第一人三甲第一俱刻策事出焦芳輩非制也燕對錄曰正德六年四月十三日講畢復召至煖閣叩頭畢上手取會試錄一本付司禮監太監張永授臣東陽等內有白紙票粘於紙上者三皆指摘所刻文字錯誤處上曰今欲別有施行但念衙門體面恐不好看但與先生輩知之耳臣東陽捧錄叩頭出至煖閣門外留寢案上永令內臣送至內閣是年大學士劉忠素疏辭疾未允強起主考試事出院後即乞省墓已得請是日陞辭聞此事而去比抵家復具疏乞休致蓋已有先入之說矣科舉文字不獨關係氣運而儉人投間一至於此誠不可以不慎也

考武舉

凡武舉第三場考試官兵部命如兩京鄉試之制正德三年始刻錄前後有序賜會武宴一如文試九年十二年亦如之惟十五年兵部尚書王瓊變其制止用策一道刻文三篇本院官一員并兵部公侯伯皆為考驗官今照舊規出策二道論一道云

考選庶吉士

考選庶吉士始自洪武乙丑迨永樂初益重其事然其詳不可考大率每科必選宣宗時合三科進士親試之拔二十八人為庶吉士如甲申之制正統丙辰上親考選庶吉士於文華殿取蕭鎡等十二人己未以後罷之至戊辰始純選北方及蜀士為庶吉士被選者萬安等二十人親試也自是其事付內閣例取平日所為詩文或繙閱殿試卷兼採名實行禮部使人延請至東閣前會同吏部試以古文暨詩各一篇合格者改送本院讀書景泰辛未選吳匯等二十五人甲戌選丘濬等十八人皆兼選南北士天順庚辰三月英宗御文華殿召李

欽定四庫全書

翰林記

卷十四

欽定四庫全書

翰林記

卷十四

賢諭曰永樂宣德中常選庶吉士教養待用今科進士中可選人物端重語音正當者二十餘人為庶吉士止選北方人若南方人有似彭時者方許選取賢出以語時疑賢欲抑南人故為此語因應之曰立賢無方何分南北賢曰果上意也奈何已而太監牛玉復傳上命如前令內閣會吏部同選時對牛曰南方士豈獨時比優於時者甚多也牛笑曰且選來看是日考選取十五人南方止三人而江西惟張元禎得與焉天順甲申選李欽定四庫全書 翰林記 卷十四 文
東陽等十八人自是皆兼選南北士成化丙戌選林瀚等二十四人已丑選費閏等十五人戊戌選梁儲等二十八人丁未選程楷等三十人弘治癸丑選顧清等二十八人是科清等已發各司觀政後乃得旨取各司考選丙辰選顧潛等二十人壬戌選胡煜等二十人乙丑選崔銑等三十人正德辛未選許成名等三十三人丁丑選汪佃等三十四人辛巳選廖道南等二十四人天順以前一甲三人與庶吉士同讀書成化後久廢至弘

治丙辰始復舊規自後皆因之
教書
洪武中宋濂永樂初解縉皆常領庶吉士特與之講究爾未嘗抗顏為師也宣宗時親教庶吉士考其文藝與永樂時同至正統戊辰乃額命詹事兼侍講學士劉鉉祭酒王詢教書自後以為例內閣於學士及詹事府坊局等官擇資望深者二員請旨送本院教書謂之開館是日自內閣而下皆醵金為燕會云
欽定四庫全書 翰林記 卷十四 十八
考保舉諸科
凡各處舉到經明行修懷才抱德之士宣德以前送本院考試後止令吏部考又其後諸科亦廢正統十四年詔各處舉到儒士照永樂年間事例送本院嚴加考試選用不中者發原籍為民葉盛曰永樂中清江喻行之以文學舉試記里鼓正統中馮益於試事皆不知所謂莫能措一辭所謂名浮於實君子弗貴者歟如復諸科考藝觀德付諸翰林可也



考歲貢生員

洪武十六年二月丙申命天下學校歲貢生員時諫官有言命禮部榜諭天下府州縣學自明年為始歲貢生員各一人正月至京從翰林院試經義四書義各一道判語一條中式者入國子監不中者罰之故有此命也會典曰凡考試歲貢生員禮部奏請出題本部官赴內閣領題試畢送卷本院官批定去取送部奏請施行嘗聞編修張元禎考校精覈歲貢士鮮入格者時服其公

欽定四庫全書

翰林記
卷十四
十九

云

考教職

會典云凡考試願就教職舉人監生吏部奏請出題本部官赴內閣領題試畢送卷本院官批定中否送部奏請施行又云凡各處儒學訓導九年考滿吏部出題考試初場四書本經義各一道二場論策各一道印封文卷送內閣委本院官批定去取送部奏請施行

考汰官吏

洪武二十九年四月命本院官會同禮部考國子監六堂師弟子甄別高下送吏部以次錄用其後不知何時遂廢水樂中有詔汰在京諸司冗官左贊善陳完時掌春坊事即操筆書某當留某當去衆服其明決然此後亦不聞焉會典云天順八年奏准吏部都察院會同內閣考察在京五品以下文職并在外布按二司官有不公者許令科道官指實劾奏又云宣德七年勅吏員三考滿當授官者吏部通引於內府會同六部都察院翰林院堂上官出題南北類試其文義粗曉行移得當書札不謬三事俱可取者為一等二事可取者為二等俱不可取者放回為民當差可齋雜記云東閣為翰林官會揖處一日各部堂上官會考三考吏來集閣下諸同寅遂聯步而出周修撰旋口誦兩句云爾來閣下考三考我去家中眠一眠語雖戲而對亦切蓋當時考吏必集閣下於此可見

清理武官貼黃

會典云凡兵部清理武官貼黃奏請命學士等官一員同該部及法司堂上官於闕右門清理本院官專管撰述

考試軍士

會典云凡該衛軍士告願科舉者兵部奏送本院出題考試批定中否送本院施行按景泰元年盧龍軍士劉宣弘治五年府軍前衛軍士姚學禮皆發解第一然則軍士中不可謂無人要任甄鑒之爾

欽定四庫全書

翰林記
卷十四

稽考監生課簿

會典云凡國子監生課簿按月送內閣稽考

稽考精微文簿

精微文簿所自置殆不可考按水樂元年司禮監請如舊制鑄出入精微印從之則是廢而復置也會典云凡五府六部都察院等衙門關給內府精微文簿開寫日行事務註銷前件按月奉送本院稽考年終類送司禮監交收

稽考四裔館課程

洪武十五年命侍講太原潔等編華裔譯語以元無文字但借高昌之書制蒙古字以通天下之言至是乃命原潔與編修馬亦黑以華語譯其語天文地理人事物類服食器用靡不具載復取元秘書叅考紐切諧音既成刊行之譯字官隸本院蓋始於此二人蒙古產也永樂中上選太學生年少者習四裔諸番字諸生多不欲輒生謗議上怒將罪之學士楊榮力救得免遂命榮掌

欽定四庫全書

翰林記
卷十四

之榮訓勵得宜自是帖服率皆有成有官至五六品者會典云凡四裔番夷翻譯文字水樂五年設四裔館內分八館曰蒙古女直西番西天回回百夷高昌緬甸選國子監生習譯宣德元年兼選官民子弟委官為教師本院學士稽考課程後內閣委官提督弘治初奏准科目出身四品以上二員提督其官生公會按月從本院印給仍繳送稽考及食糧授職從吏部禮部奏會同內閣出題考試中否仍從該部奏請施行凡四裔館習譯



監生子弟舊例月支米一石會官考試一年通習者與冠帶全不通者黜退正統元年奏定考中一等者冠帶為譯字官又一年再考中授職弘治三年奏准子弟不許別圖出身三年後考中食糧月給米一石又三年考中冠帶為譯字官又三年考中受序班職事初試不中者許再試三試不中者黜為民監生初入館照坐監例食糧三年考中食糧一石家小糧仍舊又三年考中冠帶又三年考中授從八品職事三試不中者送回本監

欽定四庫全書

翰林記
卷十四

官發身云

考校僧道

洪武十年九月令僧徒皆通般若心經金剛般若經楞伽經命學士宋濂考校之不通者令還俗二十四年六月用翰林儒臣議命禮部清理釋道二教凡府州縣等

觀雖多但存其寬大可容眾者一所併而居之母雜處於外與民相混餘寺觀為叢林以居貧民宣德九年僧道行童請給度牒者甚多命僧道官取勘禮部同翰林院官禮科給事中及僧道官考試能通大經給與度牒景泰間三年一度僧至數萬天順初如期來集大學士李賢言于上曰此輩有損無益宜令十年一度上從之著令按僧徒之盛莫甚於今日而道流次之蠹國侵民宜事沙汰考校僧徒宜如洪武中所定三經道士則老莊列三子可也試使儒臣定議通行天下委風憲官考校中者宜分府州縣酌量其數而差等之不中者勒令還俗所居惟併為一所餘皆拆毀為叢林以居貧民一如洪武二十四年之例是不惟於國家風化有益而所謂釋與道者亦自不違其教矣聖君在上賢公卿在下必有以處此者

翰林記卷十四

欽定四庫全書

翰林記
卷十四

三十四

欽定四庫全書

翰林記卷十五

明 黃佐 撰

齋詔用寶

國初置承勅監洪武九年以編修吳昇為承勅監令周孟東為監丞使以齋奉制敕為職尋罷之其後凡朝廷大禮頒詔天下本院官先撰詔文請旨裁定付中書舍人書寫尚寶司用寶單行禮之日百官出承天門外肅候鴻臚寺官唱頒詔內閣官一員捧詔自奉天殿左門

欽定四庫全書

翰林記
卷十五

入至華蓋殿候駕興捧出至奉天殿授於禮部尚書其敕制敕用寶時或不同皆內閣臨時制宜取自上裁葉盛云嘗見敕內閣楊學士蓋勤民之璽皇太后遺誥蓋弘德昭順之寶皇后制書蓋厚載之記詔書制諭羣臣誥命皆制誥之寶近年詔書蓋皇帝之寶云始於學士李賢敕命敕諭皆敕命之寶又嘗見正統中手摺印本敕諭蓋廣運之寶朝覲敕諭亦手摺印本蓋敬天勤民之寶敕則蓋廣運之寶敕今皆謂敕書蓋手敕耳惟景

泰初敕諭亦蓋廣運之寶或曰以失守重造未成故爾遺敕於外皆黃紙外封用三圖書其文曰丹符出驗四方今則具有成規矣

上寶冊

凡上尊號尊諡皆本院撰擬寶冊文以進洪武初追尊四廟為帝后學士陶安朱昇等捧冊文至御前上親受之水樂初上太祖高皇帝孝慈高皇后諡議上親覽畢親舉諡議付本院撰文及上諡冊一如洪武時天順二年

欽定四庫全書

翰林記
卷十五

二月上聖烈慈壽皇太后尊號內閣捧寶冊文進上興親覽畢乃行禮時詔告天下詔章已進訖大學士彭時謂李賢曰此事前所未有宜有恩典及人賢曰先年已兩赦矣恐數赦非宜時曰非赦也但行優老之政耳欲令朝官父母年七十者與誥敕百姓年百歲者與冠帶是所謂老吾老以及人之老也恩典如此斯與所上徽號相稱矣賢曰善遂共擬仁政數條進呈上大悅即命行之頒徽號詔畢上御文華殿召賢等三人者近前賜銀



兩表裏有差仍親自授與和顏慰勉其鼓舞臣下有如此蓋上尊謚尊號皆人君事親之禮儀冊既已躬親授受雖賞賚亦必親焉列聖之孝敬信乎度越千古也

扈從

凡車駕所在近侍諸臣皆扈從洪武中官無定員永樂六年定巡狩親征先詔告天下扈從用本院內閣官三員侍講修撰典簿等官六員書制敕秀才八人詳寫四裔文字監生十三人車駕將發燕羣臣賜扈從官軍人等寶鈔會典云凡駕詣郊壇或巡狩行幸親征內閣官扈從制敕房官隨行書辦遇有敕旨即時撰寫永樂七年正月車駕巡北京學士胡廣諭德楊榮金幼孜及修撰王英等扈從賜綿衣狐裘鞍馬榮時有母喪特留之三月抵北京賜廣等宴榮辭以憂弗與特命中官以珍饌送之八年二月上親出塞征布尼雅實哩等三人仍扈從賜衣被鞍馬途次命光祿給酒饌七月車駕至驢駒河遣榮先歸報皇太子至京皇太子賜鈔幣金織麒麟

欽定四庫全書

翰林記
卷十五

三

衣服銀鑲鏤花香帶及石刻蘭亭記兩賜宴於翰林命隆平侯張信尚書蹇義款待且命諸儒臣陪之八月抵北京賜綵幣鈔米羊酒等物十月榮與廣等扈駕南還賜鞍馬綿衣袴襪及路費途中屢賜珍饌嘉果抵京賜廣等鈔帛有差十一年正月復巡北京遂征北寇廣等三人偕修撰王直梁潛扈從賜衣被鈔果等物十二年三月親征瓦剌時皇孫侍行上命廣等三人凡行宮有暇即與講析義理開其聰明十四年復扈從南還賜廣等綿衣鞍馬鈔幣十五年三月壬子車駕復巡北京三人者復扈從上屢問民情榮等悉以實對賜白金鈔幣金織紗羅紵絲衣服等物二十年二月上北征惟幼孜與侍讀王英扈從賜鞍馬鈔幣至濶樂兒海五月遂還英嘗奏事上喜謂曰秀才是二十八人讀書者朕需爾為用正好宣力勿憚勞苦今凡軍中一切動靜或謠言之類爾有所聞即來奏又諭太監孟驥曰秀才有事即令入見母沮二十年三月戊寅大學士楊榮金幼孜從

欽定四庫全書

翰林記
卷十五

四



征沙漠賜米鈔鞍馬令榮等叅預軍中幾務時召榮幼孜於御幄中同公侯大臣坐飲凡有賜賚或公侯不與俱或與公侯俱而扈從文臣不與焉九月宴隨征將士命榮幼孜坐前列食上肴賜鈔幣并上品金織襲衣韉靴二十一年七月榮扈從西征賜羊酒帳房等物八月庚申駐師萬全一應軍務悉命榮掌之晝夜或三接五接每以楊學士稱之不名十月次天成番主額森圖噶納欵命榮往受之回賜御饌慰勞備至十一月旋師賜欵定四庫全書翰林記卷十五五鈔一萬貫米十石紵絲金織衣二襲靴襪二雙二十二年復北征榮與幼孜扈從語見受顧命類宣德元年漢庶人高煦反榮勸上親征遂與楊士奇從行討平之七月駕還賜榮等鞍馬白金鈔幣及安樂州男女五十餘人三年八月戊申車駕巡邊獨榮扈從九月癸丑給以內廐良馬命榮先從出塞日賜御厨酒饌乙卯師次寬河報捷丁巳駐蹕會州甲子班師五年二月乙未上侍皇太后謁長陵大學士楊士奇楊榮等扈從庚子上以

皇太后命召見士奇等五人於行殿諭之曰皇帝數言卿等忠勤今天下清寧民生無事是固祖宗福佑家國亦惟卿等贊翼之功賜以酒殽及白金紵絲表裏辛丑進詩謝恩三月己酉扈駕回京賜青紅縠子駝褐九年九月榮復扈車駕巡邊給以天閑名馬光祿日供酒饌至洗馬林而還比還恩賚甚厚正統十四年七月北敵也先入寇司禮監太監王振勸上親征車駕遂行內閣學士曹鼎及侍讀學士張益等扈從賜賚如故事八月遇敵于土木鎮鼎及益皆沒自後巡狩親征之事遂寢矣惟春正月有事于郊祀始扈從焉例賜御厨茶飯宣德四年正月丁巳大學士楊榮扈駕南郊賜金銀鮮果等物弘治十六年上往郊祀大學士李東陽等候駕畢宿神樂觀茶飯外有特賜者三蓋異數也東陽等為詩紀之正德十四年寧庶人宸濠反既就擒上猶南巡以親征為名自稱威武大將軍鎮國公朱壽大學士梁儲蔣冕扈從上用邊將江彬等言欲卜郊留都二人力諫



乃止十五年十月北還又按洪武八年十一月壬子上命皇太子暨諸王往中都詔學士宋濂贊善孟益正字桂彥良等從行洪熙元年正月命皇太子往祭皇陵孝陵右春坊大學士兼侍讀學士曾榮左諭德兼侍讀周述等從行則是東宮行幸亦有扈從矣洪武二十七年三月命韓濬二王往省秦晉燕周齊五府從官各一十人用編修各一員則是諸王亦有扈從矣而會典不載

留守

欽定四庫全書

翰林記
卷十五

七

永樂六年上將巡狩命尚書兼詹事蹇義金忠右春坊大學士黃淮左諭德楊士奇留守諭之曰朕留汝四人居守猶唐太宗簡輔弼監國必付房玄齡卿等宜識朕意又以幾務事繁復命修撰王直副之凡南京政務惟文武除拜四裔朝獻邊警調發上請行在若祭祀賞罰一切之務有司具成式啓聞施行事竟則有司具本末奏達而已明年春車駕遂行十一月再巡狩命淮等與沈馬楊溥留守十二年逮淮詣北京下獄溥亦坐累十

五年春復巡北京留義與士奇居守以侍讀兼右贊善梁潛副之會謀譖監國者事連潛十六年九月真潛及司諫周冕于法皆漢庶人為之也惟士奇始終以持重免於咎每言監國之體以尊君順親為心皇太子嘉納之及即位洪熙元年宣宗在東宮受命祀陵因留南京監國舊學之臣曾榮輩皆從焉是年五月宮車晏駕少傅楊士奇少保黃淮太子少傅楊榮佐鄭襄二王監國而遣使迎宣宗宣德元年上半年上親征漢藩淮以病不行留佐鄭襄二王監國正統十四年七月上親征北敵命鄭王居守每旦於闕左門西面受羣臣謁見朝政皆太監金英佐理之留守者戶部尚書兼學士陳循工部右侍郎兼侍講學士高穀也

迎駕

永樂八年七月車駕還自北征皇太子遣大學士黃淮往迎至滁州獲朝見洪熙元年五月宣廟自南京入即位大學士楊榮往迎於德州景泰元年八月十三日英

欽定四庫全書

翰林記
卷十五

八



宗自北狩回鑾遣內閣學士許彬迎于宣府商輅迎候于居庸關十四日駕至上關輅進見英宗命輅草書二封達于皇太后及景帝十五日入居于南內正德十五年十月武宗南征凱旋駐通州者久之大學士楊廷和等出迓上戎服而入十六年三月大學士梁儲等迎今上於安陸州四月癸卯至自安陸州云

充使

凡天子皇太子及親王冠禮內閣官充賓贊昏禮充納徵等使冊封諸王及妃內閣官充正使若冊封副使以本院官充者自成化末侍讀江瀾始也永樂洪熙宣德三朝冊封諸王及妃內閣楊榮金幼孜各充正使者自後內閣不復出使於外惟冠昏大禮則用舊規宣德三年三月癸未大學士楊榮奉命持節冊中宮禮成賜白金鈔幣此類不可勝紀若本院官因事出使者洪武三年五月遣編修蔡玄等訪歷代帝王陵寢永樂中修撰陳循被命往南京文淵閣取儲書之類是也

欽定四庫全書

翰林記
卷十五

九

使外國

凡朝鮮安南國頒詔及冊封學士等官充正使禮部預具奏請待旨點用按洪武初侍讀學士張以寧使安南冊封未至而國王死國人請授其世子以寧不聽遣人請命于朝且教其世子服三年喪并令其國人效中國行頓首稽首禮朝廷嘉之賜以敕書比之陸賈馬援并御製詩八章以獎諭之於是復命編修王廉吏部主事林唐臣充弔祭使以往且封其世子陳日燧為王既至其君臣出迎於郊議授受之禮往返數四不能決廉厲聲呵之乃奉御製文於綵輿迎入成禮而還四年二月戊午以寧等三人還自安南以寧卒于道日燧遣陪臣阮汝亮偕廉來上表謝恩貢方物上即拜廉為工部員外郎旌其勞也廉固辭不拜遂出丞澠池焉十二年十二月壬戌遣編修羅復仁兵部主事張福齋詔諭安南占城反復仁還擢弘文館學士永樂初遣待詔王延齡使朝鮮行人王彬副之人賜紵絲衣一襲鈔二十五錠及

欽定四庫全書

翰林記
卷十五

十



錦衣皮裘狐帽自後使二國者俱賜一品服其禮益隆云安南自郡縣復為國正統中請封侍讀學士錢溥充正使其王桀驚不恭授受迎拜皆不如禮溥以書累爭之而後定承平久使外國者多治巨艦載重貨浮海與其國為市或與陪臣賡和誇奇角捷以為才弘治初侍講劉戡使安南考地志陸道南寧坦甚無虞乃乘肩輿從兩僮忽抵其界巨人傾駭至之日頒詔明日燕燕畢遂行餽贐一不顧追授諸途不與語獨書其入關詩與欽定四庫全書翰林記卷十五十一

之曰歸裝有一南物者關神其殛諸後其陪臣入謝表有廷臣清白之語當時莫不多載正德初侍讀徐穆充正使頒正朔于朝鮮及境譯告國王不郊候迎詔不道跪穆援古義稽今制反覆辨析皆如議王屢遣陪臣代質疑義穆剖析不遺凡所餽獻悉拒弗納人咸稱之六年編修湛若水充安南冊封正使餉遺一無所視獨和其王贈詩一章論者謂得體云

巡行

洪武元年八月命儒臣十人分行十道訪求賢哲隱逸之士于是學士詹同等往焉

攝行御史

洪武初上命編修王璉等攝行御史璉按河南入對稱旨上悅謂近臣曰文華堂諸生如璉等皆異日將相才也九年三月丙子以璉及編修馬亮任敬王懌陳敏張唯典籍王偁應奉殷哲侍儀使孫化秘書直長蕭韶贊讀閭裕起居注嚴純給事中方徵彭通宋善王惟吉十欽定四庫全書翰林記卷十五十一

六人為監察御史十年正月乙丑復命編修桑慎陳晟署監察御史二十九年二月甲午復以編修景清為監察御史尋署僉都御史其重憲職如此永樂末侍講李時勉修撰羅汝敬皆降監察御史是又與洪武時不同

分鎮要地

正統十四年八月景帝即位以上皇未復冠方內逼乃命侍講徐瑄等十五人分鎮其地瑄得彰德餘人不可考或曰楊鼎王詢與焉瑄即有貞也成化中修撰張頤



擢僉都御史巡撫居庸豈援此以為例與

代祀

凡祈告代祀多用本院儒臣正統乙丑浙江台寧等府民遭疫死甚衆上遣禮部侍郎兼侍講學士王英齋香幣往祀南鎮以禳民厲時浙間久旱英至紹興大雨水深二尺灌獻之夕雨止星見明日又大雨田野沾足人皆喜曰此侍郎雨也布政使孫原貞等陪祀請為御祭感應記刻石於廟而還景泰辛未夏不雨特遣侍講學

欽定四庫全書

翰林記
卷十五

十三

士劉鉉祀濟瀆成化甲辰陝西旱遣禮部左侍郎兼學士徐溥代祀中鎮西海河瀆諸神雨輒應丁酉朝廷用儒臣議追崇先聖禮樂遣學士王獻祭告闕里弘治己未六月孔廟災學士李傑奉詔祭告甲子閏四月孔廟重建落成復遣大學士李東陽祭告焉

陪祀分獻

凡郊祀五品以上官例得看牲次早復命陪祀皆與若分獻用文武大臣及近待官二十四員太常寺請旨點

充故本院官自檢討以上皆與永樂中修撰馬鐸建言國子監分獻十哲宜用翰林院官朝廷從之

讞獄

洪武十四年十月癸丑命法司論囚擬律奏問從翰林院給事中及春坊正字司直郎會議平允然後覆奏論決永樂二十二年十月丁巳大理寺奏決重囚仁宗召大學士楊士奇楊榮金幼孜至榻前諭曰比歲法司濫刑往往出于鍛鍊先帝嘗切戒之必會三學士同審正統中侍講學士馬愉嘗奏讞獄終年不決者朝廷從之由是冤抑多申理然惜其未能復洪武之舊也

欽定四庫全書

翰林記
卷十五

十四

主宴

凡筵宴之賜賚臣下者令大臣待之謂之主宴天順四年天下諸司官吏朝覲至京上召大學士李賢諭之曰黜陟之典亦當舉行賢對曰此祖宗舊制即敕吏部都察院退不職者數百人旌其才行超卓政績顯著者布政以下賈銓等十人賜以衣服楮幣禮部筵宴命賢及



吏部尚書王翱待宴以勵其衆正德以來武舉會武宴
例用內閣大臣一員主席兵部先期奏請

齋宿

凡郊祀洪武二十年定齋戒日期文武百官先沐浴更衣本衙門宿歇次日聽誓戒致齋三日宗廟社稷亦致齋三日惟不誓戒或朝廷祈禱亦如之所謂齋戒者不飲酒不食葱韭薤蒜不問病不弔喪不理刑名不與妻妾同處也成化丙申十二月十日禱雪致齋于翰林之
欽定四庫全書
翰林記
卷十五
十五

習儀

翰林舊不習儀以禮所自出故也成化十四年冬至有新旨學士王獻而下俱與常叅官赴朝天宮習儀至今循之此恐當復成憲之舊不然與百司亡別矣

陵祀

洪武八年十月乙卯詔翰林院考定陵寢朔望節序祭祀之禮學士樂韶鳳等奏今擬每歲元旦清明七月望十月朔冬夏二至日用太牢其伏臘社每歲朔望日則用特羊祠祭署官行禮如節與朔望伏臘社同日則用節禮從之其後清明中元冬至祭祀列聖陵寢分遣勳戚大臣行禮本院官例用二員陪祭永樂元年太祖皇帝忌辰上率諸王奉先殿行禮畢仍率百官躬詣孝陵致祭令近侍官於殿前行禮宣宗嘗奉皇太后謁長陵獻陵內閣大學士皆從焉自是乘輿無躬往者而本院官上陵陪祀例宿昌平學宮行館云始自成化戊戌近坊局等官亦與陵祀遵詔旨也

受顧命

永樂二十二年七月辛卯車駕至榆木川不豫召大學士楊榮等受遺命傳位皇太子遂崩榮等一遵古禮斂含如度與太監馬雲等議曰六師去京師尚遠不宜發



喪宜上食奏事如常儀衆是之復條畫軍中事益嚴號
令人皆莫測時議者有欲假他事作敕用寶馳報者榮
曰先帝在稱敕今稱敕是詐也罪孰當之壬辰次雙峯
榮奉遺命馳訃皇太子八月甲辰至北京致大行皇帝
遺命而後以軍中所宜施行者陳之皇太子嘉歎賜以
白金鈔幣召吏部尚書蹇義使識之行將大用翊旦復
承命同義等議即位事宜榮首條民間不便二十餘事
上皆嘉納入詔條行之丁巳仁宗即位賜白金鈔幣已
未進太常寺卿仍兼前二職十二月加工部尚書仍兼
二職三俸俱支賜白金五十兩綵幣十表裏寶鈔二萬
貫白米二十石降敕獎諭酬勞也洪熙元年五月辛巳
仁宗崩六月庚戌宣宗即位宣德十年正月甲戌宣宗
崩壬午英宗即位受遺今皆莫考可齋雜記云天順甲
申正月朔日以後上不豫每日猶裁決萬幾如常至初
十以來疾大漸乃處置後事命太監牛玉執筆口使書
其一東宮即位過百日成昏其二定后妃名分其三命

欽定四庫全書

翰林記
卷十五

十一

勿以嬪御殉其四殯斂器服語意詳盡皆合天理當人
心書畢且命牛曰將去閣下看今為我潤色之既至臣
時等驚愕曰何至是牛曰上意亦謂事不可測且說下
不用何妨臣等欽誦畢皆歎曰所言闕大體非英明不
能及此而止殉事尤高出古今真盛德事也不須潤色
言畢時不覺淚下牛備以前言復命且曰彭時尤悲愴
上聞之亦隕涕已而曰且收着待我去後遵行次日牛
出道其詳因曰上英偉從來不墮淚今若此事可知矣
至十七日遂崩次日早儲皇披髮衣素出後右門召內
閣學士李賢陳文暨時及文武執政大臣等至前言曰
父皇已賓天爾等盡心輔佐我因泣下羣臣皆俯伏號
泣良久皆起叩頭而退是日有旨命太監劉水誠夏時
傅恭牛玉會昌侯孫繼宗懷寧侯孫鏗尚書王翱李賢
年富馬昂侍郎陳文及時為議事官公同計議處置軍
國重務遵宣德十年例也預者皆荷銀幣之賜燕對錄
云弘治十八年五月聞上不豫初六日昧爽司禮監太

欽定四庫全書

翰林記
卷十五

十一

監戴義出左掖門宣內閣臣東陽先至頃之趣者六七次臣健臣遷繼至乃同入趣者道相屬入乾清宮右門由右階升殿入東戶轉西南右戶北行數步穿重幔上仙橋又數步見御榻上著黃色便服坐榻中南面臣健等叩頭上令近前者再既近榻又曰上來于是直叩榻下上曰朕承祖宗大統在位十八年今年三十六歲乃得此疾殆不能興故與先生每相見時上玉色發赤大聲盛氣臣健等皆對曰陛下萬壽無疆偶爾違和暫須調攝安得遽為此言上曰朕自知之亦有天命不可強也因呼水漱口掌御藥事太監張愉取金盃進水以青布拭舌勸上進藥不答愉曰再進此一服即無事矣上又曰朕為祖宗守法度不敢怠荒凡天下事先生每多費心我知道因執臣健手若將水訣者上又曰朕蒙皇考厚恩選張氏為皇后成化二十三年某月成昏至弘治三年九月二十四日生東宮今十五歲矣尚未選昏社稷事重可亟令禮部舉行皆應曰諾時司禮監太監

欽定四庫全書

翰林記
卷十五

十九

陳寬李榮蕭敬等以次畢至皆羅跪榻外上曰授遺旨扶安李璋捧筆硯戴義就榻前書之上又曰東宮聰明但年幼好逸樂先生每勤請他出來讀此書輔導他做箇好人臣健等皆叩頭仰奏曰臣等敢不盡力上復加慰諭而退是日雖在倉卒天語詳備累數百言不能悉記而其重且大者如此臣健等出至後左門調旨傳禮部行之戴義送出東角門而入越一夕而龍馭上賓矣追念先皇帝簡任眷遇之恩顧托委付之意誠古帝王所不及俯仰之間已如隔世扣地額天無所逮及可勝痛哉後東陽每遇五月七日孝宗皇帝忌辰作詩志痛有曰曾上鑾坡侍玉堂朝衣親惹御袍香傳宣煖閣奉天門後天顏近奏事平臺中右門東午漏長化國有人悲短夢幽都無地仰餘光從容顧命分明語一日傷心淚萬行又曰六年揮淚泣遺弓萬國傷心此日同龍去鼎湖還作雨馬嘶沙苑尚思風碧桃宴已歸天上玉几言猶似夢中曾是白頭香案吏不須凝望朶雲紅

欽定四庫全書

翰林記
卷十五

二十



護塋

永樂二十二年十二月丁巳太宗皇帝塋長陵命大學士楊榮護喪事賜白金鈔幣宣德十年正月丁亥榮往相視山陵還稱旨復有白金鈔幣之賜六月戊申命護梓宮塋景陵賜白金一百兩紵絲十表裏鈔二十錠山陵畢復賜白金鈔幣十月辛亥命監立天壽山碑賜白金五十兩紵絲羅四表裏及上尊珍饌按宋宰相例充山陵使國朝惟屬之禮部護塋用勲戚啓玄宮視事例欽定四庫全書

翰林記
卷十五

二十一

用本院官二員若榮之護塋蓋內閣所僅見也

翰林記卷十五

欽定四庫全書

翰林記卷十六

明 黃佐 撰

車駕幸館閣

太宗皇帝初定內難四方之事方殷內閣七人者旦夕承顧問受旨退治職務且兼稽古纂述殆不虛寸晷上時步至閣中親閱其勞且視其所治無弗稱旨者乃喜必有厚賚或時至閣閱諸學士暨庶吉士應制詩文詰問評論以為樂宣德四年十月癸未車駕臨幸文淵閣周視大學士楊榮等寓直之所命增益屋宇兼賜飲饌器用榮等次日具表謝恩已而復至賜榮等詩各一章及寶鈔酒饌學士李時勉等皆與焉七年某月駕過史館有作併賦招隱之歌是時天氣清明聖心悅豫懷賢覽古天趣之高見於吟詠侍讀學士錢習禮等迎謁俱被賜賚其過史館六言詩云蕩蕩堯光四表巍巍舜德重華祖考萬年垂統乾坤六合為家真聖王氣象也車駕幸私第

欽定四庫全書

翰林記
卷十六

一



洪武初編修羅復仁者上喜其誠樸車駕一日忽幸其私第復仁方操塗具完壁不虞上之至也呼妻以羹坐上上與語良久嘆息而去即命工部賜第城南門外尋以為弘文館學士及乞致仕從之賜以大布之衣謂曰表爾樸也宣德中上微行幸大學士楊士奇私第語在第八卷

賜讌

洪武中學士詹同宋濂等暨諸儒臣每燕見必賜燕日

欽定四庫全書

翰林記
卷十六

二

以為常水樂初萬壽聖節學士侍讌奉天殿近侍及修史官宴中左門若正旦元宵端午重陽冬至臘日等節序往往燕于禁庭皇后皇太子千秋節亦如之若御三殿筵宴奏事於內閣學士尤隆至或有撤御筵玉食以遺其父母者十八年閏正月丙子命行在學士兼右庶子楊榮學士兼右諭德金幼孜並為文淵閣大學士兼學士特賜讌于禮部此陞擢賜讌之始也二十年九月己巳以榮與幼孜扈從之勞特命讌坐前列食上穀此

賞勞賜讌之始也宣德二年九月少傅楊士奇三載考滿降勅獎諭賜宴于禮部此考滿賜宴之始也五年四月丙申召大學士楊士奇楊榮等賜燕文華殿上親待焉賜鈔一萬貫六年二月甲辰萬壽聖節賜士奇榮等宴乙巳復賜宴內庭特賜詩一章褒嘉之此又出於特恩者也八年七月丁丑吏部奏少傅楊榮滿三載上禮之如士奇自後內閣大臣考滿遂為例正統以後萬壽聖節皇太后千秋等節及節序本院官同羣臣通宴于午門外而燕見奏事特恩賜燕者遂無聞焉若初開經筵及脩書進呈殿會試等燕俱有定規脩實錄成例宴于禮部獨水樂初宴于奉天門宣德五年宴于中府正統三年宴于西苑為不同云

賜飲饌

洪武三年二月學士宋濂待制魚編修王禕等奉詔預教大本堂每召對殿廷必賜坐久則賜飲膳禕一日在史局渴甚謂濂曰得昨上所賜梨漿飲之吾渴濟矣中

欽定四庫全書

翰林記
卷十六

三

貴人竊聞之言于上即命齋賜之永樂五年五月學士楊榮奉命往甘肅規畫軍務七月還京奏對武英殿上大悅時盛暑命取瓜親剖賜之且遣中官賜以羊酒勅使休息十一年十二月學士宋濂既致仕來朝以勅勞之賜米酒十二年十二月復至賜亦如之十八年四月丙辰上在西內圓殿特召都督薛祿尚書呂震李慶學士楊榮金幼孜至殿外命坐賜食其羹糜蓋出於御前調和珍異非常且復有上尊熟食酪漿櫻桃之賜所賜欽定四庫全書 翰林記 卷十六 四

上尊封識皆有墨印洞庭春色四字復用朱印篆書御用二字以蓋其上蓋是時上嚮用勲戚侍從之臣多所頒賚上尊珍饌無日不有此特其可紀者也宣宗初即位召侍講學士王英入便殿謂曰洪武中學士有宋濂吳沈朱善劉三吾永樂初則解縉胡廣俱有重名今汝當講經史陳道義以啓沃朕心罔俾前人獨專其美賜內醢及鈔千緡命入內閣叅中秘自是英與曾榮王直等屢被御酒珍饌之賜宣德二年十一月乙未皇太子

生大學士楊榮入見上親酌酒賜榮飲仍賜白金鈔幣銀金器十二月召榮等至東苑訪政務賜酒饌銀鑲椰栝二年二月辛酉賜同遊萬歲山諸臣椰子各一枚七月辛酉遊內苑賜以金銀綵幣玉杯酒饌等物蓋自是同遊禁苑所至必有飲饌之賜殆不可盡紀四年八月賜楊榮等枸杞湯令中官吳誠諭旨曰服此可以延年益壽可以祛諸疾正統以後莫考惟丁巳臘月望後大雪三日聖情悅懌賜大學士楊溥等黃封內珍成化中憲宗一日於內庫得古帖斷爛不可讀命中使持至內館使理之適檢討傅瀚在直次為韻語須臾而成授中使以復上大悅有珍饌法酒之賜

賜冠帶衣服器用

洪武十四年三月賜本院官羅衣各一襲尋以儒士董倫為右贊善賜以冠帶又賜侍書楊崧等襲衣靴靴二十三年以四川水川縣知縣王佐為侍讀賜衣及靴靴是年高麗貢玳瑁筆分賜學士劉三吾侍講學士葛均



等二十九年六月癸卯以編修張顯宗為太常寺丞左
僉都御史辛彥德為詹事各賜衣一襲三十年賜學士
宋訥衣帽壬午六月賜內閣七人金織羅衣永樂二年
九月上召內閣七人謂曰朕即位以來爾朝夕在左右
敬慎弗懈然恒情保初易保終難朕常思保全之道爾
亦宜益謹厥終庶兩盡其美皆曰臣等猥蒙委任敢不
勉圖報稱上大悅賜象笏幘頭公服尋賜二品金織紵
絲衣七人者入謝直言恩禮太過上曰卿在朕左右幾
欽定四庫全書 翰林記 卷十六 六

帶瑪瑙鶴頂龜筒琥珀花犀合香諸帶及龍骨等繫腰
皮裘黑貂銀鼠帽少詹事兼侍讀學士曾榮王直賜寶
帶少詹事兼侍讀學士王英賜金鑲琥珀麒麟帶各有
差或有五品賜金帶者七年十一月丙寅皇太子千秋
節賜內閣綵繡雲鶴襲衣寶帶本院官各有差自是以為常
內閣綵繡雲鶴襲衣寶帶本院官各有差自是以為常
正統初賜大學士楊士奇金織紗羅襲衣金鑲玳瑁等
帶大婚禮成賜學士錢習禮等紗衣紗帽金鑲香帶有
欽定四庫全書 翰林記 卷十六 七

差二年六月己巳賜內閣錦繡雲鶴紗衣十一月辛巳
賜金織紵絲襲衣天順中賜大學士李賢陳文等玉帶
通政司叅議魚學士呂原等金帶暨玉杯校服貂帽之
齊歲無虛月成化中學士王獻掌院事賜金帶侍讀學
士彭華攝詹事府事亦賜金帶故事學士非典密務侍
日請者不與是賜蓋異數也正德四年吏部左侍郎兼
學士白鉞賜玉帶尤前此所未有者

賜鈔幣羊酒

聖祖最慎於賞必有功勞者乃資以鈔幣之屬惟文學近侍多有匪頒洪武初學士宋濂等恒受是賜十六年正月以右贊善董倫為左春坊大學士賜文綺六疋鈔五十錠十七年三月賜學士宋訥文綺帛各二疋鈔十錠尋又賜訥子安鈔十錠二十九年三月賜本院官人各高麗布一疋永樂初內閣解縉等七人者嘗拜鈔帛之賜六年正月賜綵幣白金鈔米七年七月楊榮議事歸自甘肅賜米鈔十一月復還自甘州復命陳邊境便欽定四庫全書 翰林記 卷十六 八

宜十事上嘉納之賜以襲衣鈔幣宣德元年以後大學士楊士奇等議事稱旨屢賜白金文綺鈔幣四年九月甲辰朔賜內閣白金珍珠鈔幣白磁器蘇合香丸等物十二月朔霜寒甚上命光祿賜在廷文臣侍讀學士錢習禮等羊酒以禦寒白皇祖考在位每旦常有賜今朕多事忘之汝勿忘辛巳賜內閣白金鈔幣羊酒等物四年七月大學士曾榮顧問稱旨屢賜白金文綺鈔幣使直文淵閣五年正月賜內閣大學士人各鈔一萬貫并

猪羊海魚等物四月丁巳皇太后千秋節賜內閣大學士人各鈔三貫正統元年三月賜讀卷官羊酒遂以為常其後惟內閣考滿賞勞問疾給假遣中官以鈔幣羊酒賚之而五年二月丙戌楊榮以展墓行賜白金紵絲鈔幣及上尊羊豕諸饌稱是且命內侍阮江伴行最為盛典

賜藥餌

洪武中編修王釐患頭風上賜所御藥酒飲之而愈壬午六月太宗賜解縉等七人香藥永樂四年二月諭德楊榮得寒疾不能造朝上聞之亟遣中官偕御醫將用文視之還奏賜藥物且命用文守視時時奏報至痊乃已及榮入謝上慰賚之仍令休息旬餘乃出學士黃淮留守以疾在告仁宗為太子亦遣中官偕用文賚藥視之手書畧曰卿其勉進藥食蚤獲安康以慰予懷侍讀學士王直侍上東宮嘗賜扇及樂正統九年二月楊士奇疾賜醫藥寶鈔酒饌及璽書慰之成化初大學士李

欽定四庫全書 翰林記 卷十六 九



賢疾上遣中官偕醫賜藥餌所以問慰之者甚厚五年至十一年大學士彭時累以病在告上輒命醫視疾遣內臣致猪羊鷄鵝酒米之賜并賚以藥餌踰月不出則必再遣馬弘治五年五月大學士丘濬以目疾辭位上遣醫賜藥詔今後凡大風雨雪俱免早朝七年十月又辭詔痊可之日免朝叅進來辦事使就醫藥其後大學士謝遷等稍有疾輒遣醫饋藥候問之使相踵於道

賜居第

欽定四庫全書

翰林記
卷十六

十

太祖太宗時嘗賚近侍以居第如羅復仁輩見前卷宣德中楊溥有賜第在東安門外天順元年冬賜大學士李賢甲第一區賢上章懇辭上曰聞卿舊宅去朝頗遠特賜近居以便宣召所辭不允遷居之後上及皇太子皆有落成之賚按洪熙元年二月賜楊士奇田二頃懇辭許之則是先朝厚賚非特居第而已

賜宸翰

吳元年上聞侍講學士朱升家構書樓成御書梅花初

月樓五大字以寵之而宋濂等嘗拜宸翰之賜尤多洪武三十一年七月御書怡老堂三大字賜禮部侍郎兼學士董倫并髹几玉鳩杖各一倫具表謝恩宣德初上嘗親御翰墨作春山竹石牧牛三圖題詩其上以賜大學士楊榮并賜端硯御用筆墨及白磁酒器茶鍾瓦罐香爐之類侍讀沈紱嘗獲賜御筆竹菊圖則是時近侍需賜者不止一二人也

賜御製詩文

欽定四庫全書

翰林記
卷十六

十一

洪武六年五月戊辰上御武樓學士承旨詹同備顧問因及於竹同謂晉戴凱之所譜至五十餘種惟吳越山中竹有方竹可為筇若有庶隅不可犯之色因以一枝進於是親御翰墨草方竹記一通始言品物之夥中序格致之難及其末也謂同為人俊偉氣象且以豪俊稱之同趨拜稱謝上笑曰卿頭童齒豁矣何以謝學士宋濂嘗獲賜醉學士楚辭一章黃馬白馬等歌而本院官與賜者如張美和輩尤不可盡記畧見前卷仁宗在東宮



喜為詩文贊善王汝玉徐善述梁潛等多被賜宣德初
內閣大學士楊士奇等恒賜詩章七年七月屢賜御製
祖德詩招隱歌倚蘭櫺九年七月南京禮部尚書張英
迎復入見上特書製詩詞并緡錢二千緡賜之英退陳
於堂語人曰此吾稽古之力也大學士楊士奇黃淮等
被賜尤多其後列聖多用故事製詩章以寵詞臣正德
初賜御製寫懷等詩及蟠龍諸詩然未敢必其果出於
宸衷也今載祖宗御製數章於此直所謂昭回之光下
欽定四庫全書
翰林記
卷十六
十三
飾萬物者用以侈詞林之榮云洪武八年七日午時書
賜醉贊善大夫宋濂西風颯颯兮金張特會儒臣兮舉
觴目蒼柳兮裊嫋閱澄江兮水洋洋為斯悅而再酌弄
清波兮流光玉海盈而馨透泛瓊筆兮銀漿宋生微飲
兮蚤醉忽周旋兮步趨踴踴美秋景兮共樂但有益於
彼兮何傷永樂中冬至仁宗時監國賜贊善徐好古清
朝盛文治輔德資儒者念彼筋力倦趨朝諒非宜賦詩
有佳致納誨多良規起予得深趣歡懷浩無涯新陽屆

初復况此承平時酌勞見樽酒庶以勞期願宣德五年
御製贈大學士致仕黃淮歸永嘉天香蚤折仙桂枝筆
花五綵開鳳池蓬萊芝山直奎壁近侍九重天咫尺永
樂聖人臨御初鞠躬稽首陳嘉謨仁皇監國文華殿左
右謀猷共羣彥朕承大寶君萬方相與共理資賢良傾
心寫情任舊老而卿引疾先還鄉五歷星霜復相見霜
鬢蕭蕭秋滿面是時朝旭光升紫殿明相對清言良慰
情留之累月未盡意歸心又欲東南行太液清泠涵碧
藻楊柳芙蓉相映好鳬鷺瀾瀾弄澄波紫霧紅雲拂瓊
島芳叢在組酒在壺工歌鹿鳴續白駒君臣大義士所
重心須廷闕身江湖鴈蕩峯高青不極中有謝公舊遊
迹採芝斲苓可長年應在天南憶天北九年十一月甲
戌朔御製詩歌賜大學士楊榮武吏魏義青插天建溪碧水
相連延扶輿旁礴之所產往昔奮起多名賢只今繼續
揚華芬漢清白吏有遠孫明經策第登詞垣皇祖承天
御天下竭職論思靡餘暇懷忠秉誠履堅貞臨事果達



智識明禁中頗收材卓犖風雲驥足千里輕顧予菲德嗣天位盱食宵衣急圖治普天之下率土之濱安危休戚繫于一人大厦之興藉梁柱為邦必資輔弼臣御事文祖兼仁考歷年固多身未老方茲倚重傳與保士有大抱負堯舜其君民勗哉弼違補闕輔吾仁齊芳昔賢耀千春

賜門帖

吳元年陶安為學士凡國家制度禮文之事多所擬定欽定四庫全書

翰林記
卷十六

十四

御製門帖賜之曰國朝謀畧無雙士翰苑文章第一家

賜圖書

永樂二十二年九月仁宗命範白金為圖書四枚其文曰繩愆糾繆以賜師傅五人尚書兼詹事蹇義尚書夏原吉大學士楊士奇楊榮金幼孜也而榮與幼孜同受其一上諭之曰朕有過舉卿即具疏用此封識進來蓋責望臣輔之切如此士奇連上五章皆見嘉納洪熙元年四月有進言太平之政者上召義等以其章示之且

謂曰去年各與繩愆糾繆圖書蹇三人皆無一言豈朝政果皆無闕生民果皆安乎三人皆頓首有慙色既退復召義諭曰爾與士奇吾監國舊輔事有未當皆須直言勿有疑諱後又朝退召義與士奇至奉天殿出二敕二印賜二人義得忠貞印士奇得貞一印諭曰使後世知吾三人同心一誠也敕皆加獎二人皆拜受而退宣德二年二月上御文華殿召大學士楊榮賜以鍍金銀圖書五曰方直剛正曰忠孝流芳曰關西後裔曰建安楊榮曰楊氏勉仁而楊士奇所得者曰清方貞靖云

欽定四庫全書

翰林記
卷十六

十五

賜書籍翰墨

洪武八年三月上御乾清宮召學士宋濂問前御史中丞劉基行期在何日蓋基時告歸故也因扣其詳步出宮門濂從後至丹墀上忽顧內使張淵曰汝往取新刊文集一部賜濂濂叩頭謝訖淵引至典禮紀察司與司副李彬言記濂氏名于籍始頒授焉時受賜者惟太師李善長右丞相胡惟庸及濂三人而已永樂十三年七



月學士楊士奇等侍文華殿上出趙孟頫所書滕王閣序賜之其後列聖每刊刻書籍成必頒於大臣惟景泰二年賜修撰柯潛五倫書及五經四書成化二年十月賜本院官人各貞觀政要一部為異數餘不能悉計然記聖祖賜宋濂事獨詳者以見國初君臣相與之情藹然無間如此也

賜遊觀

永樂七年三月車駕至京命學士胡廣諭德楊榮金幼欽定四庫全書

翰林記
卷十六

十六

牧修撰王英等從遊萬歲山榮以母憂辭弗與特召之行皆賜賚之宣德三年十二月大學士楊榮等扈駕兩遊南海子賜羊酒及鈔八年四月二十六日上以時清氣和特命勲舊輔導文學之臣遊西苑翰林惟少傅楊士奇楊榮少詹事王英王直侍讀學士李時勉錢習禮時少保黃淮來自退休與焉自成國公朱勇而下几十五人敕中官導自西安門入聽乘輿馬及太液池而步遂得同覽奇勝首至新構圓殿殿臨太液池池之中多

嘉魚殿之左右多名花東去數十步又有嘉菜奇果上每躬自採摘以奉聖母皇太后甘旨繼至清暑殿此亦奉聖母遊覽之所規制宏敞巧妙天然花木森鬱實非世間所有既而登萬歲山池水環之如壁磴道逶迤奇石森列千形萬狀莫可備述山之中有三殿正曰仁智左曰介福右曰延和稍上則有玉虹金露方壺瀛洲四亭而廣寒殿在其頂瑤臺玉砌畫棟雕甍蒼松翠栢盤鬱垂陰恍然如在蓬萊仙境也良久退坐山下勅賜內欽定四庫全書

翰林記
卷十六

十七

庖酒饌皆珍奇之品莫不醉飽而歸榮記其詳如此學士楊溥嘗得賜觀九龍池其詳莫考可齋雜記云天順己卯四月六日有旨賜諸大臣遊西苑命中貴人引大學士李賢吏部尚書王翱與時等數人往苑在宮垣西中有太液池周十餘里池中架橋梁以通往來橋東為圓臺臺上為圓殿殿前有古松數株其北即萬歲山山皆太湖石堆成上有殿亭六七所最高處乃廣寒殿也池西南又有一山如之最高處為鏡殿此皆金元時所



造其餘殿亭皆今制而西稍南曰南臺則宣廟常幸處也是日賜宴於此皆霑醉而歸或有醉失儀者而學士李紹執禮逾恭時與賢皆記其事明年如之又明年亦如之又云是年七月賜尚書王翱馬昂并內閣學士三人遊南城中有宮殿樓閣十餘所此宣廟與上遊幸處也是秋新作行殿一所東為蒼龍門南為丹鳳門中為龍德殿左右曰崇仁廣智殿之北有橋橋皆白石雕水族於其上南北有飛虹戴鰲二牌樓東西有天光雲影

欽定四庫全書

翰林記
卷十六

十九

二亭又北疊石為山曰秀巖山上有圓殿曰乾運其東西二亭曰凌雲御風山後為佳麗門又後為永明殿最後為圓亭引流水繞之曰環碧移植花木青翠蔚然如夙成者既畢工乃命時與學士李賢呂原往觀焉受命頒行者太監裴當也宴畢乃回南城即東苑見前卷

賜觀燈

永樂十八年正月甲寅元宵節上御午門觀燈賜百官宴并示御製詩學士胡廣楊榮等奉和以進上覽而悅

之賜以羊酒鈔幣自是車駕駐兩京皆賜觀燈于午門以為例宣德三年正月戊戌元宵節賜文武大臣觀燈於萬歲山命中官侍宴學士楊榮進元宵賦賞鈔三千貫侍讀錢習禮等賦詩以進咸賜鈔有差五年正月丙辰元旦大學士楊士奇等奉命觀燈於萬歲山賜宴各以詩進賞鈔各六千錠七年正月乙亥元宵節賜觀燈於內苑仍賜內閣白金綵幣遣中官送于其第蓋自宣宗即位以來凡遇時節必賜侍臣以詩章及內醢珍羞

欽定四庫全書

翰林記
卷十六

十九

米而元宵為尤盛云英憲二朝尚武舉行成化十一年侍講程敏政元夕觀燈應制詩有曰五朝故事傳來久樂與民同上元酒想像先皇得衆心尚有燈詞播人口則是英廟曾製燈詞也

賜觀擊毬射柳

太宗朝端午賜觀擊毬射柳宣宗時踵行之學士楊榮等咸以詩詞進宣德四年端午賜扇及五色長命縷繫腰等物榮復為詩識之自天順辛巳迄成化戊子凡遇



端午輒賜牙骨聚扇上有御製清暑歌解愠歌及諸家繪畫金織扇袋五色圓壽絲縷虎頭條畫艾虎學士柯潛等受賜多為詩以志其榮焉而所謂毬射之戲漸不復舉豈走驃騎即其流耶

賜重陽宴物

宣德四年重陽節賜宴及御製詩一章七年亦如之仍賚以內醞珍羞大學士楊士奇等皆識其事

賜冬至臘日衣被

欽定四庫全書

翰林記
卷十六

三

冬至臘日例賜衣被宣德二年臘日賜內閣繡衣各二襲此尤異數也

賜觀走驃騎

天順三年三月五日賜文武觀走驃騎于後苑其制一人馳馬執旗引于前一人馳馬繼出呈藝于馬上或上或下或左或右騰擲趨捷人馬相得如此者數百騎後至乃為番服臂鷹走犬圍獵狀終場俗名曰走解而不知所自始豈金元之遺俗歟今歲一舉之蓋以訓武也

觀畢賜宴于回廊大學士彭時識其事如此

賜校獵獐兔

天順二年十月十日扈駕校獵南海子海子距城南二十里方百六十里闢四門繚以崇墉中有水泉三處獐鹿雉兔不可計籍海戶千餘家守視每獵則海戶合圍縱騎士馳騎于中亦所以訓武也是日扈從官皆蒙頒賜獐兔而內閣李賢等三人比諸人差厚云

賜觀閱騎射

欽定四庫全書

翰林記
卷十六

三

天順三年十月二十一日上御西苑閱將臣騎射召大學士李賢彭時等侍是日所閱皆侯伯都督都指揮諫三營把總管操者總兵官會昌侯孫繼宗廣寧侯劉安懷寧伯孫鏜都督趙輔具名籍進呈令逐一騎馬射箭以三箭為率上親按籍記中否有中二箭者中一箭者其中有不中而引弓發矢可觀者比中例試畢賜鈔有差而總兵暨賢等五人各賜鈔一千貫十二月閱御馬監勇士騎射亦如之先次有二三人畏避不赴者罪黜



之自是將士咸感德畏威知所奮勵云

賜姓名

洪武九年三月癸未以火爾赤為翰林蒙古編脩賜姓名曰霍莊水樂十六年三月上策會試士以李馬為進士第一御筆賜名騏驎傳三唱無敢應者上曰即李馬也乃出受詔二十二年三月上策進士內閣奏以孫曰恭為狀元上以曰恭名近暴字乃擢邢寬第一而改邢為邢志仁愛也寬後復之

欽定四庫全書

翰林記
卷十六

賜賞功金牌

正德五年寧夏平賜內閣大學士賞功金牌而詹事府事學士白鉞暨日講官皆預焉前此所未有也



翰林記卷十六

欽定四庫全書

史部
翰林記卷十七至二十

詳校官太常寺少卿臣陳桂森

編修臣程嘉謨覆勘

總校官原任中允臣王燕緒

校對官編修臣王嘉曾

謄錄監生臣許蔭培



欽定四庫全書

翰林記卷十七

明黃佐撰

正官題名

學士

陶安

王敬直隸當塗人吳元年由
著儒任終行中書省參政

宋濂

景濂浙江金華人洪武二年
由起居注升任終學士教旨

宋訥

時敏直隸滑縣人洪武二十
三年由助教陞任終祭酒

劉三吾

名如孫以字行湖廣茶陵人
由徵士洪武二十一年任

欽定四庫全書

翰林記
卷十七

董倫

安常北平宛平人由儒士洪
武三十一年以禮部侍郎兼

王景

景彰浙江松陽人由
貢士永樂元年任

解縉

大紳江西吉水人洪武戊
辰庶吉士永樂二年任

胡廣

光大江西南吉水人庚辰進士
第一永樂十年以大學士兼

金幼孜

名善以字行江西新淦人
進士永樂十四年四月任

楊榮

勉仁福建建安人庚辰進士第
一永樂十四年四月任終少師

黃淮

宗豫浙江永嘉人進士永樂
十二年任兼右春坊大學士

楊士奇

名寓以字行江西泰和人儒士
永樂十五年二月任終少師

楊溥

弘濟湖廣江陵人進士永樂
二十二年任後陞太常卿兼

沈度

民則直隸華亭人由楷書
永樂中任惟食祿不視事

李時勉

名懋以字行江西安福人
甲申庶吉士宣德中任

錢習禮

名幹以字行江西吉水人
永樂辛卯庶吉士終侍郎

蘭從善

有恒河南磁州人癸酉
貢由教授陞宣德中任

王一寧

一寧浙江仙居人戊戌進
士景泰元年以侍郎兼

陳循

德遵江西吉安人乙未進士第
一正統十年以戶部尚書兼

苗衷

秉真直隸定遠人辛卯進士
第二景泰元年以侍郎兼

欽定四庫全書

翰林記
卷十七

曹鼎

直隸寧晉人癸丑進士第
一正統十四年以侍郎兼

蕭鎡

孟勤江西泰和人丁未庶
吉士景泰元年以祭酒兼

江淵

時用四川江津人庚戌庶吉
士正統十四年以侍郎兼

王文

直隸東鹿人進士都御
史景泰四年兼終少師

商輅

弘載浙江淳安人乙丑進士第一
景泰元年任成化三年以侍郎兼

李賢

原德河南南陽人進士吏部
侍郎天順元年兼終少師

徐有貞

元之直隸吳縣人癸丑庶
吉士都御史天順元年兼

許彬

道中山東寧陽人乙未庶吉
士天順元年以禮部侍郎兼



薛瑄	德溫山西蒲州人進士大理寺卿天順元年兼終侍郎
陳文	安簡江西廬陵人丙辰進士第二順中任終少師
林文	恒簡福建莆田人宣德庚戌進士第三順中任
李紹	克述江西安福人宣德癸丑庶吉士天順中任
黃諫	廷臣陝西蘭縣人壬戌進士第三順二年任
彭時	純道江西安福人戊辰進士第一順元年十二月以太常寺少卿兼
呂原	達原浙江秀水人壬戌進士第二順元年任
劉定之	主靜江西永新人丙辰進士第一順元年八月以侍郎兼
欽定四庫全書	
柯潛	孟時福建莆田人辛未進士第一順元年八月以少詹事兼
萬安	循吉四川眉州人辛未庶吉士成化中任
王獻	惟臣浙江仁和人辛未庶吉士成化八年任
謝一夔	大韶江西新建人庚辰進士第一
丘濬	仲深廣東瓊山人甲戌庶吉士
徐溥	時用直隸宜興人甲戌進士第二
尹直	正言江西泰和人甲戌庶吉士
劉健	希賢河南洛陽人庚戌庶吉士

汪諧	伯諧浙江仁和人庚戌庶吉士
張元禎	廷祥江西南昌人庚戌庶吉士
程敏政	克勤直隸休寧人河間軍籍丙戌進士第二
吳寬	原博直隸長洲人壬戌進士第一
劉機	衡仲順天大興人戊戌庶吉士
江瀾	文瀾浙江仁和人戊戌庶吉士
楊廷和	介夫四川新都人戊戌庶吉士
梁儲	叔厚廣東順德人戊戌進士
欽定四庫全書	
劉忠	司直河南陳留人戊戌庶吉士
白鉞	東德直隸南宮人甲戌進士第二
張芮	文卿山西河東運司人戊戌庶吉士
靳貴	充道直隸丹徒人庚戌進士第三
蔣冕	敬之廣西全州人丁未庶吉士
劉春	仁仲四川巴縣人丁未進士第二
毛紀	維之山東掖縣人丁未庶吉士
石琚	邦彥直隸藁城人丁未庶吉士



毛澄

憲清直隸太倉州人癸丑進士第一

按天順元年以太常少卿兼侍讀劉儼掌院事二年以尚寶司卿兼侍講李紹掌院事與永樂中祭酒胡儼署院事皆不書者以非學士故事

侍讀學士

詹同

同文直隸休寧人洪武初任終學士承旨兼吏部尚書

秦裕伯

直隸大名元人進士洪武中任

魏觀

杞山湖廣蒲圻人元末仕偽洪武中任終蘇州府知府

欽定四庫全書

翰林記卷十七

解縉

見前

金問

直隸吳縣人由楷書永樂中任終禮部右侍郎

曾榮

子啓江西吉安人永樂甲申進士第一十五年六月由侍講陞

苗衷

見前

王直

行儉江西泰和人永樂甲申庶吉士終吏部尚書

李時勉

見前

錢習禮

見前

王達

達善直隸無錫人明經永樂中由助教編修升任

陳詢

汝同直隸華亭人永樂中進士終國子祭酒

劉鉉

公器直隸常州人貢士歷中書舍人正統中任終少詹事

陳循

見前

呂原

天順元年十二月任餘見前

張益

士謙應天江寧人乙未庶吉士中書舍人升任沒於主事

錢溥

原博直隸華亭人進士楷書正統中傳奉檢討天順元年任

倪謙

克讓應天上元人正統己未進士第三天順元年任

劉定之

天順中任餘見前

欽定四庫全書

翰林記卷十七

周洪謨

堯佐四川長寧人正統乙丑進士第二成化元年十二月任

吳節

與儉江西安福人宣德癸丑庶吉士成化三年以太常兼任

劉吉

祐之直隸博野人正統戊辰庶吉士

陳鑑

緝熙直隸吳縣人正統戊辰進士第二成化五年八月任

江朝宗

東之四川巴縣人正統戊辰庶吉士

彭華

彥賓江西安福人景泰甲戌庶吉士

傅瀚

曰川江西新淦人天順甲申庶吉士

楊守陳

惟新浙江鄞縣人景泰辛未庶吉士



王獻	見前
費閻	廷言直隸丹徒人 成化乙丑庶吉士
李傑	世賢直隸常熟縣人 成化丙戌庶吉士
李東陽	賓之湖廣茶陵人 天順甲申庶吉士
王鏊	濟之直隸吳縣人 乙未進士第三
吳儼	克溫直隸宜興人 丁未庶吉士
徐穆	舜和江西吉水人 癸丑進士第三
蔣冕	見前
欽定四庫全書	
顧清	士廉直隸華亭人 癸丑庶吉士
朱希周	懋忠直隸崑山人 丙戌進士第一
侍講學士	
朱升	公升直隸休寧人 國初以耆儒任
潘廷堅	升聞直隸當塗人 耆儒洪武初任
危素	大樸江西金谿人 元學士承旨洪武初任兼弘文館學士
王時	洪武初由元學士任
樂韶鳳	致和直隸全椒人 洪武初以兵部尚書任終祭酒

張以寧	志道福建古田人 洪武初由元學士任
李紳	葛均俱洪武十六年二月任
高巽志	名遜志直隸蕭縣人 洪武末任兼太常少卿
武周文	直隸慶都人 士永樂初任
王英	時彥江西金谿人 永樂甲申庶吉士終禮部尚書
曾鶴齡	延年江西泰和人 永樂辛丑進士第一正統中任
沈度	見前
劉鉉	見前
陳循	見前
欽定四庫全書	
蔣驥	良德浙江錢塘人 洪武末進士行人改升侍講終禮部侍郎
馬愉	性和山東臨朐人 宣德丁未進士第一終侍郎
苗衷	見前
高穀	世用直隸興化人 永樂乙未庶吉士
李泰	文通直隸香河人 正統戊辰庶吉士
呂原	見前
丘濬	見前
劉珣	叔溫山東壽光人 戊辰庶吉士
尹直	見前
汪諧	見前
李東陽	見前
焦芳	孟陽河南泌陽人 甲申庶吉士
陸簡	董越



吳寬	見前	謝遷	于喬浙江餘姚人 乙未進士第一
武衛	廷珍山東沂水人 戊戌庶吉士	張芮	見前
楊時暢	知休陝西咸寧人 戊戌庶吉士	毛澄	見前
吳一鵬	南夫直隸長洲人 癸丑庶吉士	屬官題名	
侍讀			
王佐	洪武二十三年 由知縣陞任	張信	浙江定海人 洪武甲戌進士第一
唐愚士	名之淳以字行 浙江山陰人 儒士洪武戊寅任	欽定四庫全書	
王景	景彰浙江松陽人 教官由薦舉	翰林記	
曾日章	直隸吳江人 秀才洪武末由知縣陞任	九	
胡靖	後改名廣見前	王灌	永樂初任
黃淮	見前	欽定四庫全書	
胡儼	若思江西南昌人 貢士召試永樂初任終國子祭酒	翰林記	
周述	崇述江西吉水人 永樂甲申進士第二永樂中兼左庶子	九	
曾鶴齡	見前	李時勉	見前
苗衷	見前	馬愉	見前

彭時	見前	孫曰恭	江西豐城人 永樂甲辰進士第三
林環	崇璧福建莆田人 永樂丙戌進士第一	尹鳳岐	江西吉水人 永樂戊戌庶吉士
陳詢	見前	欽定四庫全書	
習嘉言	名論以字行 江西新喻人 永樂戊戌庶吉士終詹事	翰林記	
江淵	見前	劉珣	見前
李本	立之四川富順人 戊辰庶吉士	彭華	見前
劉吉	見前	陳鑑	見前
周叙	功叙江西吉水人 永樂戊戌庶吉士	錢習禮	見前
孫賢	舜卿河南杞人 景泰甲戌進士第一景泰中任終太常少卿	欽定四庫全書	
尹直	見前	丘濬	見前
陸簡	見前	董越	見前
吳寬	見前	謝遷	見前
曾彥	士美江西泰和人 成化戊戌進士第一	楊守陟	惟立浙江鄞人 成化戊戌進士第一
楊廷和	見前	劉機	見前
江瀾	見前	白鉞	見前
毛紀	見前	羅玘	景鳴江西南城人 丁未庶吉士



傅珪	邦瑞直隸清苑人 丁未庶吉士	徐穆	見前
翟鑾	仲鳴山東諸城人 乙丑庶吉士	徐縉	子容直隸吳縣人 乙丑庶吉士
朱希周	見前		
侍講			
戴彝	德彞浙江奉化人 洪武甲戌進士第二終左拾遺		
方希直	浙江寧海人 洪武末由薦舉任終文學博士		
樓璉	士連浙江金華人 洪武末任	楊士奇	見前
金幼孜	見前	王進	汝嘉直隸長洲人 由薦舉永樂初任
欽定四庫全書	翰林記 卷十七		
王洪	希範浙江錢塘人 進士永樂中由修撰陞禮部主事		
陳循	見前	曹鼎	見前
胡儼	見前		
陳敬宗	光世浙江慈谿人 永樂甲申庶吉士終國子祭酒		
鄒緝	江西吉水人 由明經永樂中任終左庶子		
羅汝猷	名肅江西吉水人 永樂甲申庶吉士洪熙初降御史終侍郎		
余學夔	一夔江西泰和人 永樂甲申庶吉士		
劉永清	正統中任陞廣東左布政使		

劉球	求樂江西安福人 永樂辛丑進士主事改任		
儀銘	克新智之子儒士 正統中任改邸府	蘭從善	見前
諸懋	直隸丹陽人 進士吏科給事中宣德中升任終戶部尚書		
邢寬	見前		
洪璵	浙江淳安人 進士刑部主事宣德中升任終吏部尚書		
陳叔剛	福建閩縣人 辛丑進士主事改任		
陳全	福建長樂人 永樂丙戌進士第二	杜寧	宗謚浙江天台人 宣德丁未進士第二
王一寧	見前	高穀	見前
欽定四庫全書	翰林記 卷十七		
胡種	永齊廣之子以任 子正統中陞任	陳用	時顯福建莆田人 永樂辛卯庶吉士
孫曰恭	見前	劉鉉	見前
謝璉	重器福建龍溪人 宣德丁未進士第二終禮部侍郎		
徐理	更名有貞見前	蔣驥	見前
萬安	見前	江朝宗	見前
李泰	見前	李永通	貫道四川長寧人 天順庚辰進士第二
楊守陳	見前	徐瓊	時庸江西金谿人 天順丁丑進士第二
陳秉中	宗堯浙江烏程人 天順丁丑進士第三		

彭教	順甲申進士第一	天	程敏政	見
焦芳	見		謝鐸	鳴治浙江黃巖人順甲申庶吉士
陳音	師名福建莆田人順甲申庶吉士		董越	見
尹龍	成化己丑庶吉士			
王臣	世賞江西廬陵人成化己丑庶吉士			
劉戡	景元江西安福人成化己丑進士第二		王鏊	見
楊傑	廷俊山西平定州人成化己丑進士		梁儲	見
劉忠	見		張芮	見
欽定四庫全書	翰林記卷十七			
張天瑞	天祥山東清平人成化己丑進士第三			
武衛	見		張濬	仲湜廣西平南人成化己丑進士
鄧煥	廷耀福建閩人成化己丑進士		黃琦	廷璽浙江餘姚人成化己丑進士第二
沈熹	弘治癸丑庶吉士		吳一鵬	見
豐熙	原學浙江鄞人弘治己未進士第二		顧鼎臣	九和直隸崑山人弘治己丑進士第一
趙永	爾錫直隸臨淮人弘治己未進士		李時	宗易直隸任丘人弘治己未進士
穆孔暉	伯潛山東堂邑人弘治己未進士			
五經博士				

馮巨江	陝西蒲城人由薦舉永樂初任尋致仕	
王汝玉	名璉以字行直隸長洲人永樂初由薦舉任	
王進	名璉字汝器汝王之弟後更名永樂中任由訓導	
陳繼	初直隸吳縣人由薦舉洪熙初任國子博士改任	
張伯頴		金玉鉉
潘宸	時用浙江松陽人薦舉弘治初任終太常卿	
典籍		
吳伯宗	名同以字行江西金谿人洪武辛亥進士第一	
欽定四庫全書	翰林記卷十七	
孫賁	仲衍廣東南海人洪武庚戌進士左遷蘇州府經歷	
聶鉉	江西清江人洪武辛亥進士任致仕復起為會試考官	
馬定	洪武中任	張敏行
羅奎		王侗
劉中質	江西分宜人儒士任訓導洪武中任終禮部尚書	
陳壽		梁時
戴安		鄭叔美
金寶	用誠浙江開化人儒士永樂初任	李錫

王汝玉	永樂七年以右贊善兼檢討降任	高廷禮	名捷以字行福建長樂人儒士永樂中任
王恭	福建閩人儒士永樂中任	藍鼎	
周翰	維翰浙江鄞人貢士永樂丙戌副榜覆試第一終檢討	張禮	
牛麟		潘畿	
沈度			
黃約仲	名守以字行福建莆田人		
徐似	彥容直隸興化人丁酉貢士天順元年充會試同考	吳孜	
侍書			
欽定四庫全書	翰林記卷十七		
楊崧		聶同文	江西臨川人進士洪武任壬午六月卒
宋懌	濂之孫	黃淮	見前
芮善		劉彥銘	
鄒進		吳均	
唐恕		吳沈	濟仲浙江東陽人薦舉洪武中任
蘇伯厚		蔣暉	浙江錢塘人薦舉宣德中以禮部郎中兼任
程南雲	江西南城人	李宜	陞廣東僉事
朱銓		王遂	
		吳勝	
		鮑麟	

張翰	仍掌孔目事		
待詔			
朱善	備萬江西豐城人教官洪武八年召試第一授修撰後謫任		
孫作	大雅直隸江陰人儒士洪武中任	陳中復	應天江寧人薦舉洪武中任
沈士榮	福建人洪武中由儒士任	孔希信	
解縉	見前	高廷禮	見前
解榮		魯瑄	
趙琬	直隸武進人舉人永樂中任終右諭德	劉宗平	江西吉安人儒士永樂初任終檢討
滕用亨		王延齡	
文徵明		鄒循	
史官題名		潘辰	
修撰			
朱夢炎	仲雅江西進賢人儒士洪武初任終禮部尚書		
王傑	河南祥符人元助教洪武初任兼編修	李叔元	
孔克表	浙江東陽人孔子五十五世孫由薦舉洪武初任		
鮑頰	直隸休寧人儒士洪武初任兼編修		

趙新	浙江樂清人儒士訓導 洪武中由布政使改任
朱善	見前
申屠衡	直隸長洲人明經洪武初嘗草諭蜀書
丁顯	武彥輝福建建陽人洪武乙丑進士第一
任亨泰	湖廣襄陽人洪武戊辰進士第一
許觀	瀾伯直隸貴池人洪武進士第一累官尚寶卿終禮部侍郎
練安	子寧江西新淦人洪武乙丑進士第二終御史府御史大夫
黃湜	子澄江西宜春人洪武乙丑進士第三終太常寺卿
欽定四庫全書	翰林記卷十七
張信	見前
韓克忠	山東武城人洪武丁丑履試進士第一終按察僉事
王叔英	元采浙江黃巖人教官洪武末任死節
胡靖	見前
李貫	江西吉水人庚辰進士第三
徐旭	益昭江西樂平人洪武乙丑進士國子祭酒坐事改任
楊觀	梁潛用之江西泰和人儒士永樂中任兼贊善
王褒	福建閩人薦舉永樂中任
沈粲	民望直隸華亭人度之弟由楷書
答祿與權	河南永寧人仕元洪武中任終僉事



王英	見前
彭汝器	王直見前
羅汝猷	見前
余鼎	正安江西星子人永樂甲申庶吉士
林環	見前
張珙	宗海直隸常熟人明經永樂中由靖江府教授陞任
馬鐸	彥聲福建長樂人永樂壬辰進士第一
張伯穎	見前
蕭時中	名可以字行江西吉安人永樂辛卯進士第一
劉紳	桂中儒
連景賢	福建人
劉麟應	江西安福人永樂乙未庶吉士
李騏	彥良福建長樂人永樂戊戌進士第一
欽定四庫全書	翰林記卷十七
曾鶴齡	見前
邢寬	見前
姜洪	啓洪江西臨川人宣德癸丑庶吉士
林震	敦聲福建長樂人宣德庚戌進士第一
楊壽夫	福建建安人薦舉
邵宏譽	浙江餘姚人終按察副使
周旋	中規浙江永嘉人正統丙辰進士第一終春坊庶子
施槃	宗銘直隸吳縣人正統丙辰進士第一
王鈺	孟堅浙江諸暨人永樂壬辰進士第三終提學僉事



苗衷	前見	李紹	前見	蔣禮		胡禮	
劉儼	前見	商輅	前見	彭時	前見	孫賢	前見
柯潛	後陞尚寶司卿仍兼任餘見前	陳鑑	前見				
岳正	季芳順天涿人正統戊辰進士第二						
耿裕	好問河南廬氏人景泰甲戌庶吉士給事中陞						
鄭環	順夫浙江仁和人天順庚戌進士第一	黎淳	太僕卿順丁丑進士第一				
劉吉	前見	劉健	前見	汪諧	前見	王獻	前見
童緣	大章浙江錢塘人辛未庶吉士	邢讓	遼之山西襄陵人戊辰庶吉士				
欽定四庫全書							
曹恩		彭教	前見	王一夔	復姓謝前見		
吳鉞	鼎儀直隸太倉人天順甲申進士第二後復姓陸						
羅景	明仲江西泰和人天順甲申進士第三終國子祭酒						
羅倫	應魁江西永豐人成化丙戌進士第一降提舉復改任						
張昇	啓昭江西南城人成化己丑進士第一終禮部尚書						
吳寬	前見	謝遷	前見	曾彥	前見		
王華	德輝浙江餘姚人成化辛丑進士第一終南吏部尚書						
李旻	子陽浙江仁和人成化甲辰進士第一終太常卿						

費宏	子充江西鉛山人成化丁未進士第一	錢福	與謙直隸華亭人弘治庚戌進士第一				
涂瑞	邦祥廣東番禺人成化丁未進士第三	毛澄	前見	朱希周	前見		
倫文叙	伯疇廣東南海人弘治己未進士第一終右諭德						
康海	德涵陝西武功人弘治己未進士第一以事除籍						
顧鼎臣	前見	呂柟	仲木陝西高陵人正德戊辰進士第一				
楊慎	用修四川新都人正德平未進士第一	唐臯	守之直隸欽人正德甲戌進士第一				
張衍慶	仲承河南汲人正德辛未庶吉士	舒芬	國蒙江西進士第一				
楊維聰	達夫順天固安人正德辛巳進士第一						
欽定四庫全書							
羅復仁	江西吉水人薦舉洪武初任終弘文館學士	蘇伯衡	平仲浙江金華人				
宋濂	前見	張仲藻	張宣				
王禕	子充浙江義烏儒士洪武初以待制兼任	迮原霖					
唐肅		陳迪	王康	蔡玄			
蔣敬		廖賜	江西吉安人	吳沈	前見	朱廉	
趙璩		謝肅	浙江上虞人明經洪武中任				



陳敬	河南人儒士洪武	張唯	河南南陽人貢士洪武中任終叅政
張美和	江人明經洪武中任	王璉	宗器山東長山人貢士洪武中任終御史
王懌	洪武中任終御史	李端	張翀
張鳳	任敬	馬亮	
吳公願	桑慎	陳晟	吳昇
朱孟辨	徐尊生	高啓	季迪直隸吳人薦舉洪武中任陞戶部侍郎
周孟東	傅藻	武中任終按察使	
王釐	江西鄱陽人明經	馬京	陝西武功人洪武乙丑進士陞禮部侍郎
欽定四庫全書	翰林記		
齊麟	山西五臺人洪武乙丑進士禮部侍郎		
徐永達	河南歸德人貢士洪武末任中允終按察使		
葉砥	武履道浙江上虞人洪武唐震	武士亨福建侯官人洪武辰進士第二	
盧原質	希魯浙江寧海人洪武辰進士第三終太常少卿		
張顯宗	福建寧化人洪武辛未進士第二終布政司使		
吳言信	福建邵武人洪武辛未進士第三	戴彞	見前
景清	陝西真寧人洪武甲戌進士第二終都御史		
尹昌隆	彥謙江西泰和人洪武丁丑進士第二終春坊中允		

劉謬	塞臣浙江山陰人洪武丁丑進士第三一作葉宗可寧波人	王恕	山東長清人洪武丁丑進士第二焦勝洪武丁丑覆試進士第三
高翼志	見前	吳溥	江西臨川人庚辰進士終國子司業
楊溥	見前	鄭好義	
劉現	庚辰進士	楊子榮	更名榮見前
鄒進	江西萬安人洪武丁丑進士永樂初任		
朱紘	始名塔更名江西人庚辰進士給事中永樂初任	王進	見前
楊士奇	見前	歐陽謙	湖廣沔陽州人明經任御史永樂中任終吏部侍郎
王達	見前	陳完	仲完福建長樂人教官永樂初任終左贊善
欽定四庫全書	翰林記		
董琰	陸是瞻	黃淮	由侍書改中書舍人餘見前
楊敬	周述	周孟簡	江西吉水人永樂甲申進士第三終長史
陳全	見前	劉素	貞白江西永豐人永樂甲辰進士第三
苗揚	永樂辛卯進士第三	林誌	尚默福建閩人永樂壬辰進士第二終左諭德
王鈺	見前	李貞	永樂乙未進士第二終教授
陳景著	福建閩人永樂乙未進士第三終教授	王雅	格非江西吉安人教官永樂末由檢討陞
曹義	應天句容人永樂乙未庶吉士終南吏部尚書		
劉江	朝宗江西人永樂戊戌進士第一	鄧珍	永樂戊戌進士第二



周叙	功叙江西南吉水人永樂戊戌	習嘉言	見前
董麟	直隸人永樂	尹鳳岐	見前
楊珙	直隸人永樂	彭珙	江西安福人永樂
劉永清	見前	劉矩	直隸開州人永樂
裴綸	景寧湖廣監利人永樂辛丑進士第三終右布政使		
梁種	順天宛平人永樂	孫曰恭	見前
龔錡	良器福建人宣德	謝璉	見前
林文	見前終	趙恢	汝洪福建連江人宣德
欽定四庫全書	翰林記卷十七		
鍾復	宏彰江西永豐人宣德	蕭鑑	見前
薩琦	廷珪福建閩人宣德	吳節	見前
賴世隆	德受福建清流人	徐理	見前
林補	仲輔浙江永嘉人	劉定之	見前
楊鼎	宗器陝西咸寧人正統己未進士第二終戶部尚書	呂原	見前
黃諫	見前	周洪謨	見前
陳鑑	見前	岳正	萬安
劉吉	劉珥	劉昇	王俟

吳滙	周興	戚瀾	劉宣
楊守陳	王獻	童綠	徐溥
徐鐸	丘濬	彭華	尹直
牛綸	趙昂	徐瓊	陳秉中
李永通	鄭環	張元禎	汪諧
劉健	吳鈇	羅璟	李東陽
倪岳	焦芳	陳音	謝鐸
程敏政	陸簡	林潮	章懋
欽定四庫全書	翰林記卷十七		
宋應奎	黃孔昭	李傑	商良臣
丁溥	董越	費閭	尹龍
喬維翰	王臣	劉震	李仁傑
劉戩	王鏊	楊守趾	曾追
梁儲	張濬	楊傑	教山
劉忠	于材	徐鵬	鄧燧
江瀾	馬廷用	黃珣	張天瑞
白鉞	王敕	劉春	涂瑞



程楷	蔣冕	黃穆	傅珪
華巒	吳儼	蘇葵	羅玘
劉存業	靳貴	徐穆	羅欽順
顧清	沈燾	吳一鵬	汪俊
周玉	黃澗	王瓚	陳澗
濮韶	陳霽	葉德	賈詠
豐熙	劉龍	孫清	李廷相
魯鐸	溫仁和	李時	滕霄
欽定四庫全書	翰林記 卷十七	二十五	
何瑋	畢濟川	董玘	謝丕
崔銑	嚴嵩	湛若水	陸深
翟鑾	徐縉	景暘	戴大賓
潘辰	許讚	邵銳	黃芳
劉仁	余本	鄒守益	許成名
劉棟	張璧	應良	尹襄
劉朴	費家	張潮	王思
孫承恩	劉泉	林文俊	孫紹

黃初	蔡昂	倫以叙	崔桐
汪佃	余承勛	黃易	江暉
劉世盛	葉桂章	葉式	馬汝驥
王三錫	陳沂	鄭灝	陸鈇
費懋中	孫元	廖道南	江汝璧
童承叙	黃佐	王相	王同祖
王用賓			
檢討	國子監丞等官及王府 長史互兼者俱不書		
欽定四庫全書	翰林記 卷十七	二十六	
吳伯宗	茹太素	洪武中任終 戶部尚書	周煥奎
高孟文	吳文	蔡福南	
宋琮	江西吉水人洪 武丁丑進士	陳成	
陳惟善	浙江山陰人洪武甲戌 進士行陞禮部郎中	胡儼	
金幼孜	見前	鄒緝	見前
陳繼	見前	王洵	見前
陳繼	前	王汝玉	見前以修書降 翰林典籍
廖敬先	由訓導永 樂中任	蕭引高	江西吉水人 永樂中任
王延齡	見前	張伯穎	王雅
			見前



楊翥	仲舉直隸吳縣人薦舉 洪熙初任終禮部尚書	余學夔	見前
劉永清	蔣驥由行人 陞見前	錢習禮	陳璣
許彬	周翰	連智	劉宗平
解榮	潘畿	蘇伯厚	陳用
劉麟應	黃壽生 行人福建莆田人 辛卯庶吉士	胡讓	
王積	直之子嘗掌 南京院事	胡種	康政 中振終提 學僉事
馬信	周貴	王玉	王振 更名
姜洪	見前	李紹	見前
欽定四庫全書	何瑄 孟與四 川人	邢讓	見前
李本	見前	張業	振烈
馬昇	成化初孔目 仍掌孔目事	周經	鄭紀
張順	傅瀚	張泰	吳希賢
莊景	陳獻章	李昊	劉機
張芮	楊廷和	楊時暢	李遜學
石珪	毛紀	薛格	汪偉
王九思	劉瑞	周禎	鄭端明
段冕	穆孔暉	孫紹先	易舒誥

張邦奇	許誥	焦黃中	胡縉宗
金臯	吳惠	郭維藩	王元正
陳寰	張衍慶	邊憲	張星
蕭與成	林時	季方	湯惟學
席春	劉夔		
孔目	首領官題名		
沈寅	杜謙	劉敷	李萬華
欽定四庫全書			
宋敏	馬昇	趙鳴鳳	張憲
南京掌院題名			
胡儼	永樂十四年以侍講 兼國子祭酒掌院事	陳全	永樂十八年以侍講 與編修張伯顏留署始
張伯顏	見上	馬鐸	永樂中以修 撰掌院事
陳用	宣德中以侍講署 院正統七年卒	周叙	正統十一年任南京侍 讀學士景泰二年卒
邢寬	景泰三年任南京 侍讀學士五年卒	王積	以南京檢討兼國子 監丞代邢寬署院六年卒
周洪謨	天順二年以侍講改南京 侍讀八年陞侍讀學士		
王輿	成化二年任南京學 士三年丁母憂去	陳秉中	成化四年任南京侍 讀九年丁母憂去

錢溥	成化九年自開仕起 用為南京學士後陞	徐瓊	成化中任南京侍讀 學士六年引疾去
吳希賢	成化二十三年任南京 侍讀學士弘治二年卒	張元禎	弘治四年任南京侍 讀學士八年引疾去
曾彥	弘治七年任南京侍讀學 士食正五品俸十年致仕	馬廷用	弘治十年任南京侍 讀學士十五年陞
吳儼	弘治十五年任南京侍讀學 士正德元年以纂修改本院	石珪	正德元年任南京 侍讀學士四年陞
豐熙	正德四年以右諭德掌院事 正德十六年以纂修改北	欽定四庫全書	翰林記 卷十七
嚴嵩	正德十六年以 侍讀掌院事	翰林院官入閣題名	
解縉	由侍讀入 閣辦事	胡廣	侍講
楊士奇	編修黃淮 修	金幼孜	檢討
陳循	以上七人俱洪武 三十五年九月任 戶部侍郎兼學士正 統十一年二月任	楊溥	太常卿兼學士洪 熙元年閏七月任
苗衷	侍讀曹鼐 講	高穀	侍講
商輅	編修正統 十四年任	馬愉	侍講 學士
彭時	編修正統 十四年任	以上四人俱正 統十一年任	

江淵	戶部侍郎兼學 士景泰元年任	王一寧	禮部侍郎兼學 士景泰元年任
蕭鑑	國子祭酒兼學 士景泰元年任	王文	景泰元年十月內太子少保兼都察院左都御 史入閣辦事四月二日始陞太子太保吏部尚 書兼
徐有貞	天順元年正月由都察院左副都御史兼學 士入閣參預機務有貞本名理由侍講陞	薛瑄	天順元年正月由禮 部侍郎兼學士任
呂原	通政司參議兼侍講 天順元年六月任	李賢	天順元年三月由吏 部侍郎兼學士任
彭時	太常少卿兼侍講天 順元年九月再任	岳正	修撰天順元 年六月任
欽定四庫全書	翰林記 卷十七	劉定之	太常少卿兼侍講學士 天順二年十二月任
翰林記卷十七			



欽定四庫全書

翰林記卷十八

明黃佐撰

大學士題名

華蓋殿

劉仲質

由禮部尚書洪武十五年十一月任

楊士奇

永樂二十二年八月由左春坊大學士陞禮部左侍郎兼任

張英

子玉直隸邢臺人貢士宣德元年以禮部尚書任

陳循

景泰七年五月以少保兼太子太傳戶部尚書兼任

欽定四庫全書

翰林記卷十八

徐有貞

天順元年三月丙子尚書武功伯兼任

李賢

萬安

劉吉

劉健

李東陽

楊廷和

梁儲

謹身殿

楊榮

永樂二十二年九月丁酉以太子少傅兼任

陳山


子高福建沙縣人教官宣德二年以戶部尚書任

高穀

景泰七年五月以少保兼太子太傳工部尚書任

王文

景泰七年五月以少保吏部尚書兼任



胡廣	永樂十四年四月 乙亥由學士改任	楊榮	永樂十八年閏正月 丙子任兼本院學士
金幼孜	陳循	景泰元年十一月以太子 太保兵部尚書兼任	徐溥
商輅	成化十一年四月 以戶部尚書兼任	劉珏	劉瑾
劉吉	劉健	丘濬	李東陽
謝遷	楊廷和	靳貴	蔣冕
袁宗皋			
東閣			
吳沈	洪武十五年十 一月由典簿陞	王文	景泰四年以少保 吏部尚書兼任
欽定四庫全書	翰林記 卷十八		
高穀	景泰元年十一月以太 子少保工部尚書兼任	謝遷	
詹事府題名			
唐鐸	直隸鳳陽人洪武中以 太子太保兵部尚書兼		
辛彥德	由左僉都御史洪武 二十九年六月陞任		
任亨泰	見前洪 武中任	金忠	浙江鄞人燕府長史永 樂中以兵部尚書任
蹇義	宜之四川巴人洪武乙丑進 士永樂中以吏部尚書兼任		
向寶	江西進賢人洪武乙丑進士 洪熙元年以右都御史任		

黃福	如錫山東昌邑人永 樂中以戶部尚書任	習嘉言	陳文
彭華	成化十七年 任尋兼學士	費閭	
少詹事			
李文吉	趙毅	河南汝陽人儒士永樂 中以兵部右侍郎任	
墨麟	永樂初以兵 部右侍郎任	任亨泰	
祝春	郭敦	山東堂邑人貢士永樂 中以吏部侍郎兼任	
俞士吉	浙江寧波人永樂 中以刑部侍郎任	郭璉	直隸新安人永樂 中以吏部侍郎任
王英	宣德初兼侍 讀學士任	王直	宣德初兼侍 讀學士任
欽定四庫全書	翰林記 卷十八		
曾榮	宣德初兼侍 讀學士任	鄒濟	浙江餘姚人 由訓導任
吳中	山東武城人宣德 中以工部尚書兼	薩琦	正統末以禮 部侍郎兼
柯潛	兼學 士	萬安	李泰
王獻	兼學 士	彭華	黎淳
汪諧	弘治初兼 侍講學士	陸簡	兼侍講 學士
吳寬	謝遷	王鏊	周詒
府丞			
楚樟	山東朝城人洪 武中由明經	杜澤	山東沂水人由訓導 洪武中任吏部尚書



朱原貞	陸中善	周孟簡
黃宗載	江西豐城人進士永樂中以吏部侍郎兼	
李齡	景齡廣東潮陽人貢士由學士正統末陞任	
楊守陳	李侃	以上惟錄事主簿通事舍人不可考姑闕之以俟知者
春坊題名		
左春坊大學士		
董倫	李至剛	名銅以字行浙江寧海人明經永樂初禮部尚書任
楊士奇	胡廣	曾棨
欽定四庫全書	翰林記	卷十八
楊廷和		
右春坊大學士		
解縉	永樂	李至剛
王英	劉儼	兼侍講景泰三年任
左春坊左庶子		
劉靖	鄭濟	黃淮
鄒緝	周述	鄒濟
陳山	永樂中舉人由教官遷吏科給事中洪熙元年任	童緣

王與	成化初	徐溥	黎淳	李東陽
劉健	兼侍講	張昇	吳寬	謝遷
毛澄				
右春坊右庶子				
關賢	王勲	胡廣	永樂初任	楊榮
王直	李紹	景泰中任	周旋	劉定之
童緣	劉宣	陸簡	董越	
左春坊左諭德				
欽定四庫全書	翰林記	卷十七	六	
秦壙	盧德明	趙肅		
趙瑁	河南宜陽人儒士洪武中由知府任吏部尚書	胡儼		
楊士奇	周述	王獻	兼修撰成化五年任	
謝一夔	黎淳	李旻	曾彥	
楊守趾	劉春	費宏	毛紀	
傅珪	溫仁和	顧鼎臣	董玘	
右春坊右諭德				
張昌	何顯周	直隸內黃人洪武中任	楊榮	

金幼孜	趙琬	黎恬	潛暉江西清江人進士知府正統中任
林誌	兼侍讀宣德中任	童緣	劉宣
劉健	汪諧	傅瀚	劉戩
王鏊	王華	蔣冕	毛澄
倫文叙	豐熙	趙永	李時
左春坊左中允			
全思誠	徐永達	吳嘉靖	永樂中新淦學訓導任
于敬	永樂七年任	李賢	永樂七年任
張宗璉	重器江西吉水人甲申庶吉士洪熙元年任		
欽定四庫全書	翰林記卷十八		
尹昌隆	周幹	林長懋	
孔諤	宣聖五十七代孫永樂七年由舉人乙榜第一	王愷	永樂初由知縣陞
高壽	永樂中由寧州學正陞	蔣禮	楊鼎
倪謙	周經	孫賢	吳儼
楊廷和	傅珪	賈詠	
右春坊右中允			
金幼孜	李貫	永樂初任兼修撰	王英
劉子春	韓守益	黃宗義	朱孔暘



裴璉	汝器湖廣監利人監生任御史永樂九年陞任	吳均	永樂中由中書舍人陞任
儀智	山東高密人教官永樂初以右通政兼終禮部左侍郎	黃琮	永樂九年由北京國子監助教陞任
趙文	永樂九年由岳州府學教授陞任	戴綸	
呂原	永樂九年任	劉珣	
柯潛	兼修撰景泰三年任	景暘	
左春坊左贊善			
門克新	陝西秦州人儒士洪武中任終禮部尚書		
欽定四庫全書	翰林記卷十八		
凌漢	謝三吾	馮獻	
許思溫	永樂初以吏部左侍郎兼	陳仲完	見前仍兼編修
梁敬	徐善述	好古天台人由教官陞博士永樂中任	
王汝玉	永樂七年任	牛綸	周汝謨
劉俊	張元禎	張昇	費宏
右春坊右贊善			
王俊華	馮冕	河南孟縣人儒士洪武中任終刑部尚書	
李繼鼎	順天大興人監生永樂初以禮部郎中兼任		



陳濟	直隸武進人儒 士永樂初任	王汝玉	永樂初任 集檢討
梁潛	永樂五年 以修撰兼	錢溥	楊時暢
左春坊左司直郎			
魏德壽	洪武 中任	汪仲魯	直隸休寧人儒 士洪武初任
徐善述	永樂 中任	王子沂	金寶
王淪	永樂七年由 庶吉士任	許勝	永樂九年 由御史陞
蔣驥	高穀	萬安	李恭
右春坊右司直郎			
欽定四庫全書	翰林記 卷十八		九
曾恕	王文貴	四川中江人 洪武中進士任終太僕右少卿	
晁鑄	景範河南鄆城人 由助教永樂初任八年以年八十致仕	王邦彥	
劉端	陞大理寺丞 林聰李聰福建寧德人進士 由都給事成化初陞		
左春坊左清紀郎			
宋賓	河南洛陽人 大學士洪武中任終右布政使		
楊正	永樂初由刑 部司務陞		
右春坊右清紀郎			
黃恭德	江西瑞州人 貢士洪武中任終吳王府審理正		

楊斌	永樂初由國子博士陞								
左春坊左司諫									
袁實		郭濟		劉允恭		張輓			
周冕		程禧		黃貫					
右春坊右司諫									
顧道		張伯原		張詳		梁良			
司經局題名									
洗馬									
欽定四庫全書		翰林記 卷十八							
詹紱	同之孫洪武中任	楊溥	永樂初任仍兼編修						
姚友直		芮善		蘭從善		柯潛	景泰中任兼修撰		
李紹	景泰中任兼修撰	劉定之		司馬愉		楊守陳			
江朝宗		羅璟		梁儲		楊傑			
滕霄									
校書									
吳牧	永樂初由戶科給事中兼	杜澤		梁儲					
劉真		徐溥		丘濬		傅瀚			



吳儼	靳貴	正字	桂彥良	名儒以字行慈谿人儒士洪武初任終長史	魏德壽	洪武中任
林文	江秉心	儒士洪武十二年試職	梁質	永樂初由吏科給事中兼	金問	王雅
劉鉞	趙昂	謝宇	周文通	劉榮	題名雜誌	欽定四庫全書
翰林院學士承旨	翰林院直學士	詹同	樂韶鳳	宋濂	翰林院待制	翰林院直學士
范常	陳桎	子桎浙人	王禕	見前洪武初任	張羽	來儀浙江烏程人薦舉
黃哲	吳沈	王僕	秦裕伯	洪武初典職陞任	秦裕伯	洪武初典職陞任

翰林院應奉	趙震	殷哲	山東膠州人貢士洪武中任終中書左丞	郭傳	唐肅	處敬浙江山陰人儒士洪武中任	翰林院典簿	瞿莊	鄒孟遠	太子贊善大夫	宋濂	孟益	李希顏	河南陝縣人	章溢	三益浙江龍泉人洪武初以御史中丞兼任	欽定四庫全書	庶吉士題名	按洪武乙丑庶吉士陳港等	永樂甲申科	凡六千人在本院讀書其選在文淵閣進學者同首甲曾榮等凡二十八人後增周忱為二十九人云	楊相	王直	王訓	浙江開化人刑部主事終禮部	彭汝器	余學夔	童朴	劉子欽	盧翰	邦臣江西星子人刑部主事	熊直	江西豐城人	王道	羅汝敬	沈升	浙江寧海人刑部主事	柴廣敬	王英	金鼎	楊流	江西吉安人終刑部主事	段民	時舉直隸武進人刑部主事終戶部右侍郎	洪順	刑部主事
-------	----	----	------------------	----	----	---------------	-------	----	-----	--------	----	----	-----	-------	----	-------------------	--------	-------	-------------	-------	---	----	----	----	--------------	-----	-----	----	-----	----	-------------	----	-------	----	-----	----	-----------	-----	----	----	----	------------	----	-------------------	----	------

楊勉	宗鼎應天江寧人刑部主事終刑部右侍郎	吾紳
章敞	尚文浙江會稽人刑部主事終禮部左侍郎	
李時勉	倪維哲福建晉江人刑部主事終郎中	陳敬宗
袁添祿	湖廣衡山人已上應二十八宿之數	
周忱	如江西吉水人刑部尚書蕭省身江西泰和人終左布政使	
林正	李昌祺名祺以字行江西泰和人禮部郎中終左布政使	
江鐵	福建建安人御史終參政	杜欽
黃惟正	郎慶	王昇
徐聽聰	羅亨信	鄭蘭
田忠	周玉	
張宗璉	重器江西吉水人刑部主事遷中允陞大理寺丞	李貞
張侗	獨孤樂善蕭寬江西吉水人兵部主事終左布政使	
孫子良	浙江海寧人兵部郎中終左參政	洽順
喻則成	白瑜	魏遲
永樂丙戌科	十三人	
江殷	胡啓先	孫迪
張叔豫	張文選	
李岳潤	陳孟潔	鄭復言

蕭福	曾春齡	曹閻	盧永
黃獻			
永樂辛卯科			
楊慈	錢習禮	陳遂	陳用
王源	黃壽生	劉永清	丁濬
馬信	李衡	直隸當塗人授主事終工部右侍郎	
永樂甲辰科			
方復	成敬	王道	方懋德
永樂乙未科			
王翱	九臯直隸鹽山人大理寺正終吏部尚書	高穀	許彬
陳鏞	禮部主事曹義	張益	連智
劉應麟	黃璫	宋魁	宋琰
鄭雍言	周貴		
永樂戊戌科			
周叙	楊珙	陳詢	習嘉言
尹鳳岐	董璘	莫紹賢	黃宗載



周懋昭	羅坤泰	宣德丁未科	蕭鑑	宣德庚戌科	薩琦	吳節	王振 更名	王玉	賴世隆	逯端	董鋪 錢塘人永豐知縣	江淵	李崇	方熙	鄭建	尹昌	劉實	欽定四庫全書	宣德癸丑科	徐理 更名有貞	姜洪	何宣	李紹	劉益	葉元桂 浙江永嘉人知縣	林補	正統丙辰科	王鑑 欽正江西	雷復 景陽湖廣人	劉鉞	伊侃	趙象	正統戊辰科	是科凡二十人在外公署讀書	萬安	劉吉	劉珦	李本
-----	-----	-------	----	-------	----	----	----------------------	----	-----	----	---------------------------	----	----	----	----	----	----	--------	-------	------------------------	----	----	----	----	----------------------------	----	-------	------------------------	-------------------------	----	----	----	-------	--------------	----	----	----	----

李泰	邢讓	王恕 宗貫陝西三原人大理寺評事終吏部尚書	尹昱 同仁山東歷城人給事中終吏部尚書	孫昱 廷昭山東人	景泰辛未科	等同進學于東閣	吳滙	周輿	戚瀾	童綠	王獻	劉宣	楊守陳	張業	江朝宗	劉清 康夫主事終兵部侍郎	景泰甲戌科	十八人在館修寰宇通志	丘濬	夏時	耿裕	孟勳	彭華	劉鈺 伏和江西人	吳禎	嚴淦	尹直	金紳 縉鄉	馮定	甯珍	何琮	陳政 宣之番禺人御史終雲南副使	陳龍 亮	牛綸	黃甄	王寬	天順庚辰科	十五人此後俱在公署讀書	劉健	張元禎	周經	汪諧	楊英 希正福建建安人	鄭紀	王範	張熙
----	----	-------------------------------------	-----------------------------------	-------------------------	-------	---------	----	----	----	----	----	----	-----	----	-----	-----------------------------	-------	------------	----	----	----	----	----	-------------------------	----	----	----	----------------------	----	----	----	--------------------------------	---------------------	----	----	----	-------	-------------	----	-----	----	----	---------------------------	----	----	----



天順甲申科	李東陽	謝鐸	傅瀚	陳音
張泰	倪岳	焦芳	吳希賢	
郭壘 文瑞	劉大夏 時雍湖廣華容人主事終兵部尚書	張達		
張敷華 公實江西人	計禮 汝和江西人主事			
劉淳 尚質四川巴中人中書舍人吏部員外郎				
成化丙戌科 二十四人	林瀚	章懋	黃仲昭	李傑
欽定四庫全書	翰林記卷十八	十七		
商廷臣	莊景	石淮	王俊 世英福建人	
陳晟 美宣南海人主事終知府	畢瑜 廷珍	章溢 孟元		
宋應奎				
成化己丑科 十五人	費閭	陳斌 德章廣東順德人御史	尹龍	
王臣	喬維新	方珪	李介	
馮蘭 佩之				
成化戊戌科				

梁儲	鄧燝	劉忠	敖山	
劉機	楊傑	江瀾	武衛	
馬廷用	張潔	楊時暢	于材	
徐鵬	張芮	楊廷和	李經	
陳璠	陳邦			
成化丁未科 三十人	程楷	華巒	蔣冕	傅珪
羅玘	蘇葵	黃穆	吳儼	
欽定四庫全書	翰林記卷十八	十八		
李遜學	石珪	毛紀	歐陽鵬	
李充嗣	劉丙	鄭照	李漢	
楊廉	鄒智	任儀	萬宏璧	
方達	伍符	李文祥	閻价	
弘治癸丑科 二十人	顧清	周玉	沈燾	吳一鵬
汪俊	黃瀾	薛格	吳舜	
楊昇	蕭柯	陳玉	王崇文	



王績	文質廣東東莞人給事中終南京戶部尚書	許天錫	啓秉福建人
曹鏐	良金	汪獲麟	
弘治丙辰科	二十人		
顧潛	濮韶	楊禔	陳鳳梧
賈詠	汪偉	陳琳	王疇福建莆田人
劉瑞	王九思	陳霽	葉德
張紹齡	壽御廣東番禺人	王崇獻	
華景	文光直隸無錫人給事中終左布政使	陳諮	陶諧
欽定四庫全書	翰林記卷十八		
徐春	陳暘		
弘治壬戌科	二十人		
胡煜	魯鐸	趙永	畢濟川
何瑋	溫仁和	李時	滕霽
潘希曾	仲魯浙江人給事中終右都御史	王萱	李貫
薛金	戚端明	周禎	王廷相
朱哀	吉時	張禴	顧昇
李元吉			

弘治乙丑科	三十人		
崔銑	嚴嵩	湛若水	陸深
徐縉	翟鑾	蔡潮	高濂
林文迪	傅元	邵天和	穆孔暉
段昊	安邦	易舒誥	胡鐸
孫紹先	張邦奇	方獻科	黃如金
閔楷	馬卿	李父	安磐
趙中道	倪宗正	張九叙	王韋
欽定四庫全書	翰林記卷十八		
劉寓生	蔡天祐		
正德辛未科	三十人		
許成名	尹襄	張潮	劉朴
孫承恩	劉棟	劉泉	王思
應良	張璧	吳惠	費霖
張衍慶	林文俊	孫紹祖	王元正
金臯	陳震	張鰲山	許復禮
田荆	郭維藩	劉夔	洗尚文



戴顓	劉成德	黃臣	俞敦
張翀	王道	徐之鸞	邊憲
祝續			
正德丁丑科	三十人		
汪佃	余承勛	汪應軫	黃易
江暉	王廷陳	史道	劉世盛
陳沂	曹懷	馬汝驥	汪思
葉式	鄭自璧	廊灝	季芳
史于光	閻闕	劉世揚	王邦瑞
席春	葉桂章	王三錫	湯惟學
張星	曹嘉	廖嘽	許宗魯
劉穆	楊士雲	蕭與成	黎貫
林時	儲昱		
正德辛巳科	四十人		
廖道南	江汝璧	詹泮	鄭一鵬
童承叙	黃佐	杜桐	倫以諒

[illegible]

欽定四庫全書

翰林記卷十九

明 黃佐 撰

學士榮選

丘濬曰宋人有言宰相有責任之憂神仙乏爵位之寵
既都榮顯又享清閒惟學士然也學士之職在前代為
榮選然所掌者大封拜大詔令大制作之外下至於青
詞齋文口宣致語之類無大關係者皆俾為之殆無虛
日榮則榮矣然謂之清閒則恐未也較之他曹局稍為

欽定四庫全書

翰林記
卷十九

優爾我朝之制制誥詔敕之外編纂講讀之餘一切屏
去浮文凡前所謂禱祈宴會之事恒希有焉其職務尤
為清閒也若南京則諸司留務比舊為簡而翰林殆甚
焉又曰太宗始簡儒臣入內閣司王言遂預幾密故事
非負宿望通經術有文藝者弗得與列聖相承率用翰
林儒臣為之其選至嚴也一時臺省巨僚雖有奇才異
能亦皆安然遜避不敢萌毫髮覬覦意近世乃有以攀
援來自他途者於館閣故事多有所更革蓋學士之選

至永樂以後責任重矣濬常與楊守陳諸人賦學士四
榮詩謂經筵進講史局修書殿試讀卷禮闈主試也然
人臣之義以盡職為榮以寵光為館閣故事惟宣德以
前為可遵法然至今有未能復者率舊章以成德業不
能無厚望於新政也

儲養人才

劉儼曰士莫先於涵養涵養久則德性堅定知慮精純
言行操履正大篤實出而居大位任大事豈惟不動心

欽定四庫全書

翰林記
卷十九

哉且有執而不失也今之涵養於官莫如翰林所聞者
聖賢之言所習者聖賢之行於凡錢穀簿書之事機械
變詐之巧一無所動於中而其養純矣故前後自翰林
出者率非尋常可及蓋當因儼是言而求國朝建設本
院之初意矣官無定員凡以儲英俊也職無專掌凡以
求通儒也置之中秘凡以廣器識也列之近侍凡以資
薰陶也然必已德既修而後上德可成如徒曰文藝而
已矣則所以輔導者先無其本而何以為任大負重之



地哉故前輩官是院者上體朝廷造就儲用之意以涵養德器變化氣質為先苟以交結趨走為圖機視聖賢學術為長物而事業不能少自見則雖謂之冗員可也

前輩學行

前輩學行世皆稱學士薛瑄為館閣傑然者瑄以復性為教嘗曰格物只是格箇性吾於日用之間必體察之何事是仁之發見何事是義之發見至於萬物各具一理萬物同出一原是貫通處也每以聖賢為師隨其所

欽定四庫全書

翰林記
卷十九

三

寓圖書箴規一言一動於理稍有遺失便覺身心不安取與必揆諸義一毫不苟於富貴利達泊如也然劉定之則病其無著述謂其直躬慕古談道淑徒然與朱子諸徒相並若黃直卿輔廣之親承微言金履祥許謙之推衍諸說尚未知何如也今瑄有所著讀書錄行于世亦可以見其躬行之大畧矣近世士論又推祭酒章懋蓋皆學有所得者後進之士所當師也

前輩風節

洪武五年正月待制王禕使雲南六月達其境已故元梁王不屈六年十二月遇害洪武壬午內難平禮部侍中黃觀修撰王叔英皆死之觀由修撰陞者有司請戮上曰彼食其祿自盡其心爾皆置不問正統間上恭儉與民休息第蔽於權倖政務乖張災異數見侍講劉球上疏言事太監王振假他事下之獄遂罹極刑此皆遇變故者洪熙中侍讀李時勉言事累被箠不死繫之獄宣德元年冬駕幸萬歲山召問以激怒先帝之由詢至再四乃誦言之至第六事少止上曰事尚有何以不言對曰天威嚴重臣不能悉記其詳上微笑曰是第難言耳汝有諫稿在否對曰已焚矣遂得宥仍授侍讀稍遷侍讀學士上一日懷金錢至史館撒之于地令諸臣拾取時勉獨正立上呼至前以袖中餘錢賜之其風節始終不渝如此後遂襲為故事正統景泰中踵行之侍講高穀年老擁腫不能俯拾同列代拾與之上望見以為笑英宗復辟聞時勉事覺其非禮乃罷不行世以是益

欽定四庫全書

翰林記
卷十九

四



賢時勉云天順初編修楊守陳被旨授徒內侍監辭不
許後所教中人已多貴幸凡預教者率因之以進獨守
陳泊然無少藉有欲出力援之則謝曰我嫠婦也抱節
三十年矣乃垂老而改志邪縉紳往往傳誦其言蓋授
徒內侍監始自陳山張瑛後有檢討錢溥遂以為例溥
累遷侍講學士以漏泄禁中語謫知縣云後竟有援之
以起者官至南京吏部尚書而守陳竟不大顯學士呂
原在內閣忠國公石亨與宦者吉祥用事每相視輒曰
欽定四庫全書 翰林記 卷十九 五
吾輩行當為先生易緋屨言之原自若也修撰岳正與
原共列吉祥罪狀于上未發亨等覺之乃共摘正與原
所草承天門詔語以激上怒上御便殿召近臣厲聲曰
正欺罔敢爾原素謹厚乃助之何也既退人危之原曰
死生天也懼何為正謫去原得免然官竟不遷而卒是
時朝士多附亨等原子童緣不往世以是稱之成化中
司禮監太監黃賜母死省寺監院無弗弔祭翰林獨未
之詣一日侍講徐瓊言於衆曰時且如此獨得不往乎

衆或應或默侍講陳音奮然怒作而言曰堂堂翰林相
率而拜內臣之門天下其謂何斯文其謂何詞氣憤激
聲淚俱下於是言者大沮事遂已汪直之在西廠也氣
焰烜赫出沒如鬼神一日有校士突入兵部郎中楊仕
偉家收縛仕偉拷掠及其妻屬衆莫敢聞音其鄰也登
墉呵之曰爾何人敢爾不畏國法其人曰爾何人敢爾
不畏西廠曰爾欲知我乎翰林侍講陳音也聞者為之
縮頸劉瑾煽虐時諸翰林多不為之屈掌院者久不遷
欽定四庫全書 翰林記 卷十九 六
時有一青學之謠已而焦芳輩比瑾加擠排於是官尊
者左遷南京講讀而下皆外補一時氣節殷殷有聞者
最多不能悉記云
顯晦有時
可齋雜記云天順元年徐李被黜負權寵者語人曰我
欲薦彭時入閣因未與相識故未果其人傳言曰可往
一見之彼必喜予對曰素不慣往見人有相愛者曰今
人持重賂求見且不可得子徒手一見何傷予曰承厚



愛然決不能往去年當諸公合謀時有邊司歷者三次來家邀予避不敢見蕭郎中聰又謂予曰彼是有力者使來進用之機在此今不見後將有悔予曰我本無他望何悔之有及入內閣之命下始知顯晦自有時決非人謀所能與也時之自記如此所謂持重賂者當時士風蓋可想見

禍福有命

洪武壬午內難平翰林尹昌隆名在奸黨見太宗叩首

欽定四庫全書

翰林記
卷十九

七

曰臣嘗上書建文謂宜避位上得其藁釋之後坐事下獄死太宗一日於宮中持建文時羣臣所上封事千餘通覽一二有干犯者命侍讀解縉等編閱關係軍馬錢糧數目則留餘干犯者悉焚之既而從容問縉等曰爾等宜皆有之衆稽首未對修撰李貴進曰臣實無之上曰爾以獨無為美耶食其祿思任其事當國家危急之際在近侍獨無一言可乎朕非惡夫盡心於建文者但惡導誘建文壞祖法亂政紀耳爾等前日事彼則忠於

彼今日事朕則忠於朕正不必曲自遮蔽也後貫亦以罪死嗚呼貫與昌隆之死視黃觀王叔英之死果何如也禍福之來非人所能趨避者君子亦惟行義以順命而已

同寮交誼

華盛云正統間名臣稱三楊二王文貞為西楊文敏為東楊蓋以姓同因居第以別之文貞因出江西而文定郡望每書南既乃因以南楊號文定焉東王則抑庵西

欽定四庫全書

翰林記
卷十九

八

王則泉坡蓋亦然也文貞文定最交厚嘗曰交之久知之深者余兩人庶幾可無愧也文定撰文貞神道碑則曰溥自出仕與公交游在館閣議事彼此不能無可否退而歡如也抑庵自內閣為禮部侍郎出文貞意文敏蓋嘗甚惜之然抑庵為文貞作本傳極其稱揚又曰山東叅政孫子良與同年庶吉士楊相交游極厚相為主事坐谷府累卒子良懼不敢往弔由是為東里楊公所薄右都御史耿九疇初以石氏事補外繼而及其子檢



討裕門外邇者猶紛紛未已裕治裝間謝絕親友非至親亦無敢入門者而惟孫狀元賢日一至焉裕以彼此無益謝之則曰誰無朋友噫此所以為狀元也與又曰劉詹事鉉居家忽報云高先生使人來言有保薦矣劉不怡者終日曰爾自保薦何與我事高世用亦為是邪蓋高與劉最厚以有旨即當入謝欲劉知之蓋出無心而其言如此則其為人可知已觀於此數事前輩同寮交誼皆可師法

欽定四庫全書

翰林記
卷十九

九

師生執禮

座主之義自有科舉以來有之蓋凡出於其門者或登堂而拜或分屏而坐有不同於塗之人者既其甚也乃至於徇私忘公故宋之初嘗革其弊蓋亦矯枉而過直者國朝設科目士子禮座主如師所謂士仲於知己者亦禮當然也大學士楊溥鄉試為首選時胡儼與文衡批所刊文曰立玉階三寸地必能為董子之正言而不效公孫弘之阿曲人以儼為知人後儼為祭酒溥已在

貽書規誡

禁垣位益高終身執門生禮儼亦不辭人兩高之洪武末侍講方希直被召時修撰王叔英與之書畧曰天下之事固有行於古而亦可行於今者亦有行於古而難行於今者如夏時周冕之類此行於古而亦可行於今者也如井田封建之類可行於古而難行於今者也可行者行之則人之從之也易難行者而決行之則人之從之也難從之易則民樂其利從之難則民受其患此君子之用世所貴乎得時措之宜也意蓋諷希直之泥古及希直用事頗宗周禮於是政事不能無更變或謂廢北方學校以行井田實出希直叔英言益驗正統初君臣之情過隔不通靜慈母后名號未正之類議者責有所歸及至土木之變尚書王直在朝為元寮學士周叙貽書有曰吾吉安賢才輩出為世道重者叙於永樂宣德間嘗仰東里先生然迹其舉措究其底裡士大夫公論不能掩也今日處大事濟大艱在於用君子

欽定四庫全書

翰林記
卷十九

十

遠小人而已蓋小人易進難退君子未有不為所擠者
今某公某公皆君子也同朝者宜傾竭倚注之其在遠
在家者宜即日駢召以來之凡內外防微之政宜與三
四君子因人所建白不動聲色以漸處之可也得非謹
始執要之一幾邪蓋三楊輔政之初一幾也不深思熟
慮身任其責惟陽斂陰施掩人耳目雖曰自保其實誤
國故致今歲七月禍此時先生與諸君子輔政之初又
一幾也宜鑒覆轍為宗社生靈永遠之謀開天下後世
欽定四庫全書
翰林記
卷十九
十一
太平之治失今不圖恐異日噬臍之悔莫及矣叙所謂
遠謀蓋即其建言謹微漸數事也後亦不能用景泰初
奉迎上皇不如禮貽書責內閣者乃出一武弁陳循輩
力主易儲館閣相視莫敢言嗚呼受善言盡忠告信亦
難事哉語曰臣能受諫則可以諫君矣此之謂也

門第

館閣中門第最盛者曾鶴齡舉進士第一其子蒙簡舉
進士二甲第一蒙簡子追舉進士第二三世皆傳臚大

學士謝遷以解元及第第一丕亦以解元及第第三會
試皆為魁倫文叙以會元及第第一子以訓亦以會元
及第第二其科目尤顯洪武中唐肅子愚士永樂中儀
智子銘裴璉子綸正統以後商輅子良臣倪謙子岳揚
鼎子時暢父子皆官翰林今大學士楊廷和子慎為狀
元尤東閣郎君之僅見者兄弟官翰林者永樂中有王
汝玉王璉周述周孟簡及沈度沈紱天順成化間楊守
陳守陞弘治正德間則汪俊偉也今大學士費宏從
弟案從子懋中皆官翰林若大學士彭時彭華於編修
璠為從子時以狀元華以會元先後入閣世有大小彭
之目雖為疎遠從兄弟然亦衣冠盛事云

文運

國初學士宋濂太史令劉基待制王禕皆以文章冠天
下三人者浙產也同時者有胡翰蘇伯衡張孟兼之屬
後進有方希直王叔英之屬又皆浙產也濂子璉基子
璉璉子紳亦皆能文章然皆不由科目丘濬曰國朝文



運盛於江西開國之四年策士以文即得倫魁於金谿又十餘年始定今制會試天下士衰然舉首者分宜人也永樂甲申選庶吉士讀書中秘以應二十八宿其中十二人出江西而官翰林者七人宣德甲寅合丁未庚戌癸丑三科選之亦如甲申之數出江西者七人留翰林者四人奉勅教之者前則吉水解公大紳後則西昌王公行儉是又皆江西人也蓋當時有翰林多吉安之謠首甲三人或純出江西者凡數科間亦有連出福建欽定四庫全書

翰林記
卷十九
十三

者士論或以為楊士奇榮互相植黨豈其然耶士奇嘗曰宣德五年春翰林進兩朝實錄賜宴賚既勅吏部進纂修以下官侍講余學夔不俟吏部覆奏不謀於相知即入疏自陳老疾致仕上可之竟不加官而去士奇交學夔踰三十年同在京二十五年其為人明經博古負直氣侃侃遇事徑發不肯苟有阿徇是時江西士風如此不特文運之盛而已目以植黨蓋私言也

文體三變

國初劉基宋濂在館閣文字以韓柳歐蘇為宗與方希直皆稱名家永樂中楊士奇獨宗歐陽修而氣馥或不及一時翕然從之至於李東陽程敏政為盛成化中學士王鏊以左傳體裁倡弘治末年修撰康海輩以先秦兩漢倡稍有和者文體蓋至是三變矣至於詩則名家者猶罕國初詩人生勝國亂離時無仕進路一意寄情於詩多有可觀者如編修高啓蓋庶幾古作其後舉業興而詩道大廢作者皆不得已應人之求豈特少天趣而學力亦不逮矣大學士李賢嘗議欲場屋中添詩賦以求博雅之士正為此也弘治檢討陳獻章莊泉養高山林以詩鳴謂之陳莊體為世所宗李東陽極力變之至正德初有李夢陽何景明輩追跡漢魏世亦尚焉然東陽之論文精矣其言曰詩與文各有體而每病於不能相通夫文言之成章而詩又其成聲者也文章之為用貴於紀述鋪敘發揮而藻飾操縱開闔惟所欲為而必有一定之準若詩歌詠嘆流通動盪之用則存乎聲

欽定四庫全書

翰林記
卷十九
十四



而高下長短之節亦截乎其不可亂雖律之與度未始不通而規其制則判而不合及乎考得失施勸戒用于天下則各有所宜而不可偏廢古之六經易書春秋禮樂皆文也惟風雅頌則謂之詩今其為體固在也學者可以知所從事矣

例贈

本院官凡奉使給假侍親養疾致事還官賀壽暨之任南京館閣中推一人相厚者為序餘皆賦詩贈之謂之例贈嘗聞詹事劉紘賦詩贈一同官之任南京有一尊傾罷雨蕭蕭客思離情總不消之句詩成慟哭不能語忠誠之發感動左右前輩相與情每由衷如此

應酬

學士宋濂文章名世荒夷朝貢者數問安否日本得潛溪集板刻國中高句麗安南使者至購文集不啻拱璧權要及有力者苟非其人雖置金滿囊求一字不肯與縱不得已與之亦不受其餽謝日本使奉勅請文以百

欽定四庫全書

翰林記
卷十九

十五

金為獻卻不受上以為問濂對曰天朝侍從之官而受小夷金非所以崇國體也上深然之解縉為學士求文與書者日輻湊率與之無倦色或言有不當與者笑曰雨露豈擇地而施哉且人孰不可與進者二人性度不同如此胡廣不喜序人家譜以多牽合不實也楊士奇平生所叙譜幾五十餘家自昔文人序譜莫盛於此然廣自附胡銓之後世亦有譏之者矣李時勉在成均時松江士子新刊孫鼎詩義說成請序却之請之固則曰解經書自難為文六經已有傳註學者自當力求此等書吾平生不喜以其專為進取計能急學者求道之心故也吳訥集解小學書成蘇人有求序於祭酒吳節者亦却之曰思庵子鄉先生也其人達尊況予所述未能出其右吾何敢序也節乃時勉弟子也大學士丘濬文字雄渾壯麗四方來者皆至苟非其人雖以厚幣請之終却不與故世謂濬有三不可及居宅至老不易讀書至老不急拒絕權貴至老不變是也其後程李輩詩文

欽定四庫全書

翰林記
卷十九

十六



最顯然性度大類解縉云

評騭

學士楊溥與修撰張益檢討王振善相見輒出所作就二人評有所改易即樂從溥亦善改人文字陳循當筆撰祭文溥欲有所易循忿然不平見於言色溥即已之正統九年春修國子監成溥奉勅撰御製碑文以重建太學為題具稿呈命范太監傳示楊士奇時士奇已臥病乃作一篇以新建廟學為題封進溥不悅執用其題

欽定四庫全書

翰林記
卷十九

十七

士奇具本論曰凡言重建謂已作之後又重作之廟學建自前元非國朝事今既悉撤而新之只當云新建其廟與學二事若只書建太學而不云廟於理未安請改作新建廟學為宜廷議雖譴士奇之言然已刻石無及矣溥之性度至是又與平昔不同何也豈文人爭勝自古然邪葉盛曰文字著述稱謂器物名號以至歌謠戲謔之言多有徵應亦皆有當避諱者文字如王言制策之類視草者尤不可以不慎也誤用古人爵謚文章字

義近世名人不免胡祭酒以程明道所答御史之問為御史馬狀元以余襄公為忠襄許道中詩多以壇場為擅場之類是也陳檢討繼擅文名一日見同官於碑誌叙還金事太繁曰使繼為之則十二字爾扣之則曰嘗得白金於道伺其主而還之又嘗以文示後生詫之曰吾此文何出後生應聲曰氣脉頗類下武詩繼默然知詩者近稱楊東里而好議論者或以千古葬靈輒謂靈輒非可葬也素不元不忝謂君其位而行經語非可詩也此豈所謂不知詩者非邪大抵詩文貴得朋友麗澤商量評騭以求盡善則謬誤可免繁簡適中庶可以垂世而不為徒作不然則轅輪飾而人不庸之喻豈能免邪

書銜

洪武中修撰答祿與權為人作文不書官銜上聞而切責之御製責文一篇以戒在官故前輩詩文未嘗不書銜也楊士奇曰國初循元之舊翰林有國史院院有編

欽定四庫全書

翰林記
卷十九

十八

修官階八品而無定員多或至五六十人若翰林學士待制等官兼史事則常兼修國史銜其後更名官制罷國史院不復設編修官而以修撰編修檢討專為史官隸翰林院自侍讀侍講以下為屬官官雖異然實不分職史官皆預講讀講讀官亦預史官所兼預職事不以書銜近年官翰林者多循國初之制書兼修國史甚者編修已陞為七品正員而仍書國史院編修官亦有書經筵檢討官者蓋初襲舊制故也正統以後內閣大學士多書知經筵事或同知經筵事學士而下書知制誥兼經筵官或經筵日講官又有書某書總裁副總裁者則出近時云

經學疑辯

洪武中大學士朱善最邃於經學所著有詩說解頤發明朱子之意未嘗與之辯也編修王廣經書多有疑辯然未有成書天順間侍讀學士周洪謨著疑辯錄皆取經傳中可疑者辯論之每讀書有所得欣然謂人曰進

欽定四庫全書

翰林記
卷十九

十九

我兩階不足言也及為祭酒日與太學士等正訛訂舛凡數百條梓行於時益多有與先儒異者近世儒臣未有主兩京教者有之自洪謨始抗顏師席論難經學得失獨與諸儒異者亦自洪謨始也成化初學士楊守陳所著三禮周易尚書詩孝經大學中庸論孟私抄凡數百卷雖經文亦多以己意更置次第之自謂正其錯簡定其章句擇諸家傳註而傳以私見雖大儒之說不苟從豈惟是也雖昔人所遵以為出於孔子刪述者亦不盡從矣蓋又不特疑辯而已

真草篆隸

國初令能書之士專隸中書科授以中書舍人永樂二年始詔吏部簡士之能書者儲翰林給廩祿使進其能用諸內閣辦文書然一時翰林善書者有解縉之真行草胡廣之行草滕用亨之篆八分沈度王汝玉梁潛之真楊文定之行皆知名當世而三楊用事各舉所知以相角勝楊士奇薦長樂陳登以浮梁縣丞選入翰林時

欽定四庫全書

翰林記
卷十九

二十



滕用亨工篆籀自視天下無愈已者且恃春秋高輕後進往往折屈之稠人廣坐中登初至謹默謙下用亨連三日折之文淵閣六卿大臣皆在旁眎不可耐登怡然從容就用亨語其戾許慎者十數事相辯難登道許氏說娓娓皆用亨素所忽者用亨乃始默默斂鋒鏑不復自矜大聲譽遂起時王尹實者篆書擅名海內至考據精博亦推讓登焉蓋自水樂以後能書之士皆隸內閣制勅兩房而中書科視事者與所謂習字秀才之屬大率徒有其名爾正統中程南雲以篆隸顯官至太常卿自是兩房書辦中書舍人加部屬寺正等官有至二品者正德末周惠疇拜尚書大見寵幸然實不能書也

欽定四庫全書

翰林記
卷十九

翰林記卷十九

欽定四庫全書

翰林記卷二十

明 黃佐 撰

館閣題詠

太宗朝內閣七人者在館閣相與倡和有直閣即事諸詩侍講胡儼嘗有句云清曉朝回秘閣中坐看宮樹露華濃綠窻朱戶圖書滿人在蓬萊第一峯楊溥直弘文閣詩曰千載絲綸屬翰林西清瑣闥畫沈沈地嚴徒有交游念恩篤難忘犬馬心玉漏聲高三殿近彤庭日轉八磚陰幾回欲寫封章進只恐迂疎論未深時長史金寔召入西掖纂述以脩顧問和溥韻曰自昔聲華藹禁林幾年出處嘆浮沈漢文未許馮唐老鮑叔應知管仲心賜食每當瓊署曉退朝長傍落花陰眼中親舊無多在白髮相看意轉深餘各見所著集今不能廣採也

公署題詠

公署題詠多不可考惟正統中公署落成時本院諸同官有志喜詩歌學士楊溥詩曰都邑羣工和會日朝家

欽定四庫全書

翰林記
卷二十



三殿慶成時經營翰苑勞宸慮珍重斯文職論思畫棟雲飛翔鳳閣玉河冰出濯龍池精勤喜有賢中貴冰雪情懷擢栢姿

國史硯

宋濂修國史時遂以官名其硯勒銘于陰曰誕敷帝制宣人文赤光如虹燭乾坤後千百年傳愈新

劉井

劉井學士劉定之所浚在公署後堂之左

欽定四庫全書

翰林記
卷二十

柯亭

柯亭學士柯潛捐俸所建在公署後堂之右前後二間凡八楹

院中竹

學士黃淮有憶院中竹寄楊士奇學士詩曰一別詞垣數月餘娟娟脩竹近何如夢回還想林間醉詩就誰從節下書翠色疑烟春院寂清陰籠月夜窻虛料得同袍能愛護平安莫遣信音疎今公署無竹蓋南京舊院也

學士栢

公署後堂有二栢亦柯潛所種潛教庶吉士時李東陽承詔受業及東陽復教庶吉士出學士栢為題汪俊有一日百匝行樹底之句悵然感之因行為一篇曰我行樹陰日千匝雨葉風枝自蕭颯惟有諸生識我情旁人不解空嘲狎我見先生種樹年我身尚短樹及肩枝蟠江山地可縮手斡造化天無權瓊臺翠閣何森爽院柳庭花敢爭長庇蔭長留六月陰盤迴直與孤雲上材堪五鳳難為用根到九泉終不枉零落青袍幾故人瑯琚玉佩空遺響當時院長文安公柯亭劉井相西東百年遺愛豈獨此此樹欲比人中龍栢猶如此我何似已愧斑白非兒童名收橡栢有先後壽比金石無終窮下堂再拜想顏色仰面正拂長髯風於是倡和成卷以遺潛之子使藏焉蓋潛能汲引後進令人不忘如此

賞花倡和

景泰中內閣賞芍藥賦黃字韻詩本院官皆和之有玉

欽定四庫全書

翰林記
卷二十

三



堂賞花集盛行於時成化末少傅徐溥在內閣賞芍藥賦吟靡二韻次年又有詩二韻本院官亦皆和之正德中大學士梁儲楊一清賞芍藥倡和則用東冬清青為韻人各四首云按宣德八年十一月本院諸寮有文淵閣賞雪詩蓋詞林紀事多有題詠不特賞花而已

節會倡和

永樂七年中秋之夕學士胡廣合同院之士會于北京城南公宇之後酒酣分韻賦詩成卷學士王景為之序

欽定四庫全書

翰林記
卷二十

四

此節會倡和之始也天順甲申庶吉士同館者修撰羅璟輩為同年讌會定春會元宵上巳夏會端午秋會中秋重陽冬會長至叙會以齒每會必賦詩成卷上會者序之以藏于家非不得已而不赴會與詩不成者俱有罰有宴集文會錄行于時

聚奎堂宴集

大學士楊榮家于長安東門之內宣德三年三月學士楊溥掌院事率寮友迎首甲馬愉等三人宴其中楊士

奇因名其堂曰聚奎為文以識之眾皆賦詩自是遂為例不知何時此禮遂廢然館閣相與宴集猶謂之聚奎宴蓋自此始也

杏園雅集

正統二年三月館閣諸人過楊榮所居杏園燕集賦詩成卷楊士奇序之且繪為圖題曰杏林雅集預者三楊二王錢習禮李時勉周述陳循與錦衣千戶謝庭循也榮復題其後人藏一本亦洛社之餘韻云

欽定四庫全書

翰林記
卷二十

五

瀛洲雅會

弘治中南京吏部尚書倪岳吏部侍郎楊守阯戶部侍郎鄭紀禮部侍郎董越祭酒劉震學士馬廷用皆發身翰林者相與醵飲倡為瀛洲雅會會必序齒正德二年七月吏部尚書王華侍郎黃珣禮部尚書劉忠侍郎馬廷用戶部尚書楊廷和祭酒王敕司業羅欽順學士石琚太常少卿羅玘復繼之皆倡和成卷以梓行于時

翰林記卷二十

